

十八家詩鈔

足本曾文正公全集

乙亥二月

杜就田署



號三四一第家麥海上

東方書局發行

必師生
文字指正

謝葦豐著

全書一冊·定價二元五角

我國文學，應用最美，而認識亦最難，非加以深刻之研究，往往錯誤百出，似是而非。本局有鑒於此，特請小學專家編成是書，於辨聲，辨形，辨義，辨詞，分析毫芒，且每字下，加以辨證，例證，一覽便明，學者得此，時時翻閱，不僅下筆無魯魚亥豕之失，兼可收修辭之助焉。

十八家詩鈔 總目

卷一

曹子建五古五十五首

阮嗣宗五古八十二首

卷二

陶淵明五古百十四首

謝康樂五古六十五首

卷三

鮑明遠五古百三十一首

謝元暉五古百十八首

卷四

李太白五古上二百九首

卷五

李太白五古中百五十三首

卷六

李太白五古下百九十八首

卷七

杜工部五古上百六十八首

卷八

杜工部五古下九十五首

卷九

韓昌黎五古百四十二首

卷十

李太白七古百五十七首

卷十一

杜工部七古百四十六首

卷十二

韓昌黎七古七十八首

白香山七古上五十首

卷十三

白香山七古下六十四首

蘇東坡七古上七十四首

卷十四

十八家詩 總目

蘇東坡七古中百三十四首

卷十五

蘇東坡七古下百二十首

卷十六

黃山谷七古百六十五首

卷十七

王右丞五律百四首

孟襄陽五律百三十八首

李太白五律百首

卷十八

杜工部五律上二百九十七首

卷十九

杜工部五律下三百四首

卷二十

杜工部七律百五十首

李義山七律百十七首

杜牧之七律五十五首

卷二十一

蘇東坡七律上二百五十八首

卷二十二

蘇東坡七律下二百八十二首

卷二十三

黃山谷七律二百八十六首

卷二十四

陸放翁七律上三百六十二首

卷二十五

陸放翁七律下百九十二首

元遺山七律百六十二首

卷二十六

李太白七絕七十九首

杜工部七絕百五首

蘇東坡七絕上二百三首

卷二十七

蘇東坡七絕下二百三十五首

陸放翁七絕上七十首

卷二十八

陸放翁七絕下四百八十二首

都古近體詩六千五百九十九首

十八家詩鈔 上冊目錄〔卷一至卷九〕

卷一

曹子建五古五十五首

蔡模引

蘿露行

惟漢行

鰕鮒篇

吁嗟篇

豫章行二首

蒲生行浮萍篇

野田黃雀行

門有萬里客

泰山梁甫行

怨歌行

名都篇

當欲遊南山行

美女篇

白馬篇

升天行二首

五遊篇

遠遊篇

仙人篇

鬪雞篇

盤石篇

驅車篇

種葛篇

棄婦篇

公讌詩

贈徐幹

贈丁儀

贈王粲

又贈丁儀王粲

贈丁翼

贈白馬王彪七首

送應氏詩二首

三良詩

遊仙詩

雜詩六首

閨情

七哀詩

情詩

喜雨詩

七步詩

失題

阮嗣宗五古八十二首

詠懷八十二首

卷二

陶淵明五古一百十四首

形影神三首

九日閒居

歸園田居五首

遊斜川

示周續之祖企謝景夷三郎

十八家詩鈔

上冊目錄

乞食

諸人共遊周家墓松下

怨詩楚調示龐主簿鄧治中

答龐參軍

五月旦作和戴主簿

連雨獨飲

移居二首

和劉柴桑

酬劉柴桑

和郭主簿二首

於王撫軍座送客

與殷晉安別

贈羊長史

歲暮和張常侍

和胡西曹示顧賊曹

悲從弟仲德

始作鎮軍參軍經曲阿

庚子歲五月中從都還阻風於規林二首

辛丑歲七月赴假還江陵夜行塗口

癸卯歲始春懷古田舍二首

癸卯歲十二月中作與從弟敬遠

乙巳歲三月爲建威參軍使都經錢溪
還舊居

戊申歲六月中遇火

己酉歲九月九日

庚戌歲九月中於西田穫早稻

丙辰歲八月中於下潁田舍穫

責子

有會而作

蜡日

飲酒二十首

止酒

述酒

擬古九首

雜詩十二首

詠貧士七首

詠二疏

詠三良

詠荆軻

讀山海經十三首

擬挽歌辭三首

桃花源首

謝康樂五古六十五首

述祖德詩二首

九日從宋公戲馬臺集送孔令

從遊京口北固應詔

永初三年七月十六日之郡初發都

鄰里相送至於方山

過始寧墅

富春渚

七里瀨

晚出西射堂

登池上樓

遊南亭

遊赤石進帆海

登江中孤嶼

登永嘉綠嶂山詩

郡東山望溟海詩

遊嶺門山詩

石室山詩

登上戍石鼓山詩

行田登海口盤嶼山

白石巖下逕行田

齋中讀書

命學士講書

種桑詩

初去郡

田南樹園激流植援

石壁精舍還湖中作

登石門最高頂

石門新營所住四面高出迴溪石瀨茂林

修竹

於南山往北山經湖中瞻眺

從斤竹澗越嶺溪行

過白岸亭詩

夜宿石門詩

南樓中望所遲客

廬陵王墓下作

還舊園作見顏范二中書

酬從弟惠連五首

登臨海嶠初發疆中作與從弟惠連可見

羊何其和之四首

初發石首城

入東道路詩

道路憶山中

入彭蠡湖口

入華子岡是麻源第三谷

登歸瀨三瀑布望兩溪

初往新安桐廬口

擬魏太子鄴中集詩八首

石壁立招提精舍

過瞿溪山僧

七夕詠牛女

彭城宮中直感歲暮

會吟行

卷三

鮑明遠五古一百三十一首

採桑

代蒿里行

代挽歌

代東門行

代放歌行

代陳思王京洛篇二首

代門有車馬客行

代權歌行

代白頭吟

代東武吟

代別鶴操

代出自薊北門行

代陸平原君子有所思行

代悲哉行

代陳思王白馬篇

代昇天行

松柏篇

代苦熱行

代朗月行

代堂上歌行

代結客少年場行

扶風歌

代少年時至衰老行

代陽春登荆山行

代貧賤苦愁行

代邊居行

代邙街行

蕭史曲

侍宴覆舟山二首

十八家詩鈔

上冊目錄

十八家詩鈔

上冊目錄

從拜陵登京峴

蒜山被始興王命作

登廬山

從廬山望石門

從登香爐峯

從庾中郎遊園山石室

登翻車峴

登黃鶴磯

登雲陽九里埭

自礪山東望震澤

三日遊南苑

贈故馬子喬六首

答客

和王丞

日落望江贈荀丞

秋日示休上人

答休上人

吳興黃浦亭庾中郎作

與伍侍郎別

送別王宣城

送從弟道秀別

贈傅都曹別

和傅大農與僚故別

送盛侍郎餞候亭

與荀中書別

從過舊宮

從臨海王上荆初發新渚

還都道中三首

上潯陽還都道中

還都至三山望石頭城

還都口號

行京口至竹里

發後渚

岐陽守風

發長松遇雪

詠史

蜀四賢詠

擬古八首

紹古辭七首

學古

古辭

擬青青陵上柏

學劉公幹體五首

擬阮公夜中不能寐

學陶彭澤體

白雲

臨川王服竟還田里

行藥至城東橋

園中秋散

觀圃人藝植

遇銅山掘黃精

見賣玉器者

懷遠人

夢歸鄉

春羈

歲暮悲

在江陵歎年傷老

夜聽妓

既月城西門廡中

喜雨

苦雨

詠白雪

三日

詠秋

秋夕

秋夜二首

和王護軍秋夕

和王義興七夕

冬至

冬日

望水

望孤石

山行見孤桐

詠雙燕二首

謝元暉五古一百十八首

隋王鼓吹曲十首

江上曲

蒲生行

詠邯鄲才人嫁爲廝養卒婦

鼓吹曲二首同沈右率諸公賦

秋竹曲

曲池水

銅爵臺同謝諮議賦

遊山

遊敬亭山

將遊湘水尋句溪

贈東田

答王世子

答張齊興

暫使下都夜發新林至京邑贈西府同僚

酬晉安王德元

郡內高齋聞望答呂法曹

在郡臥病呈沈尚書

別王丞僧孺

同羈夜集

新亭渚別范零陵雲

忝役湘州與宣城吏民別

懷故人

始之宣城郡

之宣城郡出新林浦向板橋

休沐重還丹陽道中

京路夜發

晚登三山還望京邑

始出尚書省

直中書省

觀鶴雨

宣城郡內登望

冬日晚郡事隙

高齋視事

冬緒羈懷示蕭諮議盧田曹劉江二常侍

落日悵望

賽敬亭山廟喜雨

賦貧民田

移病還園示親屬

治宅

秋夜講解

春思

秋夜

和何議曹郊遊二首

和劉西曹望海臺

和宋記室省中

和王著作融八公山

和伏武昌登孫權故城

夏始和劉孱陵

新治北廳和何從事

和王主簿哲怨情

十八家詩鈔

上冊目錄

和徐都曹出新亭渚

和劉中書

贈王主簿二首

和蕭中庶直石頭

奉和竟陵王同沈右率過劉先生墓

和王長史臥病

和江丞孝嗣北戌琅邪城

和沈祭酒行園

奉和隋王殿下十六首

和紀參軍服散得盆

和王中丞聞琴

將發石頭上烽火樓

望三湖

送江水曹還遠館

送江兵曹檀主簿朱孝廉還上國

臨溪送別

後齋迴望

與江水曹至千濱戲

答沈右率諸君餞別

離夜同江丞王常侍作

祀敬亭山廟

出下館

落日同何儀曹照

夜聽妓二首

詠薔薇

詠蒲

詠兔絲

遊東堂詠桐

雜詠三首

同詠樂器得琴

同詠坐上玩器得烏皮隱几

同詠坐上所見一物得席

詠竹火籠

詠風

詠竹

詠落梅

詠牆北槐子

卷四

關山月

結客少年場行

長干行二首

古朗月行

上之回

獨不見

妾薄命

幽州胡馬客歌

門有車馬客行

君子有所思行

東海有勇婦

黃葛篇

白馬篇

怨歌行

塞下曲六首

塞上曲三首

玉階怨

襄陽曲四首

大隄曲

宮中行樂詞八首

鼓吹入朝曲

李太白五古上二百九首

古風五十九首

俠客行

秦女休行
秦女卷衣
東武吟
邯鄲才人嫁爲廝養卒婦
出自薊北門行
洛陽陌
北上行
短歌行
空城雀
發白馬
陌上桑
枯魚過河泣
丁都護歌
相逢行二首
千里思
樹中草
君馬黃
擬古
折楊柳
鳳凰曲
少年子

十八家詩鈔

上冊目錄

紫駟馬
少年行
豫章行
沐浴子
高句驪
靜夜思
淥水曲
鳳臺曲
從軍行二首
秋思二首
春思
子夜吳歌四首
對酒二首
估客樂
去婦詞
長歌行
南都行
玉真仙人詞
清溪行
歷陽壯士勤將軍名思齊歌
古意

贈從兄襄陽少府皓
贈張公洲革處士
淮海對雪贈傅孺
贈徐安宜
贈任城盧主簿潛
早秋贈裴十七仲城
贈范金鄉二首
贈瑕邱王少府
贈丹陽橫山周處士惟長
玉真公主別館苦雨贈衛尉鄉二首
贈韋祕書子春
贈韋侍御黃裳二贈
贈薛校書
贈何七判官昌浩
讀諸葛武侯傳書懷贈長安崔少府叔封
昆季
贈崔侍御
贈參寥子
贈饒陽張司務璣
贈清漳明府姪
贈臨洛縣令皓弟

十八家詩鈔

上册目錄

鄴中贈王大勳入高鳳石門山幽居

贈盧徵君昆弟

贈新平少年

贈崔侍御

贈嵩山焦鍊師

秋日鍊藥院鑷白髮贈元六兄林宗

書情贈蔡舍人雄

憶襄陽舊遊贈濟陰馬少府巨

訪道安陵遇蓋寰爲予造真籙臨別留贈

贈郎中崔宗之

贈崔諮議

贈別從甥高五

贈裴司馬

敘舊贈江陽宰陸調

贈從孫義興宰銘

草創大還贈柳官迪

贈崔司戶文昆季

贈溧陽宋少府陟

戲贈鄭溧陽

贈僧崖公

遊溧陽北湖亭望瓦屋山懷古贈同旅

贈秋浦柳少府

宿清溪主人

贈王判官時余歸隱居廬山屏風疊

在水軍宴贈幕府侍御

贈武十七諤

贈張相鎬二首

贈閻邱宿松

獄中上崔相渙

繫尋陽上崔相渙二首

贈劉都使

贈常侍御

贈易秀才

經亂離後天恩流夜郎憶舊遊書懷贈江

夏韋太守良宰

江夏使君叔席上贈史郎中

流夜郎半道承恩放還兼欣剋復之美書

懷息秀才

卷四

李太白五古中百五十三首

博平鄭太守自廬山千里相尋入江夏北

市門見謗卻之武陵立馬贈別

贈王漢陽

贈別舍人弟臺卿之江南

贈廬山僧

醉後贈王歷陽

贈歷陽褚司馬時此公爲睢子舞

贈宣城宇文太守兼呈崔侍御

贈宣城趙太守悅

贈從弟宣州長史昭

書懷贈南陵常贊府

於五松山贈南陵常贊府

自梁園至敬亭山見會公談陵陽山水兼

期同遊因有此贈

贈友人三首

陳情贈友人

贈從弟冽

贈閻邱處士

贈宣州靈源寺沖澹公

贈僧朝美

贈僧行融

贈黃山胡公求白驪

登敬亭山南望懷古贈竇主簿

經亂後將避地剡中留贈崔宣

獻從叔當塗宰陽冰

安陸白兆山桃花巖寄劉侍御綰

淮南臥病書懷寄蜀中趙徵君蕤

寄弄月溪吳山人

秋山寄衛尉張卿及王徵君

望終南山寄紫閣隱者

夕霽杜陵登樓寄韋繇

秋夜宿龍門香山寺奉寄王方城十七丈

奉國登上人從弟幼成令問

聞丹邱子於城北山營石門幽居中有高

鳳遺跡僕離羣遠懷亦有棲遁之志因

敘舊以寄之

淮陰書懷寄王宗成

月夜江行寄崔員外宗之

宿白鷺洲寄楊江寧

新林浦阻風寄友人

北山獨酌寄韋六

寄東魯二禪子

獨酌青溪江石上寄權昭夷

禪房懷友人岑倫南遊羅浮兼泛桂海自

春徂秋不返僕旅江外書情寄之

下尋陽城汎彭蠡寄黃判官

書情寄從弟邠州長史昭

寄上吳王三首

流夜郎永華寺寄尋陽羣官

流夜至郎西塞驛寄裴隱

江夏寄漢陽輔錄事

江上寄元六林宗

宣城九日聞崔四侍御與宇文太守遊敬

亭余時登鸞山不同此賞醉後寄崔侍

御二首

涇溪南藍山下有落星潭可以卜築余泊

舟石上寄何判官昌浩

早過漆林渡寄萬巨

遊敬亭寄崔侍御

自金陵泝流過白璧山旣月達天門寄句

容王主簿

秋日魯郡堯祠亭上宴別杜補闕范侍御

留別魯頌

留別曹南羣官之江南

留別王司馬嵩

還山留別金門知己

魏郡別蘇少府因北游

留別西河劉少府

潁陽別元丹邱之淮陽

留別廣陵諸公

感時留別從兄徐王延年從弟延陵

留別金陵諸公

金陵白下亭留別

竄夜郎於烏江留別宗十六瓊

將遊衡岳過漢陽雙松亭留別族弟浮屠

談皓

留別賈舍人至二首

聞李太尉大舉秦兵百萬出征東南儒夫

請纓冀申一割之用半道病還留別金

陵崔侍御十九韻

別韋少府

贈別王山人歸布山

送王屋山人魏萬還王屋

送當塗趙少府赴長蘆

送友人遊梅湖

十八家詩鈔

上冊目錄

送崔十二遊天竺寺

送松山人歸天台

送溫處士歸黃山白鶴峯舊居

送方士趙叟之東平

送韓準裴政孔巢父還山

送楊少府赴選

魯郡堯祠送吳五之琅琊

金鄉送韋八之西京

送薛九被讒去魯

送族弟宴至晏瑀單父三十里

魯城北郭曲腰桑下送張子還嵩陽

送魯郡劉長史遷宏農長史

送族弟單父主簿凝攝宋城主簿至郭南

月橋卻迴棲霞山留飲贈之

魯郡堯祠送張十四遊河北

送張遙之壽陽幕府

送裴十八圖南歸嵩山二首

送于十八應四子舉落第還嵩山

送梁公昌從信安王北征

送張秀才從軍

送崔度還吳度故人禮部員外國輔之子

送侯十一

魯中送二從弟赴舉之西京

送紀秀才遊越

送楊燕之東魯

送蔡山人

送殷淑三首

送岑徵君歸鳴皋山

送范山人歸太山

送張秀才謁高中丞

尋陽送弟昌峒鄱陽司馬作

餞校書叔雲

洞庭醉後送絳州呂使君杲流澧州

送趙判官赴黔府中丞叔幕

送祁昂謫巴中

送二季之江東

江西送友人羅浮

宣城送劉副使入秦

涇川送族弟錡

五松山送殷淑

送崔氏昆季之金陵

登黃山凌歊臺送族弟溧陽尉濟充汎舟

赴華陰

酬談少府

五月東魯行答汶上翁

答長安崔少府叔封遊終南翠微寺太宗

皇帝金沙泉見寄

酬崔五郎中

以詩代書答元丹邱

金門答蘇秀才

酬坊州王司馬與閣正字對雪見贈

酬張卿夜宿南陵見贈

酬岑勛見尋就元丹邱對酒相待以詩見

招

答從弟幼成過西園見贈

酬王補闕惠翼莊廟宋丞泚贈別

酬裴侍御對雨感時見贈

阮月金陵城西孫楚酒樓達曙歌吹日晚

乘醉著紫綺裘烏紗巾與酒客數人棹

歌秦淮往石頭訪崔四侍御

江上答崔宣城

答族姪僧中孚贈玉泉仙人掌茶

酬裴侍御留岫師彈琴見寄

張相公出鎮荊州尋除太子詹事余時流

夜郎行至江夏與張公相去千里公因

太府丞王昔使車寄羅衣二事及五月

五日贈余詩答以此詩

答裴侍御先行至石頭驛以書見招期月

滿汎洞庭

答高山人兼呈權顧二侯

至陵陽山登天柱石酬韓侍御見招隱黃

山

酬崔十五見招

遊南陽白水登石激作

遊南陽清冷泉

尋魯城北范居士失道落蒼耳中見范置

酒摘蒼耳作

秋獵孟諸夜歸置酒單父東樓觀妓

遊太山六首

與從姪杭州刺史良遊天竺寺

卷六

李太白五古下百九十八首

同友人舟行遊台越作

下終南山過斛斯山人宿置酒

朝下過盧郎中敍舊遊

邯鄲南亭觀妓

春陪商州裴使君遊石娥溪

春日陪楊江寧及諸官宴北湖感古作

宴鄆參卿山池

遊謝氏山亭

金陵鳳凰臺置酒

秋浦清溪雪夜對酒客有唱鷓鴣者

與周剛青溪玉鏡潭宴別

遊秋浦白筍陂二首

汎沔州城南郎官湖

夜汎洞庭尋裴侍御清酌

與南陵常贊府遊五松山

宣城清溪

遊水西簡鄭明府

九日登山

九日

陪族叔當塗宰遊化城寺升公清風亭

登錦城散花樓

登峨眉山

大庭庫

登單父陶少府半月臺

天台曉望

早望海霞邊

焦山香望松寥山

登太白峯

登邯鄲洪波臺置酒觀發兵

登廣武古戰場懷古

登金陵冶城西北謝安墩

登梅岡望金陵贈族姪高座寺僧中孚

望廬山瀑布二首

江上望皖公山

望黃鶴山

九日登巴陵置酒望洞庭水軍

秋登巴陵望洞庭

登巴陵開元寺西閣贈衡嶽僧方外

金陵望漢江

登敬亭北二小山余時客逢崔侍御並登

此地

安州應城玉女湯作

之廣陵宿常二南郭幽居

十八家詩鈔

上册目錄

郢門秋懷

荆門浮舟望蜀江

上三峽

自巴東舟行經瞿塘峽登巫山最高峯晚

還題壁

江時寄遠

下涇縣陵陽溪至澧灘

下陵陽沿高溪三門六刺灘

宿鰲湖

西施

王右軍

上元夫人

商山四皓

自廣平乘醉走馬六十里至邯鄲登城樓

覽古書懷

蘇武

經下邳圯橋懷張子房

秋夜板橋浦汎月獨酌懷謝朓

金陵新亭

過彭蠡湖

望鸚武洲悲爾衡

宿巫山下

金陵白楊十字巷

經南陵題五松山

姑熟十詠

與元丹邱方城寺談玄作

尋高鳳石門山中元丹邱

安州般若寺水閣納涼喜遇薛員外又

月下獨酌四首

春歸終南山松龍舊隱

冬夜醉宿龍門覺起言志

尋山僧不遇作

過汪氏別業二首

待酒不至

獨酌

友人會宿

春行獨酌二首

金陵江上遇蓬池隱者

日夕山中忽然有懷

春日醉起言志

廬山東林寺夜懷

對酒

嘲王歷陽不肯飲酒

憶崔郎中宗之遊南陽遺吾孔子琴撫之

潛然感舊

望月有懷

春滯沅湘有懷山中

落日憶山中

憶秋浦桃花舊遊時竄夜郎

越中秋懷

效古二首

感遇二首

擬古十二首

感興八首

寓言三首

秋夕旅懷

感遇四首

翰林讀書言懷呈集賢院內諸學士

尋陽紫極宮感秋作

江上秋懷

秋夕書懷

避地司空原言懷

南奔書懷

荆州賦亂臨洞庭言懷作

覽鏡書懷

江南春懷

魯東門觀刈蒲

詠鄰女東臆海石榴

南軒公

求崔山人百丈崖瀑布圖

見野草中有名白頭翁者

磬禪師房觀山海圖

詠桂二首

宣城長史弟昭贈余琴溪中雙舞鶴詩以

見志

題隨州紫陽先生壁

題元丹邱山居

題元丹邱潁陽山居

題瓜洲新河饒族叔舍人賁

洗腳亭

題金陵王處士水亭

題嵩山逸人元丹邱山居

嘲魯儒

僮說

平虜將軍妻

嵩山采葛蒲者

金陵聽韓侍御吹笛

白田馬上聞鶯

雜詩

寄遠十二首

代贈遠

閨情

代別情人

代秋情

湖邊采蓮婦

學古思邊

折荷有贈

秋浦寄內

自代內贈

秋浦感主人歸鷹寄內

送內尋廬山女道士李騰空二首

在尋陽非所寄內

自溧水道哭王炎三首

卷七

杜工部五古上百六十八首

奉贈韋左丞丈二十二韻

送高三十五書記

贈李白

遊龍門奉先寺

望嶽

陪李北海宴歷下亭

贈衛八處士

苦雨奉寄隴西公兼呈王徵士

同諸公登慈恩寺塔

示從孫濟

九日寄岑參

羨陂西南臺

戲簡鄭廣文兼呈蘇司業

夏日李公見訪

同郭給事湯東靈湫作

夜聽許十損誦詩愛而有作

自京赴奉先縣詠懷五百字

白水縣崔少府十九翁高齋三十韻

三川觀水漲二十韻

大雲寺贊公房四首

十八家詩鈔

上册目錄

晦日尋崔戢李封

雨過蘇端

喜晴

送率府程錄事還鄉

述懷

送長孫九侍御赴武威判官

送樊二十三侍御赴漢中判官

送從弟亞赴西安判官

送韋十六評事充同谷郡防禦判官

墨蘆子

彭衙行

北征

得舍弟消息

玉華宮

九成宮

瓦村三首

送李校書二十六韻

留花門

義鷗

畫鷗行

新安吏

潼關吏

石壕吏

新昏別

垂老別

無家別

夏日歎

夏夜歎

立秋後題

貽阮隱居

遣興三首

昔遊

幽人

佳人

赤谷西崦人家

西枝村尋置草堂地夜宿贊公土室二首

寄贊上人

太平寺泉眼

夢李白二首

有懷台州鄭十八司戶

遣興五首

遺興五首

遣興五首

前出塞九首

後出塞五首

別贊上人

萬丈潭

兩當縣吳十侍御江上宅

發秦州

赤谷

鐵堂峽

鹽井

寒硤

法鏡寺

青陽峽

龍門鎮

石龕

積草嶺

泥功山

鳳凰臺

發同谷縣

木皮嶺

白沙渡

水會渡
飛仙閣
五盤
龍門閣
石櫃閣
桔柏渡
劍門
鹿頭山
成都府
贈蜀僧閻邱師兄
泛溪
病柏
病橘
枯榭
枯榭
大雨
溪漲
戲贈友二首
遭田父泥飲美嚴中丞
喜雨
述古三首

十八家詩鈔

冬到金華山觀因得故拾遺陳公學堂遺跡

陳拾遺故宅

謁文公上方

奉贈射洪李四丈

早發射洪縣南途中作

通泉驛南去通泉縣十五里山水作

過郭代公故宅

觀薛稷少保書畫壁

通泉縣署屋壁後薛少保畫鷄

陪章留後惠義寺餞嘉州岑都督赴州

將適吳楚留別章使君留後兼幕府諸公

得「柳」字

山寺

櫻拂子

寄題江外草堂

送韋諷上閬州錄事參軍

閬州東樓筵奉送十一舅往青城縣得

「昏」字

南池

贈別賀蘭鉞

上册目錄

別唐十五誠因寄禮部賈侍郎
草堂

四松

水檻

破船

營屋

除草

揚旗

太子張舍人遺織成褥段

別蔡十四著作

卷八

杜工部五古下九十五首

杜鵑

客居

客堂

石硯詩

水閣朝霽奉簡嚴雲安

贈鄭十八(賁)

三韻三首

鄭典設自施州歸

十八家詩鈔

上册目錄

柴門

貽華陽柳少府

雷

火

七月三日亭午已後較熱退晚加小涼穩

睡有詩因論壯年樂事戲呈元二十一

曹長

牽牛織女

毒熱寄簡崔評事十六弟

殿中楊監見示張旭草書圖

楊監又出畫鷹十二扇

送殿中楊監赴蜀見相公

贈李十五丈別

西閣曝日

課伐木

園人送瓜

信行遠修水筒

槐葉冷淘

行官張軍補稻畦水歸

催宗文樹雞柵

園官送菜

上後園山脚

驅豎子摘蒼耳

秋行官張望督促東渚耗稻向畢清晨遣

女奴阿稽豎子阿段往問

阻雨不得歸灑西甘林

兩三首

晚登灑上堂

又上後園山脚

雨

甘林

雨

種蒿菘

暇日小園散病將種秋菜督勒耕牛兼書

觸目

八哀詩八首

寫懷二首

往在

昔遊

壯遊

遺懷

同元使君春陵行

覽柏中允兼子姪數人除官制詞因述父

子兄弟四美載歌絲綸

聽楊氏歌

奉酬薛十二丈判官見贈

別李義

送高司直尋封閩州

贈蘇四侯

寄薛三郎中

宿青溪驛奉懷張員外十五兄（之緒）

敬寄族弟唐十八使君

北風

客從

白馬

別叢巖

送重表姪王珣評事使南海

詠懷二首

送顧八分文學適洪吉州

上水遣懷

遺遇

解憂

宿鑿石浦

早行

過津口

次空靈岸

宿花石戍

早發

次晚洲

望嶽

湘江宴饒裴二端公赴道州

奉送魏六丈(佑)少府之交廣

別張十三(建封)

奉贈李八丈判官

蘇大侍御訪江浦賦八韻紀異

題衡山縣文宣王廟新學堂呈陸宰

入衡州

舟中苦熱遣懷奉呈楊中丞通簡臺省諸

公

聶耒陽以僕阻水書致酒肉療飢荒江詩

得代懷興盡本韻至縣呈聶令

卷九

韓昌黎五古百四十二首

十八家詩鈔

上册目錄

南山詩

謝自然詩

秋懷詩十一首

赴江陵途中寄贈王二十補闕李十一拾

遺李二十六員外翰林三學士

暮行河隄上

夜歌

重雲一首李觀疾贈之

江漢一首答孟郊

長安吟遊者一首贈孟郊

岐山下二首

北極一首贈李觀

此日足可惜一首贈張籍

幽懷

君子法天運

落葉送陳羽

歸彭城

醉後

醉贈張祕書

同冠峽

送惠師

送靈師

縣齋有懷

合江亭

陪杜侍御遊湘西兩寺獨宿有題一首因

獻楊常侍

岳陽樓別寶司直

送文暢師北遊

答張徹

薦士

喜侯喜至贈張籍張徹

駕驥

出門

烽火

齷齪

洞庭湖阻風贈張十一(署)

青青水中蒲三首

孟東野失子

縣齋讀書

新竹

晚菊

落齒

十八家詩鈔

上册目錄

哭楊兵部凝陸欽州參

苦寒

崔十六少府攝伊陽以詩及書見投因酬

三十韻

送侯參謀赴河中幕

東都遇春

酬斐十六功曹巡府西驛塗中見寄

燕河南府秀才

送李翱

送石處士赴河陽幕

送湖南李正字歸

辛卯年雪

招揚之眾

送無本師歸范陽

雙鳥詩

題炭谷湫祠堂

送陸暢歸江南

送進士劉師服東歸

嘲魯連子

贈張籍

調張籍

寄皇甫湜

病中贈張十八

雜詩

寄崔二十六(立之)。

孟生詩

將歸贈孟東野房蜀客

答孟郊

從仕

送劉師服

符讀書城南

示爽

人日城南登高

病鴟

讀皇甫湜公安園池詩書其後

路傍塚

食曲河驛

過南陽

灑吏

贈別元十八協律六首

初南食貽元十八協律

宿曾江口示姪孫湘二首

答柳柳州食蝦蟆

別趙子

除官赴闕至江州寄鄂岳李大夫

南山有高樹行贈李宗閔

猛虎行

山南鄭相公樊員外酬答爲詩其末咸有

見及語樊封以示愈依賦十四韻以獻

奉和武相公鎮蜀時詠使宅韋太尉所養

孔雀

感春三首

早赴街西行香贈盧李二中舍人

晚寄張十八助教周郎博士

題張十八所居

奉和錢七兄曹長盆池所植

南內廟賀歸呈同官

朝歸

雜詩四首

讀東方朔雜事

譴瘡鬼

示兒

庭楸

瓶月喜張十八員外以玉六祕書至
和李相公攝事南郊覽物興懷呈一二知

舊

和裴僕射相公假山十一韻

與張十八同效阮步兵一日復一夕

送諸葛覺往隨州讀書

南溪始泛三首

城南聯句

會合聯句

鬪雞聯句

納涼聯句

秋雨聯句

征蜀聯句

同宿聯句

雨中寄孟荆部(幾道)聯句

遠遊聯句

晚秋郾城夜會聯句

十八家詩鈔 卷一

湘鄉曾國藩纂，合肥李鴻章審訂，東湖王定安校。
曹子建五古五十五首

蔡後引

置酒高殿上，親友從我遊。中廚辦豐膳，烹羊宰肥牛。秦爭何慷慨？齊瑟和且柔。陽阿奏奇舞，京洛出名謳。樂飲過三爵，緩帶傾庶羞。主稱千金壽，賓奉萬年酬。久要不可忘，薄終義所尤。謙謙君子德，聲折欲何求？驚風飄白日，光景馳西流。盛時不可再，百年忽我適。生存華屋處，零落歸山邱。先民誰不死？知命復何憂。

薤露行

天地無窮極，陰陽轉相因。人居一世閒，忽若風吹塵。願得展功勤，輸力於明君。懷此王佐才，慷慨獨不羣。鱗介尊神龍，走獸宗麒麟。蟲獸猶知德，何況於士人。孔氏刪詩書，王業粲已分。馳我徑寸翰，流漢垂華芬。

惟漢行

太極定二儀，清濁始以形。三光炤八極，大道甚著明。為人立君長，欲以遂其生。行仁章以瑞，變故誠驕盈。神高而聽卑，報告響應聲。明主敬細微，三季膏天經。二皇稱至化，盛哉唐虞廷。禹湯繼厥德，周亦致太平。在昔懷帝京，日昃不敢寧。濟濟在公朝，萬載馳

其名。

蝦蛆篇

蝦蛆游潢汙，不知江海流。燕雀戲藩柴，宏識鴻鵠遊。世士此誠明，大德固無儔。駕言登五嶽，然後小陵邱。俯觀上路人，勢利惟是謀。警高念皇家，遠懷柔九州。撫劍而雷音，猛氣縱橫浮。汎泊徒嗷嗷，誰知壯士憂。

吁嗟篇

吁嗟此轉蓬，居世何獨然？長去本根逝，宿夜無休閒。朶西經七陌，南北越九阡。卒遇回風起，吹我入雲間。自謂終天路，忽然下沈淵。驚飈接我出，故歸彼中田。當南而更北，謂東而反西。宕宕當何依，忽亡而復存。飄飄周八澤，連翩歷五山。流轉無恆處，誰知吾苦艱。願為中林草，秋隨野火燔。糜滅豈不痛，願與根荄連。

豫章行二首

窮達難豫圖，禍福信亦然。虞舜不逢堯，耕耘處中田。太公未遭文，漁釣終渭川。不見魯孔邱，窮困陳蔡間。周公下白屋，天下稱其賢。

鸞鴛自朋親，不若比翼連。他人雖同盟，骨肉天性然。周公穆康叔，管蔡則流言。子臧讓千乘，季札慕其賢。

蒲生行浮萍篇

浮萍寄清水，隨風東西流。結髮辭嚴親，來爲君子仇。恪勤在朝少，無端獲罪尤。在昔蒙恩惠，和樂如瑟琴。何意今摧頽，曠若商與參。榮華自有芳，不若桂與蘭。新人雖可愛，無若故所歡。行雲有反期，君恩儻中還。慊慊仰天歎，愁心將何愬。日月不恆處，人生忽若寓。悲風來人懷，淚下如垂露。發篋造裳衣，裁縫紈與素。

野田黃雀行

高樹多悲風，海水揚其波。利劍不在掌，結友何須多！不見籬間雀，見鷄自投羅。羅家得雀喜，少年見雀悲。拔劍捎羅網，黃雀得飛飛。飛飛摩蒼天，來下謝少年。

門有萬里客

門有萬里客，問君何鄉人。褰裳起從之，果得心所親。挽裳對我泣，太息前自陳。本是朔方士，今爲吳越民。行行將復行，去去適西秦。

泰山梁甫行

八方各異氣，千里殊風雨。劇哉邊海民，寄身於草野。妻子象禽獸，行止依林附。柴門何蕭條，狐兔翔我宇。

怨歌行

爲君既不易，爲臣良獨難。忠信事不顯，乃有見疑患。周公佐成王，金縢功不刊。推心輔王室，二叔反流言。待臯居東國，泣涕常流連。皇靈大動變，震雷風且寒。拔樹偃秋稼，天威不可干。素服開

金騰，感悟求其端。公曰事既顯，成王乃哀歎！吾欲竟此曲，此曲悲且長。今日樂相樂，別後莫相忘。

名都篇

名都多妖女，京洛出少年。寶劍直千金，被服麗且鮮。鬪雞東郊道，走馬長楸閒。馳騁未能半，雙兔過我前。攬弓捷鳴鏑，長驅上南山。左挽因右發，一縱兩禽連。餘巧未及展，仰手接飛鳶。觀者咸稱善，衆工歸我妍。歸來宴平樂，美酒斗十千。膾鯁騰胎蝦，炮燄炙熊蹯。鳴鶴嘯四侶，列坐竟長筵。連翩擊鞠壤，巧捷惟萬端。白日西南馳，光景不可攀。雲散還城邑，清晨復來還。

當欲遊南山行

東海廣且深，由卑下百川。五嶽雖高大，不逆垢與塵。良木不十圍，洪條無所因。長者能博愛，天下寄其身。大匠無棄材，船車用不均。錐刀各異能，何所獨御前。嘉善而矜惡，大聖亦同然。仁者各壽考，四坐咸萬年。

美女篇

美女妖且閑，採桑歧路閒。柔條紛冉冉，落葉何翩翩。攬袖見素手，皓腕約金環。頭上金爵釵，腰佩翠琅玕。明珠交玉體，珊瑚間木難。羅衣何飄颻，輕裾隨風還。顧盼遺光彩，長嘯氣若蘭。行徒用息駕，休者以忘餐。借問女安居，乃在城南端。青樓臨大路，高門結重關。容華耀朝日，誰不希令顏。媒氏何所營，玉帛不時安。佳人慕高義，求賢良獨難。榮人徒嗷嗷，安知彼所觀。盛年處房室，中夜起

長歎。

白馬篇

白馬飾金羈，連翩西北馳。借問誰家子，幽并遊俠兒。少小去鄉邑，揚聲沙漠垂。宿昔秉良弓，楛矢何參差。按絃破左的，右發摧月支。仰手接飛猱，俯身散馬蹄。狡捷過猴猿，勇剽若豹螭。邊城多警急，胡虜數遷移。羽檄從北來，厲馬登高隄。長驅蹈匈奴，左顧陵鮮卑。棄身鋒刃端，性命安可懷。父母且不顧，何言子與妻。名編壯士籍，不得中顧私。捐軀赴國難，視死忽如歸。

升天行二首

乘蹻追術士，遠之蓬萊山。靈液飛素波，蘭桂上參天。玄豹遊其下，翔鶴戲其顛。乘風忽登舉，彷彿見眾仙。扶桑之所出，乃在朝陽谿。中心陵蒼昊，布葉蓋天涯。日出登東幹，既夕沒西枝。願得紆陽轡，迴日使東馳。

五遊篇

九州不足步，願得凌雲翔。逍遙八紘外，遊目歷遐荒。披我丹霞衣，製我素霓裳。華蓋紛曄曄，六龍仰天驤。瞻靈未移景，倏忽造昊蒼。闔闔啓丹扉，雙闕曜朱光。徘徊文昌殿，登陟太微堂。上帝休西橋，羣后集東廂。帶我瓊瑤佩，漱我沆瀣漿。踟躕玩靈芝，徒倚弄華芳。王子奉仙藥，羨門進奇方。服食享遐紀，延壽保無疆。

遠遊篇

遠遊臨四海，俯仰觀洪波。大魚若曲陵，承浪相經過。靈鼈戴

方丈，神岳儼嵯峨。仙人翔其隅，玉女戲其阿。瓊蕊可療飢，仰首吸朝霞。崑崙本吾宅，中州非我家。將歸謁東父，一舉超流沙。鼓翼舞時風，長嘯激清歌。金石固易敝，日月同光華。齊年與天地，萬乘安足多。

仙人篇

仙人攬六著，對博太山隅。湘娥撫琴瑟，秦女吹笙竽。玉樽盈桂酒，河伯獻神魚。四海一何局，九州安所如。韓終與王喬，要我於天衢。萬里不足步，輕舉凌太虛。飛騰踰景雲，高風吹我軀。迴駕觀紫微，與帝合靈符。闔闔白嵯峨，雙闕萬丈餘。玉樹扶道生，白虎夾門樞。颯風遊四海，東過王母廬。俯觀五嶽間，人生如寄居。潛光養羽翼，進趣且徐徐。不見昔軒轅，升龍出鼎湖。徘徊九天下，與爾長相須。

鬪雞篇

遊目極妙伎，清聽厭官商。主人寂無爲，衆賓進樂方。長筵坐戲客，鬪雞觀閒房。羣雄正翮，雙翅自飛揚。揮羽激清風，悍目發朱光。背落輕毛散，嚴距往往傷。長鳴入青雲，扇翼獨翱翔。願蒙釋膏助，常得擅此場。

盤石篇

盤石山巔石，飄飄澗底蓬。我本太山人，何爲客淮東。壟澗彌斥土，林木無分重。岸巖若崩缺，湖水何洶洶。蚌蛤被濱涯，光彩如錦虹。高彼凌雲霄，浮氣象螭龍。鯨脊若邱陵，聳若山上松。呼吸吞

船櫂，澎濤咸中鴻。方舟尋高價，珍寶麗以通。一舉必千里，乘颶舉
帆幟。經危履險阻，未知命所鍾。常恐沈黃鑪，下與遊龍同。南極蒼
梧野，遊阿窮九江。中夜指參辰，欲師當定從。仰天長太息，思想懷
故邦。乘桴何所志，吁嗟我孔公。

驅車篇

驅車揮驚馬，束到奉高城。神哉彼太山，五嶽專其名。隆高貫
雲霓，嵯峨出太清。周流二六垓，閒置十二亭。上有涌醴泉，玉石揚
華英。東北希吳野，西眺觀日精。魂神所繫屬，逝者感斯征。王者以
歸天，效厥元功成。歷代無不遵，禮有品程。探策或長短，唯德享
利貞。封者七十帝，軒皇元獨靈。殞後激沈瀼，毛羽被身形。發舉蹈
虛廓，徑廷升窈冥。同壽東父年，曠代永長生。

種葛篇

種葛南山下，葛藟自成陰。與君初婚時，結髮恩義深。歡愛在
枕席，夙昔同衣衾。竊慕棠棣篇，好樂和瑟琴。行年將晚暮，佳人懷
異心。恩紀曠不接，我情遂抑沈。出門當何顧，徘徊步北林。下有交
頸獸，仰見雙棲禽。攀枝長歎息，淚下沾羅襟。良馬知我悲，延頸代
我吟。昔爲同池魚，今爲商與參。往古皆歡遇，我獨困於今。棄置委
天命，悠悠安可任。

棄婦篇

石榴植前庭，綠葉搖纒青。丹華灼烈烈，璀璨有光榮。光榮嗒
流離，可以處淑靈。有鳥飛來集，拊翼以悲鳴。悲鳴夫何爲，丹華實

不成。拊心長歎息，無子當歸寄。有子月經天，無子若流星。天月相
終始，流星沒無精。棲遲失所宜，下與瓦石并。發懷從中來，歎息通
雞鳴。反側不能寐，逍遙於前庭。踟躕還入房，肅肅帷幕聲。琴帷更
攝帶，撫弦調鳴箏。慷慨有餘音，要妙悲且清。收淚長歎息，何以負
神靈。招搖待霜露，何必春夏成。晚穉爲良實，願君且安寄。

公讌詩

公子敬愛客，終宴不知疲。清夜遊西園，飛蓋相追隨。明月澄
清影，列宿正參差。秋蘭被長坂，朱華冒綠池。潛魚躍清波，好鳥鳴
高枝。神廳接丹轂，輕輦隨風移。飄飄放志意，千古長若斯。

贈徐幹

驚風飄白日，忽然歸西山。圓景光未滿，眾星燦以繁。志士營
世業，小人亦不閒。聊且夜行遊，游彼雙闕間。文昌鬱雲興，迎風高
中天。春鳩鳴飛棟，流淩激樞軒。顧念蓬室士，貧賤誠足憐。微密弗
充虛，皮褐猶不全。慷慨有悲心，興文自成篇。寶棄怨何人，和氏有
其愆。彈冠俟知己，知己誰不然。良田無晚歲，膏澤多豐年。亮懷璠
璣美，積久德逾宣。親交義在敦，申章復何言。

贈丁儀

初秋涼氣發，庭樹微銷落。凝霜依玉除，清風飄飛閣。朝雲不
歸山，霖雨成川澤。黍稷委疇隴，農夫安所獲。在貴多忘賤，爲恩誰
能博。狐白足禦冬，焉念無衣客。思慕延陵子，寶劍非所惜。子其寤
爾心，親交義不薄。

贈王粲

端坐苦愁思，攬衣起西游。樹木發春華，清池激長流。中有孤鶩，哀鳴求匹儔。我願執此鳥，惜哉無輕舟。欲歸忘故道，顧望但懷愁。悲風鳴我側，義和逝不留。重陰潤萬物，何懼澤不周。誰令君多念，自使懷百憂。

又贈丁儀王粲

從軍度函谷，驅馬過西京。山岑高無極，涇渭揚濁清。壯哉帝王居，佳麗殊百城。員闕出浮雲，承露概泰清。皇佐揚天惠，四海無交兵。權家雖愛勝，全國爲令名。君子在末位，不能歌德聲。丁生怨在朝，王子歎自營。歡怨非貞則，中和誠可經。

贈丁翼

嘉賓填城闕，豐膳出中廚。吾與二三子，曲宴此城隅。秦箏發西氣，齊瑟揚東謳。看來不虛歸，觴至反無餘。我豈狎異人，朋友與我俱。大國多良材，譬海出明珠。君子義休符，小人德無儲。積善有餘慶，榮枯立可須。滔蕩固大節，時俗多所拘。君子通大道，無願爲世儒。

贈白馬王彪七首

序曰：黃初四年正月，白馬王任城王與余俱朝京師，會節氣到洛陽，任城王薨。至七月，與白馬王還國。後有司以二王歸蕃，道路宜異宿，止意每恨之。蓋以大別在數日，是用自剖，與王辭焉，憤而成篇。

謁帝承明廡，逝將歸舊疆。清晨發皇邑，日夕過首陽。伊洛廣且深，欲濟川無梁。汎舟越洪濤，怨彼東路長。顧瞻懸城闕，引領情內傷。

太谷何寥廓，山樹鬱蒼蒼。霖雨泥我塗，流潦浩縱橫。中遠絕無軌，改轍登高岡。修坂造雲日，我馬玄以黃。

玄黃猶能進，我思鬱以紆。鬱紆將何念，親愛在離居。本圖相與偕，中更不克俱。鴟梟鳴衡軔，豺狼當路衢。蒼蠅聞白黑，讒巧令親疏。欲還絕無蹊，攬轡止踟蹰。

踟蹰亦何留，相思無終極。秋風發微涼，寒蟬鳴我側。原野何蕭條，白日忽西匿。歸鳥赴喬林，翩翩厲羽翼。孤獸走索羣，銜草不遺食。感物傷我懷，撫心長太息。

太息將何爲，天命與我違。奈何念同生，一往形不歸。孤魂翔故城，靈柩寄京師。存者忽復過，亡沒身自衰。人生處一世，去若朝露晞。年在桑榆間，影響不能追。自顧非金石，咄嗟令心悲。

心悲動我神，棄置莫復陳。丈夫志四海，萬里猶比鄰。恩愛苟不虧，在遠分日親。何必同衾幃，然後展慇懃。憂思成疾疹，無乃兒女仁。倉卒骨肉情，能不懷苦辛。

苦辛何慮思，天命信可疑。虛無求列仙，松子久吾欺。變故在斯須，百年誰能持。離別永無會，執手將何時。王其愛玉體，俱享黃髮期。收淚卽長路，援筆從此辭。

遂應氏詩二首

步登北邙阪，遙望洛陽山。洛陽何寂寞？宮室盡燒焚。垣牆皆頽墜，荆棘上參天。不見舊耆老，但覩新少年。側足無行徑，荒疇不復田。遊子久不歸，不識陌與阡。中野何蕭條，千里無人煙。念我平常居，氣結不能言。

清時難屢得，嘉會不可常。天地無終極，人命若朝霜。願得展燕婉，我友之朔方。親昵竝集送，置酒此河陽。中饋豈獨薄？賓飲不盡觴。愛至望苦深，豈不愧中腸。山川阻且遠，別促會日長。願爲比翼鳥，施翮起高翔。

三良詩

功名不可爲，忠義我所安。秦穆先下世，三臣皆自殘。生時等榮樂，既沒同憂患。誰言捐軀易，殺身誠獨難。攬涕登君墓，臨穴仰天歎。長夜何冥冥，一往不復還。黃鳥爲悲鳴，哀哉傷肺肝。

遊仙詩

人生不滿百，戚戚少歡娛。意欲奮六翮，排霧凌紫虛。蟬蛻同松喬，翻跡登鼎湖。翔翔九天上，聘轡遠行遊。東觀扶桑暉，西臨弱水流。北極玄天落，南翔陟丹邱。

雜詩六首

高臺多悲風，朝日照北林。之子在萬里，江湖迴且深。方舟安可極，離思故難任。孤雁奔南遊，過庭長哀吟。翹思慕遠人，願欲託遺音。形影忽不見，翩翩傷我心。

轉蓬離木根，飄颻隨長風。何意迴颺舉，吹我入雲中。高高上

無極，天路安可窮？類此游客子，捐軀遠從戎。毛褐不掩形，微囊常不充。去去莫復道，沈憂令人老。

西北有織婦，綺縞何續紛？明晨秉機杼，日戾不成文。太息終長夜，悲嘯入青雲。妾身守空閨，良人行從軍。自期三年歸，今已歷九春。飛鳥繞樹翔，嗷嗷鳴索羣。願爲南流景，馳光見我君。

南國有佳人，容華若桃李。朝遊江北岸，夕宿瀟湘浦。時俗薄朱顏，誰爲發皓齒。俛仰歲將暮，榮耀難久恃。

僕夫早嚴駕，吾將遠行遊。遠行欲何之？吳國爲我仇。將聘萬里途，東路安足由？江介多悲風，淮澗馳急流。願欲一輕濟，惜哉無方舟。閒居非吾志，甘心赴國憂。

飛觀百餘尺，臨牖御欄軒。遠望周千里，朝夕見平原。烈士多悲心，小人媮自閑。國難亮不塞，甘心思喪元。拊劍西南望，思欲赴太山。絃急悲聲發，聆我慷慨言。

閨情

攬衣出中閨，逍遙步兩楹。閒房何寂寞，綠草被階庭。空室自生風，百鳥翻南征。春思安可忘，憂戚感我并。佳人在遠道，妾身單且繁。歡會難再遇，芝蘭不重榮。人皆棄舊愛，君豈若平生。寄松爲女蘿，依水如浮萍。齋身奉衿帶，朝夕不墮傾。儻終顧盼恩，永副我中情。

七哀詩

明月照高樓，流光正徘徊。上有愁思婦，悲歎有餘哀。借問歎

者誰？言是蕩子妻。君行踰十年，孤妾當獨棲。君若清路塵，妾若濁水泥。浮沈各異勢，會合何時諧。願爲西南風，長逝人君懷。君懷良不開，賤妾當何依？

情詩

微陰翳陽景，清風飄我衣。遊魚潛綠水，翔鳥薄天飛。砂砂客行士，遙役不得歸。始出嚴霜結，今來白露晞。遊子歎黍離，處者歌式微。慷慨對嘉賓，悽愴內傷悲。

喜雨詩

天覆何彌廣，苞育此羣生。乘之必憔悴，惠之則滋榮。慶雲從北來，鬱述西南征。時雨中夜降，長雷周我庭。嘉種盈膏壤，登秋畢有成。

七步詩

煮豆持作羹，漉豉以爲汁。其向釜中然，豆在釜中泣。本是同根生，相煎何太急。

失題

雙鶴俱遨遊，相失東海旁。雄飛竄北朔，雌驚赴南湘。棄我交頸歡，離別各異方。不惜萬里道，但恐天網張。

阮嗣宗五古八十二首

詠懷八十二首

夜中不能寐，起坐彈鳴琴。薄帷鑿明月，清風吹我衿。孤鴻號外野，翔鳥鳴北林。徘徊將何見，憂思獨傷心。

二妃遊江潭，道遙順風翔。交甫懷環珮，婉孌有芬芳。猗靡情歡愛，千載不相忘。傾城迷下蔡，容好結中腸。感激生憂思，萱草樹蘭房。膏沐爲誰施？其雨怨朝陽。如何金石交，一旦更離傷。

嘉樹下成蹊，東園桃李實。李秋風吹飛，零落從此始。繁華有憔悴，堂上生荆杞。驅馬舍之去，去上西山趾。一身不自保，何況戀妻子。凝霜被野草，歲暮亦云已。

天馬出西北，由來從東道。春秋非有託，富貴焉常保。清露被皋蘭，凝霜霑野草。朝爲媚少年，夕暮成醜老。自非王子晉，誰能常美好。

平生少年時，輕薄好絃歌。西遊咸陽中，趙李相經過。娛樂未終極，白日忽蹉跎。驅馬復來歸，反顧望三河。黃金百鎰盡，資用常苦多。北臨太行道，失路將如何？

昔聞東陵瓜，近在青門外。連畝距阡陌，子母相鉤帶。五色曜朝日，嘉賓四面會。膏火自煎熬，多財爲患害。布衣可終身，寵祿豈足賴！

炎暑惟茲夏，三旬將欲移。芳樹垂綠葉，青雲自透迤。四時更代謝，日月遞參差。徘徊空堂上，初怛莫我知。願覩卒歡好，不見悲別離。

灼灼西隕日，餘光照我衣。迴風吹四壁，寒鳥相因依。周周尚銜羽，蚩蚩亦念飢。如何當路子，磬折忘所歸。豈爲夸譽名，憔悴使心悲。寧與燕雀翔，不隨黃鵠飛。黃鵠遊四海，中路將安歸？

十八家詩鈔 卷一

步出上東門，北望首陽岑。下有采薇士，上有嘉樹林。良辰在何許？凝霜霑衣襟。寒風振山岡，玄雲起重陰。鳴鴈飛南征，鷓鴣發哀音。素質游商聲，悵傷我心。

北里多奇舞，濮上有微音。輕薄閒遊子，俯仰乍浮沈。捷徑從狹路，僥倖趨荒淫。焉見王子喬，乘雲翔鄧林。獨有延年術，可以慰我心。

淇水上有楓樹林，皋蘭被徑路。青驪逝駸駸，遠望令人悲。春氣感我心，三楚多秀士。朝雲進荒淫，朱華振芬芳。高蔡相追尋，一為黃雀哀。淚下誰能禁。

昔日繁華子，安陵與龍陽。天天桃李花，灼灼有輝光。悅懌若九春，聲折似秋霜。流眄發姿媚，言笑吐芬芳。攜手等歡愛，宿夕同衣裳。願為雙飛鳥，比翼共翱翔。丹青著明誓，永世不相忘。

登高臨四野，北望青山阿。松柏鬪岡岑，飛鳥鳴相過。感慨懷辛酸，怨毒常苦多。李公悲東門，蘇子狹三河。求仁自得仁，豈復歎咨嗟。

開秋兆涼氣，蟋蟀鳴床帷。感物懷殷憂，悄悄令心悲。多言焉所告，繁辭將訴誰。微風吹羅袖，明月耀清暉。晨鷄鳴高樹，命駕起旋歸。

昔年十四五，志尚好書詩。被褐懷珠玉，顏閔相與期。開軒臨四野，登高望所思。邱墓蔽山岡，萬代同一時。千秋萬歲後，榮名安所之。乃悟羨門子，噉噉令自嗤。

徘徊蓬池上，還顧望大梁。綠水揚洪波，曠野莽茫茫。走獸交橫馳，飛鳥相隨翔。是時鷄火中，日月正相望。朔風厲嚴寒，陰氣下微霜。羈旅無僞匹，俛仰懷哀傷。小人計其功，君子道其常。豈惜終憔悴，詠言著斯章。

獨坐空堂上，誰可與歡者。出門臨永路，不見行車馬。登高望九州，悠悠分曠野。孤鳥西北飛，離獸東南下。日暮思親友，晤言用自寫。

懸車在西南，義和將欲停。流光耀四海，忽忽至夕冥。朝為咸池暉，濛汜受其榮。豈知窮達士，一死不再生。視彼桃李花，誰能久榮榮。君子在何許，曠世未合并。瞻仰景山松，可以慰吾情。

西方有佳人，皎若白日光。被服纖羅衣，左右佩雙璜。脩容耀姿美，順風振微芳。登高眺所思，舉袂當朝陽。寄顏雲霄間，揮袖凌空翔。飄飄恍惚中，流眄顧我旁。悅懌未交接，晤言用感傷。楊朱泣路歧，墨子悲染絲。揖讓長離別，飄飄難與期。豈徒燕婉情，存亡誠有之。蕭索人所悲，禍孽不可辭。趙女媚中山，謙柔愈見欺。嗟嗟塗上士，何用自保持。

於心懷寸陰，羲陽將欲冥。揮袂撫長劍，仰觀浮雲征。雲間有女鶴，抗志揚哀聲。一飛沖青天，曠世不再鳴。豈與鷓鴣遊，連翩戲中庭。

夏后乘靈輿，夸父為鄧林。存亡從變化，日月有浮沈。鳳凰鳴參差，伶倫發其音。王子好簫管，世世相追尋。誰言不可見，青鳥明

我心。

東南有射山，汾水出其陽。六龍服氣輿，雲蓋切天綱。仙者四五人，逍遙晏蘭房。寢息一純和，呼噏成露霜。沐浴丹淵中，熠耀日月光。豈安通靈臺，游瀆去高翔。

殷憂令志結，怵惕常若驚。逍遙未終晏，朱陽忽西傾。蟋蟀在戶牖，蟪蛄號中庭。心腸未相好，誰云諒我情。願爲雲間鳥，千里一哀鳴。三芝延瀛洲，遠遊可長生。

拔劍臨白刃，安能相中傷。但畏工言子，稱我三江旁。飛泉流玉山，懸車棲扶桑。日月徑千里，素風發微霜。勢路有窮達，咨嗟安可長。

朝登洪坡顛，日夕望西山。荆棘被原野，羣鳥飛翩翩。鸞鷖時棲宿，性命有自然。建木誰能近，射干復嬋娟。不見林中葛，延蔓相句連。

周鄭天下交，街衢當三河。妖冶聞都子，煥耀何芬葩。玄髮發朱顏，睇眄有光華。傾城思一顧，遺視來相誇。願爲三春遊，朝陽忽蹉跎。盛衰在須臾，離別將如何。

若花耀西海，扶桑窮瀛洲。日月經天塗，明暗不相讎。窮達自有常，得失又何求。豈效路上童，攜手共遨遊。陰陽有變化，誰云沈不浮。朱鸞躍飛泉，夜飛過吳洲。俯仰運天地，再撫四海流。繫累名利場，騫駿同一轡。豈若遺耳目，升遐去殷憂。

昔余遊大梁，登于黃華顛。共工宅玄冥，高臺造青天。幽荒遯

悠悠，悽愴懷所憐。所憐者誰子？明察自照妍。應龍沈冀州，妖女不得眠。肆侈凌世俗，豈云永厥年。

驅馬出門去，意欲遠征行。征行安所如？背棄夸與名。夸名不在已，但願適中情。單帶蔽皎日，高樹隔微聲。讒邪使交疏，浮雲令書冥。燕婉同衣裳，一顧傾人城。從容在一時，繁華不再榮。晨朝奄復暮，不見所歡形。黃鳥東南飛，寄言謝友生。

駕言發魏都，南向望吹臺。簾管有遺音，梁王安在哉？戰士食糟糠，賢者處蒿萊。歌舞曲未終，秦兵已復來。夾林非吾有，朱宮生塵埃。軍敗華陽下，身竟爲士灰。

朝陽不再盛，白日忽西幽。去此若俯仰，如何似九秋。人生若塵露，天道邈悠悠。齊景升邱山，涕泗紛交流。孔聖臨長川，惜逝忽若浮。去者余不及，來者吾不留。願登太華山，上與松子遊。漁父知世患，乘流泛輕舟。

一日復一夕，一夕復一朝。顏色改平常，精神自損消。胸中懷湯火，變化故相招。萬事無窮極，知謀苦不饒。但恐須臾間，魂氣隨風飄。終身履薄冰，誰知我心焦。

一日復一朝，一昏復一晨。容色改平常，精神自飄淪。臨觴多哀楚，思我故時人。對酒不能言，悽愴懷酸辛。願耕東臯陽，誰與守其真。愁苦在一時，高行傷微身。曲直何所爲，龍蛇爲我鄰。

世務何紛紛，人道苦不遑。壯年以時逝，朝露待太陽。願攬羲和轡，白日不移光。天階路殊絕，雲漢邈無梁。濯髮陽谷濱，遠遊崑

岳旁發彼列仙組，採此秋蘭芳。時路鳥足爭，太極可翱翔。

誰言萬事難，逍遙可終生。臨堂翳華樹，悠悠念無形。彷徨思親友，倏忽復至冥。寄言東飛鳥，可用慰我情。

嘉時在今辰，零雨灑塵埃。臨路望所思，日夕復不來。人情有感慨，蕩漾焉能排。揮涕懷哀傷，辛酸誰語哉。

炎光延萬里，洪川蕩瀚壖。鬣弓掛扶桑，長劍倚天外。泰山成砥礪，黃河為裳帶。視彼莊周子，榮枯何足賴。捐身兼中野，烏鳶作患害。豈若雄傑士，功名從此大。

壯士何慷慨，志欲威八荒。驅車遠行役，受命念自忘。良弓挾烏號，明甲有精光。臨難不顧生，身死魂飛揚。豈為全軀士，效命爭戰場。忠為百世榮，義使令名彰。垂聲謝後世，氣節故有常。

混元生兩儀，四象運銜璣。曠日布炎精，素月垂景暉。晷度有昭回，哀哉人命微。飄若風塵逝，忽若慶雲晞。修齡逾余願，光寵非己威。安期步天路，松子與世違。焉得凌霄翼，飄飄登雲湄。嗟哉尼父志，何為居九夷。

天網彌四野，六翮掩不舒。隨波紛綸客，汎汎若浮鳧。生命無期度，朝夕有不虞。列仙停修齡，養志在沖虛。飄飄雲日間，邈與世路殊。榮名非已賣，聲色為足娛。探藥無旋返，神仙志不符。逼此良可惑，令我久躊躇。

王業須良輔，建功俟英雄。元凱康哉美，多士頌聲隆。陰陽有舛錯，日月不常融。天時有否泰，人事多盈沖。園綺遯南岳，伯陽隱

西戎，保身念道真，寵耀焉足崇。人誰不善始，眇能克厥終。休哉上世士，萬載垂清風。

鴻鵠相隨飛，飛飛適荒裔。雙翻臨長風，須臾萬里逝。朝餐琅玕實，夕宿丹山際。抗身青雲中，網羅孰能制。豈與鄉曲士，攜手共言誓。

儔物終始殊，脩短各異方。琅玕生高山，芝英曜朱堂。榮榮桃李花，成蹊將天傷。焉敢希千術，三春表微光。自非凌風樹，憔悴烏有常。

幽蘭不可佩，朱草為誰榮。修竹隱山陰，射干臨增城。葛藟延幽谷，綿綿瓜瓞生。樂極消靈神，哀深傷人情。竟知憂無益，豈若歸太清。

鸞鳩飛桑榆，海鳥運天池。豈不識宏大，羽翼不相宜。招搖安可翔，不若棲樹枝。下集蓬艾間，上遊園圃籬。但爾亦自足，用子為追隨。

生命辰安在，憂戚涕沾襟。高鳥丹山岡，鸞雀棲下林。青雲蔽前庭，素琴悽我心。崇山有鳴鶴，豈可相追尋。

鳴鳩嬉庭樹，焦明遊浮雲。焉見孤翔鳥，翩翩無匹羣。死生自然理，消散何續紛。步遊三衢旁，惆悵念所思。豈為今朝見，恍惚誠有之。澤中生喬松，萬世未可期。高鳥摩天氣，凌雲共遊嬉。豈有孤行士，垂涕悲故時。

清露爲凝霜，華草成蒿業。誰云君子賢，明達安可能。乘雲招
松喬，呼噲永矣哉。

丹心失恩澤，重德喪所宜。善言焉可長，慈惠未易施。不見南
飛燕，羽翼正差池。高子怨新詩，三閭悼乖離。何爲混沌氏，倏忽體
貌曠。

十日出陽谷，弭節馳萬里。經天耀四海，倏忽潛濛汜。誰言姦
炎久，遊沒可行俟。逝者豈長生，亦去荆與杞。千載猶崇朝，一餐聊
自已是非。得失間，焉足相譏理。計利知術窮，哀情遽能止。

自然有成理，生死道無常。智巧萬端出，大要不易方。如何夸
昆子，作色懷驕腸。乘軒驅良馬，憑几向膏梁。被服織羅衣，深榭設
閒房。不見日夕華，翩翩飛路旁。

夸談快憤懣，情慍發煩心。西北登不周，東南望鄧林。曠野彌
九州，崇山抗高岑。一餐度萬世，千歲再浮沈。誰云玉石同，淚下不
可禁。

人言願延年，延年欲焉之。黃鵠呼子安，千秋未可期。獨坐山
巖中，惻愴懷所思。王子亦何好，猗靡相攜持。悅懌猶今辰，計校在
一時。置此明朝事，日夕將見欺。

貴賤在天命，窮達自有時。婉孌誰家子，隨利來相欺。孤恩損
惠施，但爲讒夫嗤。鶉鴒鳴雲中，載飛靡所期。焉知傾側士，一旦不
可持。

驚風振四野，迴雲蔭堂隅。牀帷爲誰設，几杖爲誰扶。雖非明

君子，豈闇桑與榆。世有此孽胎，茫茫將焉如。翩翩從風飛，悠悠去
故居。離靡玉山，下遺棄毀與譽。

危冠切浮雲，長劍出天外。細故何足慮，高度跨一世。非子爲
我御，逍遙遊荒裔。顧謝西王母，吾將從此逝。豈與蓬戶士，彈琴誦
言誓。

河上有丈人，緯蕭棄明珠。甘彼藜藿食，樂是蓬蒿廬。豈效縮
粉子，良馬聘龍輿。朝生衢路傍，夕墜橫街隅。歡笑不終宴，俛仰復
歎歎。鑿茲二三者，憤懣從此舒。

儒者通六藝，立志不可干。違禮不爲動，非法不肯言。渴飲清
泉流，飢食天一簞。歲時無以祀，衣服常苦寒。屣履詠南風，纒袍笑
華軒。信道守詩書，義不受一餐。烈烈憂貶辭，老氏用長歎。

少年學擊刺，妙伎過曲城。英風捷雲霓，超世發奇聲。揮劍臨
沙漠，飲馬九野坰。旗幟何翩翩，但聞金鼓鳴。軍旅令人悲，烈烈有
哀情。念我平常時，悔恨從此生。

平晝整衣冠，思見客與賓。賓客者誰子，倏忽若飛塵。裳衣佩
雲氣，言語究靈神。須臾相背棄，何時見斯人。

多慮令志散，寂寞使心憂。翺翔觀陂澤，撫劍登輕舟。但願旦
閒暇，後歲復來遊。

朝出上東門，遙望首陽基。松柏鬱森沈，鷗黃相與嬉。逍遙九
曲間，徘徊欲何之。念我平居時，鬱然思妖姬。

邱公舉手謝時人。輕蕩易恍惚，飄飄棄其身。飛飛鳴且翔，揮翼且
酸辛。

塞門不可出，海水焉可浮？朱明不相見，奄昧獨無侯。持瓜思
東陵，黃雀誠獨羞。失勢在須臾，帶劍上吾邱。悼彼桑林子，涕下自
交流。假乘汧渭閒，鞍馬去行遊。

洪生資制度，被服正有常。尊卑設次序，事物齊紀綱。容飾整
顏色，聲折執圭璋。堂上置詩酒，室中盛稻粱。外厲貞素談，戶內滅
芬芳。放口從衷出，復說道義方。委曲周旋儀，姿態愁我腸。

北臨乾昧谿，西行遊少任。遙顧望天津，駘蕩樂我心。綺靡存
亡門，一遊不再尋。儻遇晨風鳥，飛鷺出南林。滂濔瑤光中，忽忽肆
荒淫。休息宴清都，超世又誰禁。

人知結交易，交友誠獨難。險路多疑惑，明珠未可干。彼求饜
太牢，我欲并一餐。損益在怨毒，咄咄復何言？

有悲則有情，無悲亦無思。苟非嬰網罟，何必萬里畿？翔風拂
重霄，慶雲招所晞。灰心寄枯宅，曷顧人間姿。始得忘我難，焉知嚙
自遣。

木樨榮邱壑，煌煌有光色。白日頹林中，翩翩零路側。蟋蟀吟
戶牖，蟪蛄鳴荆棘。蜉蝣玩三朝，采采修羽翼。衣裳爲誰施，俛仰自
收拭。生命幾何時？慷慨各努力。

修塗馳軒車，長川載輕舟。性命豈自然，勢路有所繇。高名令
志惑，重利使心憂。親昵懷反側，骨肉還相讎。更希毀珠玉，可用登

遊遊。

橫術有奇士，黃駿服其箱。朝起瀛洲野，日夕宿明光。再撫四
海外，羽翼自飛揚。去置世上事，豈足愁我腸。一去長離絕，千歲復
相望。

猗歟！上世士，恬淡志安貧。季葉道陵遲，馳騫紛垢嬰。寧子豈
不類？揚歌誰肯殉。棲棲非我偶，皇皇非己倫。咄咄榮辱事，去來味
道真。道真信可娛，清潔存精神。巢由抗高節，從此適河濱。

梁東有芳草，一朝再三榮。色容豔姿美，光華耀傾城。豈爲明
哲士，妖蟲詔媚生。輕薄在一時，安知百世名。路端使娟子，但恐日
月傾。焉見冥靈木，悠悠竟無形。

秋駕安可學，東野窮路旁。綸深魚淵潛，繪設鳥高翔。汎汎乘
輕舟，演漾靡所望。吹噓誰以益，江湖相捐忘。都冶難爲顏，修容是
我常。茲年在松喬，恍惚誠未央。

咄嗟行至老，僂佺常苦憂。臨川羨洪波，同始異支流。百年何
足憂，但恐怨與讎。讎怨者誰子？耳目還相差。聲色爲胡越，人情自
逼迢。招彼玄通士，去來歸羨遊。

昔有神仙士，乃處射山阿。乘雲御飛龍，嘯嘯嘖瓊華。可聞不
可見，慷慨歎咨嗟。自傷非嚙類，愁苦來相加。下學而上達，忽忽將
如何。

林中有奇鳥，自言是鳳皇。清朝飲禮泉，日夕棲山岡。高鳴徹
九州，延頸望八荒。適逢商風起，羽翼自摧殘。一去崑崙西，何時復

週翔但恨處非立，愴惶使心傷。

出門望佳人，佳人豈在茲？三山招松喬，萬世誰與期。存亡有長短，慷慨將焉知？忽忽朝日隕，行行將何之？不見入秋草，摧折在今時。

昔有神仙者，羨門及松喬。喻習九陽間，升近鸞雲霄。人生樂長久，百世自言遼。白日隕隅谷，一夕不再朝。豈若遺世物，登明遂飄緜。

蔡前榮榮者，木樨耀朱華。榮好未終朝，車飄隕其葩。豈若西山草，琅玕與丹禾。垂影臨增城，餘光照九阿。寧微少年子，日夕難咨嗟。

卷二

湘鄉曾國藩纂，合肥李鴻章審訂，東湖王定安校。

陶淵明五古一百十四首

形影神三首

貴賤賢愚莫不營營以惜生，斯甚惑焉；故極陳形影之苦，言神辨自然以釋之。好事君子，其取其心焉。

形贈影

天地長不沒，山川無改時。草木得常理，霜露榮悴之。謂人最靈智，獨復不如茲。適見在世中，奄去靡歸期。奚覺無一人，親識豈相思！但餘平生物，舉目情悽淒。我無騰化術，必爾不復疑。願君取

吾言，得酒莫苟辭。

影答形

存生不可言，衛生每苦拙。誠願游崑華，灑然茲道絕。與子相遇來，未嘗異悲悅。憩蔭若暫乖，止日終不別。此同既難常，黯爾俱時滅。身沒名亦盡，念之五情熱。立善有遺愛，胡爲不自竭。酒云能消憂，方此詎不劣。

神釋

大鈞無私力，萬理自森著。人爲三才中，豈不以我故？與君雖異物，生而相依附。結託善惡同，安得不相語？三皇大聖人，今復在何處？彭祖愛永年，欲留不得住。老少同一死，賢愚無復數。日醉或能忘，將非促齡具。立善常所欣，誰當爲汝舉？甚念傷吾生，正宜委運去。縱浪大化中，不喜亦不懼。應盡便須盡，無復獨多慮。

九日閒居

余閒居愛『重九』之名。秋菊盈園，而持醪靡由，空服九華，寄懷於言。

世短意常多，斯人樂久生。日月依辰至，舉俗愛其名。露漙漙風息，氣徹天象明。往燕無遺影，來鴈有餘聲。酒能祛百慮，菊解制頽齡。如何蓬廬士，空視時運傾。塵爵恥虛譽，寒華徒自榮。敝襟獨閒謔，緬焉起深情。棲遲固多娛，淹留豈無成。

歸園田居五首

少無適俗韻，性本愛邱山。誤落塵網中，一去三十年。羈鳥戀

舊林池魚思故淵。開荒南野際，守拙歸園田。方宅十餘畝，草屋八九間。榆柳蔭後檐，桃李羅堂前。曖曖遠人村，依依墟里煙。狗吠深巷中，雞鳴桑樹巔。戶庭無塵雜，虛室有餘閒。久在樊籠裏，復得返自然。

野外罕人事，窮巷寡輪鞅。白日掩荆扉，虛室絕塵想。時復墟曲中，披草共來往。相見無雜言，但道桑麻長。桑麻日已長，我土日已廣。常恐霜霰至，零落同草莽。

種豆南山下，草盛豆苗稀。晨興理荒穢，帶月荷鋤歸。道狹草木長，夕露沾我衣。衣沾不足惜，但使願無違。

久去山澤游，浪莽林野娛。試攜子姪輩，披榛步荒墟。徘徊邱壠間，依依昔人居。井甕有遺處，桑竹殘朽株。借問採薪者，此人皆焉如？薪者向我言，死沒無復餘。一世異朝市，此語真不虛。人生似幻化，終當歸空無。

恨恨獨策還，崎嶇歷榛曲。山澗清且淺，可以濯吾足。漉我新熟酒，隻雞招近屬。日入空中閣，荆薪代明燭。歡來苦夕短，已復至天旭。

遊斜川

辛丑正月五日，天氣澄和，風物閒美。與二三鄰曲，同遊斜川。

臨長流，望曾城，魴鯉躍鱗於將夕。水鷗乘和以翻飛。彼南阜者，名實舊矣，不復乃爲嗟嘆。若夫曾城，旁無依接，獨

秀中舉。遙想靈山，有愛嘉名。欣對不足，率爾賦詩。悲日月

之遂往，悼吾年之不留。各疏年紀鄉里，以記其時日。開歲條五十，吾生行歸休。念之動中懷，及辰爲茲游。氣和天惟澄，班坐依遠流。弱湍馳文舫，閑谷矯鳴鷗。迴澤散游目，緬然眺曾邱。雖微九重秀，顧瞻無匹儔。提壺接賓侶，引滿更獻酬。未知從今去，當復如此不。中腸縱遙情，忘彼千載憂。且極今朝樂，明日非所求。

示周續之祖企謝景夷三郎

負嶺頽檐下，終日無一欣。藥石有時閒，念我意中人。相去不尋常，道路邈何因。周生述孔業，祖謝響然臻。道喪向千載，今朝復斯聞。馬隊非講肆，校書亦已勤。老夫有所愛，思與爾爲鄰。願言誨諸子，從我潁水濱。

乞食

飢來驅我去，不知竟何之？行至行斯里，叩門拙言辭。主人解余意，遺贈虛堂來。談諧終日夕，觴至輒傾杯。欣欣新知歡，興言遂賦詩。感子漂母惠，愧我非韓才。銜戢知何謝，冥報以相貽。

諸人共遊周家墓柏下

今日天氣佳，清吹與鳴彈。感彼柏下人，安得不爲歡！清歌散新聲，綠酒開芳顏。未知明日事，余襟良已殫。

怨詩楚調示龐主簿鄧治中

天道幽且遠，鬼神茫昧然。結髮念善事，僶俛六九年。弱冠逢世阻，始室喪其偏。炎火屢焚如，螟蠹恣中田。風雨縱橫至，收斂不

盈廡。夏日抱長飢，寒夜無被眠。造夕思雞鳴，及晨願鳥遷。在己何怨天，離憂悽目前。吁嗟身後名，於我若浮煙。慷慨獨悲歌，鍾期信爲賢。

答龐參軍

三復來札，欲罷不能。自爾鄰曲，冬春再交，款然良對，忽成舊遊。俗諺云：「數面成親舊。」況情過此者乎？人事好乖，便當語離。楊公所歎，豈惟長悲？吾抱疾多年，不復爲文本。既不豐，復老病繼之，輒依周孔往復之義，且爲別後相思之資。

相知何必舊？傾蓋定而言。有客賞我趣，每每顧林園。談諧無俗調，所說聖人篇。或有數對酒，閒飲自歡然。我實幽居士，無復東西緣。物新人惟舊，弱毫多所宜。情通萬里外，形跡滯江山。君其愛體素，來曾在何年？

五月旦作和戴主簿

虛舟縱逸棹，回復遂無窮。發歲若俛仰，星紀奄將中。明兩萃時物，北林榮且豐。神淵寫時雨，晨色奏景風。既來孰不去，人理固有終。居常待其盡，曲肱豈傷冲。遷化或夷險，肆志無窳隆。卽事如已高，何必升華嵩。

連雨獨飲

運生會歸盡，終古謂之然。世間有松喬，於今定何閒？故老贈余酒，乃言飲得仙。試酌百情遠，重觴忽忘天。天豈去此哉，任真無

所先。雲鶴有奇翼，八表須臾還。自我抱茲獨，僂俛四十年。形骸久已化，心在復何言。

移居二首

昔欲居南村，非爲卜其宅。聞多素心人，樂與數晨夕。懷此頗有年，今日從茲役。敝廬何必廣，取足蔽牀席。鄰曲時時來，抗言談在昔。奇文共欣賞，疑義相與析。

春秋多佳日，登高賦新詩。過門更相呼，有酒斟酌之。農務各自歸，閒暇輒相思。相思則披衣，言笑無厭時。此理將不勝，無爲忽去茲。衣食當須斂，力耕不吾欺。

和劉柴桑

山澤久相招，胡事乃躊躇。直爲親舊故，未忍言索居。良辰入奇懷，挈杖還西廬。荒塗無歸人，時時見廢墟。芡茨已就治，新疇復應畚。谷風轉淒薄，春醪解飢劬。弱女雖非男，慰情良勝無。棲棲世中事，歲月共相疏。耕織稱其用，過此奚所須。去去年外身，名同翳如。

酬劉柴桑

窮居寡人用，時忘四運周。空庭多落葉，慨然已知秋。新葵鑿北牖，嘉穠春南疇。今我不爲樂，知有來歲不。命室攜童弱，良日登遠遊。

和郭主簿二首

靄靄堂前林，中夏貯清陰。凱風因時來，回飈開我襟。息交遊

開臥，坐起弄青琴。園蔬有餘滋，舊穀猶儲今。營已良有極，過足非所欽。春秫作美酒，酒熟吾自斟。弱子戲我側，學語未成音。此事真復樂，聊用忘華簪。遙遙望白雲，懷古一何深。和澤周三春，清涼素秋節。露凝無游氛，天高風景澈。陵岑聳逸峯，遙瞻皆奇絕。芳菊開林耀，青松冠巖列。懷此貞秀姿，卓為霜下傑。銜觴念幽人，千載撫爾訣。檢素不獲展，厭厭竟良月。

於王撫軍座送客

秋日淒且厲，百卉具已腓。爰以履霜節，登高饒將歸。寒氣冒山澤，游雲倏無依。洲渚思緬遠，風水互乖違。瞻夕欣良讌，離言聿云悲。晨鳥暮來還，懸車斂餘輝。逝止判殊路，旋駕悵遲遲。目送回舟遠，情隨萬化遺。

與殷晉安別

殷先作晉安南府長史掾，因居潯陽，後作太尉參軍，移家東下，作此以贈。

遊好非久長，一遇盡殷勤。信宿酬清話，益復知爲親。去歲家南里，薄作少時鄰。負杖肆游從，淹留忘宵晨。誤默自殊勢，亦知當乖分。未謂事已及，興言在茲春。飄飄西來風，悠悠東去雲。山川千里外，言笑難爲因。良才不隱世，江湖多賤貧。脫有經過便，念來存故人。

贈羊長史

左軍羊長史銜使秦川，作此與之。

愚生三季後，慨然念黃虞。得知千載上，政賴古人書。賢聖留餘跡，事事在中都。豈忘游心目，關河不可逾。九域甫已一，逝將理舟輿。聞君當先邁，負疴不獲俱。路若經商山，爲我少躊躇。多謝綺與用，精爽今何如。紫芝誰復採，深色久應蕪。駟馬無賈患，貧賤有交娛。清詒結心曲，人乖運見疏。擁懷累代下，言盡意不舒。

歲暮和張常侍

市朝悽舊人，驟曠感悲泉。明且非今日，歲暮余何言。素顏斂光潤，白髮一已繁。闕哉秦穆談，膂力豈未愆。向夕長風起，寒雲沒西山。冽冽氣遂嚴，紛紛飛鳥還。民生鮮常在，矧伊愁苦纏。屢關清醜至，無以樂當年。窮通靡攸慮，顛領由化遷。撫已有深懷，履運增慨然。

和胡西曹示顧賊曹

蕤賓五月中，清朝起南颺。不駛亦不遲，飄飄吹我衣。重雲蔽白日，閒雨紛微微。流目視西園，嘩嘩榮紫葵。於今甚可愛，奈何當復衰。感物願及時，每恨靡所揮。悠悠待秋稼，寥落將除蕪。逸想不可淹，猖狂獨長悲。

悲從弟仲德

銜哀過舊宅，悲淚應心零。借問爲誰悲，懷人在九冥。禮服名羣從，恩愛若同生。門前執手時，何意爾先傾。在數竟未免，爲山不及成。茲母沈哀坎，二層纔數齡。變位委空館，朝夕無哭聲。流塵集虛坐，宿草旅前庭。階除曠遊迹，園林獨餘情。翳然乘化去，終天不

復形。遲遲將回步，惻惻悲襟盈。

始作鎮軍參軍經曲阿

弱齡寄事外，委懷在琴書。被褐欣自得，屢空常晏如。時來苟冥會，婉孌通衢。投策命長裝，暫與田園疏。眇眇孤舟逝，綿綿歸思紆。我行豈不遙，登陟千里餘。目倦川塗異，心念山澤居。望雲慚高鳥，臨水愧游魚。真想初在襟，誰謂形蹟拘。聊且憑化遷，終返班生廬。

庚子歲五月中從都還阻風於規林二首

行行循歸路，計日望舊居。一欣侍溫顏，再喜見友于。鼓棹路崎曲，指景限西隅。江山豈不險，歸子念前途。凱風負我心，戢柁守窮湖。高舂眇無界，夏木獨森疏。誰言客舟遠，近瞻百里餘。延目識南嶺，空歎將焉如。

自古歎行役，我今始知之。山川一何曠！異坎難與期。崩浪聒天響，長風無息時。久游戀所生，如何淹在茲。靜念園林好，人間良可辭。當年詎有幾，縱心復何疑？

辛丑歲七月赴假還江陵夜行塗口

閒居三十載，遂與塵事冥。詩書敦宿好，林園無俗情。如何舍此去，遙遙至南荆。叩枻新秋月，臨流別友生。涼風起將夕，夜景湛虛明。昭昭天宇闢，曩曩川上平。懷役不遑寐，中宵尙孤征。商歌非吾事，依依在耦耕。投冠旋舊墟，不爲好爵榮。養真衡茅下，庶以善自名。

十八家詩鈔 卷二

癸卯歲始春懷古田舍二首

在昔聞南畝，當年竟未踐。屢空既有人，春興豈自免。夙晨裝吾駕，啓塗情已緬。鳥弄歡新節，冷風送餘善。寒竹被荒蹊，地爲罕人遠。是以植杖翁，悠然不復返。卽理愧通識，所保詎乃淺。先師有遺訓，憂道不憂貧。瞻望邈難逮，轉欲志長勤。秉耒歡時務，解顏勸農人。平疇交遠風，良苗亦懷新。雖未量歲功，卽事多所欣。耕種有時息，行者無間津。日入相與歸，壺漿勞近鄰。長吟掩紫門，聊爲隴畝民。

癸卯歲十二月中作與從弟敬遠

寢迹衡門下，邈與世相絕。顧盼莫誰知，荆扉晝常閉。淒淒歲暮風，翳翳經夕雪。傾耳無希聲，在目皓已潔。勁氣侵襟袖，箠瓢謝屣設。蕭索空宇中，了無一可悅。歷覽千載書，時時見遺烈。高操非所攀，謬得固窮節。平津苟不由，棲遲詎爲拙。寄意一言外，茲契誰能別。

乙巳歲三月爲建威參軍使都經錢溪

我不踐斯境，歲月好已積。晨夕看山川，事事悉如昔。微雨洗高林，清颿矯雲翮。奔彼品物存，義風都未隔。伊余何爲者，勉勵從茲役。一形似有制，素襟不可易。園田日夢想，安得久離析。終懷在歸舟，諒哉宜霜柏。

還舊居

疇昔家上京，六載去還歸。今日始復來，惻愴多所悲。阡陌不

移舊邑屋或時非。履歷周故居，隣老罕復遺。步步尋往迹，有處特依依。流幻百年中，寒暑日相推。常恐大化盡，氣力不及衰。撥置且莫念，一觴聊可揮。

戊申歲六月中遇火

草廬寄窮巷，甘以辭華軒。正夏長風急，林室頓燒燼。一宅無遺宇，勑舟蔭門前。迢迢新秋夕，亭亭月將圓。果菜始復生，鷺鳥尙未還。中宵竚遙念，一盼周九天。總髮抱孤介，奄出四十年。形迹憑化往，靈府長獨閒。貞剛自有質，玉石乃非堅。仰想東戶時，餘糧宿中田。鼓腹無所思，朝起暮歸眠。既已不過茲，且遂灌我園。

己酉歲九月九日

靡靡秋已夕，淒淒風露交。蔓草不復榮，閭木空自彫。清氣澄餘滓，杳然天界高。哀蟬無留響，叢鴈鳴雲霄。萬化相尋釋，人生豈不勞。從古皆有沒，念之中心焦。何以稱我情，濁酒且自陶。千載非所知，聊以永今朝。

庚戌歲九月中於西田穫早稻

人生歸有道，衣食固其端。孰是都不營，而以求自安。開春理常業，歲功聊可觀。晨出肆微勤，日入負耒還。山中饒霜露，風氣亦先寒。田家豈不苦，弗獲辭此難。四體誠乃疲，庶無異患干。墾澆息檐下，斗酒散襟顏。遙遙沮溺心，千載乃相關。但願長如此，躬耕非所歎。

丙辰歲八月中於下潁田舍穫

貧居依稼穡，戮力東林隈。不言春作苦，常恐負所懷。司田眷有秋，寄聲與我諧。飢者歡初飽，束帶候鳴雞。揚楫越平湖，汎隨艦擊迴。鬱鬱荒山裏，悒悒聞且哀。悲風愛靜夜，林鳥喜晨開。曰余作此來，三四星火頽。姿年近已老，其事未云乖。遙謝荷蓀翁，聊得從君栖。

責子

白髮被兩鬢，肌膚不復實。雖有五男兒，總不好紙筆。阿舒已二八，懶惰故無匹。阿宣行志學而不愛文術，雍端年十三，不識六與七。通子垂九齡，但覓梨與栗。天運苟如此，且進杯中物。

有會而作

舊穀既沒，新穀未登，頗爲老農，而值年災日月，尚悠爲患。未已。登歲之功，既不可希，朝夕所資，烟火裁通。旬日已來，始念飢乏。歲云夕矣，慨然永懷。今我不述，後生何聞哉！

弱年逢家乏，老至更長飢。救麥實所羨，孰敢慕甘肥。怒如亞九飯，當暑厭寒衣。歲月將欲暮，如何辛苦悲。常善粥者心，深恨蒙袂非。嗟來何足吝，徒沒空自遺。斯濫豈彼志，固窮夙所歸。餒也已矣夫，在昔余多師。

蜡日

風雪送餘運，無妨時已和。梅柳夾門植，一條有佳花。我唱爾言得，酒中適何多。未能明多少，章山有奇歌。

飲酒二十首

余閒居寡歡，兼比夜已長，偶有名酒，無夕不飲。顧影獨盡，忽焉復醉。既醉之後，輒題數句自娛。紙墨遂多，辭無詮次。聊命故人書之，以爲歡笑爾。

衰榮無定在，彼此更共之。邵生瓜田中，寧似東陵時。寒暑有代謝，人道每如茲。達人解其會，逝將不復疑。忽與一觴酒，日夕歡相持。

積善云有報，夷叔在西山。善惡苟不應，何事空立言。九十行帶索，飢寒況當年。不賴固窮節，百世當誰傳。

道喪向千載，人人惜其情。有酒不肯飲，但顧世間名。所以貴我身，豈不在一生。一生復能幾，倏如流電驚。鼎鼎百年內，持此欲何成？

棲棲失羣鳥，日暮猶獨飛。徘徊無定止，夜夜聲轉悲。厲響思清晨，遠去何所依。因植孤生松，斂翮遙來歸。勁風無榮木，此陰獨不衰。託身已得所，千載不相違。

結廬在人境，而無車馬喧。問君何能爾？心遠地自偏。採菊東籬下，悠然見南山。山氣日夕佳，飛鳥相與還。此中有真意，欲辯已忘言。

行止千萬端，誰知非與是。是非苟相形，雷同共毀毀。三季多此事，達士似不爾。咄咄俗中愚，且當從黃綺。

秋菊有佳色，裛露掇其英。汎此忘憂物，遠我遺世情。一觴雖獨進，杯盡壺自傾。日入羣動息，歸鳥趨林鳴。嘯傲東軒下，聊復得

此生。

青松在東園，衆草沒其姿。凝霜殄異類，卓然見高枝。連林人不覺，獨樹衆乃奇。提壺挂寒柯，遠望時復爲。吾生夢幻間，何事牽塵羈。

清晨聞叩門，倒裳往自開。問子爲誰歟？田父有好懷。壺漿遠見候，疑我與時乖。繼縷蒨檐下，未足爲高樓。一世皆尚同，願君汨其泥。深感父老言，稟氣寡所諧。紆轡誠可學，遠已詎非迷。且共歡此飲，吾駕不可回。

在昔曾遠遊，直去東海隅。道路迴且長，風波阻中塗。此行誰使然，似爲飢所驅。傾身營一飽，少許便有餘。恐此非名計，息駕歸閒居。

顏生稱爲仁，榮公歸有道。屢空不獲年，長飢至於老。雖留身後名，一生亦枯槁。死去何所知，稱心固爲好。客養千金軀，臨北消其實。裸葬何必惡，人當解意表。

長公曾一仕，壯節忽失時。杜門不復出，終身與世辭。仲理歸大澤，高風始在茲。一往便當已，何爲復狐疑。去去當奚道，世俗久相欺。擺落悠悠談，請從余所之。

有客常同止，取舍邈異境。一士長獨醉，一夫終年醒。醒醉還相笑，發言各不領。規規一何愚，兀傲差若穎。寄言酣中客，日沒獨何炳。

故人賞我趣，挈壺相與全。班荆坐松下，數酌已復醉。父老雜

亂言，觴酌失行次。不覺知有我，安知物爲貴？悠悠迷所留，酒中有深味。

貧士乏人工，灌木荒余宅。班班有翔鳥，寂寂無行跡。宇宙何悠悠！人生少至百。歲月相從過，鬢邊早已白。若不委窮達，素抱深可惜。

少年罕人事，游好在六經。行行向不惑，淹留遂無成。竟抱窮苦節，飢寒飽所更。敝廬交悲風，荒草沒前庭。披褐守長夜，晨雞不肯鳴。孟公不在茲，終以翳吾情。

幽蘭生前庭，含薰待清風。清風脫然至，見別蕭艾中。行行失故路，任道或能通。覺悟當念還，烏盡廢良弓。

子雲性嗜酒，家貧無由得。時賴好事人，載醪祛所惑。觴來爲之盡，是諮無不塞。有時不肯言，豈不在伐國。仁者用其心，何嘗失顯默。

疇昔苦長飢，投末去學仕。將養不得節，凍餒固纏已。是時向立年，志意多所恥。遂盡介然分，拂衣歸田里。冉冉星氣流，亭亭復一紀。世路廓悠悠，楊朱所以止。雖無揮金事，濁酒聊可恃。

義農去我久，舉世少復眞。汲汲魯中叟，彌縫使其淳。鳳鳥雖不至，禮樂暫得新。洙泗輟微響，漂流逮狂秦。詩書復何罪，一朝成灰塵。區區諸老翁，爲事誠殷勤。如何絕世下，六籍無一親。終日馳車走，不見所問津。若復不快飲，空負頭上巾。但恨多謬誤，君當恕醉人。

止酒

居止次城邑，逍遙自閑止。坐止高蔭下，步止幕門裏。好味止園葵，大懽止穉子。平生不止酒，止酒情無喜。暮止不安寢，晨止不能起。日日欲止之，營衛止不理。徒知止不樂，未信止利己。始覺止爲善，今朝眞止矣。從此一止去，將止扶桑涘。清顏止宿容，奚止千萬祀。

述酒

重離照南陸，鳴鳥聲相聞。秋草雖未黃，融風火已分。素礫皤皤修渚，南嶽無餘雲。豫章抗高門，重華固靈墳。流淚抱中歎，傾耳聽司晨。神州獻佳粟，西靈爲我馴。諸梁董節旅，芊勝喪其身。山陽歸下國，成名猶不勤。卜生善斯牧，安樂不爲君。平生去舊京，峽口納遺薰。雙陵甫云育，三趾顯奇文。王子愛清吹，日中翔河汾。朱公練九齒，閒居離世紛。峨峨西嶺內，偃息常所親。天容自永固，彭殤非等倫。

擬古九首

榮榮窗下蘭，密密堂前柳。初與君別時，不謂行當久。出門萬里客，中道逢嘉友。未言心相醉，不在接杯酒。蘭枯柳亦衰，遂令此言負。多謝諸少年，相知不忠厚。意氣傾人命，離隔復何有。

辭家夙嚴駕，當往志無終。問君今何行，非商復非戎。聞有田子泰，節義爲士雄。斯人久已死，鄉里習其風。生有高世名，既沒傳無窮。不學狂馳子，直在百年中。

仲春遭時雨，始雷發東隅。衆蟄各潛藏，草木從橫舒。翩翩新
來燕，雙雙入我廬。先巢故尚在，相將還舊居。自從分別來，門庭日
荒蕪。我心固置石，君情定何如。

迢迢百尺樓，分明望四荒。暮作歸雲宅，朝爲飛鳥堂。山河湖
目中，平原轉茫茫。古時功名士，慷慨爭此場。一旦百歲後，相與還
北邙。松柏爲人伐，高墳互低昂。顏基無遺主，遊魂在何方。榮華誠
足貴，亦復可憐傷。

東方有一士，被服常不完。三旬九遇食，十年著一冠。辛苦無
此比，常有好奇顏。我欲觀其人，晨去越河關。青松夾路生，白雲宿
檐端。知我故來意，取琴爲我彈。上絃驚別鶴，下絃操孤鸞。願留就
君住，從今至歲寒。

蒼蒼谷中樹，冬夏常如茲。年年見霜雪，誰謂不知時。厭聞世
上語，結友到臨淄。稷下多談士，指彼決吾疑。裝束既有日，已與家
人辭。行行停出門，還坐更自思。不怨道里長，但畏人我欺。萬一不
合意，永爲世笑嗤。伊懷難具道，爲君作此詩。

日暮天無雲，春風扇微和。佳人美清夜，達曙酣且歌。歌竟長
歎息，持此感人多。皎皎雲間月，灼灼葉中華。豈無一時好，不久當
如何。

少時壯且厲，撫劍獨行游。誰言行游近，張掖至幽州。飢食首
陽薇，渴飲易水流。不見相知人，惟見古時邱。路邊兩高墳，伯牙與
莊周。此士雖再得，吾行欲何求。

種桑長江邊，三年望當採。枝條始欲茂，忽值山河改。柯葉自
摧折，根株浮滄海。春蠶既無食，寒衣欲誰待。本不植高原，今日復
何悔。

雜詩十二首

人生無根蒂，飄如陌上塵。分散逐風轉，此已非常身。落地爲
兄弟，何必骨肉親。得歡當作樂，斗酒聚比鄰。盛年不重來，一日難
再晨。及時當勸勵，歲月不待人。

白日淪西河，素月出東嶺。遙遙萬里輝，蕩蕩空中景。風來入
房戶，夜中枕席冷。氣變悟時易，不眠知夕永。欲言無子和，揮杯勸
孤影。日月擲人去，有志不獲聘。念此懷悲悽，終曉不能靜。

榮華難久居，盛衰不可量。昔爲三春蕖，今作秋蓮房。嚴霜結
野草，枯悴未遑央。日月還復周，我去不再陽。眷眷往昔時，憶此斷
人腸。

丈夫志四海，我願不知老。親戚共一處，子孫還相保。觴絃肆
朝日，讌中酒不燥。緩帶盡歡娛，起晚眠常早。孰若當世士，冰炭滿
懷抱。百年歸邱壟，用此空名道。

憶我少壯時，無樂自欣豫。猛志逸四海，騫翮思遠翥。荏苒歲
月頽，此心稍已去。值歡無復娛，每每多憂慮。氣力漸衰損，轉覺日
不如。壑舟無須臾，引我不得住。前途當幾許，未知止泊處。古人情
寸陰，念此使人懼。

昔聞長者言，掩耳每不喜。奈何五十年，忽已親此事。求我盛

年歡，一毫無復意。去去轉欲遠，此生難再值。傾家持作樂，竟此歲月駛。有子不留金，何用身後置。

日月不肯遲，四時相催迫。寒風拂枯條，落葉掩長陌。弱質與運頰，玄鬢早已白。素標插入頭，前途漸就窄。家爲逆旅舍，我如當去客。去去欲何之，南山有舊宅。

代耕本非望，所業在田桑。躬親未曾替，寒餒常糟糠。豈期過滿腹，但願飽餽糧。御冬足大布，纈絺以應陽。政爾不能得，哀哉亦可傷。人皆盡獲宜，拙生失其方。理也可奈何，且爲陶一觴。

遙遙從羈役，一心處兩端。掩淚汎東逝，順流追時還。日沒星與昴，勢騎西山巔。蕭條隔天涯，惆悵念常殮。慷慨思南歸，路遐無由緣。關梁難虧替，絕音寄斯篇。

閒居執蕩志，時駛不可稽。驅役無停息，軒裳逝東崖。沈陰擬薰麝，寒氣激我懷。歲月有常御，我來淹已爾。慷慨憶綢繆，此情久已離。荏苒經十載，暫爲人所羈。庭宇翳餘木，倏忽日月虧。

我行未云遠，回顧慘風涼。春燕應節起，高飛拂塵梁。邊鴈悲無所，代謝歸北鄉。離鷗鳴清池，涉暑經秋霜。愁人難爲辭，遙遙春夜長。

孀孀松標巖，婉孌柔童子。年始三五間，喬柯何可倚。養色合津氣，粲然有心理。

詠貧士七首

萬族各有託，孤雲獨無依。曖曖立中滅，何時見餘暉。朝霞開

宿霧，衆鳥相與飛。遲遲出林闕，未夕復來歸。量力守故轍，豈不寒與飢。知音苟不存，已矣何所悲。

淒厲歲云暮，擁褐曝前軒。南圃無遺秀，枯條盈北園。傾壺絕餘瀝，闔窻不見煙。詩書塞座外，日昃不遑研。閒居非陳厄，竊有慍見言。何爲慰吾懷，賴古多此賢。

榮叟老帶索，欣然方彈琴。原生納決履，清歌唱商音。重華去我久，貧士世相尋。敝襟不掩肘，藜羹常乏斟。豈忘襲輕裘，苟得非所欽。賜也徒能辯，乃不見吾心。

安貧守賤者，自古有黔婁。好爵吾不榮，厚饋吾不酬。一旦壽命盡，敝服仍不周。豈不知其極，非道故無憂。從來將千載，未復見斯儔。朝與仁義生，夕死復何求。

袁安困積雪，邈然不可干。阮公見錢入，即日棄其官。芻蕘有常溫，採菖足朝飧。豈不實辛苦，所懼非飢寒。貧富常交戰，道勝無戚顏。至德冠邦閭，清節映西關。

仲蔚愛窮居，遠宅生蒿蓬。翫然絕交游，賦詩頗能工。舉世無知者，止有一劉龔。此士胡獨然，實由罕所同。介焉安其業，所樂非窮通。人事固以拙，聊得長相從。

昔在黃子廉，彈冠佐名州。一朝辭吏歸，清貧略難儔。年飢感仁妻，泣涕向我流。丈夫雖有志，固爲兒女憂。惠孫一晤歎，臆贈竟莫酬。誰云固窮難，邈哉此前修。

詠二疏

大象轉四時，功成者自去。借問衰周來，幾人得其趣？游目漢廷中，二疏復此舉。高嘯返舊居，長揖儲君傅。餞送傾皇朝，華軒盈道路。離別情所悲，餘榮何足顧。事勝感行人，賢哉常譽厭。厭聞里歡，所警非近務。促席延故老，揮觴道平素。問金終寄心，清言曉未悟。放意樂餘年，遑惜身後慮。誰云其人亡，久而道彌著。

詠三良

彈冠乘通津，但懼時我遺。服勤盡歲月，常恐功愈微。忠情謬獲露，遂爲君所私。出則陪文輿，人必侍丹帷。箴視嚮已從，計議初無虧。一朝長逝後，願言同此歸。厚恩固難忘，向命安可違。臨穴罔遲疑，投義志攸希。荆棘籠高墳，黃鳥聲正悲。良人不可曠，泫然霑我衣。

詠荆軻

燕丹善養士，志在報強虜。招集百夫良，歲暮得荆卿。君子死知已，提劍出燕京。素驥鳴廣陌，慷慨送我行。雄髮指危冠，猛氣衝長纓。飲饒易水上，四座列羣英。漸擊悲筑，宋意唱高聲。蕭蕭哀風逝，淡淡寒波生。商音更流涕，羽奏壯士驚。心知去不歸，且有後世名。登車何時顧，飛蓋入秦庭。凌厲越萬里，逶迤過千城。圖窮事自至，豪主正怔營。惜哉劍術疏，奇功遂不成。其人雖已沒，千載有餘情。

讀山海經十三首

孟夏草木長，遶屋樹扶疏。衆鳥欣有託，吾亦愛吾廬。既耕亦

已種，時還讀我書。窮巷隔深轍，頗迴故人車。歡言酌春酒，摘我園中蔬。微雨從東來，好風與之俱。汎覽周王傳，流觀山海圖。俯仰終宇宙，不樂復何如！

玉臺凌霞秀，王母怡妙顏。天地共俱生，不知幾何年。靈化無窮已，館宇非一山。高酣發新謠，宵效俗中言。

迢遞槐江嶺，是謂玄圃邱。西南望崑墟，光氣難與儔。亭亭明珥照，落落清瑤流。恨不及周穆，託乘一來游。

丹木生何許，迺在崑山陽。黃花復朱實，食之壽命長。白玉凝素液，瑾瑜發奇光。豈伊君子寶，見重我軒黃。

翩翩三青鳥，毛色奇可憐。朝爲王母使，暮歸三危山。我欲因此鳥，具向王母言。在世無所須，惟酒與長年。

逍遙蕪皋上，杳然望扶木。洪柯百萬尋，森散覆陽谷。靈人侍丹池，朝朝爲日浴。神景一登天，何幽不見燭。

粲粲三珠樹，寄生赤水陰。亭亭凌風桂，八榦共成林。靈鳳撫雲舞，神鸞調玉音。雖非世上寶，爰得王母心。

自古皆有沒，何人得靈長。不死復不老，萬歲如平常。赤泉給我飲，員邱足我糧。方與三辰游，壽考豈央央。

夸父誕宏志，乃與日競走。俱至虞淵下，似若無勝負。神力既殊妙，傾河焉足有。餘迹寄鄧林，功竟在身後。

精衛銜微木，將以填滄海。刑天舞干戚，猛志故常在。同物既無慮，化去不復悔。徒設在昔心，良晨詎可待。

巨猾肆威暴，欽鴆違帝旨。夔龍強能變，祖江遂獨死。明明上天鑒，爲惡不可履。長枯固已劇，鸚鵡豈足恃。

鷓鴣見城邑，其國有放士。念彼懷王世，當時數來止。青邱有奇鳥，自言獨見爾。本爲迷者生，不以喻君子。

巖巖顯朝市，帝者慎用才。何以廢共鯨，重華爲之來。仲父獻誠言，姜公乃見猜。臨沒告飢渴，當復何及哉。

擬挽歌辭三首

有生必有死，早終非命促。昨暮同爲人，今日在鬼錄。魂氣散何之，枯形寄空木。嬌兒索父嚶，良友撫我哭。得失不復知，是非安能覺。千秋萬歲後，誰知榮與辱。但恨在世時，飲酒不得足。

在昔無酒飲，今日湛空觴。春醪生浮蟻，何時更能嘗。殺案盈我前，親舊哭我旁。欲語口無音，欲視眼無光。昔在高堂寢，今宿荒草鄉。一朝出門去，歸來夜未央。

荒草何茫茫，白楊亦蕭蕭。嚴霜九月中，送我出遠郊。四面無人，居高墳正嵒。驢馬爲仰天鳴，風爲自蕭條。幽室一已閉，千年不復朝。千年不復朝，賢達無奈何。向來相送人，各自還其家。親戚或餘悲，他人亦已歌。死去何所道，託體同山阿。

桃花源詩

晉太元中，武陵人捕魚爲業。緣溪行，忘路之遠近。忽逢桃花林，夾岸數百步，中無雜樹。芳草鮮美，落英繽紛。漁人甚異之。復前行，欲窮其林。林盡水源，便得一山，山有小口，髣

髴若有光。便捨船從口入，初極狹，纔通人。復行數十步，豁然開朗。土地平曠，屋舍儼然，有良田美池，桑竹之屬。阡陌相通，雞犬相聞。其中往來種作，男女衣著，悉如外人。黃髮垂髻，並怡然自樂。見漁人，乃大驚，問所從來，具答之。便要還家，設酒殺雞作食。村中聞有此人，咸來問訊。自云：「先世避秦時亂，率妻子邑人來此絕境，不復出焉。遂與外人間隔。」問：「今是何世？」乃不知有漢，無論魏晉。此人一爲具言所聞，皆歎惋。餘人各復延至家，皆出酒食。停數日辭去。此中人語云：「不足爲外人道也。」既出，得其船，便扶向路，處處誌之。及郡下，詣太守，說如此。太守即遣人隨其往，尋向所誌，遂迷不復得路。南陽劉子驥高尙士也，聞之欣然規往。未果，尋病終，後遂無問津者。

嬴氏亂天紀，賢者避其世。黃綺之商山，伊人亦云逝。往迹浸復澗，來運遂蕪廢。相命農耕，日入從所憩。桑竹垂餘蔭，菽稷隨時藝。春蠶收長絲，春熟靡王稅。荒路曖交通，雞犬互鳴吠。俎豆猶古法，衣裳無新製。童孺縱行歌，斑白歡游詣。草榮識節和，木衰知風厲。雖無紀歷誌，四時自成就。怡然有餘樂，於何勞智慧。奇蹤隱五百，一朝敵神界。淳薄既異源，旋復還幽蔽。借問遊方士，焉測塵露外。願言蹠輕風，高舉尋吾契。

謝康樂五古六十五首

述祖德詩二首

序曰：太元中，王父龔定淮南，負荷世業。尊主隆人，逮賢相
俱謝。君子道消，拂衣藩岳，考下東山。事同樂生之時，志期
范蠡之舉。

達人貴自我，高情屬天雲。兼抱濟物性，而不嬰垢氛。段生藩
魏國，展季救魯人，弦高犒晉師，仲連卻秦軍。障組年不縲，對珪寧
肯分。惠物辭所賞，勵志故絕人。蒼蒼歷千載，遙遙播清塵。清塵竟
誰嗣？明哲垂經綸。委講綴道論，收服康世屯。屯離既云康，尊主隆
斯民。

中原昔喪亂，喪亂豈解已！崩騰永嘉末，逼迫太元始。河外無
反正，江介有豈圯。萬邦咸震懼，橫流賴君子。拯溺繇道情，龜暴資
神理。秦趙欣來蘇，燕魏遲文軌。賢相謝世運，遠圖因事止。高揖七
州外，拂衣五湖裏。隨山疏澗滯，傍巖藝枿梓。遺情舍塵物，貞觀邱
壑美。

九日從宋公戲馬臺集送孔令

季秋邊朔苦，旅鴈違霜雪。淒淒淒丹旆，皎皎寒澗絮。良辰感
聖心，雲旗興暮節。鳴葭戾朱宮，蘭厄獻時哲。饑寒光有孚，和樂隆
所缺。在宥天下理，吹萬羣方悅。歸客送海隅，脫冠謝朝列。弭棹薄
杙渚，指景待樂闋。河流有急瀾，浮塵無緩轍。豈伊川途念，宿心愧
將別。彼美邱園道，喟焉傷薄劣。

從遊京口北固應詔

玉璽戒誠信，黃屋示崇高。事爲名教用，道以神理超。昔聞汾

水遊，今見塵外鍾。鳴笳發春渚，稅鑿登山椒。張組眺倒景，列筵臨
歸潮。遠巖映蘭薄，白日麗江皋。原隰黃綠柳，墟甸散紅桃。泉心美
陽澤，萬象咸光昭。顧已枉維繫，撫志慚場苗。工拙各所宜，終以反
林巢。曾是繁舊想，覽物奏長謠。

永初三年七月十六日之郡初發都

述職期闋暑，理棹變金素。秋岸澄夕陰，火爰團朝露。辛苦誰
爲情？遊子植頽苳，愛似莊念昔。久敬曾存故，如何懷上心。持此謝
遠度。李牧愧長袖，卻克慚躡步。良時不見遺，醜狀不成惡。曰余亦
支離，依方早有慕。生幸休明世，親蒙英達顧。空班趙氏璧，徒乖魏
王瓠。從來漸二紀，始得傍歸路。將窮山海迹，永絕賞心悟。

鄰里相送至方山

祇役出皇邑，相期憩甌越。解纜及流潮，懷舊不能發。析析就
衰林，皎皎明秋月。含情易爲盈，遇物可難歇。積痼謝生慮，寡慾罕
所闕。資此永幽棲，豈伊年歲別。各勉日新志，音塵慰寂蔑。

過始寧墅

束髮懷耿介，逐物逐推遷。違志似如昨，二紀及茲年。繙磷謝
清曠，疲茶慚貞堅。拙疾相倚薄，還得靜者便。剖竹守滄海，枉帆過
舊山。山行窮登頓，水涉盡洄沿。巖嶂嶺稠疊，洲繁渚連綿。白雲抱
幽石，綠篠媚清澗。蒼宇臨迴江，築觀基曾巖。揮手告鄉曲，三載期
歸旋。且爲樹檳粉，無令孤願言。

富春渚

宵濟漁浦潭，旦及富春郭。定山緬震霧，赤亭無淹薄。迴流觸
驚急，臨圻阻參錯。亮乏伯昏分，險過呂梁壑。洊至宜便習，兼山貴
止託。平生協幽期，淪躡困微弱。久露干祿請，始果遠遊諾。宿心漸
申寫，萬事俱零落。懷抱既昭曠，外物徒龍蠖。

七里瀨

羈心積秋晨，晨積屏遊眺。孤客傷逝湍，徒旅苦奔峭。石淺水
潺湲，日落山照曜。荒林紛沃若，哀禽相叫嘯。遭物悼遷斥，存期得
要妙。既乘上皇心，豈屑末代目。目覩嚴子湫，想屬任公釣。誰謂古
今殊，異代可同調。

晚出西射堂

步出西城門，遙望城西岑。連障疊巘嶿，青翠杳深沈。曉霜楓
葉丹，夕薰嵐氣陰。節往感不淺，感來念已深。羈離戀經侶，迷鳥懷
故林。含情尚勞愛，如何離賞心。撫鏡華緇鬢，攬帶緩促衿。安排徒
空言，幽獨賴鳴琴。

登池上樓

潛虬媚幽姿，飛鴻響遠音。薄霄愧雲浮，棲川怍淵沈。進德智
所拙，退耕力不任。徇祿反窮海，臥疴對空林。衾枕昧節候，褰開暫
窺臨。傾耳聆波瀾，舉目眺嶺嶽。初景革緒風，新陽改故陰。池塘生
春草，園柳變鳴禽。祁祁傷幽歌，萋萋感楚吟。索居易永久，離羣難
處心。持操豈獨古，無悶徵在今。

遊南亭

時竟夕澄霽，雲歸日西馳。密林含餘清，遠峯隱半規。久痾昏
墊苦，旅館眺郊岐。澤蘭漸被徑，芙蓉始發池。未厭青春好，已觀朱
明移。戚戚感物歎，星星白髮垂。藥餌情所止，衰疾忽在斯。逝將候
秋水，息景偃舊巖。我志誰與亮，賞心惟良知。

遊赤石進帆海

首夏猶清和，芳草亦未歇。水宿淹晨暮，陰霞屢興沒。周覽倦
瀛壖，況乃凌窮髮。川后時安流，天吳靜不發。揚帆採石華，掛席拾
海月。溟濶無端倪，虛舟有超越。仲連輕齊組，子牟眷魏闕。矜名道
不足，適已物可忽。請附任公言，終然謝天伐。

登江中孟嶼

江南倦歷覽，江北曠周旋。懷新道轉迥，尋異景不延。亂流趨
正絕，孤嶼媚中川。雲日相輝映，空水共澄鮮。表靈物莫賞，蘊真誰
爲傳。想像崑山姿，緬邈區中緣。始信安期術，得盡養生年。

登永嘉綠嶂山詩

裹糧杖輕策，懷遲上幽室。行源逕轉遠，距陸情未畢。澹澹結
寒姿，團團潤霜質。澗委水屢迷，林回巖逾密。谷西謂初月，顧東宜
落日。踐夕奄昏邁，蔽翳皆周悉。蟲上貴不事，履二美貞吉。幽人常
坦少，高尚競難匹。頤阿竟何端，寂寂寄抱一。恬如既已交，繕性自
此出。

郡東山望溟海詩

開春獻初歲，白日出悠悠。蕩志將愉樂，瞰海庶忘憂。策馬步

關皋，纒捺息椒邱。采蕙遶大澤，寒若履長洲。白花隔陽林，紫霧唾春流。非徒不弭忘，覽物情彌適。營蘇始無慰，寂寞終可求。

遊嶺門山詩

西京誰修政，弊汲稱良吏。君子豈定所，清塵慮不嗣。早泐建德鄉，民懷虞芮意。海岸常寥寥，空館盈清思。協以上冬月晨遊肆所喜，千圻邈不同，萬嶺狀皆異。威播三山嶠，滯泊兩江駛。舟魚豈安流，樵拾謝西莊。人生誰云樂，貴不屈所志。

石室山詩

清旦索幽異，放舟越垌郊。莓莓蘭渚急，藐藐苔嶺高。石室冠林陬，飛泉發山椒。虛泛徑千載，崢嶸非一朝。鄉村絕聞見，樵蘇限風霄。微戎無遠覽，總筭羨升喬。靈域久韜隱，如與心賞交。合歡不容言，摘芳弄寒條。

登上戌石鼓山詩

旅人心長久，憂憂自相接。故鄉路遙遠，川陸不可涉。汨汨莫與娛，發春託登躡。歡願既無竝，戚慮庶有協。極目瞰左闕，迴顧眺石狹。日末湖增波，雲生嶺逾疊。白芷競新苦，綠蘋齊初葉。摘芳芳靡設，愉樂樂不變。佳期細無像，聘望誰云憶。

行田登海口盤嶼山

羈苦孰云慰，觀海藉朝風。莫辨洪波極，誰知大壑東。依稀採菱歌，髮髻含頤容。遊遊碧沙渚，遊衍丹山峯。

白石巖下徑行田

小邑居易貧，災年民無生。知淺懼不周，愛深憂在情。舊業橫海外，蕪穢積頽齡。饑饉不可久，甘心務經營。千頃帶遠堤，萬里瀉長汀。洲流涓澮合，連統騰埒并。雖非楚宮化，荒闕亦黎明。雖非鄭白渠，每歲望東京。天饑儻不孤，來茲驗微誠。

齋中讀書

昔余遊京華，未嘗廢邱壑。矧乃歸山川，心跡雙寂寞。虛館絕諍訟，空庭來鳥雀。臥疾豐暇豫，翰墨時間作。懷抱觀古今，寢食屏戲謔。既笑沮溺苦，又哂子雲閣。執戟亦以疲，耕稼豈云樂。萬事雖並歡，達生幸可託。

命學士講書

臥病同淮陽，宰邑曠武城。弦歌愧言子，清淨謝汲生。古人不可攀，何以報恩榮。時往歲易周，聿來政無成。曾是展余心，招學講羣經。鏢金既云刃，凝土亦能型。望爾來尚隆，遠嗣竹箭聲。敢謂荀氏訓，且布蘭陵情。待罪豈久期，禮樂俟賢明。

種桑詩

詩人陳條柯，亦有美瓊樹。前脩爲誰故，後事資紡績。常佩知方誠，愧微富教益。浮陽鶯嘉月，藝桑這間隙。疏欄發近郭，長行達廣場。曠流始愆泉，洒塗猶跬跡。俾此將長成，慰我海外役。

初去郡

彭薛裁知恥，賁公未遺榮。或可優食競，豈足稱達生。伊余秉微尚，拙訥謝浮名。虛園當棲巖，卑位代躬耕。願已雖自許，心迹猶

未并無庸方周任，有疾像長卿。畢娶類尚子，薄遊似邴生。恭承古人意，促裝返柴荆。牽絲及元興，解龜在景平。負心二十載，於今廢將迎。理棹造還期，遵渚驚脩別。邇溪終水涉，登嶺始山行。野曠沙岸淨，天高秋月明。憩石挹飛泉，攀林塞落英。戰勝臞者肥，鑿止流歸停。卽是羲唐化，獲我擊壤情。

田南樹園激流植援

樵隱俱在山，繇來事不同。不同非一事，養痾亦園中。中國屏氛雜，清曠招遠風。卜室倚北阜，啓扉面南江。激澗代汲井，插橫當列壙。羣木旣羅戶，衆山亦當牕。靡迤趨下田，迢遞瞰高峯。寡欲不期勞，卽事罕人功。唯開蔣生徑，永懷求羊蹤。賞心不可忘，妙善冀能同。

石壁精舍還湖中作

昏旦變氣候，山水含清暉。清暉能娛人，遊子憺忘歸。出谷日尚早，入舟陽已微。林壑斂暝色，雲霞收夕霏。菱荷迭映蔚，蒲稗相因依。披拂趨南逕，愉悅偃東扉。慮澹物自輕，意愜理無違。寄言攝生客，試用此道推。

登石門最高頂

晨策尋絕壁，夕息在山樓。疏峯抗高館，對嶺臨迴溪。長林羅戶穴，積石擁階基。連巖覺路塞，密竹使徑迷。來人忘新術，去子惑故蹊。活活夕流駛，噉噉夜援覓。沈冥豈別理，守道自不攜。心契九秋鞅，目翫三春蕙。居常以待終，處順故安排。惜無同懷客，共登青

雲梯。

石門新營所住，四面高山，迴溪石澗，茂林修竹

躋險築幽居，披雲臥石門。苔滑誰能步，葛弱豈可捫。嫋嫋秋風過，萋萋春草寒。美人遊不還，佳期何繇敦。芳塵凝瑤席，清醑滿金尊。洞庭空波瀾，桂枝徒攀翻。結念屬霄漢，孤景莫與援。俯濯石下潭，仰看條上援。早聞夕懸急，晚見朝日暎。巖傾光難留，林深響易奔。感往慮有復，理來情無存。庶持乘日車，得以慰營魂。匪爲衆人說，冀與智者論。

於南山往北山，經湖中瞻眺

朝旦發陽巖，景落憩陰峯。舍舟眺迴渚，停策倚茂松。側逕既窈窕，環舟亦玲瓏。俛視喬木杪，仰聆大壑瀟。石橫水分流，林密蹊絕蹤。解作竟何感，升長皆丰容。初篁包綠籜，新蒲含紫茸。海鷗戲春岸，天雞弄和風。撫化心無厭，覽物眷彌重。不惜去人遠，但恨莫與同。孤遊非情歎，賞慶理誰通。

從斤竹澗越嶺溪行

爰鳴誠知曙，谷幽光未顯。巖下雲方合，花上露猶泫。透迳旁隈隩，追遞陟隱峴。過澗既厲急，登棧亦陵緬。川渚屢徑復，乘流輒迴轉。蘋萍泛沈深，菰蒲冒清淺。企石挹飛泉，攀林摘葉卷。想見山阿人，薜蘿若在眼。握蘭勤徒結，折麻心莫展。情用賞爲美，事味竟難辨。觀此遺物慮，一悟得所遣。

過白岸亭詩

拂衣遶沙頭，緩步入蓬屋。近澗涓密石，遠山映疏木。空翠難
強名，漁釣易爲曲。援蘿聆青巖，春心自相屬。交止相黃吻，食
牽鹿，傷彼人百哀。嘉爾承僮樂，榮悴迭去來。窮通成休感，未若長
疏散，萬事恆抱朴。

夜宿石門詩

朝寒苑中闌，畏彼霜下歇。暝還雲際宿，美此石上月。鳥鳴識
夜棲，木落知風發。異音同至聽，殊響俱清越。妙物莫爲賞，芳醕誰
與伐。美人竟不來，陽阿徒啼髮。

南樓中望所遲客

杳杳日西頽，漫漫長路迫。登樓爲誰思，臨江遲來客。與我別
所期，期在三五夕。圓景早已滿，佳人殊未適。卽事怨睽攜，感物方
悽感。孟夏非長夜，晦明如歲隔。瑤華未堪折，蘭若已屢摘。路阻莫
贈問，云何未離析。搔首訪行人，引領冀良覿。

廬陵王墓下作

曉月發雲陽，落日次朱方。含悽泛廣川，灑淚眺連岡。眷言懷
君子，沈痛切中腸。道消絕憤懣，運開申悲涼。神期恆若存，德音初
不忘。徂謝易永久，松柏森已行。延州協心許，楚老惜蘭芳。解劍竟
何及，撫墳徒自傷。平生疑若人，通蔽互相妨。理感深情勵，定非識
所將。臆促良可哀，天枉特兼常。一隨往化滅，安用空名揚。舉身泣
已滌，長歎不成章。

還舊園作，見顏范二中書

辭滿豈多秩，謝病不待年。偶與張邴合，久欲還東山。聖靈昔
迴眷，微尚不及宣。何意衝騰激，烈火縱炎煙。焚玉發崑峩，餘燼遂
見遷。投沙理既迫，如耶願亦愆。長與歡愛別，永絕平生緣。浮舟千
仞壑，總轡萬尋巔。流法不足險，石林豈爲艱。閩中安可處，日夜念
歸旋。事蹟兩如直，心懷三避賢。託身青雲上，棲巖抱飛泉。盛明盍
氛昏，貞休康屯遭。殊方感成貨，微物豫采甄。感深操不固，質弱易
扳纏。曾是反昔園，語往實款然。龔基卽先築，故池不更穿。果木有
舊行，壤石無遠延。雖非休憩地，聊取永日閒。衛生自有經，息陰謝
所牽。夫子照清素，投懷接往篇。

酬從弟惠連

寢瘵謝人徒，漱迹入雲峯。巖壑寓耳目，歡愛隔音容。永絕賞
心望，長懷莫與同。末路值令弟，開顏披心胸。
心胸既云披，意得咸在茲。凌澗尋我室，散帙問所知。夕慮曉
月流，朝忌嘯日馳。晤對無厭歇，聚散成分離。
分離別西川，迴景歸東山。別時悲已甚，別後情更延。傾想遲
嘉音，果枉濟江篇。辛勤風波事，款曲洲渚言。
洲渚旣淹時，風波子行遲。務協華京想，詎存空谷期。猶復惠
來章，祇足攬余思。儻若果歸言，共陶暮春時。
暮春雖未交，仲春善遊遨。山桃發紅萼，野蕨漸紫苞。嚶鳴已
悅豫，幽居猶鬱陶。夢寐佇歸舟，釋我吝與勞。
登臨海嶠，初發疆中作，與從弟惠連可見羊何其和之。

杪秋尋遠山，山遠行不近。與子別山阿，含酸赴脩眇。中流袂就判，欲去情不忍。顧望脰未捐，汀曲舟已隱。

懸汀絕望舟，驚棹逐驚流。欲抑一生歡，並奔千里遊。日落當棲薄，繫纜臨江樓。豈惟夕情斂，憶爾共淹留。

淹留昔時歡，復增今日歎。茲情已分慮，況乃協悲端。秋泉鳴北澗，哀援響南轡。戚戚新別心，悽悽久念攢。

攢念攻別心，旦發清溪陰。暝投剡中宿，明登天姥岑。高高入雲霓，遠期那可尋。儻遇浮邱公，長絕子微音。

初發石首城

白圭尚可磨，斯言易為緇。雖抱中孚爻，猶勞貝錦詩。寸心若不亮，微命察如絲。日月垂光景，成貸遂兼茲。出宿薄京畿，晨裝搏曾颺。重經平生別，再與朋知辭。故山日已遠，風波豈還時。迢迢萬里帆，茫茫終何之。遊當羅浮行，息必廬霍期。越海陵三山，遊湘歷九嶷。欽聖若旦暮，懷賢亦倭其。皎皎明發心，不為歲寒欺。

入東道路詩

整駕辭金門，命旅惟詰朝。懷居顧歸雲，指塗泝行飈。屬值清明節，榮華感和韶。陵隰繁綠祀，墟囿粲紅桃。鸞鷲聳方維，纖纖麥垂苗。隱眇邑里密，裊邈江海遼。滿目皆古事，心賞貴所高。魯連謝千金，延州權去朝。行路既經見，願言寄吟謠。

道路憶山中

采菱調易急，江南歌不緩。楚人心昔絕，越客腸今斷。斷絕雖

殊念，俱為歸慮歎。存鄉爾思積，憶山我憤懣。追尋棲息時，偃臥任縱誕。得性非外求，自己為誰纂。不怨秋夕長，常苦夏日短。濯流激浮湍，息陰倚密竿。懷故叵新歡，含悲忘春暖。悽悽明月吹，惻惻廣陵散。殷勤訴危柱，慷慨命促管。

入彭蠡湖口

客遊倦水宿，風朝難具論。洲島驟迴合，圻岸屢崩奔。乘月聽哀狖，過露稜芳蓀。春晚綠野秀，巖高白雲屯。千念集日夜，萬感盈朝昏。攀巖照石鏡，牽葉入松門。三江事多往，九派理空存。靈物各珍怪，異人祕精魂。金膏滅明光，水碧綴流溫。徒作千里曲，絃絕念彌敦。

入華子岡，是麻源第三谷

南州實炎德，桂樹陵寒山。銅陵映碧澗，石磴瀉紅泉。既杆隱淪客，亦棲迫遁賢。險徑無測度，天路非術阡。遂登羣峯首，覲若升雲煙。羽人絕髣髴，丹邱徒空筌。圖牒復磨滅，碑版誰聞傳。莫辨百代後，安知千載前。且申獨往意，乘月弄潺湲。恆充俄頃用，豈為古今然。

登歸漱三瀑布，望兩溪

我行乘日垂，放舟候月圓。沫江免風濤，涉清弄漪漣。積石疎兩溪，飛泉倒三山。亦既窮登陟，荒藹橫目前。窺巖不覩景，披林豈見天。陽鳥尚傾翰，幽篁未為遘。退尋平常時，安知巢穴難。風雨非攸愜，擁志誰與宣。儻有同枝條，此日即千年。

初往新安桐廬口。

稀綸雖淒其，授衣尚未至。感節良已深，懷古亦云思。不有千里棹，孰申百代意。遠協尚子心，遙得許生計。既及冷風善，又即秋水駛。江山共開曠，雲日相照媚。景夕羣物清，對玩咸可意。

擬魏太子鄴中集詩八首。

建安末，余時在鄴宮。朝遊夕讌，究歡愉之極。天下良辰美景，賞心樂事，四者難并。今昆弟友朋，二三諸彥，共盡之矣。古來此娛，書籍未見。何者？楚襄王時，有宋玉、唐景、梁孝王時，有鄒枚、嚴馬，遊者美矣，而其主不文。漢武帝、徐樂、諸才，備應對之能，而雄猜多忌，豈獲晤言之適？不誣方將，庶必賢於今日爾。歲月如流，零落將盡，撰文懷人，感往增愴。其辭曰——

魏太子

百川赴巨海，眾星環北辰。照灼爛霄漢，遙裔起長津。天地中橫潰，家王拯生民。區宇既蕩滌，羣英必來臻。忝此欽賢性，繇來常懷仁。況值衆君子，傾心隆日新。論物靡浮說，析理實敷陳。羅縷豈闕辭，竊窺究天人。澄觴滿金盞，連榻設華茵。急絃動飛聽，清歌拂梁塵。莫言相遇易，此歡信可珍。

王粲

家本秦川貴公子，孫遭亂流寓，自傷情多。

幽厲昔崩亂，桓靈今板蕩。伊洛既燦煙，函嶠沒無像。整裝亂

秦川，秣馬赴楚壤。沮漳自可美，客心非外獎。常歎詩人言，式微何繇往。上宰奉皇靈，侯伯咸宗長。雲騎亂漢南，宛鄧皆掃盪。排霧屬盛明，披雲對清朗。慶泰欲重疊，公子特先賞。不謂息肩願，一旦值明兩。竝載遊鄴京，方舟泛河廣。網繆清讌娛，寂寥梁棟響。既作長夜飲，豈顧乘日養。

陳琳

袁本初書記之士，故述喪亂事多。

皇漢逢迺邇，天下遭氛怨。董氏淪關西，袁家擁河北。單民易周章，窘身就羈勒。豈意事乖已，永懷戀故國。相公實勤王，信能定螫賊。復覩東郡輝，重見漢朝則。餘生幸已多，矧遇值明德。愛客不告疲，餘讌遺景刻。夜聽極星爛，朝遊窮囓黑。哀哇動梁埃，急觴盡幽默。且盡一日娛，莫知古來惑。

徐幹

少無官情，有箕顛之心事，故仕世多素辭。

伊昔家臨淄，提攜弄齊瑟。置酒飲膠東，淹留憩高密。此歡謂可終，外物始難畢。搖蕩箕濮情，窮年迫憂慄。末塗幸休明，棲集建薄質。已免負薪苦，仍遊椒闈室。清論事究萬，美話信非一。行觴奏悲歌，永夜繫白日。華屋非蓬居，時髦豈余匹。中飲顧昔心，悵焉若有失。

劉楨

卓犖偏人，而文最有氣，所得頗經奇。

貧居晏里開，少小長東平。河兗當衝要，淪飄薄許京。廣川無
逆流，招納廟羣英。北渡黎陽津，南登宛郢城。既覽古今事，頗得治
亂情。歡友相解達，數奏究平生。矧荷明哲顧，知深覺命輕。朝遊牛
羊下，暮坐括揭鳴。終歲非一日，傳扈弄清聲。辰事既難諧，歡願如
今并。唯羨肅肅翰，繽紛戾高冥。

應瑒

汝穎之士，流離世故，頗有飄薄之歎。

嗷嗷雲中鴈，舉翮自委羽。求涼弱水湄，違寒長沙渚。顧我梁
川時，緩步集穎許。一旦逢世難，淪薄恆羈旅。天下昔未定，託身早
得所。官渡廁一卒，烏林預艱阻。晚節值衆賢，會同庇天宇。列坐蔭
華棖，金樽盈清醕。始奏延露曲，繼以闌夕語。調笑輒酬答，嘲諠無
慚沮。傾軀無遺慮，在心良已鉞。

阮瑀

管書記之任，故有優渥之言。

河洲多沙塵，風悲黃雲起。金羈相馳逐，聯翩何窮已。慶雲惠
優渥，微濼攀多士。念昔渤海時，南皮戲清濟。今復河曲遊，鳴菴汎
蘭汜。躡步陵丹梯，竝坐侍君子。妍談既愉心，哀音信睦耳。傾醅保
芳醕，酌言豈終始。自從食萍來，惟見今日美。

平原侯植

公子不及世事，但美遨遊，然頗有憂生之嗟。

朝遊登鳳閣，日暮集華沼。傾柯引弱枝，攀條摘蕙草。徙倚窮

聘望，目極盡所討。西顧太行山，北眺邯鄲道。平衢修且直，白楊信
襲裊。副君命飲宴，歡娛寫懷抱。良遊匪晝夜，豈云晚與早。衆賓悉
精妙，清辭灑灑藻。哀音下迴鶻，餘味徹清昊。中山不知醉，飲德方
覺飽。願以黃髮期，養生念將老。

石壁立招提精舍

四城有頓蹟，三世無極已。浮歡昧眼前，沈照貫終始。壯齡緩
前期，顏年迫暮齒。揮霍夢幻頃，飄忽風電起。良緣迫未謝，時逝不
可俟。敬擬靈鷲山，尙想祇洹軌。絕溜飛庭前，高林映牕裏。禪室棲
空觀，講宇析妙理。

過覆溪山僧

迎旭凌絕磴，映法歸激浦。鑽燧斷山木，掩岸墜石戶。結架非
丹臺，藉田資宿莽。同遊息心客，曠然若可覩。清霄颺浮煙，空林響
法鼓。忘懷狎鷗鷺，攝生馴兕虎。望嶺眷靈鷲，延心念淨土。若乘四
等觀，永拔三界苦。

七夕詠牛女

火逝首秋節，新明弦月夕。月弦光照戶，秋風首入隙。凌峯步
曾崖，憑雲肆遙脈。徙倚西北庭，踈踊東南覲。紈綺無報章，河漢有
駿軌。

彭城宮中直感歲暮

草草眷徂物，契契矜歲殫。楚豔起行賦，吳趨絕歸懽。修帶緩
舊裳，素髮改朱顏。晚暮悲獨坐，鳴題敬春闌。

會吟行

六引緩清唱，三調停繁音。列筵皆靜寂，咸共聆會吟。會吟自有初，請從文命敷。敷績董董始，刊木至江汜。列宿炳天文，負海橫地理。連峯競千仞，背流各百里。漉池漑稗稻，輕雲暖松杞。兩京槐佳麗，三都豈能似。層臺指中天，高墉積崇雉。飛燕躍廣途，鷁首戲清池。肆呈竊窕容，路曜使娟子。自來彌年代，賢達不可紀。句踐善慶興，越更讖行止。范蠡出江湖，梅福入城市。東方就旅逸，梁鴻去桑梓。牽綬膏土風，辭殫意未已。

卷三

湘鄉曾國藩纂，合肥李鴻章審訂，東湖王定安校。

鮑明遠五古一百三十一首

探桑

季春梅始落，工女事蠶作。採桑淇洧間，還戲上宮閣。早蒲時結陰，晚蠶初解繅。藹藹霧滿園，融融景盈幕。乳燕逐草蟲，巢蜂拾花萼。是節最喧妍，佳服又新爍。綿歎對迴塗，揚歌弄場藿。抽琴試杼思，薦瓊果成託。承君郢中美，服義久心諾。衛風古愉豔，鄭俗舊浮薄。靈願悲渡湘，密賦笑溥洛。盛明難重來，淵意爲誰涸。君其且調絃，桂酒妾行酌。

代蒿里行

同盡無貴賤，殊願有窮伸。馳波催永夜，零露逼短晨。結我幽

山駕，去此滿堂。虛容遺劍，實貌戢衣巾。斗酒安可酌，尺書誰復陳。年代稍推遠，懷抱日幽淪。人生良可劇，天道與何人。齊我長恨意，歸爲狐兔塵。

代挽歌

獨處重冥下，憶昔登高臺。傲岸平生中，不爲物所裁。塹門祇復閉，白蟻相將來。生時芳蘭體，小蟲今爲災。玄髮無復根，枯體依青苔。憶昔好飲酒，素盤進青梅。彭韓及廉藺，疇昔已成灰。壯士皆死盡，餘人安在哉。

代東門行

傷禽惡弦驚，倦客惡離聲。離聲斷客情，實御皆涕零。涕零心斷絕，將去復還訣。一息不相知，何況異鄉別。遙遙征駕遠，杳杳白日晚。居人掩閨臥，行子夜中飯。野風吹草木，行子心腸斷。食梅常苦酸，衣葛常苦寒。絲竹徒滿座，愛人不解顏。長歌欲自慰，彌起長恨端。

代放歌行

蓼蟲避葵董，習苦不言非。小人自齷齪，安知曠士懷。雞鳴洛城裏，禁門平旦開。冠蓋縱橫至，車騎四方來。素帶曳長纓，華纓結遠埃。日中安能止，鐘鳴猶未歸。夷世不可逢，賢君信愛才。明慮自天斷，不受外嫌猜。一言分珪爵，片善辭草萊。豈伊白璧賜，將起黃金臺。今君有何疾，臨路獨遲迴。

代陳思王京洛篇二首

鳳樓十二重，四戶八綺牕。繡栊金蓮花，桂柱玉盤龍。珠簾無
隔露，羅幌不勝風。寶帳三千所，爲爾一朝容。揚芬紫煙上，垂綵綠
雲中。春吹回白日，霜高落塞鴻。但懼秋塵起，盛愛逐衰蓬。坐視青
苔滿，臥對錦筵空。琴瑟縱橫散，舞衣不復縫。古來共歇薄，君意豈
獨濃。惟見雙黃鵠，千里一相從。

南遊僊師縣，斜上霸陵東。迴瞻龍首堞，遙望德陽宮。重門遠
照耀，天閣復穹隆。城傍疑複道，樹裏識松風。黃河入洛水，丹泉繞
射熊。夜輪懸素魄，朝天蕩碧空。秋霜曉驅雁，春雨暗成虹。曲陽造
甲第，高安還禁中。劉蒼歸作相，竇憲出臨戎。此時車馬合，茲晨冠
蓋通。誰知兩京盛，歡宴遂無窮。

代門有車馬客行

門有車馬客，問客何鄉士。捷步往相訊，果得舊鄰里。悽悽聲
中情，慊慊增下俚。語昔有故悲，論今無新喜。清晨相訪慰，日暮不
能已。歡戚競尋緒，談調何終止。辭端竟未究，忽唱分途始。前悲尙
未弭，後感方復起。嘶聲盈我口，談言在君耳。手迹可傳心，願爾篤
行李。

代權歌行

羈客離嬰時，飄飄無定所。昔秋寓江界，茲春客河游。往戢于
役身，願言永懷楚。冷泠儵疏潭，邕邕雁雁渚。鸞戾長風振，搖曳高
帆舉。驚波無留連，舟人不躊躇。

代白頭吟

直如朱絲繩，清如玉壺冰。何慚宿昔意，猜恨坐相仍。人情賤
恩舊，世議逐衰興。毫髮一爲瑕，邱山不可勝。食苗實碩鼠，點白信
蒼蠅。鳧鶴遠成美，薪芻前見陵。申黜嬰女進，班去趙姬升。周王日
淪惑，漢帝益嗟稱。心賞猶難恃，貌恭豈易憑。古來共如此，非君獨
撫膺。

代東武吟

主人且勿諠，賤子歌一言。僕本寒鄉士，出身蒙漢恩。始隨張
校尉，占募到河源。後逐李輕車，追虜窮塞垣。密塗互萬里，寧歲猶
七奔。肌力盡鞍甲，心思歷涼溫。將軍既下世，部曲亦罕存。時事一
朝異，孤積誰復論。少壯辭家去，窮老還入門。腰鎌刈葵藿，倚杖牧
雞豚。昔如韉上鷹，今似檻中猿。徒結千載恨，空負百年怨。棄席思
君幄，疲馬戀君軒。願垂晉主惠，不愧田子魂。

代別鶴操

雙鶴俱起時，徘徊滄海間。長弄若天漢，輕軀似雲懸。幽客時
結侶，提攜遊三山。青繳凌瑤臺，丹羅籠紫煙。海上悲風急，三山多
雲霧。散亂一相失，驚孤不得住。緬然日月馳，遠矣絕音儀。有願而
不遂，無怨以生離。鹿鳴在深草，蟬鳴隱高枝。心自有所存，旁人那
得知。

代出自蓟北門行

羽檄起邊亭，烽火入咸陽。徵騎屯廣武，分兵救朔方。嚴秋筋
竿勁，虜陣精且彊。天子按劍怒，使者遙相望。雁行緣石徑，魚貫度

飛梁簫鼓流漢鵝，旌甲被胡霜；疾風衝塞起，沙磧自飄揚。馬毛縮如蝟，角弓不可張。時危見臣節，世亂識忠良。投軀報明主，身死爲國殤。

代陸平原君子有所思行

西上登雀臺，東下望雲闕。層閣肅天居，馳道直如髮。繡蓋結飛霞，璇題納行月。築山擬蓬壺，穿池類溟渤。選色遍齊岱，徵聲匝邛越。陳鐘陪夕燕，笙歌待明發。年貌不可還，身意會盈歇。蟻壤漏山阿，絲淚毀金骨。器惡含滿斂，物忌厚生沒。智哉衆多士，服理辨昭晰。

代悲哉行

羈人感淑節，緣感欲回轍。我行詎幾時，華實驟舒結。覩實情有悲，瞻華意無悅。覽物懷同志，如何復乖別。翩翩翔禽，維關關鳴鳥。列翔鳴尚儔，偶所歎獨乖絕。

代陳思王白馬篇

白馬駢角弓，鳴鞭乘北風。要途問邊急，難虜入雲中。閉壁自往夏，清野徑還冬。僑裝多關絕，旅服少裁縫。埋身守漢境，沈命對胡封。薄暮塞雲起，飛沙被遠松。含悲望兩都，楚歌登四墉。丈夫設計誤，懷恨逐邊戎。棄別中國愛，邀冀胡馬功。夫來今何道，卑賤生所鍾。但令塞上兒，知我獨爲雄。

代昇天行

家世宅關輔，勝帶宦王城。備聞十帝事，委曲兩都情。倦見物

興衰，驟觀俗屯平。翻翻若回掌，恍惚似朝榮。窮途悔短計，晚志重長生。從師入遠嶽，結友事仙靈。五圖發金記，九籀隱丹經。餐委松宿，雲臥恣天行。冠霞登綵閣，解玉飲椒庭。暫遊越萬里，少別數千齡。鳳臺無還駕，簫管有遺聲。何當與汝曹，喙腐共吞腥。

松柏篇

余患脚上氣四十餘日，知舊先借傅玄集，以余病劇，遂見還開帙，適見樂府詩龜鶴篇於危病中見長逝詞，惻然酸懷抱，如此重病，彌時不差，呼吸乏喘，舉目悲矣。火藥間闕而擬之。

松柏受命獨，歷代長不衰。人生浮且脆，孰若晨風悲。東海迸逝川，西山導落暉。南廓悅籍短，蒿里收永歸。諒無疇昔時，直病起盡期。志士惜牛刀，忍勉自療治。傾家行藥事，顛沛去迎醫。徒備火石苦，奄至不得辭。龜齡安可獲，岱宗限已迫。容聖不得留，爲善何所益。捨此赤縣居，就彼黃壤宅。永離九原親，長與三辰隔。屬纊生望盡，闔棺世業埋。事痛存人心，恨結亡者懷。祖葬既云及，擴壁亦已開。室族內外哭，親疏同共哀。外姻遠近至，名列通夜臺。扶輿出殯宮，低徊戀庭室。天地有盡期，我去無還日。居者今已盡，人事從此畢。火歇煙既沒，形鎖聲亦滅。鬼神來依我，生人永辭訣。大暮杳悠悠，長夜無時節。鬱湮重冥下，煩冤難具說。安寢委沈寢，戀戀念平生。事業有餘結，刊述未及成。資儲無擔石，兒女皆孩嬰。一朝放捨去，萬恨鑄我情。追憶世上事，束教已自拘。明發靡怡念，夕歸多

憂虞。轍間晨逕荒，輟宴式酒濡。知今嘆目苦，恨失爾時娛。遙遙遠
 民居，獨埋深壤中。蔡前人跡滅，冢上草日豐。空林響鳴鶴，高松結
 悲風。長寐無覺期，誰知逝者窮。生存處交廣，連榻舒華茵。已沒一
 何苦，楛哉不容身。昔日平居時，晨夕對六親。今日奄奈何，一見無
 諧。因禮席有降殺，三齡速過隙。几筵就收撤，室宇改曠昔。行女遊
 歸途，仕子復王役。家世本平常，獨有亡者劇。時祀望歸來，四節靜
 筵邱。孝子撫墳號，父兮知來不。欲還心依戀，欲見絕無由。煩冤荒
 隴側，肝心盡崩抽。

代苦熱行

赤阪橫西阻，火山赫南威。身熱頭且痛，馬墜魂來歸。湯泉發
 雲潭，焦煙起石坼。日月有恆昏，雨露未嘗晞。丹蛇踰百尺，玄蜂盈
 十圍。含沙射流影，吹蟲病行暉。瘴氣畫薰體，菌露夜霑衣。飢猿莫
 下食，晨禽不敢飛。毒涇尚多死，度瀘寧具腓。生軀蹈死地，呂志登
 禍機。戈船榮既薄，伏波賞亦微。爵輕君尚惜，士重安可希。

代朗月行

朗月出東山，照我綺牕前。牕中多佳人，被服妖且妍。靚妝坐
 帷裏，當戶弄清絃。鬢奪衛女迅，體絕飛燕先。爲君歌一曲，當作朗
 月篇。酒至顏自解，聲和心亦宜。千金何足重，所存意氣間。

代堂上歌行

四坐且莫語，聽我堂上歌。昔仕京洛時，高門臨長河。出入重
 宮裏，結友曹與何。車馬相馳逐，賓朋好容華。陽春孟春月，朝光散

流霞。輕步逐芳風，言笑弄丹葩。暉暉朱顏醜，紛紛織女梭。滿堂皆
 美人，日成對湘娥。雖謝侍君閑，明妝帶綺羅。箏笛更談吹，高唱好
 相和。萬曲不關心，一曲動情多。欲知情厚薄，更聽此聲過。

代結客少年場行

驄馬金絡頭，錦帶佩吳鉤。失意杯酒間，白刃起相讎。追兵一
 日至，負劍遠行遊。去鄉三十載，復得還舊邱。升高臨四關，表裏望
 皇州。九衢平若水，雙闕似雲浮。扶宮羅將相，夾道列王侯。日中市
 朝滿，車馬若川流。擊鍾陳鼎食，方駕自相求。今我獨何爲，增嘆懷
 百憂。

扶風歌

昨辭金華殿，今次雁門縣。寢臥握秦戈，捷息抱越箭。忍悲別
 親知，行泣隨征傳。寒煙空徘徊，朝日乍舒卷。

代少年時至衰老行

憶昔少年時，馳逐好名晨。結友多貴門，出入富兒鄰。綺羅豔
 華風，車馬自揚塵。歌唱青齊女，彈箏燕趙人。好酒多芳氣，餽味厭
 時新。今日每相念，此事邈無因。寄語後生子，作樂當及春。

代陽春登荆山行

旦登荆山頭，崎嶇道難遊。早行犯霜露，苦滑不可留。極眺入
 雲表，窮目盡帝州。方都列萬室，層城帶高樓。弃弃朱軒馳，紛紛編
 衣流。日氛映山浦，噴霧逐風收。花木亂平原，桑柘綿平疇。繁條弄
 紫葢，藉露折芳柔。遇物雖成趣，念者不解憂。且共傾春酒，長歌登

山邱。

代貧賤苦愁行

湮沒雖死悲貧苦卽生劇。長歎至天曉，愁苦窮日夕。盛顏當少歇，鬢髮先老白。親友四面絕，朋知斷三益。空庭慚樹萱，藥餌愧過客。貧年忘日時，黯顏就人惜。俄頃不相酬，慙怩面已赤。或以一金恨，便成百年隙。心爲千條計，事未見一獲。運圯津塗塞，遂轉死溝洫。以此窮百年，不如還窳窳。

代邊居行

少年遠京陽，遙遙萬里行。隨蒼絕人徑，茅屋摧山岡。不覩車馬迹，但見麋鹿場。長松何落落，邱隴無復行。邊地無高木，蕭蕭多白楊。盛年日月書，一去萬恨長。悠悠世中人，爭此錐刀忙。不憶貧賤時，富貴輒相忘。紛紛徒滿目，何關慨予傷。不如一畝中，高會挹荷漿。遇樂便作樂，莫使候朝光。

代邦街行

竚立出門衢，遙望轉蓬飛。蓬去舊根在，連翩逝不歸。念我捨鄉俗，親好久乖違。慷慨懷長想，惆悵戀音徽。人生隨事變，遷化焉可祈。百年難必果，千慮易盈虧。

蕭史曲

蕭史愛長年，羸女惜童顏。火粒願排棄，霞霧好登攀。龍飛逸天路，鳳起入秦關。身去長不返，蕭聲時往還。

侍宴瀾舟山二首

息雨青上郊，開雲照中縣。遊軒越丹居，暉燭集涼殿。凌高躋飛檻，追森起流宴。松苑含靈羣，巖庭藏物變。明輝燦神都，麗氣冠華甸。目遠幽情周，醴洽深恩遍。

繁霜飛玉闥，愛景麗皇州。清輝戒馳路，羽蓋行宣游。神居既崇盛，崑嶮信環周。禮俗陶德聲，昌會溢民謳。慚無勝化賞，謬從雲雨游。

從拜陵登京峴

孟冬十月交，殺盛陰欲終。風烈無勁草，寒甚有凋松。軍井冰書結，士馬旣夜重。晨登峴山首，霜雪凝未通。息鞍循隴上，支劍望雲峯。表裏觀地險，昇降究天容。東隴覆如礪，瀛海安足窮。傷哉長永矣，馳光不再中。衰賤謝遠顧，疲老還舊邦。深德竟何報，徒令田陌空。

蒜山被始興王命作

暮冬霜朔嚴，地閉泉不流。玄武藏木陰，丹鳥還養羞。勞農澤既周，役車時亦休。高薄符好禱，漢駕及時遊。鹿苑豈淹晦，兔園不足留。升嶠眺日軌，臨迴望滄洲。雲生玉堂裏，風靡銀臺陬。陂石類星懸，嶼木似煙浮。形勝信天府，珍寶麗皇州。白日迴清景，芳豔洽歡柔。參差出寒吹，颺戾江上謳。王德愛文雅，飛翰灑鳴球。美哉物會昌，衣道服光猷。

登廬山

懸裝亂水區，薄旅次山楹。千巖盛阻積，萬壑勢迴乘。隴提高

昔貌紛亂襲前名。洞瀾窺地脈，聳樹隱天經。松磴上迷密，雲竇下縱橫。陰冰實夏結，炎樹信冬榮。嘈囂晨鷓思，叫嘯夜猿清。深崖伏化迹，窮岫闕長靈。乘此樂山性，重以遠遊情。方躋羽人途，永與煙霧并。

登廬山望石門

訪世失隱淪，從山異靈士。明發振雲冠，升嶠遠棲趾。高岑隔半天，長崖斷千里。氛霧承星辰，潭壑洞江汜。嶄絕類虎牙，巒岈象熊耳。埋冰或百年，韜樹必千祀。鷄鳴清澗中，援嘯白雲裏。瑤波逐穴開，霞石觸峯起。迴互非一形，參差悉相似。傾聽鳳管賓，綉望鈞龍子。松桂盈膝前，如何穢城市。

從登香爐峯

辭宗盛荆夢，登歌美臯繹。徒收杞梓饒，曾非羽人宅。羅景藹雲屬，沾光扈龍策。御風親列涂，乘山窮禹跡。含嘯對霧岑，延蘿倚峯壁。青冥搖煙樹，穹跨負天石。霜崖滅土膏，金澗測泉脈。旋淵抱星漢，乳竇通海碧。谷館駕鴻人，巖棲咀丹客。殊物藏珍怪，奇心隱仙籍。高世伏音華，綿古遁精魄。蕭瑟生哀聽，參差遠驚覲。慚無獻賦才，洗汗奉毫帛。

從庾中郎遊園山石室

荒塗趣山樾，雲崖隱靈室。岡紛澗縈抱，林障杳重密。昏昏磴路深，活活梁水疾。幽隅秉畫燭，地隔窺朝日。怪石似龍章，瑕壁麗錦質。洞庭安可窮，漏井終不溢。沈空絕景聲，崩危坐驚慄。神化豈

有方？妙象竟無述。至哉鍊玉人，處此長自舉。

登翻車峴

高山絕雲霓，深谷斷無光。晝夜淪霧雨，冬夏結寒霜。淖坂既馬領，磧路又羊腸。良傘疑旅人，忌轍覆行箱。升岑望原陸，四眺極川梁。遊子思故居，離客遲新鄉。新知有客慰，追故遊子傷。

登黃鶴磯

木葉江渡寒，雁還風送秋。臨流斷商絃，瞰川悲棹謳。適郢無東轅，還夏有西浮。三崖隱丹磴，九派引滄流。淚行感湘別，弄珠懷漢遊。豈伊樂餌泰，得奪旅人憂。

登雲陽九里埭

宿心不復歸，流年抱衰疾。既成雲雨人，悲緒終不一。徒憶江南聲，空錄齊后瑟。方絕繁絃思，豈見繞梁日。

白礪山東望震澤

瀾漫潭洞波，合沓嶸嶂雲。漲島遠不測，岡澗近難分。幽篁愁暮見，思鳥傷夕聞。以此藉沈疴，棲迹別人羣。結言非畫書，有念豈敷文。

三日遊南苑

採蘋及華月，追節逐芳雲。騰薈溢林疏，麗日曄山文。清潭園翠會，花薄綠綺紋。合綽遠景斜，折榮客組芬。

贈故人馬子喬六首

躑躅城上羊，繫門玄草俱。共日月輝，昏明獨何早。夕風竄

野籜，飛塵被長道；親愛難重陳，懷憂坐空老。

寒灰滅更然，夕華晨更鮮。春冰雖暫改，冬水復還堅。佳人捨我去，賞愛長絕緣。歡至不留日，感物輒傷年。

松生隴坡上，百尺下無枝。東南望河尾，西北隱崑崖。野風振山籟，朋鳥衣鶯離。悲涼貫年節，蔥翠恆若斯。安得草木心，不怨寒暑移。

種橘南池上，種杏北池中。池北既少露，池南又多風。早寒逼晚歲，衰恨滿秋容。湘濱有靈鳥，其子曰鳴鴻。一搥繒繳痛，長別遠無雙。

皎如川上鵠，赫似握中丹。宿心誰不欺？明白古所難。憑檻觀皓月，灑酒盪憂顏。永念平生意，窮光不忍還。淹留徒攀桂，延佇空結蘭。

雙劍將離別，先在匣中鳴。煙雨交將夕，從此遂分形。雖沈吳江裏，雄飛入楚城。吳江深無底，楚關有崇扃。一爲天地別，豈直限幽明。神物終不隔，千祀儻還并。

答客

幽居屬有念，合意未連詞。會客從外來，問君何所思？澄神自惆悵，嘿慮久迴疑。謂賓少安席，方爲子陳之。我以藁門士，負學謝前基。愛賞好徧越，放縱少矜持。專求遂性樂，不計緝名期。歡至獨斟酒，愛來輒賦詩。聲交稍希歇，此意更堅滋。浮生急馳電，物道險絃絲。深愛寡情謬，進伏兩際時。願賜卜身要，得免後賢嗤。

和王丞

限生歸有窮，長意無已年。秋心日迴絕，春思坐連綿。銜協曠古願，斟酌高代賢。遊迹俱浮海，採藥共還山。夜聽橫石波，朝望宿巖煙。明澗子沿越，飛蘿子縈牽。性好必齊遂，迹幽非妄傳。滅志身世表，藏名琴酒間。

日落望江贈荀丞

旅人乏愉樂，薄暮增思深。日落嶺雲歸，延頸望江陰。亂流灑大壑，長霧匝高林。林際無窮極，雲邊不可尋。惟見獨飛鳥，千里一揚音。推其感物情，則知遊子心。君居帝京內，高會日揮金。豈念慕羣客，咨嗟戀景沈。

秋日示休上人

枯桑葉易零，疲客心易驚。今茲亦何早！已聞絡緯鳴。迴風滅且起，卷蓬息復征。愴愴篋上寒，悽悽帳裏清。物色延暮思，霜露逼朝榮。臨堂觀秋草，東西望楚城。百物方蕭瑟，坐歎從此生。

答休上人

酒出野田稻，菊生高岡草。味貌復何奇，能令君傾倒。玉椀徒自羞，爲君慨此秋。金盞覆身押，何爲心獨愁。

吳興黃浦亭庾中郎作

風起洲渚寒，雲上日無輝。連山眇煙霧，長波迴難依。旅雁方南過，浮客未西歸。已經江海別，復與親眷違。奔景易有窮，離袖安可揮。懽驚爲悲酌，歌服成泣衣。溫念終不渝，藻志遠存追。役人多

牽滯，顧路慚奮飛。味心附遠翰，炯言藏佩韋。

與仇侍郎別

民生如野鹿，知愛不知命。飲斝具攢聚，翹陸歎驚迸。傷我慕
類心，感爾食奉性。漫漫鄴途渺，渺渺淮海逕。子無金石質，吾有犬
馬病。憂樂安可言，離會孰能定。欽哉慎所宜，砥德乃為盛。貧游不
可忘，久交念敦敬。

送別王宣城

發鄴流楚思，涉淇興衡情。既逢青春獻，復值白蘋生。廣望周
千里，江郊藹微明。舉爵自惆悵，歌管為誰清。潁陰瞻前藻，淮陽流
昔聲。樹道慕高華，屬路佇深馨。

送從弟道秀別

參差生密念，躑躅行思悲。悲思戀光景，密念盈歲時。歲時多
阻折，光景乏安怡。以此苦風情，日夜驚懸旗。登山臨朝日，揚袂別
所思。浸淫巨潮廣，瀾漫宿雲滋。天陰懼先發，路遠常早辭。篇詩後
相憶，杯酒今無持。游子苦行役，冀會非遠期。

贈傅都曹別

輕鴻戲江潭，孤雁集洲沚。邂逅兩相親，緣念共無已。風雨好
東西，一隔頓萬里。追憶棲宿時，聲容滿心耳。落日川渚寒，愁雲繞
天起。短翮不能翔，徘徊憚霧裏。

和傅大農與僚故別

絕節無綏響，傷雁有哀音。非同年歲意，誰共別離心。伊昔謬

通塗，冠屣預人林。浮江望南嶽，登潮窺海陰。孰謂游居淺，慕美久
相深。萋萋春草秀，嚶嚶喜候禽。辰物盡明茂，曾盛獨幽沈。之子安
所適，我方棲舊岑。嗟歡豈更接，明愛邈難尋。

送盛侍郎餞候亭

霜霜剪冠帶，驅駕越城闌。北臨出塞道，南望入鄉津。高壙宿
寒霧，平野起秋塵。君為坐堂子，我乃負羈人。欣悲豈等志，甘苦誠
異身。結涕國中草，顛顛悲此春。

與荀中書別

勞舟厭長浪，疲旆倦行風。連翩感孤志，契闊傷賤躬。親交篤
離愛，眷戀置酒終。敷文勉征念，發藻慰愁容。思君吟涉洧，撫已謫
渡江。慚無黃鶴翅，安得久相從。願送宿知意，不使舊山空。

從過舊宮

蕭裝屬雲旅，奉鞠承末塗。嚴恭履桑梓，加敬覽粉榆。靈命蘊
川瀆，帝寶伏篇圖。虎變由石紐，龍翔自鼎湖。功冠生民始，道妙神
器初。宮陛留前制，歌思溢今衢。餘祥見雲物，遺像存陶漁。泉流信
清泌，原野實甘荼。豈伊愛艷鄴，天險兼上峽。東秦邦北門，非親誰
克居。仁聲日月懋，惠澤雲雨敷。盧令美何歇，唐風久不渝。微臣逢
世慶，征賦備人徒。空費行葦德，探東謝生芻。

從臨海王上荆初發新渚

客行有苦樂，但問客何行。扳龍不待翼，附驥絕塵冥。梁珪分
楚牧，羽鶴指全荆。雲纜掩江汜，千里被連旌。戾戾日風適，嘈嘈晨

鼓鳴收纜辭帝郊，鴻棹發皇京。狐兔懷窟志，犬馬戀主情。撫襟同太息，相顧俱涕零。泰後塗未啓，思歸思已盈。

還都道中三首

悅豫逢還心，踟躕食至勤。鳴鶴戒征路，暮息落日分。急流騰飛沫，回風起江濱。孤獸啼夜侶，離鴻噪霜羣。物哀心交橫，聲切思紛紛。歎慨訴同旅，美人無相聞。

風急訊濤浦，裝高偃檣舳。夕聽江上波，遠極千里目。寒律驚窮蹊，爽氣起喬木。隱隱日沒岫，瑟瑟風發谷。鳥還暮林前，潮上冰結洑。夜分霜下淒，悲端出遙陸。愁來攢人懷，羈心苦獨宿。

久宦迷遠川，川廣每多懼。薄止闔邊亭，關歷險程路。靈霽冥隅岫，濛昧江上霧。時涼籟爭吹，流洑浪奔趣。惻焉增愁起，搔首東南顧。茫然荒野中，舉目皆凜素。回風揚江泌，寒鳥棲動樹。太息終晨漏，企我歸颿遇。

上潯陽還都道中

昨夜宿南陵，今旦入蘆洲。客行惜日月，崩波不可留。侵星赴早路，畢景逐前儔。鱗鱗夕雲起，獵獵晚風遒。澹沙鬱黃霧，翻浪揚白鷗。登臚眺淮甸，掩泣望荆流。絕目盡平原，時見遠煙浮。倏忽坐還合，俄思甚兼秋。未嘗違戶庭，安能千里遊。誰令乏古節，貽此越鄉憂。

還都至三山望石頭城

泉源安首流，川末澄遠波。晨光被水族，曉氣歇林阿。兩江皎

平通，三山鬱嵒巖。南帆望越橋，北榜指齊河。關馬繞大邑，襟帶抱尊華。長城非繁嶮，峻阻似荆牙。攢樓貫白日，攜堞隱丹霞。征夫喜觀國，遊子遲見家。流連入京引，躑躅望鄉歌。彌前歎景促，逾近勸路多。借萃猶如茲，弘易將謂何。

還都口號

分壤蕃帝華，列正謁皇宮。禮讌及時暇，朝奏因歲通。維舟歇金景，結棹俟昌風。鉦歌首寒物，歸吹踐開冬。陰沈煙寒合，蕭瑟涼海空。馳霜急歸節，幽雲慘天容。旌鼓貫玄塗，羽鑄被長江。君王遲京國，遊子思鄉邦。恩世共滄洽，身願兩扳逢。勉哉河濟客，勤爾尺波功。

行京口至竹里

高歌危且竦，鋒石橫復仄。復澗隱松聲，重崖伏雲色。冰閉寒方壯，風動鳥傾翼。斯志逢澗嚴，孤遊值疇適。兼塗無憩鞍，半菽不遑食。君子樹令名，細人效命力。不見長河水，清濁俱不息。

發後渚

江上氣早寒，仲秋始霜雪。從軍乏衣糧，方冬與家別。蕭條背鄉心，悽愴清渚發。涼埃晦平皋，飛潮隱修樾。孤光獨徘徊，空煙視昇滅。塗隨前峯遠，意逐後雲結。華志分馳年，韶顏慘驚節。推琴三起歎，聲爲君斷絕。

岐陽守風

差池玉繩高，掩藹瑤井沒。廣岸屯宿陰，懸巖棲歸月。役人喜

先馳軍令早發，洲迴風正悲。江寒霧未歇，飛雲日東西。別鶴方楚越，塵衣孰揮澣。蓬思亂光髮。

發長松遇雪

上牛既送寒，冥陸方決馳。振風搖地局，封雪滿空枝。江渠合爲陸，天野浩無涯。飲泉凍馬骨，斲冰傷役疲。昆明豈不慘，黍谷甯可吹。

詠史

五都矜財雄，三川養聲利。百金不市死，明經有高位。京城十二衢，飛臺各鱗次。任子影華纓，游客竦輕轡。明星晨未暝，軒蓋已雲至。寶御紛颯沓，鞍馬光照地。寒暑在一時，繁華及春媚。君平獨寂寞，身世兩相棄。

蜀四賢詠（相如君平王褒揚雄）

渤渚水浴鼻，春山玉抵鵠。皇漢方盛明，羣龍滿階閣。君平因世閒，得還守寂寞。閉簾注道德，開卦述天爵。相如達生旨，能屯復能躍。陵令無人事，毫釐時灑落。爽氣有逸倫，雅績信炳博。如令聖納賢，金璫易羈絡。良遮神明遊，豈伊覃思作。玄經不期賞，蟲篆憂散樂。首路或參差，投駕均遠託。身表既非我，生內任豐薄。

擬古

魯客事楚王，懷金襲丹素。既荷主人恩，又蒙令尹顧。日宴罷朝歸，鞍馬塞衢路。宗黨生光輝，賓僕遠傾慕。富貴人所欲，道德亦何懼。南國有儒生，迷方獨淪誤。伐木清江湄，設置守龔吏。

十五諷詩書，篇翰靡不通。弱冠參多士，飛步游秦宮。側視君子論，預見古人風。兩說窮舌端，五車摧筆鋒。羞當白璧說，恥受聊城功。晚節從世務，乘障遠和戎。解佩襲犀渠，卷袂奉盧弓。始願力不及，安知今所終。

幽并重騎射，少年好馳逐。徒帶佩雙鞬，象弧插雕服。獸肥春草短，飛鞚越平陸。朝遊雁門上，暮還樓煩宿。石梁有餘勁，鶩雀無全目。漢虜方未和，邊城屢翻覆。留我一白羽，將以分虎竹。

擊井北陵隈，百丈不及泉。生事本瀾漫，何用獨精堅。幼壯重寸陰，衰暮及輕年。放駕息朝歌，提爵止中山。日夕登城隅，周迴視洛川。街衢積凍草，城郭宿寒煙。繁華悉何在，宮闕久崩填。空誇齊景非，徒稱夷叔賢。

伊昔不治業，倦遊觀五都。海岱饒壯士，蒙澗多宿儒。結髮起躍馬，垂白對講書。呼我升上席，陳辭發瓠壺。管仲死已久，蔡在西北隅。後面崔嵬者，桓公舊家廬。君來誠既晚，不覩崇明初。玉琬徒見傳，交友義漸疏。

東嶽幽篁裏，劉黍寒澗陰。朔風傷我肌，號鳥驚我心。歲暮并賦訖，程課相追尋。田租送函谷，獸藁輸上林。河渭冰未開，關隴雪正深。笞擊官有罰，呵辱吏見侵。不謂乘軒意，伏櫪還至今。

河畔草未黃，胡鴈已矯翼。秋螢扶月吟，寒婦成夜織。去歲征人還，流傳舊相識。聞君上隴時，東望久歎息。宿昔改衣帶，朝日異容色。念此憂如何，夜長愁更多。明鏡塵匣中，瑤琴生網羅。

蜀漢多奇山，仰望與雲平。陰崖積夏雪，陽谷散秋榮。朝朝見雲歸，夜夜聞猿鳴。愛人本自悲，孤客易傷情。臨堂設樽酒，留酌思平生。石以堅爲性，君勿輕素誠。

紹古辭七首

橘生湘水側，非陋人莫傳。逢君金華宴，得在玉几前。三川窮名利，京洛富妖妍。恩榮難久恃，隆寵易衰偏。觀席妾悽愴，覩翰君泫然。徒抱忠孝志，猶爲葑菲遷。

昔與君別時，蠶妾初獻絲。何言年月駛，寒衣已搗治。繼續多廢亂，篇帛久塵縑。離心壯爲劇，飛念如懸旆。石席我不爽，德音君勿欺。

瑟瑟涼海風，竦竦寒山木。紛紛羈思盈，慊慊夜絃促。訪言山海路，千里歌別鶴。絃絕空咨嗟，形音誰賞錄。辛苦異人狀，美貌改如玉。徒畜巧言鳥，不解心款曲。

孤鴻散江嶼，連翩遵渚飛。含嘶銜桂浦，馳顧河朔畿。攢攢勁秋木，昭昭淨冬暉。窗前滌歡爵，帳裏縫舞衣。芳歲猶自可，日夜望君歸。

憑檻玩夜月，迴眺出谷雲。還山路已遠，往海不及羣。徘徊清淮汭，顧慕廣江濱。物情乖喜歇，守操古難聞。三越豐少姿，容態傾動君。

開黛親容顏，臨鏡訪遙途。君子事河源，彌祀關還書。春風掃地起，飛塵生綺疏。文桂爲誰設，羅帳空卷舒。不怨身孤寂，但念星

隱聞。

暖歲節物早，萬萌迎春達。春風夜姪媚，春霧朝曉霽。軟闌葉可采，柔條易捋。怨咽對風景，悶替守閨闔。天賦愁民命，舍生但契闊。愛來無行伍，歷亂如覃葛。

學古

北風十二月，雪下如亂巾。實是愁苦節，惆悵憶情親。會得兩少妾，同是洛陽人。嬾綿好眉目，閑麗美腰身。凝虛皎若雪，明淨色如神。驕愛生盼矚，馨媚起朱唇。衿服雜纒績，首飾亂瓊珍。調絃俱起舞，爲我唱梁塵。人生貴得意，懷願待君申。辛值嚴冬暮，幽夜方未晨。齊衿久兩設，角枕已雙陳。願君早休息，留歌待三春。

占辭

容華不待年，何爲客遊梁。九月寒陰合，悲風斷君腸。歎息空房婦，幽思坐自傷。勞心結遠路，惆悵獨未央。

擬青青陵上柏

渭涓亂江泉，綿綿橫海煙。浮生旅昭世，空事歎華年。書翰幸閒暇，我酌子縈絃。飛鏢出荆路，驚服指秦川。渭濱富皇居，鱗館匝河山。與童唱乘椒，權女歌采蓮。孚愉鸞閣上，窈窕鳳樓前。娛生信非謬，安用求多賢？

學劉公幹體五首

欲宦乏王事，結主遠恩私。爲身不爲名，散書徒滿帷。連冰上冬月，披雪拾園葵。聖靈燭區外，小臣良見遺。

曠野寒野霧，蒼蒼陰山柏。樹迥霧縈集，山寒野風急。歲物盡淪傷，孤貞爲誰立？賴樹自能貞，不計迹幽澗。

胡風吹朔雪，千里度龍山。集君瑤臺上，飛舞兩楹前。茲晨自爲美，當避豔陽天。豔陽桃李節，皎潔不成妍。

荷生綠泉中，碧葉齊如規。迴風蕩流霧，珠水逐條垂。彪炳此金塘，漢耀君王池。不愁世賞絕，但畏盛明移。

白日正中時，天下共明光。北園有細草，當晝正含霜。衰榮頓如此，何用獨芬芳？抽琴爲兩歌，絃斷不成章。

擬阮公夜中不能寐
漏分不能臥，酌酒亂繁憂。惠氣憑夜清，素景緣隴流。鳴鶴時一聞，千里絕無儔。佇立爲誰久，寂寞空自愁。

學陶彭澤體
長憂非生意，短願不須多。但使尊酒滿，朋舊數相過。秋風七月，清露潤綺羅。提瑟當戶坐，歎息望天河。保此無傾動，寧復滯風波。

白雲
探靈喜解骨，測化善騰天。情高不戀俗，厭世樂尋仙。鍊金宿明館，屑玉止瑤淵。鳳歌出林闕，龍駕戾蓬山。凌巖采三露，攀鴻戲五煙。昭昭景臨霞，湯湯風媚娟。命娥雙月際，要媛兩星間。飛虹眺卷河，汎霧弄輕絃。笛聲謝廣寶，神道不復傳。一逐白雲去，千齡猶未旋。

臨川王服竟還田里
送舊禮有終事，君慚懦薄稅。駕罷朝衣，歸志願巢壑。尋思邈無報，退命愧天爵。捨繹將十齡，還得守場藿。道經盈竹筒，農書滿塵閣。愴愴秋風生，戚戚寒緯作。豐霧縈草華，高月麗雲岬。屏跡勤躬稼，衰疾倚芝藥。顧此謝人羣，豈直止商洛。

行樂至城東橋
鷄鳴關吏起，伐鼓早通晨。嚴車臨迴陌，延礮歷城團。蔓草緣高隅，修楊夾廣津。迅風首旦發，平路塞飛塵。擾擾遊宦子，營營市井人。懷金近從利，撫劍遠辭親。爭先萬里塗，各事百年身。聞芳及稗節，含采吝驚春。尊賢永照灼，孤賤長隳淪。容華坐銷歇，端爲誰苦辛？

園中秋散
負疾固無豫，晨衿悵已單。氣交蓬門疏，風數園草殘。荒墟半晚色，幽庭憐夕寒。既悲月戶清，復切夜蟲酸。流枕商聲苦，驢殺年志闌。臨歌不知調，發興誰與歡。儻結上情，豈孤林下彈？

觀圃人藝植
善買笑蠶漁，巧宦賤農牧。遠養遍關市，深利窮海陸。乘輅實金羈，當鑪信珠服。居無逸身伎，安得坐梁肉。徒承屬生辛，政緩吏平睦。春畦及耘藝，秋場早芟藥。澤閔既繁高，山營又登熟。抱鍤壟上餐，結茅野中宿。空識已尚淳，寧知俗翻覆。

遇銅山掘黃精

上防闕中經，水芝韜內策。寶餌緩童年，命藥駐衰歷。矧蓄終古情，重拾煙霧迹。羊角棲斷雲，楹口流隘石。銅谿畫森沈，乳竇夜涓滴。既類風死磴，復像天井壁。蹀躞寒葉離，瀟灑秋水積。松色隨野深，月露依草白。空守江海思，豈懷梁鄭客。得仁古無怨，順道今何惜！

見賣玉器者：

戲買者

涇渭不可雜，珉玉當早分。子實舊楚客，蒙俗謬前聞。安知理孚采，豈識質明溫。我方歷上國，從洛入函轅。揚光十貴室，馳譽四豪門。奇聲振朝邑，高價服鄉村。寔能與爾曹，瑜瑕稍辨論。

懷楚人

哀樂生有端，離會起無因。去事難重念，恍惚似如神。屬期眇起遠，後遇邈無辰。馳風掃遙路，輕羅含夕塵。思君成首疾，欲息眉不伸。

夢歸鄉

銜淚出郭門，撫劍無人逢。沙風暗空起，離心眷鄉畿。夜分就孤枕，夢想暫言歸。媚婦當戶歎，縹絲復鳴機。慊款論久別，相將還綺闌。歷歷檐下涼，颼颼帷裏暉。劉蘭爭芬芳，採菊競葳蕤。開奩奪香蘇，探袖解纒微。夢中長路近，覺後大江遼。驚起空歎息，恍惚神魂飛。白水漫浩浩，高山壯巍巍。波瀾異往復，風霜改榮衰。此土非

吾士，慷慨當告誰！

春羈

征人數道遐，去鄉悵路邇。佳期每無從，淮陽非尺咫。春日起遊心，勞情出徒倚。岫遠雲煙綿，谷屈泉靡迤。風起花四散，露濃條重洗。喧妍正在茲，摧抑多嗟思。嘶聲名邊堅，豈我箱中紙。染翰餉君琴，新聲憶解子。

歲暮悲

霜露迭濡潤，草木互榮落。日夜改運周，今悲復如昨。畫色苦沈陰，白雪夜迴薄。皎潔冒霜雁，飄揚出風鶴。天寒多顏苦，妍容逐丹壑。絲管千里心，獨宿乏然諾。歲暮美人還，寒壺與誰酌。

在江陵歎年傷老

五難未易夷，三命戒淵抱。方瞳起松髓，鬢髮疑桂腦。役生良自休，大患安足保。開簾窺景夕，備屬雲物好。翩翩燕弄風，翩翩柳垂道。池瀆亂蘋萍，園援美花草。節如驚灰異，零落就衰老。

夜聽妓

夜來坐幾時，銀漢傾露落。澄滄入闈景，歲蕤被園葢。絲管感暮情，哀音遶梁作。芳盛不可恆，及歲共爲樂。天明坐當散，琴酒駛絃酌。

翫月城西門廡中

始出西南樓，纖纖如玉鉤。未映東北墀，娟娟似娥眉。娥眉蔽珠櫳，玉鉤隔鎖鑰。三五二八時，千里與君同。夜移衡漢落，徘徊帷

戶中歸華先委露，別葉早辭風。客遊厭苦辛，仕子倦飄塵。休澣自
公日，宴慰及私辰。蜀琴抽白雪，郢曲發陽春。肴乾酒未闕，金盞啓
夕淪。迴軒駐輕蓋，留酌待情人。

喜雨

營社達羣陰，屯雲揜積陽。河井起龍蒸，日魄斂游光。簇雲飛
泉室，震風沈羽鄉。升霧浹地維，傾瀉瀉天潢。平灑周海嶽，曲滌溢
川莊。鶩雷鳴桂渚，迴涓流玉堂。珍木抽翠條，炎卉擢朱芳。關市欣
九賦，京廩開萬箱。無謝堯爲君，何用知柏皇。

苦雨

連陰積澆灌，滂沱下霖亂。沈雲日夕昏，驟雨淫朝旦。蹊澗走
獸稀，林寒鳥歸晏。密霧冥下溪，聚雲屯高岸。野雀無所依，羣鷄聚
空館。川梁日已廣，懷人邈渺漫。徒酌相思酒，空急促明彈。

詠白雪

白珪誠自白，不如雪光妍。工隨物動氣，能逐勢方圓。無妨玉
顏媚，不奪素繪鮮。投心障苦節，隱迹避榮年。蘭焚石既斷，何用恃
芳堅。

三日

氣喧動思心，柳青起春懷。時豔憐花藥，服淨俛登臺。提壺野
中飲，愛心煙未開。露色染春草，泉源潔冰苔。泥泥濡露條，嫋嫋承
風裁。覺難撥苦蕒，黃鳥衝櫻梅。解袷欣景預，臨流競覆杯。美人竟
何在，浮心空自摧。

詠秋

秋蘭徒晚綠，流風漸不親。飄我垂恩幕，驚此梁上塵。沈陰安
可久，豈景將遂淪。何由忽靈化，暫見別離人。

秋夕

慮涕擁心用，夜默發思機。幽閨溢涼吹，閒庭滿清暉。紫蘭花
已歇，青梧葉方稀。江上漉海戾，漢曲驚朔霏。髮斑悟壯晚，物謝知
歲微。臨宵嗟獨對，撫賞怨情違。躊躇空明月，惆悵徒深帷。

秋夜二首

夜久膏既竭，啓明旦未央。環情倦始復，空閨起晨裝。幸承天
光轉，曲影入幽堂。徘徊集通隙，宛轉燭迴梁。帷風自卷舒，簾露視
成行。歲役急窮晏，生慮備溫涼。絲紈夙染濯，綿綿衣裁張。冬雪旦
夕至，公子乏衣裳。華心愛零落，非直惜容光。願君翦眾志，且共覆
前觴。

遁跡避紛喧，貨農棲寂寞。荒徑馳野鼠，空庭聚山雀。既遠人
世歡，還賴泉卉樂。折柳樂場開，貞綆汲潭壑。霽日見雲峯，風夜聞
海鶴。江介早寒來，白露先秋落。麻釀方結葉，瓜田已掃籜。傾暉忽
西下，迴思思華幕。攀蘿席中軒，臨觴不能酌。終古自多恨，幽悲共
淪鑠。

和王護軍秋夕

漫漫秋雲遠，蕭蕭霜月寒。驚颺西北起，孤雁夜往還。開軒當
戶牖，取琴試一彈。停歌不能和，終曲久辛酸。金氣方勁殺，降陽微

且單。泉涸甘井竭，節徙勞歲殘。生事各多少，誰共知易難。投章心
蘊結，千里途輕執。願託孤老暇，驚思暫開餐。

和王義興七夕

宵月向掩扉，夜霧方當白。寒機思婦婦，秋堂泣征客。匹命無
單年，偶影有雙夕。暫交金石心，須臾雲雨隔。

冬至

舟遷莊甚笑，水流孔愈歎。景移風度改，日至晷迴換。眇眇負
霜鶴，皎皎帶雲雁。長河結瓏玕，層冰如玉岸。哀哀古老容，慘顏愁
歲晏。催促時節過，逼迫聚離散。美人還未央，鳴箏誰與彈。

冬日

嚴風亂山起，白日欲還次。嘯霧蔽窮天，夕陰晦寒地。煙蘿有
氛氳，精光無明異。風急野田空，飢禽稍相棄。含生共通閉，懷賢敦
爲利。天窺苟平圓，寤得已偏媚。瀉海有歸潮，衰容不還寐。君今且
安歌，無念老方至。

望水

刷鬢垂秋日，登高觀水長。千澗無別源，萬壑共一廣。流駛巨
石轉，湍迴急沫上。蒼蒼嶺岸高，照照寒洲爽。東歸難村測，日逝誰
與賞。臨川憶古事，目孱千載想。河伯自矜大，海若沈渺莽。

望孤石

江南多暖谷，雜樹茂寒峯。朱華抱白雪，陽條熙朔風。蚌節流
綺藻，輝石亂煙虹。泄雲去無極，馳波往不窮。嘯歌清漏畢，徘徊朝

景終。浮生會當幾，歡酌每盈衷。

山行見孤桐

桐生藥石裏，根孤地寒陰。上倚崩岸勢，下帶洞阿深。奔泉冬
激射，霧雨夏霖霖。未霜葉已肅，不風條自吟。昏明積苦思，晝夜叫
哀禽。棄妾望掩淚，逐臣對撫心。雖以慰單危，悲涼不可任。幸願見
雕斷，爲君堂上琴。

詠雙燕二首

雙燕戲雲崖，羽翰始差池。出入南閨裏，經過北堂墀。意欲集
君幕，肩櫬不可窺。沈吟芳歲晚，徘徊韶景移。悲歌辭舊愛，銜淚覓
新知。

可憐雲中燕，旦去暮來歸。自知羽翅弱，不與鵝爭飛。寄聲謝
飛鵠，往事子毛衣。瑣心誠貧薄，匡吝節榮衰。陰山饒苦霧，危節多
勁威。豈但避霜雪，當傲野人機。

謝元暉五古一百十八首

隋王鼓吹曲十首

元會曲

二儀啓昌歷，三陽應慶期。珪贄紛成序，鞞譯憬來思。分階聽
組練，充庭羅翠旗。觴流白日下，吹溢景雲滋。天儀穆藻殿，萬寓壽
皇基。

郊祀曲

六宗禮配岳，五時奠甘泉。整蹕遊九闕，清籥開八埏。鏘鏘玉

十 八 家 詩 鈔 卷 三

變動；溶溶金障旋。郊宮光已屬，升柴禮既虔。福響靈之集，南嶽固
斯年。

鈞天曲：

高宴顛天臺，置酒迎風觀。笙鏞禮百神，鐘石動雲漢。瑤堂琴
瑟驚，綺席舞衣散。威鳳來參差，玄鶴起凌亂。已慶明庭樂，詎慚南
風彈。

入朝曲：

江南佳麗地，金陵帝王州。逶迤帶綠水，迢遞起朱樓。飛甍夾
馳道，垂楊蔭御溝。凝笳翼高蓋，疊鼓送華輶。獻納雲臺表，功名良
可收。

出藩曲：

雲枝紫微內，分組承明阿。飛鼙遡極浦，旌節出關河。渺渺蒼
山色，沈沈寒水波。鏡音巴渝曲，簫鼓盛唐歌。夫君邁惟德，江漢仰
清和。

校獵曲：

凝霜冬十月，殺盛涼颯哀。原澤曠千里，騰騎紛往來。平置望
煙合，烈火從風迴。鸞獸華容浦，張樂荆山臺。虞人昔有諭，明明時
戒哉。

從戎曲：

選旅辭轡軒，弭節赴河源。日起霜戈照，風迴連騎翻。紅塵朝
夜合，黃沙萬里昏。寥戾清笳轉，蕭條邊馬煩。自勉輟耕願，征役去

何言。

送遠曲：

北梁辭歡宴，南浦送佳人。方衢控龍馬，平路騁朱輪。瓊筵妙
舞絕，桂席羽觴陳。白雲邱陵遠，山川時未因。一爲清吹激，潺湲傷
別巾。

登山曲：

天明開秀幕，瀾光媚碧隄。風盪飄鸞亂，雲行芳樹低。暮春春
服美，遊駕凌丹梯。升嶠既小魯，登巒且恨齊。王孫尚遊行，蕙草正
萋萋。

泛水曲：

玉露霑翠葉，金風鳴素枝。罷遊平樂苑，泛鷁昆明池。旌旗散
容裔，簫管吹參差。日晚厭遊渚，採菱贈清漪。百年如流水，寸心寧
共知。

江上曲：

易陽春草出，踟躕日已暮。蓮葉尚田田，洪水不可渡。願子淹
桂舟，時同千里路。千里既相許，桂舟復容與。江上可採菱，清歌共
南楚。

蒲生行：

蒲生廣湖邊，託身洪波側。春露惠我澤，秋霜奪我色。根葉從
風浪，常恐不永植。攝生各有名，豈云智與力。安得遊雲上，與爾同
羽翼。

詠邯鄲才人嫁爲厮養卒婦

生平宮闈裏，出入侍丹墀。開筭方羅縠，窺鏡比峨眉。初別意未解，去久日生悲。顛顛不自識，嬌羞餘故姿。夢中忽彷彿，猶言承燕私。

鼓吹曲二首，同沈石率諸公賦

芳樹

早甌華池陰，復影滄洲樞。椅梔芳若斯，蕙蕤紛可結。霜下桂枝銷，怨與飛蓬折。不廁玉盤滋，誰憐終委絕。

臨高臺

千里常思歸，登臺臨綺翼。纔見歌鳥還，未辨連山極。四面動清風，朝衣起寒色。誰知倦遊者，嗟此故鄉憶。

同賦雜曲名

秋竹曲

嫵娟綺窗北，結根未參差。從風既裊裊，映日頗離離。欲求棗下吹，別有江南枝。但能凌白雪，貞心陰曲池。

曲池水

緩步遵莓渚，披衿待蕙風。芙蓉舞輕帶，苞筍出芳叢。浮雲自西北，江海思無窮。鳥去能傳響，見我綠琴中。

銅雀臺同謝諮議賦

繡帷飄井幹，樽酒若平生。鬱鬱西陵樹，詎聞歌吹聲。芳襟染淚迹，嬋娟空復情。玉座猶寂寞，況乃妾身輕。

遊山

託養因支離，乘閒遂疲蹇。語默良未尋，得喪云誰辯？幸落山水都，復值清冬緬。凌巖必千仞，尋壑將萬轉。堅磔既峻嶒，迴流復宛澗。杳杳雲竇深，淵淵石溜淺。旁眺鬱窳繁，還望森枏壘。荒隩被歲沙，崩壁帶苔蘚。鷓鴣呌叫屑，鷓鴣戲沙衍。觸賞聊自觀，即趣咸已展。經目惜所遇，前路欣方踐。無言蕙草歇，留垣芳可掞。尚子時未歸，剛生思自免。永志昔所欽，勝迹今能選。寄言賞心客，得性良爲善。

遊敬亭山

茲山互百里，合杳與雲齊。隨淪既已託，靈異居然棲。上千蔽白日，下屬帶迴谿。交藤荒且蔓，移枝聳復低。獨鶴方朝唳，飢鷓此夜唳。溼雲已漫漫，夕雨亦淒淒。我行雖紆阻，兼得尋幽蹊。綠源殊未極，歸徑宛如迷。要欲追奇趣，即此凌丹梯。皇恩竟已矣，茲理庶無睽。

將遊湘水，尋句侯

既從陵陽釣，挂鱗騖赤螭。方尋桂水源，謁帝蒼山垂。辰哉且未會，乘景弄清漪。瑟泊瀉長淀，潺湲赴兩岐。輕蘋上靡靡，雜石下離離。寒草分花映，戲鮪乘空移。興以暮秋月，清霜落素枝。魚鳥余方甌，纓綉君自縻。及茲暢懷抱，山川長若斯。

遊東田

戚戚苦無悰，攜手共行樂。尋雲陟累榭，隨山望蘭閣。遠樹曖

阡阡，生煙紛漠漠。魚戲新荷動；鳥散餘花落。不對芳春酒，還望青
山郭。

答王世子

飛雪天上來，飄聚繩欄外。蒼雲暗九重，北風吹萬籟。有酒招
親朋，思與清顏會。熊席惟爾安，羔裘豈吾帶。公子不垂堂，誰肯憐
蕭艾？

答張齊興

荆山從百里，漢廣流無極。北馳星斗正，南望朝雲色。川隰同
幽快，冠冕異今昔。子肅兩歧功，我滯三冬職。誰知京洛念，彷彿昆
山側。向夕登城壕，潛地隱復直。地迴聞遙蟬，天長望歸翼。清文忽
景麗，思泉紛寶飾。勿言修路阻，勉子康衢力。曾厓寂且寥，歸軫逝
言陟。

暫使下都，夜發新林，至京邑，贈西府同僚

大江流日夜，客心悲未央。徒念關山近，終知返路長。秋河曙
耿耿；寒渚夜蒼蒼。引領見京室，宮雉正相望。金波麗鸚鵡，玉繩低
建章。驅車鼎門外，思見昭陽陽。馳暉不可接，何況隔兩鄉。風雲有
鳥路，江漢限無梁。常恐鷹隼擊，時菊委嚴霜。寄言屬羅者，寥廓已
高翔。

酬晉安王德元

梢梢枝早勁，塗塗露晚晞。南中榮橘柚，寧知鴻雁飛。拂霧朝
青閣，日旰坐彫形。悵望一途阻，參差百慮依。春草秋更綠，公子未

西歸。誰能久京洛，緇塵染素衣。

郡內高齋閑望，答呂法曹

結構何迢遞，曠望極高深。牕中例遠岫，庭際俯喬林。日出衆
鳥散；山暝孤猿吟。已有池上酌，復此風中琴。非君美無度，孰爲勞
寸心。惠而能好我，問以瑤華音。若遺金門步，見就玉山岑。

在郡臥病呈沈尚書

淮陽股肱守，高臥猶在茲。况復南山曲，何異幽棲時。連陰盛
農節，蓐笠聚東菑。高閣常晝掩，荒堦少諍辭。珍簟清夏室，輕扇動
涼颼。嘉飭聊可薦，綠蟻方獨持。夏李沈朱實，秋藕折輕絲。良辰竟
何許，夙昔夢佳期。坐嘯徒可積，爲邦歲已綦。絃歌終莫取，撫枕令
自嗤。

別王丞僧孺

首夏猶清和，餘春滿郊甸。花樹雜爲錦；月池皎如練。如何當
此時，別離言與宴。留難已鬱紆，行舟亦遙衍。非君不見思，所思思
不見。

同羈夜集

積念隔炎涼，驥言始今夕。已對濁尊酒，復此故鄉客。霜月始
流砌，寒蛩早吟隙。幸藉京華遊，邊城讌良席。樵采成共同，荆莎聊
可藉。恐君城關人，安能久松柏。

新亭渚別范客陵雲

洞庭張樂地，瀟湘帝子遊。雲去蒼梧野，水還江漢流。停驂我

恨望輟棹子夷猶。廣平聽方籍，茂陵將見求。心事俱已矣，江上徒離憂。

忝役湘州，與宣城吏民別

弱齡倦簪履，薄晚忝華奧。閒沃盡地區，山泉諧所好。幸遇昌化穆，淳俗罕驚暴。四時從偃息，三省無侵冒。下車遽喧席，紆服始黔纒。榮辱未遑數，德禮何由導。泊徂奉南岳，兼秩典邦號。疲馬方云驅，鉛刀安可操。遺惠良寂寞，恩靈亦匪報。桂水日悠悠，結言辛相勞。吐納貽爾和，窮通聿所蹈。

懷故人

芳洲有杜若，可以贈佳期。望望忽超遠，何由見所思。行行未千里，山川已閒之。離居方歲月，故人不在茲。清風動簾夜，孤月照廳時。安得同攜手，酌酒賦新詩。

始之宣城郡

下帷闕章句，高談愧名理。疏散謝公卿，蕭條依掾史。簪髮逢嘉會，教義承君子。心跡苦未并，憂歡將十祀。幸沾雲雨慶，方轡參多士。振鷲徒追飛，羣龍難隸齒。烹鮮止食競，共治屬廉恥。伊余味損益，何用祇千里。解劍北宮朝，息駕南川澗。寧希廣平詠，聊慕華陰市。棄置宛洛遊，多謝金門裏。招招漾輕楫，行行趨巖趾。江海雖未從，山林於此始。

之宣城郡出新林浦向板橋

江路西南永，歸流東北鶩。天際識歸舟，雲中辨江樹。旅思倦

搖搖，孤游昔已歸。既歡懷祿情，復協滄洲趣。蘇靡自茲隔，賞心於此遇。雖無玄豹姿，終隱南山霧。

休沐重還丹陽道中

薄遊第從告，思閒願罷歸。還耶歌賦似，休汝車騎非。瀟池不可別，伊川難重違。汀葭稍靡靡，江莢復依依。田隴遠相叫，沙鶉忽爭飛。雲端楚山見，林表吳岫微。試與征徒望，鄉淚盡沾衣。賴此盈樽酒，含景望芳菲。問我勞何事，沾沐仰清微。志狹輕軒冕，恩甚戀闈闈。歲華春有酒，初服偃郊扉。

京路夜發

擾擾整夜裝，蕭蕭戒徂兩。曉星正寥落，晨光復濛濛。猶沾餘露團，稍見朝霞上。故鄉說已變，山川修且廣。文奏方盈前，懷人去心賞。敕躬每踟躕，瞻恩惟震蕩。行矣倦路長，無由稅歸鞅。

晚登三山，還望京邑

瀟瀟望長安，河陽視京縣。白日麗飛鸞，參差皆可見。餘霞散成綺，澄江靜如練。喧鳥覆春洲，雜英滿芳甸。去矣方滯淫，懷哉罷歡宴。佳期悵何許，淚下如流液。有情知望鄉，誰能變不變。

始出尚書省

惟昔逢休明，十載朝雲陛。既通金閨籍，復酌瓊筵禮。哀景厭昭臨，昏風瀾繼體。紛虹亂朝日，濁河穢清濟。防口猶寬政，餐茶更如齋。英袞暢人謀，文明固天啓。青精翼紫軼，黃旗映朱邸。還親司隸章，復見東都禮。中區咸已泰，輕生諒昭酒。趨事辭宮闕，載筆陪

旌聚。邑里向疏蕪，寒流自清泚。衰柳尚沈沈，凝露方泥泥。零落悲
友朋，歡娛燕兄弟。既秉丹石心，寧流素絲涕。因此得蕭散，垂竿深
湖底。

直中書省

紫殿肅陰陰，彤庭赫弘敞。風動萬年枝，日華承露掌。玲瓏結
綺鏡，深沈映朱網。紅藥當階翻，蒼苔依砌上。茲言翔鳳池，鳴珮多
清響。信美非吾室，中園思偃仰。朋情以鬱陶，春物方瀟蕩。安得凌
風翰，聊恣山泉賞。

觀朝雨

朔風吹飛雨，蕭條江上來。既灑百常觀，復集九成臺。空濛如
薄霧，散漫似輕埃。平明振衣坐，重門猶未開。耳目暫無擾，懷古信
悠哉。戢翼希驥首，乘流畏曝鰓。動息無兼途，歧路多徘徊。方同載
勝者，去翦北山萊。

宣城郡內登望

借問下車日，匪直望舒圓。寒城一以眺，平楚正蒼然。山積陵
陽阻，溪流春穀泉。威紆距遙向，巖崑帶遠天。切切陰風暮，桑柘起
寒煙。悵望心已極，愉悅魂屢遷。結髮倦爲旅，平生早事邊。誰規鼎
食盛，寧要狐白鮮。方棄汝南諾，言稅遼東田。

冬日晚郡事隙

案牘時間暇，偶坐觀卉木。颯颯滿地荷，脩脩蔭廳行。檐隙自
周流，房櫺閒且肅。蒼翠望寒山，崢嶸瞰平陸。已惕暮歸心，復傷千

里目。風霜旦夕甚，蕙草無芬馥。云誰美笙簧？孰是厭邁軸？願言稅
逸駕，臨餌秋菊。

高齋視事

餘雪映青山，寒霧閉白日。嚶嚶江村見，離離海樹出。披衣就
清盥，憑軒方秉筆。列刃歸單味，連駕止容膝。空爲大國愛，紛詭諒
非一。安得掃荒逕，鎖吾愁與疾。

冬緒羈懷示蕭諮議虞田曹劉江三常侍

去國懷邱國，入遠滯城關。寒燈耿宵夢，清鏡悲曉髮。風草不
留霜，冰池共如月。寂寞此閒帷，琴尊任所對。客念坐嬋媛，年華稍
菴夔。夙慕雲澤遊，共奉荆臺績。一聽春鶯喧，再視秋鴻沒。疲驂良
易返，恩波不可越。誰慕臨淄鼎，常希茂陵渴。依隱幸自從，求心果
蕪昧。方軫歸與願，故山芝未歇。

落日悵望

昧旦多紛喧，日宴未遑舍。落日餘清陰，高枕東牕下。寒槐漸
如來，秋菊行當把。借問此何時？涼風懷朔馬。已傷歸慕客，復思離
居者。情嗜幸非多，案牘偏爲寡。既乏琅琊政，方憩洛陽社。

賽敬亭山廟喜雨

夕悵懷椒糈，曷潔管籥。登秋雖未獻，望歲佇年祥。潭淵深
可厲，狹邪車未方。朦朧度絕根，出沒見林堂。秉玉朝羣帝，樽桂迎
東皇。排雲接虬蓋，蔽日下霓裳。會舞紛瑤席，安歌遶鳳梁。百味芬
綺帳，四座沾羽觴。福被延名澤，業極思故鄉。登山騁歸望，原雨晦

茫茫。胡寄味千里，解珮拂山莊。

賦貧民田

假遇非將迎，靖共延殊慶。中歲歷三暮，旬月典邦政。曾是共
治情，敢忘卹貧病。將無富教禮，孰有知方性？敦本抑工商，均業省
兼併。察壤見泉脈，規星視農正。黍稷高殖穰，稼穡即阜盛。舊埒新墾
分，青苗白水映。遙樹匝清陰，連山周遠淨。卽此風雲佳，孤觴聊可
命。既微三載道，庶藉兩歧詠。俾爾倉廩實，余從谷口鄭。

移病還園示親屬

疲策倦人世，斂性就幽蓬。停琴佇涼月，滅燭聽歸鴻。涼薰乘
暮晰，秋華隔夜空。葉低知露密，巖斷識雲重。折荷葇寒袂，開鏡
眇衰容。海暮騰清氣，河關秘棗沖。煙衡時未歇，芝蘭去相從。

治宅

結宇夕陰街，荒幽橫九曲。迢遞南川陽，迤邐西山足。蘭館臨
秋風，敞牕望寒旭。風碑池中荷，霜翳江南葦。既無東都金，且稅東
泉粟。

秋夜講解

四緣來誰肇，七識習未央。沈沈倒營魄，苦陰蹙愁腸。琴瑟徒
爛漫，娉容空滿堂。春顏遽幾日，秋壘終茫茫。孰云濟沈溺，假願託
津梁。惠唱擣泉湧，妙發演金相。空有定無執，實實固想忘。自來乘
首夏，及此申暮霜。雲物清晨景，衣巾引夕涼。風振蕉蓬裂，霜下枳
楸傷。六龍且無借，三相寧久長。何時接靈應，及子同舟航。

春思

蒨谿發春水，隴山起朝日。蘭色望已同，萍際轉如一。巢燕聲
上下，黃鳥弄僖匹。邊郊阻遊衍，故人盈契闊。涉寐借假筮，思歸賴
倚瑟。幽念漸鬱陶，山楹永爲室。

秋夜

秋夜促織鳴，南鄰擣衣急。思君隔九重，夜夜空佇立。北牕輕
幔垂，西戶月光入。何知白露下，坐視階前溼。誰能長分居，秋盡冬
復及。

和何議曹郊遊二首

春心澹容與，挾戈步中林。朝光映紅萼，微風吹好音。江垂得
清賞，山際果幽尋。未嘗遠離別，知此悵歸心。流沂終靡已，嗟行方
至今。

江皋倦游客，薄暮懷歸者。揚舲浮大川，悵望至日下。蠶靡青
莎被，游浚石遠瀉。寄語持筇簪，舒憂願自假。歸途豈難涉，翻同江
上夏。

和劉西曹望海臺

滄波不可望，望極與天平。往往孤山映，處處春雲生。差池遠
雁沒，颯沓羣鳥驚。鸞塵及籟，棄捨出重城。臨川徒可羨，結網庶
時營。

和宋記室省中

落日飛鳥遠，憂來不可及。竹樹澄遠陰，雲霞成異色。懷歸欲

水電，瞻言思解翼。清揚婉禁居，祕此文墨職。無歎阻琴樽，相從伊乘側。

和王著作融八公山

二別阻漢坻，雙嶂望河漢。茲嶺復巉岿，分區奠淮服。東限瑯牙臺，西距孟諸陸。阡眠起雜樹，檀欒陰修竹。日隱澗疑空，雲聚岫如復。出沒眺棲雉，遠近送春日。戎州昔亂華，素景淪伊穀。阨危賴宗袞，微管寄明牧。長蛇固能翳，奔鯨自此曝。道峻芳塵流，業遙年運候。平生仰令圖，吁嗟命不淑。浩蕩別親知，連翩戒征軸。再遠館娃宮，兩去河陽谷。風煙四時犯，霜雨朝夜沐。春秀良已凋，秋場庶能築。

和伏武昌（晏容）登孫權故城

炎靈遺劍鬣，富塗駭龍戰。聖期缺中壤，霸功興寓縣。鵠起登吳山，鳳翔凌楚甸。衿帶窮巖險，帷帟盡謀選。北拒溺驂鑣，西龜收組練。江海既無波，俯仰流英眇。裘冕類禋郊，卜揲崇離殿。鈞臺臨講閣，樊山開廣讌。文物共葳蕤，聲明且蔥蒨。三光厭分景，書軌欲同薦。參差世祀忽，寂寞市朝變。舞館識餘基，歌梁想遺囀。故林衰木平，荒池秋草徧。雄圖悵若茲，茂宰深遐睭。幽客滯江皋，從賞乖纓弁。清厄阻獻酬，良書限聞見。幸藉芳音多，承風采餘綯。于役儻有期，鄂渚同遊行。

夏始和劉蔚陵

威仰馳蒼郊，龍曜表皇際。春色卷遙甸，炎光麗近邑。白蘋望

已聘，細荷紛可襲。徒顧尺波旋，終憐寸景戡。終憐寸景戡，對臆斜日過。洞幌鮮飄入，浮雲去欲窮。暮鳥飛相及，柔翰縝芳壘。清源非易揖，迴江難絕濟。云誰暢佇立，良宰聶夜漁。出人事朝汲，積羽余既裳。更賦子盈粒，椅梧何必零。歸來共棲集。

新治北臆和何從事

國少暇日多，民淳紛務屏。關隴期清曠，開簾候風景。泱泱日照溪，團團雲去嶺。岩巒闌嶮峻，駢闐石路整。池北樹如浮，竹外山猶影。自來彌弦望，及君望箕穎。清文蔚且詠，微言超已領。不見城濠側，思君朝夕頃。迴舟方在辰，何以慰延頸。

和王主簿季哲怨情

掖庭聘絕國，長門失歡宴。相逢詠蘼蕪，辭寵悲團扇。花叢亂數蝶，風簾入雙燕。徒使春帶餘，坐惜紅妝變。生平一顧重，宿昔千金賤。故人心尚爾，故人心不見。

和徐都曹出新亭渚

宛洛佳遊遊，春色滿皇州。結軫清郊路，迴瞰蒼江流。日華川上動，風光草際浮。桃李成蹊徑，桑榆蔭道周。東都已傲載，言歸望綠疇。

和劉中書

昔余侍君子，歷此遊荆漢。山川隔舊賞，朋僚多雨散。圖南矯風翮，曾非息短翰。移疾觀新篇，披衣起澗沔。惆悵懷昔踐，彷彿得殊觀。蘋紫共彬駁，雲錦相凌亂。奔星上未窮，驚雷下將半。迴潮瀆

崩樹輪因軋傾岸。巖後或傍翻。石籥無修幹。澄澄明浦媚。衍衍清風爛。江潭良在目。懷賢興累歎。歲暮不我期。淹留絕巖畔。

贈王主簿二首

日落廳中坐。紅妝好顏色。舞衣襲未縫。流黃覆不織。蜻蛉草際飛。游蜂花上食。一遇長相思。願寄連翮翼。

清吹要碧玉。調絃命綠珠。輕歌急綺帶。含笑解羅襦。餘曲詎幾許。高駕且踟躕。徘徊韶景暮。惟有洛城隅。

和蕭中庶直石頭

九河互積岨。三巘鬱旁眺。皇州總地德。迴江款巖微。非軼鮑蒼林。雲霧蔽層嶠。川霞旦上薄。山光晚餘照。翔集亂歸燕。虹蜺紛引曜。君子奉神略。瞰迥憑重嶂。彈冠已藉其。升車益英妙。功存漢册書。榮竝周庭燎。汲疾移偃息。董園倚談笑。麾旆一悠悠。謙姿光且劭。讎嘉多暇日。興文起淵調。曰余廁鱗羽。減景從漁釣。澤渥資投分。逢迎典待詔。詠沼邈含毫。專城空坐嘯。徒慙皇覽揆。終延曲士誦。方追隱淪訣。偶解金丹要。若偶巫咸招。帝關良可叫。

奉和竟陵王同沈石率過劉先生(璣)臺

嘉樹因枝條。琢玉良可寶。若人陵曲臺。垂帷茂淵道。善誘宗學原。鳴鐘露幽抱。仁風徂宛洛。清徽夜何早。歲晚結松陰。平原亂秋草。不有至言揚。終滯西山老。

和王長史臥病

崑岫款崇崖。派別朝洪河。兎園文雅盛。章臺冠蓋多。淵襟吞

睿岳。覺贊動叱歌。顧影慚驂服。載筆旅江沱。縞衣分可獻。琴言暖已和。青皋向還色。春澗視生波。巖垂變好鳥。松上改陳蘿。日與歲眇。觀歸恨積蹉跎。願緝吳山杜。寧袂楚池荷。清風豈孤劭。功遂懷會阿。勿藥良有暢。荏苒芳未過。幸留清樽味。言藉故田莎。

和江城北戌琅邪城

春城麗白日。阿閣跨層樓。蒼江忽渺渺。驅馬復悠悠。京洛多塵霧。淮濟未安流。豈不思撫劍。惜哉無輕舟。夫君良自勉。歲暮勿淹留。

和沈祭酒行園

清淮左長薄。荒經隱高蓬。回潮旦夕上。寒渠左右通。霜畦紛綺錯。秋町鬱蒙茸。瓊梨懸已紫。珠榴折且紅。君有棲心地。伊我歡既同。何用甘泉側。玉樹望青蔥。

奉和隋王(蕭子隆)殿下十六首

玄冬寂脩夜。天圍靜且開。亭皋霜氣愴。松宇清風來。高琴時以思。幽人多感懷。幸藉汾陽想。嶺首正徘徊。

高秋夜方靜。神居肅且深。閒階塗廣路。涼宇澄月陰。嬋娟影池竹。疏蕪散風林。淵情協爽節。詠言興德音。閭道空已積。干直愧蓬心。

愴愴緒風興。祁祁族雲布。嚴氣集高軒。稠陰結寒樹。日月謬論思。朝夕承清豫。徒藉小山文。空揖章臺賦。

一星回夜未艾。洞房凝遠情。雲陰滿池榭。中月懸高城。喬木含

風霧行厲飛且鳴。平臺盛文雅。西園富羣英。芳慶良永矣。君王嗣德聲。眷此伊洛詠。載懷汾水情。顧己非麗則。恭惠奉仁明。觀瀋詠已失。慙然愧簪纓。

蕭景遊清都。脩簪侍蘭室。異樹疏遠風。廣庭麗朝日。穆穆神儀靜。惜惜道言密。一餐繫靈表。無吝科年歷。

神心遺魏闕。中想顧汾陽。蕭景懷辰豫。捐玦翳山楊。時惟清夏始。雲景曖含芳。月陰洞野色。日華麗池光。草合亭臬遠。霞生川路長。端坐聞鶴引。靜瑟愴復傷。懷哉泉石思。歌詠鬱瓊相。春塘多迭駕。言從伊與商。袞職眷英覽。獨善伊何忘。願輟東都遠。弘道待云梁。

清房洞已靜。閒風伊夜來。雲生樹陰遠。軒廣月容開。宴私移燭飲。遊賞藉琴臺。風猷冠瀋鄴。衽烏愧唐枚。

方池含積水。明月流皎鏡。規荷承日滋。影鱗與風泳。上善叶淵心。止川測動性。幸是方春來。側點游濠盛。

浮西北雲起。飛來下高堂。合散輕帷表。飄舞桂臺陽。遙階收委羽。平地如夜光。眷言金玉照。顧慚蘭蕙芳。

容心重離析。歧條清江隈。四面寒颯舉。千里白雲來。川長別管思。地迴翻旗回。還顧昭陽闕。超遠章華臺。置酒巫山日。為君停玉杯。

桂樓飛絕限。超遠向江岐。輕寒霽廣甸。微風散清漪。連連絕雁舉。渺渺青煙移。巖城亂芸草。霜塘凋素枝。氣爽深遙闕。豫永聊

停曠。即已終可悅。盈樽且若斯。

炎光缺風雅。宗羈採時淪。龍德待雲霧。合圖方再晨。歲遠荒城思。霜華宿草陳。英威遠如是。徘徊歧路人。

念深沖照廣。紫闈清化玄。端儀穆金殿。敷教藻瓊筵。船湛輕帷藹。馨轉芳風旋。卷轡棲道樹。方津棹法舩。歸興憑大造。昭率良易筌。

分悲玉瑟斷。別緒金樽傾。風入芳帷散。缸華蘭殿明。想折中園草。共知千里情。行雲故鄉色。贈此一離聲。

年華豫已滌。夜艾賞方融。新葺時合水。弱草未勝風。閨幽瑟易響。臺迴月難中。春物廣餘照。蘭膏佩未窮。

連漪映餘雪。嚴城限深霧。清寒起洞門。東風急池樹。神居望已蕭。徘徊舉沖趣。棲歸如遲詠。邱山不可履。

和紀參軍服散得益。金液稱九轉。西山歌五色。鍊寶乃排雲。濯景終不測。雲英亦

可餌。且駐羲和力。能令長卿臥。暫故遇真識。

和玉中丞聞琴。涼風吹月露。圓景動清陰。蕙風入懷抱。聞君此夜琴。蕭瑟滿

林聽。輕鳴響澗音。無為濟容與。蹉跎江海心。

將發石頭。上烽火樓。徘徊戀京邑。躑躅躡曾阿。陵高遲關近。眺迴風雲多。荆吳阻山岫。江海含瀾波。歸飛無羽翼。其如離別何。

望三湖

積水照嶽霞，高臺望歸翼。平原周遠近，連汀見紆直。蕨蕘向春秀，芸黃共秋色。薄暮傷哉人，嬋媛復何極！

送江水曹還遠館

高館臨荒途，清川帶長陌。上有流思人，懷舊望歸客。塘邊草雜紅，樹際花猶白。日暮有重城，何由盡離席！

送江兵曹檀主簿朱孝廉還上國

方舟泛春渚，攜手趨上京。安知暮歸客，詎憶山中情。香風蓬上發，好鳥葉間鳴。揮袂送君已，獨此夜琴聲。

臨溪送別

恨望南浦時，徙倚北梁步。葉上涼風初，日隱輕霞暮。荒城迴易陰，秋溪廣難渡。沫泣豈徒然，君子行多露。

後齋過望

高軒瞰四野，臨牖眺襟帶。望山白雲裏，望水平原外。夏木轉成帷，秋存漸如蓋。鞏洛常睠然，搖心似懸旆。

與江水曹至干濟賦

山中上芳月，故人清樽賞。遠山翠百重，迴流映千丈。花枝聚如雪，蕪絲散猶網。別後能相思，何嗟異封壤。

答沈石率諸君餞別

春夜別清樽，江潮復爲客。歎息東流水，如何故鄉陌。重樹日芬蘞，芳洲轉如積。望望荆臺下，歸夢相思夕。

離夜同江丞王常侍作

玉繩隱高樹，斜漢耿層臺。離堂華燭盡，別幌清琴哀。翻潮尚知限，客思耿難裁。山川不可夢，況乃故人杯。

祀敬亭山廟

翦削兼太華，崢嶸跨玄圃。貝闕砥阿宮，薛帷陰綢戶。參差時未來，徘徊望澧浦。椒糈若馨香，無絕傳終古。

出下館

麥候始清和，涼雨銷炎燠。紅蓮搖弱荇，丹藤繞新竹。物色盈懷抱，方駕娛耳目。零落既難留，何用存華屋。

落日同何儀曹照

參差複殿影，氛氳綺羅雜。風入天淵池，芰荷推復合。遠聽雀聲聚，回望樹陰杳。一賞桂尊前，寧傷蓬鬢颯。

夜聽妓二首

瓊閨釧響聞，瑤席芳塵滿。要取洛陽人，共命江南管。情多舞態遲，意傾歌弄緩。知君密見親，寸心傳玉盃。

上客光四座，佳麗值千金。挂釵報纓絕，墮珥答琴心。蛾眉已共笑，清香復入襟。歡樂夜方靜，翠帳垂沈沈。

詠薔薇

低枝詎勝葉，輕香幸自通。發萼初攢紫，餘采尚霏紅。新花對白日，故蕊逐行風。參差不俱曜，誰肯盼微叢。

詠蒲

離離水上蒲，結水散爲珠。閒廁秋菡萏，出入春鳧雛。初萌實
難俎，暮薤難椒塗。所悲塘上曲，遂鏤黃金龜。

詠兔絲

輕絲既難理，細縷竟無織。爛漫已萬條，連綿復一色。安根不
可知，繁心終不測。所貴能卷舒，伊用蓬生直。

遊東堂枝桐

孤桐北牕外，高枝百尺餘。葉生既婀娜，葉落更扶疏。無華復
無實，何以贈離居。裁爲珪與瑞，足可命參墟。

雜詠三首

鏡臺

玲瓏類丹檻，茗亭似玄關。對鳳懸清冰，垂龍挂明月。照粉拂
紅妝，插花理雲髮。玉顏徒自見，常謂君情歇。

燈

發翠斜漢裏，蓄寶宕山峯。抽葦類仙掌，銜光似燭龍。飛蛾再
三繞，輕花四五重。孤對相思夕，空照舞衣縫。

燭

杏梁寶未散，桂宮明欲沈。曖色輕帷裏，低光照寶琴。徘徊雲
鬢影，灼爍綺疏金。恨君秋月夜，遺我洞房陰。

同詠樂器得琴

洞庭風雨幹，龍門生死枝。雕刻紛布濩，沖響鬱清危。春風搖
章，秋月滿華池。是時操別鶴，淫淫客淚垂。

同詠坐上玩器得烏皮隱几：

蟠木生附枝，刻削豈無施。取則龍文鼎，三趾獻光儀。勿言素
草潔，白沙尚推移。曲躬奉微用，聊承終宴疲。

同詠坐上所見一物得『席』

本生潮汐池，落景照參差。汀洲蔽杜若，幽渚奪江離。遇君時
采擷，玉座奉金卮。但願羅衣拂，無使素塵彌。

詠竹火籠

庭雪亂如花，井冰聚成玉。因炎入貂袖，懷溫奉芳褥。體密用
宜通，文邪性非曲。本自江南墟，嬾媚脩且綠。暫承君玉指，請謝陽
春旭。

春旭

詠風

徘徊登紅萼，歲蕤動綠蘿。垂楊低復舉，新萍合且離。步檐行
袖辟，當戶思襟披。高響飄歌吹，相思子未知。時拂孤鸞鏡，星鬢視
參差。

參差

詠竹

臆前一叢竹，青翠獨言奇。南條交北葉，新筍雜故枝。月光疏
已密，風來起復垂。青鳳飛不礙，黃口得相窺。但恨從風籟，根株長
別離。

別離

詠落梅

新葉初冉冉，初蕊新菲菲。逢君後園燕，相隨巧笑歸。親勞君
玉指，摘以贈南威。用持插雲髻，翡翠比光輝。日暮長零落，君恩不

可道。

詠臙北梔子

有美當階樹，霜露未能移。金黃發朱采，映日以離離。幸賴夕陽下，餘景及西枝。還思照綠水，君階無曲池。餘榮未能已，晚實猶見奇。復留傾筐德，君恩信未貲。

卷四

湘鄉曾國藩纂 合肥李鴻章審訂 東湖王定安校

李太白五古上二百九首

古風五十九首

大雅久不作，吾衰竟誰陳？王風委蔓草，戰國多荆榛。龍虎相啖食，兵戈逮狂秦。正聲何微茫，哀怨起騷人。揚馬激頽波，開流蕩無垠。廢興雖萬變，憲章亦已淪。自從建安來，綺麗不足珍。聖代復元古，垂衣貴清真。羣才屬休明，乘運共躍鱗。文質相炳煥，衆星羅秋旻。我志在刪述，重輝映千春。希聖如有立，絕筆於獲麟。

蟻蝨薄太清，蝕此瑤臺月。圓光虧中天，金魄遂淪沒。蟬螻入紫微，大明夷朝暉。浮雲隔兩耀，萬象昏陰霏。蕭蕭長門宮，昔是今已非。桂蠹花不實，天霜下嚴威。沈歎終永夕，感我涕沾衣。

秦皇掃六合，虎視何雄哉。揮劍決浮雲，諸侯盡西來。明斷自天啓，大略駕羣才。收兵鑄金人，函谷正東開。銘功會稽嶺，騁望瑯邪臺。刑徒七十萬，起土驪山隈。尚採不死藥，茫然使心哀。連弩射

海魚，長鯨正崔嵬。頽鼻象五嶽，揚波噴雲雷。警蹙蔽青天，何由覩蓬萊。徐市載秦女，樓船幾時回。但見三泉下，金棺葬寒灰。

鳳飛九千仞，五章備綵珍。銜書且虛歸，空入周與秦。橫絕歷四海，所居未得鄰。吾營紫河車，千載落風塵。藥物祕海嶽，採鉛青谿濱。時登大樓山，舉首望仙真。羽駕滅去影，飄車絕回輪。尚恐丹液遲，志願不及申。徒霜鏡中髮，羞彼鶴上人。桃李何處開，此花非我春。唯應清都境，長與韓衆親。

太白何蒼蒼，星辰上森列。去天三百里，邈爾與世絕。中有綠髮翁，披雲臥松雪。不笑亦不語，冥棲在巖穴。我來逢真人，長跪問寶訣。粲然忽自哂，授以鍊藥說。銘骨傳其語，竦身已電滅。仰望不可及，蒼然五情熱。吾將營丹砂，永與世人別。

代馬不思越，越禽不戀燕。情性有所習，土風固其然。昔別雁門關，今成龍庭前。驚沙亂海日，飛雪迷胡天。機彘生虎鴉，心魂逐旌旂。苦戰功不賞，忠誠難可宣。誰憐李飛將，白首沒三邊。客有鶴上仙，飛飛凌太清。揚言碧雲裏，自道安期名。兩兩白玉童，雙吹紫鸞笙。去影忽不見，回風送天聲。舉首遠望之，飄然若流星。願餐金光草，壽與天齊傾。

莊周夢蝴蝶，蝴蝶爲莊周。一體更變易，萬事良悠悠。乃知蓬萊水，復作清淺流。青門種瓜人，舊日東陵侯。富貴固如此，營營何所求。齊有個儻生，魯連特高妙。明月出海底，一朝開光曜。卻秦振

英聲，後世仰末照。意輕千金贈，顧向平原笑。吾亦濟蕩人，拂衣可同調。

黃河走東溟，白日落西海。逝川與流光，飄忽不相待。春容捨我去，秋髮已衰改。人生非寒松，年貌豈長在。吾當乘雲螭，吸景駐光彩。

松柏本孤直，難爲桃李顏。昭昭嚴子陵，垂釣滄波閒。身將客星隱，心與浮雲閑。長揖萬乘君，還歸富春山。清風灑六合，凜然不可攀。使我長歎息，冥棲巖石間。

君平既棄世，世亦棄君平。觀變窮太易，探元化羣生。寂寞綴道論，空籬閉幽情。鸞鷖不虛來，鸞鷖有時鳴。安知天漢上，白日懸高名。海客去已久，誰人測沈冥。

胡關饑風沙，蕭索竟終古。歲落秋草黃，登高望戎虜。荒城空大漠，邊邑無遺堵。白骨橫千霜，嵯峨蔽榛莽。借問誰陵虜，天驕毒威武。赫怒我聖皇，勞師事鞬鼓。陽和變殺氣，發卒驪中土。三十六萬人，哀哀淚如雨。且悲就行役，安得營農圃。不見征戍兒，豈知關山苦。李牧今不在，邊人飼豺虎。

燕昭延郭隗，遂築黃金臺。劇辛方趙至，鄒衍復齊來。奈何青雲士，棄我如塵埃。珠玉買歌笑，糟糠養賢才。方知黃鶴舉，千里獨徘徊。

金華牧羊兒，乃是紫煙客。我願從之游，未去髮已白。不知繁華子，擾擾何所迫。崑山探瓊蕊，可以鍊精魄。

天津三月時，千門桃與李。朝爲斷腸花，暮逐東流水。前水復後水，古今相續流。新人非舊人，年年橋上游。鷄鳴海色動，謁帝羅公侯。月落西上陽，餘輝半城樓。衣冠照雲日，朝下散皇州。鞍馬如飛龍，黃金絡馬頭。行人皆辟易，志氣橫嵩邱。入門上高堂，列鼎錯珍羞。香風引趙舞，清管隨齊謳。七十紫鸞鴛，雙雙戲庭幽。行樂爭晝夜，自言度千秋。功成身不退，自古多愆尤。黃天空歎息，綠珠成聲讎。何知賜夷子，散髮棹扁舟。

西上蓮花山，迢迢見明星。素手把芙蓉，虛步躡太清。霓裳曳廣帶，飄拂昇天行。邀我登雲臺，高揖衛叔卿。恍恍與之去，駕鴻凌紫冥。俯視洛陽川，茫茫走胡兵。流血塗野草，豺狼盡冠纒。昔我遊齊都，登華不注峯。茲山何峻秀，綠翠如芙蓉。蕭颯古仙人，了知是赤松。借予一白鹿，自挾兩青龍。含笑凌倒景，欣然願相從。

泣與親友別，欲語再三咽。勗君青松心，努力保霜雪。世路多險艱，白日欺紅顏。分首各千里，去去何時還。在世復幾時，候如飄風度。空聞紫金經，白首愁相誤。撫己忽自笑，沈吟爲誰故。名利徒煎熬，安得閒余步。終留赤玉鳥，東上蓬山路。秦帝如我求，蒼蒼但煙霧。

鄧客吟白雪，遺響飛青天。徒勞歌此曲，舉世誰爲傳。試爲巴人唱，和者乃數千。吞聲何足道，歎息空淒然。秦水別離首，幽咽多悲聲。胡馬顧朔雪，躑躅長嘶鳴。感物動我心，緬然含歸情。昔視秋蛾飛，今見春蠶生。孌孌桑枯葉，萋萋柳

垂榮。急節謝流水，羈心搖懸旆。揮涕且復去，惻愴何時平？

秋露白如玉，團團下庭綠。我行忽見之，寒早悲歲促。生猶鳥

過目，胡乃自結束。景公一何愚，牛山淚相續。物苦不知足，得隴又

望蜀。人心若波瀾，世路有屈曲。三萬六千日，夜夜當秉燭。

大車揚飛塵，亭午暗阡陌。中貴多黃金，連雲開甲宅。路逢鬪

雞者，冠蓋何輝赫。鼻息干虹蜺，行人皆惶惕。世無洗耳翁，誰知堯

與跖。

窮門。世路日交喪，澆風散淳源。不采芳桂枝，反棲惡木根。所以桃

李樹，吐花竟不言。大運有興沒，羣動爭飛奔。歸來廣成子，去入無

窮門。碧荷生幽泉，朝日豔且鮮。秋花冒綠水，密葉羅青罈。秀色空

絕世，馨香誰爲傳。坐看飛霜滿，凋此紅芳年。結根未得所，願託華

池邊。

燕趙有秀色，綺樓青雲端。眉目豔皎月，一笑傾城歡。常恐碧

草晚，坐泣秋風寒。纖手怨玉琴，清晨起長歎。焉得偶君子，共乘雙

飛鸞。

容顏若飛電，時景如飄風。草綠霜已白，日西月復東。華鬢不

耐秋，飄然成衰蓬。古來聖賢人，一一誰成功。君子變援鶴，小人爲

沙蟲。不及廣成子，乘雲駕輕鴻。

三季分戰國，七雄成亂麻。王風何怨怨，世道終紛拏。至人洞

元象，高舉凌紫霞。仲尼亦浮海，吾祖之流沙。聖賢共淪沒，臨歧胡

嗚嗚。

玄風變太古，道喪無時還。擾擾季葉人，雞鳴趨四關。但識金

馬門，誰知蓬萊山。白首死羅綺，笑歌無休閒。綠酒晒丹液，青娥凋

素顏。大儒揮金槌，琢之詩禮閒。蒼蒼三珠樹，冥目焉能攀？

鄧客西入關，行行未能已。白馬華山君，相逢平原里。璧遺錦

池公，『明年祖龍死。』秦人相謂曰：『吾屬可去矣。』一往桃花

源，千春隔流水。

暮收蕭金氣，西陸弦海月。秋蟬號階軒，感物變不歇。良辰竟

何許？大運有淪忽。天寒悲風生，夜久衆星沒。惻惻不忍言，哀歌達

明發。

北溟有巨魚，身長數千里。仰噴三山雪，橫吞百川水。憑凌隨

海運，烜赫因風起。吾觀摩天飛，九萬方未已。

羽檄如流星，虎符合專城。噴呼救邊急，羣鳥皆夜鳴。白日曜

紫微，三公運權衡。天地皆得一，澹然四海清。借問此何爲？答言楚

徵兵。渡瀘及五月，將赴雲南征。怯卒非戰士，炎方難遠行。長號別

嚴親，日月慘光晶。泣盡繼以血，心摧兩無聲。因厭當猛虎，窮魚餌

奔鯨。千夫不一回，投軀豈全生。如何舞干戚，一使有苗平。

醜女來效颦，還家驚四鄰。壽陵失本步，笑殺邯鄲人。一曲斐

然子，雕蟲喪天真。棘刺造沐猴，三年費精神。功成無所用，楚楚且

華身。大雅思文王，頌聲久崩論。安得郢中質，一揮成風斤。

先伐芳蘭哀自焚。盈滿天所損。沈冥道爲羣。東海汎碧水。西關乘紫雲。魯連及柱史。可以躡清芬。

燕臣昔慟哭。五月飛秋霜。庶女號蒼天。震風擊齊堂。精誠有所感。造化爲悲傷。浮雲蔽紫闥。白日難回光。羣沙穢明珠。衆草凌孤芳。古來共歎息。流淚空沾裳。

孤蘭生幽園。衆草共蕪沒。雖照陽春暉。復悲高秋月。飛霜早浙淅。綠豔恐休歇。若無清風吹。香氣爲誰發。

發高望四海。天地何漫漫。霜被羣物秋。風飄大荒寒。榮華東流水。萬事皆波瀾。白日掩徂暉。浮雲無定端。梧桐巢鸞雀。枳棘棲鷲鷯。且復歸去來。劍歌行路難。

鳳飢不啄粟。所食惟琅玕。焉能與羣雞。蹙促爭一餐。朝鳴崑邱樹。夕飲砥柱滯。歸飛海路遠。獨宿天霜寒。幸遇王子晉。結交青雲端。懷恩未得報。感別空長歎。

朝弄紫泥海。夕披丹霞裳。揮手折若木。拂此西日光。雲臥遊八極。玉顏已千霜。飄飄入無倪。稽首祈上皇。呼我遊太素。玉杯賜瓊漿。餐歷萬歲。何用還故鄉。永隨長風去。天外恣飄揚。

搖裔雙白鶴。鳴飛滄江流。宜與海人狎。豈伊雲鶴儔。寄影宿沙月。沿芳戲春洲。吾亦洗心者。忘機從爾游。

周穆八荒意。漢皇萬乘尊。淫樂心不極。雄豪安足論。西海宴王母。北宮邀上元。瑤水聞遺歌。玉杯空言靈。蹟成蔓草徒。悲千載魂。

緣蘿紛葳蕤。繚繞松柏枝。草木有所託。歲寒尚不移。奈何天桃色。坐歎葑菲詩。玉顏豔紅彩。雲髮非素絲。君子恩已畢。賤妾將何爲。

八荒馳驚飈。萬物盡凋落。浮雲蔽顏陽。洪波振大壑。龍鳳脫網罟。飄飄將安託。去去乘白駒。空山詠場藿。

一百四十年。國容何赫然。隱隱五鳳樓。峨峨橫三川。王侯象星月。賓客如雲煙。鬪雞金宮裏。蹴鞠瑤臺邊。舉動搖白日。指揮回青天。當塗何翕忽。失路長棄捐。獨有揚執戟。閉關草太玄。

桃花開東園。含笑誇白日。偶蒙春風榮。生此豔陽質。豈無佳人色。但恐花不實。宛轉龍火飛。零落早相失。詎知南山松。獨立自蕭瑟。

秦皇按寶劍。赫怒振威神。逐日巡海石。驅石駕滄津。徵卒空九寓。作橋傷萬人。但求蓬島藥。豈思農鴈春。力盡功不贖。千載爲悲辛。

美人出南國。灼灼芙蓉姿。皓齒終不發。芳心空自持。由來紫宮女。共妬青蛾眉。歸去瀟湘沚。沈吟何足悲。

宋國梧臺東。野人得燕石。誇作天下珍。卻哂趙王璧。趙璧無繙磷。燕石非貞真。流俗多錯誤。豈知玉與珉。

殷后亂天紀。楚懷亦已昏。夷羊滿中野。綠蕪盈高門。比干諫而死。屈平竄湘源。虎口何婉孌。女顏空嬋娟。彭咸久淪沒。此意與誰論。

誰論

青春流驚湍，朱明驟回薄。不忍看秋蓬，飄揚竟何託？光風滅
蘭蕙，白露灑芙蓉。美人不我期，草木日零落。

戰國何紛紛？兵戈亂浮雲。趙倚兩虎鬪，晉爲六卿分。姦臣欲
竊位，樹黨自相羣。果然田成子，一曰弑齊君。

倚劍登高臺，悠悠送春目。蒼榛蔽層邱，瓊草隱深谷。鳳凰鳴
西海，欲集無珍木。鸞斯得匹居，蒿下盈萬族。管風日已頽，窮途方
慟哭。

齊瑟彈東吟，秦絃弄西音。慷慨動顏魄，使人成荒淫。彼女佞
邪子，婉變來相尋。一笑雙白璧，再歌千黃金。珍色不貴道，詎惜飛
光沈。安識紫霞客，瑤臺鳴玉琴。

越客採明珠，提攜出南閩。清輝照海月，美價傾鴻都。獻君君
按劍，懷寶空長吁。魚目復相晒，寸心增煩紆。

羽族萬萬化，小大各有依。嗚嗚亦何辜，六翮掩不揮。願銜衆
禽翼，一向黃河飛。飛者莫我顧，歎息將安歸？

我行巫山渚，尋古登陽臺。天空綵雲滅，地遠清風來。神女去
已久，襄王安在哉？荒淫竟淪沒，樵牧徒悲哀。

惻惻泣路歧，哀哀悲素絲。路歧有南北，素絲易變移。谷風刺
輕薄，交道方嶮巖。斗酒強然諾，寸心終自疑。張陳竟火滅，蕭朱亦
星離。衆鳥集榮柯，窮魚守空池。嗟嗟失懂客，勤問何所規？

俠客行
趙客縱胡纓，吳鉤霜雪明。銀鞍照白馬，颯沓如流星。十步殺

一人，千里不留行。事了拂衣去，深藏身與名。閒過信陵飲，脫劍膝
前橫。將炙啖朱亥，持觴勸侯嬴。三杯吐然諾，五嶽倒爲輕。眼花耳
熱後，意氣素霓生。救趙揮金槌，邯鄲先震驚。千秋二壯士，烜赫大
梁城。縱死俠骨香，不慚世上英。誰能書閣下，白首太玄經。

關山月

明月出天山，蒼茫雲海間。長風幾萬里，吹度玉門關。漢下白
登道，胡窺青海灣。山來征戰地，不見有人還。戍客望邊色，思歸多
苦顏。高樓當此夜，歎息未應閒。

結客少年場行

紫鸞黃金瞳，啾啾搖綠鬣。平明相馳逐，結客洛門東。少年學
劍術，凌轅白猿公。珠袍曳錦帶，匕首插吳鴻。山來萬夫勇，挾此英
雄風。記交從劇孟，買醉入新豐。笑盡一杯酒，殺人都市中。羞道易
水寒，從今日貫虹。燕丹事不立，虛沒秦帝宮。武陽死灰人，安可與
成功？

長干行二首

妾髮初覆額，折花門前劇。郎騎竹馬來，遮牀弄青梅。同居長
干里，兩小無嫌猜。十四爲君婦，羞顏未嘗開。低頭向暗壁，千喚不
一回。十五始展眉，願同塵與灰。常存抱柱信，豈上望夫臺。十六君
遠行，瞿塘灘頭推。五月不可觸，援聲天上哀。門前遲行跡，一一生
綠苔。苔深不能掃，落葉秋風早。八月蝴蝶來，雙飛西園草。感此傷
妾心，坐愁紅顏老。早晚下三巴，預將書報家。相迎不道遠，直至長

風沙。

憶妾深閨裏，煙塵不曾識。嫁與長干人，沙頭候風色。五月南風興，思君下巴陵。八月西風起，想君發揚子。去來悲如何？見少別離多。湘潭幾日到，妾夢越風波。昨夜狂風度，吹折江頭樹。森森暗無邊，行人在何處？北客至王公，朱衣滿汀中。日暮來投宿，數朝不肯東。自憐十五餘，顏色桃李紅。那作商人婦，愁水復愁風。

古朗月行

小時不識月，呼作白玉盤。又疑瑤臺鏡，飛在青雲端。仙人垂兩足，桂樹作團圓。白兔擣藥成，問言誰與餐。蟾蜍蝕圓影，天明夜已殘。羿昔落九烏，天人清且安。陰精此淪惑，去去不足觀。憂來其如何，惻愴摧心肝。

上之回

三十六離宮樓臺與天通。閣道步行月，美人愁煙空。恩疏寵不及，桃李傷春風。淫樂意何極，金輿向回中。萬乘出黃道，千旗揚彩虹。前軍細柳北，後騎甘泉東。豈聞渭川老，寧邀襄野童。但慕瑤池宴，歸來樂未窮。

獨不見

白馬誰家子？黃龍邊塞兒。天山三丈雪，豈是遠行時？春蕙忽秋草，莎雞鳴曲池。風催寒梭響，月入霜閨悲。憶與君別年，種桃齊蛾眉。桃今百餘尺，花落成枯枝。終然獨不見，流淚空自知。

妾薄命

漢帝重阿嬌，貯之黃金屋。咳唾落九天，隨風生珠玉。寵極愛還歇，妬深情卻疏。長門一步地，不肯暫回車。雨落不上天，水覆重難收。君情與妾意，各自東西流。昔日芙蓉花，今成斷根草。以色事他人，能得幾時好！

幽州胡馬客歌

幽州胡馬客，綠眼虎皮冠。笑拂兩支劍，萬人不可干。彎弓若轉月，白雁落雲端。雙雙掉鞭行，遊獵向樓蘭。出門不顧後，報國死何難。天驕五單于，狼戾好兇殘。牛馬散北海，割鮮若虎餐。雖居燕支山，不道朔雪寒。婦女馬上笑，顏如頽玉盤。翻飛射鳥獸，花月醉雕鞍。旄頭四光芒，爭戰如蜂攢。白刃灑赤血，流沙爲之丹。名將古誰是？疲兵良可歎。何時天狼滅，父子得閒安。

『門有車馬客』行

門有車馬客，金鞍耀朱輪。謂從丹霄落，乃是故鄉親。呼兒掃中堂，坐客論悲辛。對酒兩不飲，停觴深盈巾。歎我萬里遊，飄飄三十春。空談霸王略，紫綬不挂身。雄劍藏玉匣，陰符生素塵。廓落無所合，流離湘水濱。借問宗黨間，多爲泉下人。生苦百戰役，死託萬鬼鄰。北風揚胡沙，埋翳周與秦。大運且如此，蒼穹寧匪仁。惻愴竟何道，存亡任大鈞。

『君子有所思』行

紫閣連終南，青冥天倪色。憑崖望咸陽，宮闕羅北極。萬井驚雷出，九衢如絃直。渭水清銀河，橫天流不息。朝野盛文物，衣冠何

翕絕。廐馬散連山，軍容威絕域。伊臯運元化，銜霍輸筋力。歌鐘樂未休，榮去老還逼。圓光過滿缺，太陽移中仄。不散東海金，何爭西輝匿。無作牛山悲，惻愴淚沾臍。

東海有勇婦

梁山感杞妻，慟哭爲之傾。金石忽暫開，都由激深情。東海有勇婦，何慚蘇子卿。學劍越處子，超騰若流星。捐軀報夫讎，萬死不顧生。白刃耀素雪，蒼天感精誠。十步兩躡躍，三呼一交兵。斬首掉國門，蹴踏五藏行。豁此仇，儻憤發，然大義明。北海李使君，飛章奏天庭。捨罪霽風俗，流芳播洽滄。志在列女籍，竹帛已光榮。淳于免詔獄，漢主爲緹繫。津妾一棹歌，脫父於嚴刑。子若不肖，不如一女英。豫讓斬空衣，有心竟無成。要離殺慶忌，壯夫素所輕。妻子亦何辜，焚之買虛聲。豈如東海婦，事立獨揚名。

黃葛篇

黃葛生落谿，黃花自懸蘿。青煙蔓長條，繞繞幾百尺。閒人費素手，採緝作絺紵。縫爲絕國衣，遠寄日南客。若相大火落，暑服莫輕擲。此物雖過時，是妾手中蹟。

白馬篇

龍馬花雪毛，金鞍五陵豪。秋霜切玉劍，落日明珠袍。鬪雞事萬乘，軒蓋一何高。弓摧南山虎，手接太山猱。酒後競風彩，三杯弄寶刀。殺人如翦草，劇孟同遊遨。發憤去函谷，從軍向臨洮。叱咤經百戰，匈奴盡波濤。歸來使酒氣，未肯拜蕭曹。羞入原憲室，荒徑隴

蓬蒿。

怨歌行

十五入漢宮，花顏笑春紅。君王選玉色，侍寢金屏中。薦枕嬌夕月，卷衣戀春風。寧知趙飛燕，奪寵恨無窮。沈憂能傷人，綠鬢成霜蓬。一朝不得意，世事徒爲空。鸚鵡換美酒，舞衣罷雕籠。寒苦不忍言，爲君奏絲桐。腸斷絃亦絕，悲心夜忡忡。

塞下曲六首

五月天山雪，無花祇有寒。笛中聞折柳，春色未曾看。曉戰隨金鼓，宵眠抱玉鞍。願將腰下劍，直爲斬樓闌。

天兵下北荒，胡馬欲南飲。橫戈從百戰，直爲銜恩甚。握雪海

上餐，拂沙隴頭寢。何當破月氏，然後方高枕。

駿馬如風颭，鳴鞭出渭橋。彎弓辭漢月，插羽破天驕。陣解星

芒盡，營空海霧銷。功成畫麟閣，獨有霍嫖姚。

白馬黃金塞，雲砂繞夢思。那堪愁苦節，遠憶邊城兒。螢飛秋

臆滿，月度霜閨遲。摧殘梧桐葉，蕭颯沙棠枝。無時獨不見，淚流空自知。

塞上曲三首

塞虜乘秋下，天兵出漢家。將軍分虎竹，戰士臥龍沙。邊月隨

弓影，胡霜拂劍花。玉關殊未入，少婦莫長嗟。

烽火動沙漠，連照甘泉雲。漢皇按劍起，還召李將軍。兵氣天

上合，鼓聲隴底聞。橫行負勇氣，一戰靜妖氛。

大漢無中策，匈奴犯渭橋。五原秋草綠，胡馬一何驕！命將征西極，橫行陰山側。燕支落漢家，婦女無花色。轉戰渡黃河，休兵樂事多。蕭條清萬里，瀚海寂無波。

玉階怨

玉階生白露，夜久侵羅襪。卻下水精簾，玲瓏望秋月。

襄陽曲四首

襄陽行樂處，歌舞白銅鞮。江城回綠水，花月使人迷。山公醉酒時，酩酊襄陽下。頭上白接羅，倒著還騎馬。峴山臨漢水，綠沙如雪。上有墮淚碑，青苔久磨滅。且醉習家池，莫看墮淚碑。山公欲上馬，笑殺襄陽兒。

大隄曲

漢水臨襄陽，花開大隄暖。佳期大隄下，深向南雲滿。春風復無情，吹我夢魂散。不見眼中人，天長音信斷。

宮中行樂詞八首

小小生金屋，盈盈在紫微。山花插寶髻，石竹繡羅衣。每出深宮裏，常隨步輦歸。祇愁歌舞散，化作綵雲飛。

柳色黃金嫩，梨花白雪香。玉樓巢翡翠，珠殿鎖鴛鴦。選妓隨雕輦，徵歌出洞房。宮中誰第一，飛鷲在昭陽。

盧橘爲秦樹，蒲桃出漢宮。煙花宜落日，絲管醉春風。笛奏龍鳴水，簫吟鳳下空。君王多樂事，何必向回中。

玉樹春歸日，金宮樂事多。後庭朝未入，輕輦夜相過。笑出花

閒語嬌來燭下歌。莫教明月去，留著醉娥娥。繡戶香風暖，沙臆曙色新。宮花爭笑日，池草暗生春。綠樹聞歌鳥，青樓見舞人。昭陽桃李月，羅綺自相親。

今日明光裏，還須結伴遊。春風開紫殿，天樂下珠樓。豔舞全知巧，嬌歌半欲羞。更憐花月夜，宮女笑藏鉤。

寒雪梅中盡，春風柳上歸。宮鶯嬌欲醉，檐鶯語還飛。遲日明歌席，新花豔舞衣。晚來移綵仗，行樂好光輝。

水綠南薰殿，花紅北閣樓。鶯歌聞太液，鳳吹遶瀛洲。素女鳴珠佩，天人弄綵毬。今朝風日好，宜入未央遊。

鼓吹入朝曲

金陵控海浦，綠水帶吳京。鏜歌列騎吹，颯杏引公卿。搥鐘連嚴妝，伐鼓啓重城。天子憑玉案，劍履若雲行。日出照萬戶，簪裾爛明星。朝罷沐浴間，遨遊蘭風亭。濟濟雙闕下，歡娛樂恩榮。

秦女休行

西門秦氏女，秀色如瓊花。手揮白楊刀，清書殺讎家。羅袖灑赤血，英雄凌紫霞。直上西山去，關吏相邀遮。塔爲燕國王，身被詔獄加。犯刑若履虎，不畏落爪牙。素頸未及斷，催眉伏泥沙。金雞忽放赦，大辟得寬餘。何慚詣府姊，高古共驚嗟。

秦女卷衣

天子居未央，妾來卷衣裳。顧無紫宮寵，敢拂黃金牀。水至亦不去，熊來尚可當。微身捧日月，飄若螢火光。願君採葑菲，無以下

體妨。

東武吟

好古笑流俗，素聞賢達風。方希佐明主，長揖辭成功。白日在高天，回光燭微躬。恭承鳳凰詔，欲起雲蘿中。清切紫霄迴，優遊丹禁通。君王賜顏色，聲價凌煙虹。乘輿擁翠蓋，扈從金城東。寶馬麗絕景，錦衣入新豐。倚巖望松雪，對酒鳴絲桐。因學揚子雲，獻賦甘泉宮。天書美片善，清芬播無窮。歸來入咸陽，談笑皆王公。一朝去金馬，飄落成飛蓬。賓友日疏散，玉樽亦已空。才力獨可倚，不慚世上雄。閑作東武吟，曲盡情未終。書此謝知己，吾輩黃綺翁。

邯鄲才人嫁爲廝養卒婦

妾本叢臺女，揚娥入丹闕。自倚顏如花，寧知有凋歇。一辭玉階下，去若朝雲沒。每憶邯鄲城，深宮夢秋月。君王不可見，惆悵至明發。

出自薊北門行

虜陣橫北荒，胡星曜精芒。羽書速驚電，烽火畫連光。虎竹救邊急，戎車森已行。明主不安席，按劍心飛揚。推轂出猛將，連旗登戰場。兵威衝絕漠，殺氣凌穹蒼。列卒赤山下，開營紫塞傍。孟冬風沙緊，旌旗颯凋傷。畫角悲海月，征衣卷天霜。揮刃斬樓蘭，彎弓射賢王。單于一平蕩，種落自奔亡。收功報天子，行歌歸咸陽。

洛陽陌

白玉誰家郎，回車渡天津。看花東陌上，驚動洛陽人。

十八家詩鈔 卷四

北上行

北上何所苦？北上緣太行。磴道盤且峻，巖巖凌穹蒼。馬足蹶側石，輪摧催高岡。沙塵接幽州，烽火連朔方。殺氣毒劍戟，嚴風裂衣裳。奔鯨夾黃河，繫齒屯洛陽。前行無歸日，返顧思舊鄉。慘戚冰雪裏，悲號絕中腸。尺布不掩體，皮肉劇枯桑。汲水澗谷阻，採薪隴坂長。猛虎又掉尾，磨牙皓秋霜。草木不可餐，飢飲零露漿。歎此北上苦，停驂爲之傷。何日王道平，開顏覩天光。

短歌行

白日何短短，百年苦易滿。蒼穹浩茫茫，萬劫太極長。麻姑垂兩鬢，一半已成霜。天公見玉女，大笑億千場。吾欲攬六龍，回車挂扶桑。北斗酌美酒，勸龍各一觴。富貴非所願，爲人駐顏光。

空城雀

嗷嗷空城雀，身計何戚促？本與鷓鴣羣，不隨鳳凰族。提攜四黃口，飲乳未嘗足。食君糠粃餘，常恐烏鳶逐。恥涉太行險，羞營覆車粟。天命有定端，守分絕所欲。

發白馬

將軍發白馬，旌節渡黃河。簫鼓聒川嶽，滄溟湧濤波。武安有震瓦，易水無寒歌。鐵騎若雪山，飲流涸渾沱。揚兵獵月窟，轉戰略朝那。倚劍登燕然，邊烽列嵯峨。蕭條萬里外，耕作五原多。一掃清大漠，包虎戢金戈。

陌上桑

美女渭橋東，春還事蠶作。五馬飛如花，青絲結金絡。不知誰家子，調笑來相謔。妾本秦羅敷，玉顏豔名都。綠條映素手，採桑向城隅。使君且不顧，況復論秋胡。寒蟬愛碧草，鳴鳳棲青梧。託心自有處，但怪旁人愚。徒令白日暮，高駕空踟蹰。

枯魚過河泣

白龍常改服，偶被豫且制。誰使爾爲魚，徒爲訴天帝。作書報鮪鮑，勿恃風濤勢。濤落歸泥沙，翻遭螻蟻噬。萬乘慎出入，柏人以爲誡。

丁都護歌

雲陽上征去，兩岸饒商賈。吳牛喘月時，拖船一何苦。水濁不可飲，壺漿半成土。一唱都護歌，心催淚如雨。萬人繫盤石，無由達江浦。君看石芒碭，掩淚悲千古。

相逢行二首

朝騎五花馬，謁帝出銀臺。秀色誰家子，雲車珠箔開。金鞭遙指點，玉勒近遲回。夾轂相借問，疑從天上來。邀入青綺門，當歌共銜杯。銜杯映歌扇，似月雲中見。相見不得親，不如不相見。相見情已深，未語可知心。胡爲守空閨，孤眠愁錦衾。錦衾與羅帷，纏綿會有時。春風正澹蕩，暮雨來何遲。願因三青鳥，更報長相思。光景不待人，須臾髮成絲。當年失行樂，老去徒傷悲。持此道密意，無令曠佳期。

相逢紅塵內，高揖黃金鞭。萬戶垂楊裏，君家阿那邊？

千里思：李陵沒胡沙，蘇武還漢家。迢迢五原關，朔雪亂邊花。一去隔絕國，思歸但長嗟。鴻雁向西北，因書報天涯。

樹中草

鳥銜野田草，誤入枯桑裏。客土植危根，逢春猶不死。草木雖無情，因依尚可生。如何同枝葉，各自有枯榮。

君馬黃

君馬黃，我馬白，馬色雖不同，人心本無隔。共作遊冶盤，雙行洛陽陌。長劍既照曜，高冠何赫赫。各有千金裘，俱爲五侯客。猛虎落陷穽，壯夫時窟厄。相知在急難，獨好亦何益。

擬古

融融白玉輝，映我青蛾眉。寶鏡似空水，落花如風吹。出門望同子，蕩漾不可期。安得黃鸝羽，一報佳人知。

折楊柳

垂楊拂綠水，搖豔東風年。花明玉關雪，葉暖金臙煙。美人結長想，對此心悽然。攀條折春色，遠寄龍庭前。

鳳凰曲

羸女吹玉簫，吟弄天上春。青鸞不獨去，更有攜手人。影滅彩雲斷，遺聲落西秦。

少年子

青雲少年子，挾彈章臺左。鞍馬四邊開，突如流星過。金丸落

飛鳥，夜入瓊樓臥。夷齊是何人？獨守西山餓。

紫駱馬

紫駱行且嘶，雙翻碧玉號。臨流不肯渡，似惜錦障泥。白雪關山遠，黃雲海戍迷。揮鞭萬里去，安得念春闈？

少年行

擊筑飲美酒，劍歌易水湄。經過燕太子，結託并州兒。少年負壯氣，奮烈自有時。因聲魯句踐，爭情勿相欺。

豫章行

胡風吹代馬，北擁魯陽關。吳兵照海雪，西討何時還？半渡上遼津，黃雲慘無顏。老母與子別，呼天野草間。白馬繞旌旗，悲鳴相追攀。白楊秋月苦，早落豫章山。本爲休明人，斬虜素不閑。豈惜戰鬪死？爲君掃兇頑。精感石沒羽，豈云憚險艱。樓船若鯨飛，波蕩落星灣。此曲不可奏，三軍鬢成斑。

沐浴子

沐芳莫彈冠，浴藏莫振衣。處世忌太潔，至人貴藏輝。滄浪有釣叟，吾與爾同歸。

高句驪

金花折風帽，白馬小遲回。翩翩舞廣袖，似鳥海東來。

靜夜思

林前明月光，疑是地上霜。舉頭望山月，低頭思故鄉。

灤水曲

灤水明秋日，南湖採白蘋。荷花嬌欲語，愁殺蕩舟人。

鳳臺曲

嘗聞秦帝女，傳得鳳皇聲。是日逢仙子，當時別有情。人吹彩簫去，天借綠雲迎。心在身不返，空餘弄玉名。

從軍行

從軍玉門道，逐虜金微山。笛奏梅花曲，刀開明月環。鼓聲鳴海上，兵氣擁雲間。願斬單于首，長驅靜鐵關。

百戰沙場碎鐵衣

城南已合數重圍，突營射殺呼延將，獨領殘兵千騎歸。

秋思二首

春陽如昨日，碧樹鳴黃鸝。蕪然蕙草暮，颯爾涼風吹。天秋月正明，冷露結金晶。坐愁羣芳歇，白露凋華滋。

閨氏黃葉落，妾望白登臺。海上碧雲斷，單于秋色來。胡兵沙塞合，漢使玉關回。征客無歸日，空悲蕙草摧。

春思

燕草如碧絲，秦桑低綠枝。當君懷歸日，是妾斷腸時。春風不

相識，何事入羅幃？

子夜吳歌四首

秦地羅敷女，採桑綠水邊。素手青條上，紅妝白日鮮。蠶飢妾欲去，五馬莫留連。

鏡湖三百里，菡萏發荷花。五月西施採，人看隘若耶。回舟不

十八家詩鈔 卷四

詩月歸去越王家。

長安一片月萬戶擣衣聲。秋風吹不盡，總是玉關情。何日平

胡虜，良人罷遠征。

明朝驛使發，一夜絮征袍。素手抽鍼冷，那堪把剪刀。裁縫寄

遠道，幾日到臨洮。

對酒二首：

松子樓金華，安期入蓬海。此人古之仙，羽化竟何在？浮生速

流電，倏忽變光彩。天地無凋換，容顏有遷改。對酒不肯飲，含情欲

誰待？

勸君莫拒杯，春風笑人來。桃李如舊識，傾花向我開。流鶯啼

碧樹，明月窺金轡。昨來朱顏子，今日白髮催。棘生石虎殿，鹿走姑

蘇臺。自古帝王宅，城闕閉黃埃。君若不飲酒，昔人安在哉？

估客樂

海客乘天風，將船遠行役。譬如雲中鳥，一去無蹤跡。

去婦詞

古來有棄婦，棄婦有歸處。今日妾辭君，辭君遣何去？本家客

落盡，慟哭來時路。憶昔未嫁君，聞君卻周旋。綺羅錦繡段，有贈黃

金千十五。許嫁君二十，移所天。自從結髮日，未幾離君緬山川。家

家盡歡喜，孤妾長自憐。幽閨多怨思，盛色無十年。相思苦循環，枕

席生流泉。流泉咽不掃，獨夢關山道。及此見君歸，君歸妾已老。物

華惡衰賤，新寵方妍好。掩淚出故房，傷心劇秋草。自妾爲君妻，君

東妾在西。羅帷到曉恨，玉貌一生嗚。自從離別久，不覺塵埃厚。常
嫌玳瑁孤，猶羨鴛鴦偶。歲華逐霜散，賤妾何能久？寒沼落芙蓉，秋
風散楊柳。以此顛顛額，空持舊物還。餘生欲何寄？誰肯相牽攀？君
恩既斷絕，相見何年月。悔傾連理杯，虛作同心結。女蘿附青松，貴
欲相依投。浮萍失綠水，教作若爲流。不歎君棄妾，自歎妾緣業。憶
昔初嫁君，小姑纔倚牀。今日妾辭君，小姑如妾長。回頭語小姑，莫
嫁如兄夫。

長歌行

桃李得日開，榮華照當年。東風動百物，草木盡欲言。枯枝無

醜葉，涸水吐清泉。大力運天地，義和無停鞭。功名不早著，竹帛將

何宣？桃李務青春，誰能貴白日？富貴與神仙，蹉跎成兩失。金石猶

銷鏤，風霜無久質。畏落日月後，強歡歌與酒。秋霜不情人，倏忽侵

蒲柳。

南都行

南都信佳麗，武關橫西關。白水真人居，萬商羅鄙闕。高樓對

紫陌，甲第連青山。此地多英豪，邈然不可攀。陶朱與五段，名播天

壤間。麗華秀玉色，漢女嬌朱顏。清歌遏流雲，豔舞有餘閒。遨遊盛

宛洛，冠蓋隨風還。走馬紅陽城，呼鷹白河灣。誰識臥龍客，長吟愁

髮斑。

玉真仙人詞

玉真之真人，時往太華峯。清晨鳴天鼓，飄歛騰雙龍。弄電不

行雲本無蹤。幾時入少室，王母應相逢。

清溪行

清溪清我心，水色異諸水。借問新安江，見底何如此？人行明鏡中，鳥度屏風裏。向晚猩猩啼，空悲遠遊子。

歷陽壯士勤將軍歌（并序）

歷陽壯士勤將軍，神力出於百夫。則天太后召見，奇之，授遊擊將軍，賜錦袍玉帶，朝野榮之。後拜橫南將軍，大臣慕義結十友，即燕公張說、簡陶公郭元振爲首。余壯之，遂作詩。

太古歷陽郡，化爲洪川在。江山猶鬱盤，龍虎祕光彩。蓄洩數千載，風雲何繹繹？特生勤將軍，神力百夫倍。

古意

君爲女蘿草，妾作兔絲花。輕條不自引，爲逐春風斜。百丈託遠松，繡懸成一家。誰言會面易，各在青山崖。女蘿發馨香，兔絲斷人腸。枝枝相糾結，葉葉竟飄揚。生子不知根，因誰共芬芳？中巢雙翡翠，上宿紫鴛鴦。君識二草心，海潮亦可量。

贈從兄襄陽少府（皓）

結髮未識事，所交盡豪雄。卻秦不受賞，擊晉寧爲功。託身白刃裏，殺人紅塵中。當朝揖高義，舉止欽英風。小節豈足言，退耕春陵東。歸來無產業，生事如轉蓬。一朝狐裘敝，百鎰黃金空。彈劍徒激昂，出門悲路窮。吾兄青雲士，然諾聞諸公。所以陳片言，片言貴

情通。棣華儻不接，甘與秋草同。

贈張公洲草處士

列去居鄭圃，不將衆庶分。革侯遁南浦，常恐楚人聞。抱甕灌秋蔬，心閒遊天雲。每將瓜田叟，耕種漢水濱。時登張公洲，入獸不亂羣。非無枯樺事，門絕刺繡文。長揖二千石，遠辭百里君。斯爲真隱者，吾黨慕清芬。

淮海對雪贈傅肱

朔雪落吳天，從風渡溟渤。海樹成陽春，江沙皓明月。飄飄四荒外，想像千花發。瑤草生階墀，玉塵散庭闕。興從剡溪起，思繞梁園發。寄君郢中歌，曲罷心斷絕。

贈徐安宜

白田見楚老，歌詠徐安宜。製錦不擇地，操刀良在茲。清風動百里，惠化聞京師。浮人若雲歸，耕種滿郊歧。川光淨麥隴，日色明桑枝。訟息但長嘯，賓來或解頤。青槐拂戶隔，白水流園池。遊子滯安邑，懷恩未忍辭。繫君樹桃李，歲晚託深期。

贈任城盧主簿潛

海鳥知天風，竄身魯門東。臨觴不能飲，矯翼凌思空。鐘鼓不爲樂，煙霜誰與同。歸飛未忍去，流淚謝鸞鴻。

早秋贈裴十七仲堪

遠海動風色，吹愁落天涯。南星變大火，熱氣餘丹霞。光景不可迴，六龍轉天車。荆人泣美玉，魯叟悲匏瓜。功業若夢裏，撫琴發

長嗟。裴生信英邁，崛起多才華。歷抵海岱豪，結交魯朱家。良圖竟未展，意欲飛丹砂。破產且救人，遺身不為家。復攜兩少女，豔色驚荷花。雙鬢人青雲，但惜白日斜。窮漢出寶貝，大澤饒龍蛇。明主儻見收，煙霄路非賒。知飛萬里道，勿使歲寒嗟。

贈范金鄉二首

君子枉清眄，不知東走迷。離家未幾月，絡緯鳴中閨。桃李君不言，攀花願成蹊。那能吐芳信，惠好相招攜。我有結緣珍，久藏濁水泥。時人棄此物，乃與燕貳齊。拂拭欲贈之，中眉路無梯。遼東慚白豕，楚客羞山鷄。徒有獻芹心，終流泣玉噓。祇應自索漠，留舌示山妻。

范宰不買名，絃歌對前楹。為邦默自化，日覺冰壺清。百里雞犬靜，千廬機杼鳴。浮人少蕩析，愛客多逢迎。遊子覩嘉政，因之聽頌聲。

贈瑕邱王少府

皎皎鸞鳳姿，飄飄神仙氣。梅生亦何事，來作南昌尉。清風佐鳴琴，寂寞道為貴。一見過所聞，操持難與羣。毫揮魯邑訟，目送瀛洲雲。我隱屠釣下，爾當玉石分。無由接高論，空此仰清芬。

贈丹陽橫山周處士惟長

周子橫山隱，開門臨城隅。連峯入戶牖，勝概凌方壺。時枉白紵詞，放歌丹陽湖。水色傲溟渤，川光秀菰蒲。當其得意時，心與天壤俱。閒雲隨舒卷，安識身有無。抱石恥獻玉，沈泉笑探珠。羽化如

可作，相攜上清都。

玉真公主別館，苦雨贈衛尉張卿二首

愁坐金張館，繁陰書不開。空煙送雨色，蕭颯望中來。翳翳昏墊苦，沈沈憂恨催。清秋何以慰，白酒盈吾杯。吟詠思管樂，此人已成灰。獨酌聊自勉，誰貴經綸才。彈劍謝公子，無魚良可哀。

苦雨思白日，浮雲何由卷。稷離和天人，陰陽仍驕蹇。秋霖劇倒井，昏霧橫絕巘。欲往咫尺塗，遂成山川限。濛濛奔溜瀉，浩浩驚波轉。泥沙塞中途，牛馬不可辨。飢從漂母食，閑綴羽陵簡。國家逢秋蔬，藜藿不滿飧。蟪蛄結思幽，蟋蟀傷福淺。廚竈無青煙，刀机生綠蘚。投筴解鸚鵡，換酒醉北堂。丹徒布衣者，慷慨未可量。何時黃金盤，一斛薦檳榔。功成拂衣去，搖裔滄洲旁。

贈韋祕書子春

谷口鄭子真，躬耕在巖石。高名動京師，天下皆藉藉。其人竟不起，雲臥從所適。苟無濟世心，獨善亦何益。惟君家世者，偃息逢休明。談天信浩蕩，說劍紛縱橫。謝公不徒然，起來為蒼生。祕書何寂寂，無乃覆褒英。且復歸碧山，安能戀金闕。舊宅樵漁地，蓬蒿已應沒。卻顧女几峯，胡顏見雲月。徒為風塵苦，一官已白髮。氣同萬里合，訪我來瓊都。披雲觀青天，捫盞話良圖。留侯將綺季，出處未云殊。終與安社稷，功成立五湖。

贈韋侍御黃裳二首

太華生長松，亭亭凌霜雪。天與百尺高，豈為微颺折。桃李賣

搖鬚，路人行且迷。春光掃地盡，碧葉成黃泥。願君學長松，慎勿作桃李。受屈不改心，然後知君子。

見君乘驄馬，知上太山道。此地果摧輪，全身以爲寶。我如豐年玉，棄置秋田草。但勗冰壺心，無爲歎衰老。

贈薛校書

我有吳趨曲，無人知此音。姑蘇成蔓草，麀鹿空悲吟。未誇觀濤作，空鬱釣鼇心。舉手謝東海，虛行歸故林。

贈何七判官昌浩

有時忽惆悵，匡坐至夜分。平明空嘯咤，思欲解世紛。心隨長風去，吹散萬里雲。羞作濟南生，九十誦古文。不然拂劍起，沙漠收奇勳。老死田陌間，何因揚清芬。夫子今管樂，英才冠三軍。終與同出處，豈將沮溺羣？

讀諸葛武侯傳書懷，贈長安崔少府叔封昆季

漢道昔云季，羣雄方戰爭。霸圖各未立，割據資豪英。赤伏起頽運，臥龍得孔明。當其兩陽時，隴畝躬自耕。魚水三顧合，風雲四海生。武侯立岷蜀，壯士吞咸京。何人先見許？但有崔州平。余亦草間人，頗懷拯物情。晚途值子玉，華髮同衰榮。託意在經濟，結交爲弟兄。無令管與鮑，千載獨知名。

贈崔侍御

黃河三尺鯉，本在孟津居。點額不成龍，歸來伴凡魚。故人東海客，一見借吹噓。風濤儻相因，更欲凌臯墟。何當赤草使，再往召

相如。

贈參寥子

白鶴飛天書，南荆訪高士。五雲在岷山，查得參寥子。翫讎辭故園，昂藏入君門。天子分玉帛，百官接語言。毫釐時灑落，探元有奇作。著論窮天人，千春祕麟閣。長揖不受官，拂衣歸林樾。余亦去金馬，藤蘿同所歡。相思在何處？桂樹青雲端。

贈饒陽張司務瓌

朝飲蒼梧泉，夕棲碧海煙。寧知鸞鳳意，遠託椅桐前。暮蘭堂曩古，攀嵇是當年。愧非黃石老，安識子房賢？功業嗟落日，容華棄徂川。一語已道意，三山期著鞭。蹉跎人間世，寥落壺中天。獨見遊物祖，探元窮化先。何當共攜手，相與排冥筌。

贈清漳明府姪

我李百萬葉，柯條布中州。天開青雲器，日爲蒼生憂。小邑且割雞，大刀佇烹牛。雷聲動四境，惠與清漳流。絃歌詠唐堯，脫落隨籀組。心和得天真，風俗山太古。牛羊散阡陌，夜寢不扃戶。問此何以然？賢人宰吾土。舉邑樹桃李，垂陰亦流芬。河隄繞綠水，桑柘連青雲。趙女不冶容，提籠畫成羣。纒絲鳴機杼，百里聲相聞。訟息鳥下階，高臥披道帙。蒲鞭挂櫓枝，示恥無撲撲。琴清月當戶，人寂風入宇。長嘯無一言，陶然上皇逸。白玉壺冰水，壺中見底清。清光洞毫髮，皎潔照羣情。趙北美佳政，燕南播高名。過客覽行謠，因之頌德聲。

贈臨洺縣令皓弟

陶令去彭澤，茫然元古心。大音自成曲，但奏無弦琴。釣水路非遠，遠鷺意何深。終期龍伯國，與余相招尋。

鄴中贈王大勸入高鳳石門山幽居

一身竟無託，遠與孤蓬征。千里失所依，復將落葉并。中途偶良朋，問我將何行。欲獻濟時策，此心誰見明。君王制六合，海塞無交兵。壯士伏草間，沈憂亂縱橫。飄飄不得意，昨發南都城。紫鸞檻上嘶，青萍匣中鳴。投軀寄天下，長嘯尋豪英。恥學琅琊人，龍蟠事躬耕。富貴吾自取，建功及春榮。我願執爾手，爾當達我情。相知同一已，豈唯弟與兄。抱子弄白雲，琴歌發清聲。臨別意難盡，各希存令名。

贈盧徵君昆弟

明主訪賢逸，雲泉今已空。二慮竟不起，萬乘高其風。河上喜相得，壺中趣每同。滄洲卽此地，觀化遊無窮。木落海水清，鼉背靚方蓬。與君弄倒影，攜手凌星虹。

贈新平少年

韓信在淮陰，少年相欺凌。屈體若無骨，壯心有所憑。一遭龍顏君，嚙啗從此興。千金答漂母，萬古共嗟稱。而我竟胡爲，寒苦坐相仍。長風入短袂，內手如懷冰。故友不相恤，新交寧見矜。摧殘檻中虎，羈縲繫上鷹。何時騰風雲，搏擊中所能。

贈崔侍御

長劍一杯酒，男兒方寸心。洛陽因劇孟，託宿話胸襟。但仰山嶽秀，不知江海深。長安復攜手，再顧重千金。君乃翰軒佐，余叨翰墨林。高風摧秀木，驚彈落虛禽。不取回舟興，而來命駕尋。扶搖應借便，桃李願成陰。笑吐張儀舌，愁爲莊舄吟。誰憐明月夜，腸斷聽秋砧。

贈嵩山焦鍊師

嵩邱有神人，焦鍊師者，不知何許婦人也。又云生於齊梁時，其年貌可稱五六十，常胎息絕穀，居少室廬，遊行若飛，倏忽萬里。世或傳其入東海，登蓬萊，竟不能測其往也。余訪道少室，盡登三十六峯，聞風有寄灑翰遙贈。

二室凌青天，三花含紫煙。中有蓬海客，宛疑麻姑仙。道在喧莫染，跡高想已緜。時餐金鵝藥，屢讀青苔篇。八極志遊憩，九垓長周旋。下瓢酌潁水，舞鶴來伊川。還歸空山上，獨拂秋霞眠。蘿月挂朝鏡，松風鳴夜絃。潛光隱嵩嶽，鍊魄棲雲輦。霓衣何飄飄，霓吹轉緜邈。願同西王母，下顧東方朔。紫書儻可傳，冥骨誓相學。

秋日鍊藥院鑷白髮贈元六兄林宗

木落識歲秋，瓶水知天寒。桂枝日已綠，拂雪凌雲端。弱齡接光景，矯翼攀鳴鸞。投分三十載，榮枯同所懽。長吁望青雲，鑷白坐相看。秋顏入曉鏡，壯髮凋危冠。窮與鮑生賈，飢從漂母餐。時來極天人，道在豈吟歎。樂毅方適趙，蘇秦初說韓。卷舒固在我，何事空摧殘。

青情贈蔡舍人雄

霄高謝太傅，攜妓東山門。楚舞醉碧雲，吳歌斷青猿。暫因蒼
生起，談笑定黎元。余亦愛此人，丹霄翼飛鸞。遭逢聖明主，敢進興
亡言。娥眉積讒妬，魚目噴瑣璠。白璧竟何辜，青蠅遂成冤。一朝去
京國，十載客梁園。猛犬吠九關，殺人憤精魂。皇穹雪天枉，白日開
氛昏。秦階得鸞龍，桃李滿中原。倒海索明月，凌山採芳蓀。愧無橫
草功，虛負雨露恩。跡謝雲臺閣，心隨天馬轅。夫子王佐才，而今復
誰論。曾飄振六翮，不日思騰鶩。我縱五湖棹，煙濤恣崩奔。夢釣子
陵瀟，英風細猶存。徒希客星隱，弱植不足援。千里一迴首，萬里一
長歌。黃鶴不復來，清風愁奈何。舟浮瀟湘月，山倒洞庭波。投汨笑
古人，臨濠得天和。閒時田畝中，搔背牧鷄鵝。別離解相訪，應在武
陵多。

憶襄陽舊遊贈濟陰馬少府巨

昔爲大隗客，曾上山公樓。開牕碧嶂滿，拂鏡滄江流。高冠佩
雄劍，長揖韓荆州。此地別夫子，今來思舊遊。朱顏君未老，白髮我
先秋。壯志恐蹉跎，功名若雲浮。歸心結遠夢，落日懸春愁。空思羊
叔子，墮淚岷山頭。

訪道安陵遇蓋寰爲予造真籙臨別留贈

清水見白石，仙人識青童。安陵蓋夫子，十歲與天通。懸河與
徵言，談論安可窮。能令二千石，撫背驚神聰。揮毫贈新詩，高價掩
山東。至今平原客，感激慕清風。學道北海仙，傳書藥珠宮。丹田了

玉明，白日思雲空。爲我草真籙，天人憐妙工。七元洞豁落，八角輝
星虹。三災蕩瓊瑤，蛟龍窺微躬。舉手謝天地，虛無齊始終。黃金獻
高堂，答荷難克充。下笑世上士，沈魂北羅鄴。昔日萬乘墳，今成一
科蓬。贈言若可重，實此輕華嵩。

贈郎中崔宗之

胡鷹拂海翼，翔翹鳴素秋。鷺雲辭沙颿，朔蕩迷河洲。有如飛
蓬人，去逐萬里遊。登高望浮雲，髮髻如舊邱。日從海旁沒，水向天
邊流。長嘯倚孤劍，目極心悠悠。歲晏歸去來，富貴安所求。仲尼七
十說，歷聘莫見收。魯連逃千金，珪纆豈可酬。時哉苟不會，草木爲
我儔。希君同攜手，長往南山幽。

贈崔諮議

驟驥本天馬，素非伏櫪駒。長嘶向清風，倏忽凌九區。何言西
北至，卻是東南隅。世道有翻覆，前期難預圖。希君一翦拂，猶可聘
中衢。

贈別從甥高五

魚目高太山，不如一瑣璠。賢甥卽明月，聲價動天門。能成吾
宅相，不減魏陽元。自顧窮籌略，功名安所存。五木思一擲，如繩繫
窮援。櫪中駿馬空，堂上醉人喧。黃金久已罄，爲報故交恩。聞君嘔
西行，使我驚心魂。與爾共飄飄，雪天各飛翻。江水流或卷，此心辭
具論。貧家羞好客，語拙覺辭繁。三朝空錯莫，對飯卻慚冤。自笑我
非夫，生事多契闊。蓄積萬古憤，向誰得開豁。天地一浮雲，此身乃

毫末忽見無端倪，太虛可苞括。去去何足道，臨歧空復愁。肝膽不楚越，山河亦衮幘。雲龍若相從，明主會見收。成功解相訪，溪水桃花流。

贈裴司馬

翡翠黃金纒，繡成歌舞衣。若無雲間月，誰可比光輝。秀色一如此，多爲衆女譏。君恩移昔愛，失寵秋風歸。悉苦不窺鄰，泣上流黃機。天寒素手冷，夜長燭復微。十日不滿匹，鬢蓬亂若絲。猶是可憐人，容華世中稀。向君發皓齒，願我莫相違。

敘舊贈江陽宰陸調

太伯讓天下，仲雍揚波濤。清風蕩萬古，跡與星辰高。開吳食東溟，陸氏世英髦。多君秉古節，嶽立冠人曹。風流少年時，京洛事遊遨。腰間延陵劍，玉帶明珠袍。我昔鬪鷄徒，連延武陵豪。邀遮相組織，呵嚇來煎熬。君開萬叢人，鞍馬皆關易。告急清憲臺，脫余北門厄。間宰江陽邑，翳棘樹蘭芳。城門何蕭穆，五月飛秋霜。好鳥集珍木，高才列華堂。時從府中歸，絲管儼成行。但苦隔遠道，無由共銜觴。江北荷花開，江南楊梅熟。正好飲酒時，懷賢在心目。挂席候海色，當風下長川。多酌新豐醪，滿載剡溪船。中途不遇人，直到爾門前。大笑同一醉，取樂平生年。

贈從孫義興宰銘

天子思茂宰，天枝得英才。朗然清秋月，獨出映吳臺。落筆生綺繡，操刀振風雷。蠖屈雖百里，鵬鶩望三台。退食無外事，琴堂向

山開綠水寂以閑，白雲有時來。河陽富奇藻，彭澤縱名杯。所恨不見之，猶如仰昭回。元惡昔滔天，疲人散幽草。驚川無恬鱗，舉邑罕遺老。誓雪會稽恥，將奔宛陵道。亞相素所重，投刃應桑林。獨坐傷激揚，神融一開襟。絃歌欣再理，和樂醉人心。靈政除害馬，傾巢有歸禽。壺漿候君來，衆舞共謳吟。農夫棄糞笠，蠶女墮纓簪。歡笑相拜賀，則知惠愛深。歷職吾所聞，稱賢爾爲最。化洽一邦上，名馳三江外。峻節冠雲霄，通方堪遠大。能文變風俗，好客留軒蓋。他日一來遊，因之嚴光瀨。

草創大還，贈柳官迪

天地爲橐籥，周流行太易。造化合元符，交構騰精魄。自然成妙用，熟知其指的。羅絡四季間，緜微一無際。日月更出沒，雙光豈云隻。蛇女乘河車，黃金充轆轤。執樞相管轄，摧伏傷羽翮。宋馬張炎威，白虎守本宅。相煎成苦老，消鑠凝津液。髮髯明臆死，死灰同至寂。鑄冶入赤色，十二周律歷。赫然稱大還，與道本無隔。白日可撫弄，清都在咫尺。北黠落死名，南斗上生籍。抑予是何者，身在方士格。才術信縱橫，世途自輕擲。吾求仙棄俗，君曉損勝益。不向金闕遊，思爲玉皇客。鸞車速風電，龍騎無鞭策。一舉上九天，相攜同所適。

贈崔司戶文昆季

雙珠出海底，俱是連城珍。明月兩特達，餘輝照傍人。英聲振名都，高價勅殊鄰。豈伊箕山故，特以風期親。惟昔不自謀，擔簦西

人奏。攀龍九天，上別忝歲星臣。布衣侍丹墀，密勿草絲綸。才微惠
渥重，讒巧生縞纈。一去已十年，今去復盈旬。清霜入曉鬢，白露生
衣巾。側見綠水亭，開門列華茵。千金散義士，四座無凡賓。欲折月
中桂，持爲寒者薪。路旁已竊笑，天路將何因。垂恩儋鄆山，報德有
微身。

贈溧陽宋少府陟。

李斯未相秦，且逐東門兔。宋玉事襄王，能爲高唐賦。常聞滾
水曲，忽此相逢遇。掃灑青天開，豁然披雲霧。歲暮紫鸞鳥，巢在崑
山樹。驚風西北吹，飛落南溟去。早懷經濟策，特受龍顏顧。白玉樓
青蠅，君臣忽行路。人生感分義，貴欲呈丹素。何日清中原，相期廓
天步。

戲贈鄭溧陽。

陶令今日醉，不知五柳春。素琴本無絃，漉酒用葛巾。清風北
牕下，自謂羲皇人。何時到溧里，一見平生親。

贈僧崖公。

昔在朗陵東，學禪白眉空。大地了鏡徹，迴旋寄輪風。攬披造
化力，持爲我神通。晚謁太山君，親見日沒雲。中夜臥山月，拂衣逃
人羣。授余金仙道，曠劫未始聞。冥機發天光，獨朗謝垢氛。虛舟不
繫物，觀化遊江濱。江濱遇同聲，道崖乃僧英。說法動海嶽，遊方化
公卿。手乘玉麈尾，如登白樓亭。微言注百川，聲聲信可聽。一風鼓
羣有，萬籟各自鳴。啓開七隱牖，託宿掣雷霆。自云歷天台，搏壁攝

翠屏。凌兢石橋去，恍惚入青冥。昔往今來歸，絕景無不經。何日更
攜手，乘杯向蓬瀛。

遊溧陽北湖亭，望瓦屋山懷古，贈同旅。

朝登北湖亭，遙望瓦屋山。天清白露下，始覺秋風還。遊子託
主人，仰觀眉睫間。日色送飛鴻，邈然不可攀。長吁相勸勉，何事來
吳關。聞有貞義女，振窮溧水灣。清光了在眼，白日如披顏。高墳六
七墩，崧兀棲猛虎。遺跡翳九泉，芳名動千古。子胥昔乞食，此女傾
壺漿。運開展宿憤，入楚鞭平王。凜冽天地間，聞名若懷霜。壯夫或
未達，十步九太行。與君拂衣去，萬里同翱翔。

贈秋浦柳少府。

秋浦舊蕭索，公庭人吏稀。因君樹桃李，此地忽芳菲。搖筆望
白雲，開簾當翠微。時來引山月，縱酒酣清輝。而我愛夫子，淹留未
忍歸。

宿清溪主人。

夜到清溪宿，主人碧巖裏。檐楹挂星斗，枕席響風水。月落西
山時，啾啾夜猿起。

贈王判官，時余歸隱，居廬山，屏風疊。

昔別黃鶴樓，蹉跎淮海秋。俱飄零落葉，各散洞庭流。中年不
相見，踰躑遊吳越。何處我思君，天台綠蘿月。會稽風月好，卻遶剡
溪迴。雲山海上出，人物鏡中來。一度浙江北，十年醉楚臺。荆門倒
屈宋，梁苑傾鄒枚。苦笑我誇誕，知音安在哉。大盜割鴻溝，如風掃

秋葉。吾非濟代人，且隱風屏疊。中夜天中望，憶君思見君。明朝拂衣去，永與海鷗羣。

在水軍宴，贈幕府諸侍御：

月化五白龍，翻飛凌九天。胡沙驚北海，電掃洛陽川。虜箭雨宮闕，皇輿成播遷。英王受廟略，秉鉞清南邊。雲旗卷海雪，金戟羅江煙。聚散百萬人，馳張在一賢。霜臺降羣彥，水國奉戎旃。繡服開宴語，天人借樓船。如登黃金臺，遙謁紫霞仙。卷身編蓬下，冥機四十年。寧知草間人，腰下有龍泉。浮雲在一決，誓欲清幽燕。願與四座公，靜談金匱篇。齊心戴朝恩，不惜微軀捐。所冀旄頭滅，功成追魯連。

贈武十七諤：

門人武諤，深於義者也。質木沈悍，慕要離之風，潛釣川海，不數數於世間事。聞中原作難，西來訪余。余愛子伯禽在魯，許將冒胡兵以致之。酒酣感激，援筆而贈。

馬如一匹練，明日過吳門。乃是要離客，西來欲報恩。笑開燕匕首，拂拭竟無言。狄犬吠清洛，天津成塞垣。愛子隔東魯，空悲斷腸援。林回棄白璧，千里阻同奔。君爲我致之，輕齎涉淮源。精誠合天道，不愧遠遊魂。

贈張相鎬二首：

神器難竊弄，天狼窺紫宸。六龍遷白日，四海暗胡塵。昊穹降元宰，君子方經綸。澹然養浩氣，欬起持天鈞。秀骨象山嶽，英謀合

鬼神。佐漢解鴻門，興唐思退身。擁旆乘金鉞，伐鼓乘朱輪。虎將如雷霆，總戎向東巡。諸侯拜馬首，猛士騎鯨鱗。澤被魚鳥悅，令行草木春。聖智不失時，建功及良辰。醜虜安足紀，可貽輜與巾。倒瀉溟海珠，盡爲入幕珍。馮異獻赤伏，鄧生歛來臻。庶同昆陽舉，再覩漢儀新。昔爲管將鮑，中奔吳隔秦。一生欲報主，百代期榮親。其事竟不就，哀哉難重陳。陳臥病古松滋，蒼山空四鄰。風雲激壯志，枯槁驚常倫。聞君自天來，目張氣益振。亞夫得劇孟，敵國空無人。捫蝨對桓公，願得論悲辛。大塊方噫氣，何辭鼓青蘋。斯言儻不合，歸老漢江濱。

本家隨西人，先爲漢邊將。功略蓋天地，名飛青雲上。苦戰竟不侯，當年頗惆悵。世傳崆峒勇，氣激金風壯。英烈遺厥孫，百代神猶王。十五觀奇書，作賦凌相如。龍顏惠殊寵，麟閣憑天居。晚途未云已，贈證遭讒毀。想像晉末時，崩騰胡塵起。衣冠陷鋒鏑，戎虜盈朝市。石勒窺神州，劉聰劫天子。撫劍夜吟嘯，雄心日千里。誓欲斬鯨鯢，澄清洛陽水。六合灑霖雨，萬物無凋枯。我揮一杯水，自笑何區區。因人恥成事，貴欲決良圖。滅虜不言功，然飄陟蓬壺。唯有安期烏留之，滄海隅。

贈閻邱宿松：

阮籍爲太守，乘驢上東平。剖竹十日間，一朝風化清。偶來拂衣去，誰測主人情。夫子理宿松，浮雲知古城。掃地物莽然，秋來百草生。飛鳥還舊巢，遷人返躬耕。何慚宓子賤，不減陶淵明。吾知千

戰後，卻掩二賢名。

獄中上崔相渙（尋陽）

胡馬渡洛水，血流征戰場。千門閉秋景，萬姓危朝霜。賢相變元氣，再欣海縣康。台庭有變龍，列宿聚成行。羽翼三光聖，發輝兩太陽。應念覆盆下，雪泣拜天光。

繫尋陽上崔相渙二首：

邯鄲四十萬，同日陷長平。能迴造化筆，或冀一人生。

毛遂不墮井，曾參寧殺人。虛言誤公子，投杼惑慈親。白璧雙明月，方知一下真。

贈劉都使：

東平劉公幹，南國秀餘芳。一鳴卽朱紱，五十佩銀章。飲冰事戎幕，衣錦華水鄉。銅官幾萬人，諍訟清玉堂。吐言貴珠玉，落筆迴風霜。而我謝明主，銜哀投夜郎。歸家酒債多，門客粲成行。高談滿四座，一日傾千觴。所求竟無緒，姿馬欲摧藏。主人若不顧，明發釣滄浪。

贈常侍御：

安石在東山，無心濟天下。一起振橫流，功成復蕭灑。大賢有舒卷，季葉輕風雅。匡復屬何人，君爲知音者。傳聞武安將，氣振長平瓦。燕趙期洗滌，周秦保宗社。登朝若有言，爲訪南遷賈。

贈易秀才：

少年解長劍，投贈卽分離。何不斷犀象，精光暗往時。蹉跎君

自惜，竄逐我因誰？地遠感翻老，秋深宋玉悲。空播芳桂色，不屈古松姿。感激平生意，勞歌寄此辭。

經亂離後，天恩流夜郎，憶舊游，書懷，贈江夏章太守良宰（江夏岳陽）

天上白玉京，十二樓五城。仙人撫我頂，結髮受長生。誤逐世間樂，頗窮理亂情。九十六聖君，浮雲挂空名。天地賂一擲，未能忘戰爭。試涉霸王略，將期軒冕榮。時命乃大謬，棄之海上行。學劍翻自哂，爲文竟何成。劍非萬人敵，文竊四海聲。兒戲不足道，五噫出西京。臨當欲去時，慷慨淚沾纓。歎君倜儻才，標舉冠羣英。開筵引祖帳，慰此遠徂征。鞍馬若浮雲，送余騾騎亭。歌鍾不盡意，白日落昆明。十月到幽州，戈鋌若羅星。君王棄北海，掃地借長鯨。呼吸走百川，燕然可摧傾。心知不得意，却欲棲蓬瀛。轡驅懼天狼，挾矢不敢張。攬涕黃金臺，呼天哭昭王。無人貴駿骨，綠耳空騰驤。樂毅儻再生，于今亦奔亡。蹉跎不得意，驅馬過貴鄉。逢君聽絃歌，肅穆坐華堂。百里獨太古，陶然臥羲皇。徵樂昌樂館，開筵列壺觴。賢豪間青娥，對燭儼成行。醉舞紛綺席，清歌繞飛梁。歡娛未終朝，秩滿歸咸陽。祖道擁萬人，供帳遙相望。一別隔千里，榮枯異炎涼。炎涼幾度改，九土中橫潰。漢甲連胡兵，沙塵暗雲海。草木搖殺氣，星辰無光彩。白骨成邱山，蒼生竟何罪。函關壯帝居，國命懸哥舒。長戟三十萬，開門納兇渠。公卿如大羊，忠讜醜與菹。二聖出遊豫，兩京遂邱墟。帝子許專征，乘旄控強楚。節制非桓文，軍師擁熊虎。人心失

去就賊勢騰風雨。惟君固房陵。誠節冠終古。僕臥香鑪頂。餐霞漱
 瑤泉。門開九江轉。枕下五湖連。半夜水軍來。羣陽滿旌旂。空名適
 自誤。迫脅上樓船。徒賜五百金。棄之若浮煙。辭官不受賞。翻謫夜
 郎天。夜郎萬里道。西上令人老。掃蕩六合清。仍爲負霜草。日月無
 偏照。何由訴蒼昊。良牧稱神明。深仁恤交道。一忝青雲客。三登黃
 鶴樓。願慚禰處士。虛對鸚鵡洲。樊山翳氣盡。寥落天地秋。江帶蛾
 眉雪。橫穿三峽流。萬柯此中來。連帆過揚州。送此萬里目。曠然散
 我愁。紗幮倚天開。水樹綠如髮。窺日畏銜山。促酒喜見月。吳娃與
 越豔。窈窕誇鉛紅。呼來上雲梯。含笑出簾櫳。對客小垂手。羅衣舞
 春風。賓跪請休息。主人情未極。覽君荆山作。江鮑堪動色。清水出
 芙蓉。天然去雕飾。逸興橫素襟。無時不招尋。朱門擁虎士。列戟何
 森森。翳馨竹石開。繁流漲清深。登樓坐水閣。吐論多英音。片辭貴
 白璧。一諾輕黃金。謂我不媿君。青鳥明丹心。五夜雲間鵠。飛鳴天
 上來。傳聞赦書至。卻放夜郎回。暖氣變寒谷。炎煙生死灰。君登鳳
 池去。勿棄賈生才。桀犬尚吠堯。匈奴笑千秋。中夜四五歎。常爲大
 國憂。旌旆夾兩山。黃河當中流。連鷄不得進。飲馬空夷猶。安得羿
 善射。一箭落旄頭。

江夏使君叔席上贈史郎中

鳳凰丹禁裏。銜出紫泥書。昔放三湘去。今還萬死餘。仙郎久
 爲別。客舍問何如。澗轍思流水。浮雲失舊居。多慚華省貴。不以逐
 臣疏。復如竹林下。而陪芳宴初。希君生羽翼。一化北溟魚。

流夜郎半道承恩放還。兼欣剋復之美。書懷示息秀才。
 黃口爲人羅。白龍乃魚服。得罪豈怨天。以愚陷網目。鯨鯢未
 翦滅。豺狼屢翻覆。悲作楚地囚。何因秦庭哭。遭逢二明主。前後兩
 遷逐。去國愁夜郎。投身竄荒谷。半道雲屯蒙。曠如鳥出籠。遙欣剋
 復美。光武安可同。天子巡劍閣。儲皇守扶風。揚袂正北辰。開襟攬
 羣雄。胡兵出月窟。雷破關之東。左掃因右拂。旋收洛陽宮。迴輿入
 咸京。席卷六合通。叱咤開帝業。手成天地功。大駕還長安。兩日忽
 再中。一朝讓寶位。劍璽傳無窮。媿無秋毫力。誰念鑿鑿翁。弋者何
 所慕。高飛仰冥鴻。棄劍學丹砂。臨鑪雙玉童。寄言息夫子。歲晚陟
 方蓬。

卷五

湘鄉曾國藩纂 合肥李鴻章審訂

李太白五古中百五十三首

博平鄭太守自廬山千里相尋入江夏北門見訪 鄒之武陵立馬贈別

大梁貴公子。氣蓋蒼梧雲。若無三千客。誰道金陵君。救趙復

存魏。英威天下聞。邯鄲能屈節。訪博從毛薛。夷門得隱淪。而與侯
 生親。仍要鼓刀者。乃是袖鎗人。好士不盡心。何能保其身。多君重
 然諾。意氣遙相託。五馬入市門。金鞍照城郭。都忘虎竹貴。且與荷
 衣樂。夫去桃花源。何時見歸軒。相思無終極。腸斷胡江援。

贈王漢陽

天落白玉棺，王喬辭葉縣。一去未千年，漢陽復相見。猶乘飛鳥鳥，尚識仙人面。鬢髮何青青，童顏皎如練。吾曾弄海水，清淺嗟三變。果慳麻姑言，時光速流電。與君數杯酒，可以窺歡宴。白雲歸去來，何事坐交戰。

贈別舍人弟臺卿之江南

去國客行遠，還山秋夢長。梧桐落金井，一葉飛銀牀。覺罷把朝鏡，鬢毛颯已霜。良圖委蔓草，古貌成枯桑。欲道心下事，時人疑夜光。因為洞庭葉，飄落之瀟湘。令弟經濟士，謫居我獨傷。潛虬隱尺水，著論談興亡。玄遇王子喬，口傳不死方。入洞過天地，登真朝玉皇。吾將撫爾背，揮手遂翱翔。

贈廬司戶

秋色無遠近，出門盡寒山。白雲遙相識，待我蒼梧間。借問廬

醉後贈王歷陽

書禿千兔毫，詩裁兩牛腰。筆蹤起龍虎，舞袖拂雲霄。雙歌二胡姬，更奏遠清朝。舉酒挑朔雪，從君不相饒。

贈歷陽褚司馬時此公為礪子舞

北堂千萬壽，侍奉有光輝。先同礪子舞，更著老萊衣。因為小兒囀，醉倒月下歸。人間無此樂，此樂世中希。

贈宣城宇文太守兼呈崔侍御

白若白鷺鮮，清如清唳蟬。受氣有本性，不為外物遷。飲水箴山上，食雪首陽巔。迴車避朝歌，掩口去盜泉。巖壑廣成子，僞僮魯仲連。卓絕二公外，丹心無閒然。昔攀六龍飛，今作百鍊鉛。懷恩欲報主，投佩向北燕。彎弓綠弦開，滿月不憚堅。閉騎駿馬獵，一射兩虎穿。回旋若流光，轉背落雙鳶。胡虜三數息，兼知五兵權。鏗鏘突雲將，卻掩我之妍。多逢剿絕兒，先著祖生鞭。據鞍空矍鑠，壯志竟誰宣。蹉跎復來歸，憂恨坐相煎。無風難破浪，失計長江邊。危苦惜頹光，金波忽三圓。時遊敬亭上，閑聽松風眠。或弄宛溪月，虛舟信洄沿。顏公三十萬，盡付酒家錢。興發每取之，聊向醉中仙。過此無一事，靜談秋水篇。君從九卿來，水國有豐年。魚鹽滿市井，布帛如雲煙。下馬不作威，冰壺照清川。霜眉邑中叟，皆美太守賢。時時慰風俗，往往出東田。竹馬數小兒，拜迎白鹿前。含笑問使君，日晚可迴旋。遂歸池上酌，掩抑清風絃。會標橫浮雲，下撫謝朓肩。樓高碧海出，樹古青蘿懸。光祿紫霞杯，伊昔忝相傳。良圖掃沙漠，別夢繞旌旃。富貴日成疏，顯言杳無緣。登龍有直道，倚玉阻芳筵。敢獻綺朝策，思同郭泰船。何言一水淺，似隔九重天。崔生何傲岸，縱酒復談玄。身為名公子，英才苦迍邴。鳴鳳託高梧，凌風何翻翻。安知慕羣客，彈劍拂秋蓮。

贈宣城趙太守悅

趙得寶符盛，山河業存。三千堂上客，出入擁平原。六國揚清風，英聲何喧喧。大賢茂遠業，虎竹光南藩。錯落千丈松，虬龍盤

古根枝下無俗草，所植唯蘭蓀。憶在南陽時，始承國士恩。公爲柱下史，脫繻歸田園。伊昔簪白筆，幽都逐遊魂。持斧佐三軍，霜清天北門。差池宰南邑，鶚立重飛翻。焚香入蘭臺，起草多芳言。夔龍一顧重，矯翼凌翔鶴。赤縣揚雷聲，強項聞至尊。驚飈催秀木，跡屈道彌敦。出牧歷三郡，所居猛獸奔。選人同衛鶴，謬上懿公軒。自笑東郭履，側慚狐白溫。閑吟步竹石，精義忘朝昏。顛顛成醜士，風雲何足論。猶猴騎士牛，羸馬夾雙轡。願借義和景，爲人照覆盆。溟海不震蕩，何由縱鵬鯢。所期要津口，側儻假騰翬。

贈從弟宣州長史昭

淮南望江南，千里碧山對。我行倦過之，半落青天外。宗英佐雄郡，水陸相控帶。長川豁中流，千里瀉吳會。君心亦如此，包納無小大。搖筆起風霜，推誠結仁愛。訟庭垂桃李，賓館羅軒蓋。何意蒼梧雲，飄然忽相會。才將聖不偶，命與時俱背。獨立山海閒，空老聖明代。知音不易得，撫劍增感慨。當結九萬期，中途莫先退。

書懷贈南陵常贊府

歲星入漢年，方朔見明主。調笑當時人，中天謝雲雨。一去麒麟閣，遂將朝市乖。故交不過門，秋草日上階。當時何特達，獨與我心諧。置酒凌歊臺，歡娛未曾歇。歌動白紵山，舞迴天門月。問我中心事，爲君前致辭。君看我才能，何以魯仲尼。大聖猶不遇，小儒安足悲。雲南五月中，頻喪渡瀾師。毒草殺漢馬，張兵奪秦旗。至今西洱河，流血擁僵屍。將無七擒略，魯女惜閔葵。咸陽天地樞，累歲人

不足。雖有數斗玉，不如一盤粟。賴得契宰衡，持釣慰風俗。自顧無所用，辭家方未歸。霜鬢壯士髮，淚滿逐臣衣。以此不安席，蹉跎身世違。終當減衛謗，不受魯人譏。

於五松山贈南陵常贊府

爲草當作蘭，爲木當作松。蘭秋香風遠，松寒不改容。松蘭相因依，蕭艾徒末茸。雞與雞並食，鸞與鸞同枝。揀珠去沙礫，但有珠相隨。遠客投名賢，真堪寫懷抱。若惜方寸心，待誰可傾倒。虞卿棄趙相，便與魏齊行。海上五百人，同日死田橫。當時不好賢，豈傳千古名。願君同心人，於我少留情。寂寂還寂寂，出門迷所適。長劍歸乎來，秋風思歸客。

自梁園至敬亭山，見會公談陵陽山水，兼期同遊，因有此贈

我隨秋風來，瑤草恐衰歇。中途寡名山，安得弄雲月。渡江如昨日，黃葉向人飛。敬亭愜素尚，弭棹流清輝。冰谷明且秀，陵巒抱江城。粲粲吳興史，衣冠耀天京。水國饒英奇，潛光臥幽草。會公眞名僧，所在卽爲寶。開堂振白拂，高論橫青雲。雪山掃粉壁，墨客多新文。爲余話幽棲，且述陵陽美。天開白龍潭，月映清秋水。黃山望石柱，突兀誰開張。黃鶴久不來，子安在蒼茫。東南焉可窮，山鳥絕飛處。稠疊千萬峯，相連入雲去。聞此期振策，歸來空閉關。相思如明月，可望不可攀。何當移白足，早晚凌蒼山。且寄一書札，令余解愁顏。

贈友人三首

蘭生不當戶，別是閒庭草。夙被霜露欺，紅榮已先老。謬接瑤華枝，結根君王池。顧無馨香美，叨沐清風吹。餘芳若可佩，卒歲長相隨。

袖中趙匕首，買自徐夫人。玉匣閉霜雪，經燕復歷秦。其事竟不捷，淪落歸沙塵。持此願投贈，與君同急難。荆卿一去後，壯士多摧殘。長號易水上，爲我揚波瀾。擊井當及泉，張帆當濟川。廉夫唯重義，駿馬不勞鞭。人生貴相知，何必金與錢。

慢世薄功業，非無胸中書。譁浪萬古賢，以爲兒童劇。立產如廣費，匡君懷長策。但苦山北寒，誰知道南宅。歲酒上逐風，霜鬢兩邊白。蜀主思孔明，晉家望安石。時來列五鼎，談笑期一擲。虎伏避胡塵，漁譚遊海濱。傲妻恥妻嫂，長劍託交親。夫子秉家義，羣公難與鄰。莫持西江水，空許東溟臣。他日青雲去，黃金報主人。

陳情贈友人

延陵有寶劍，價重千黃金。觀風歷上國，暗許故人深。歸來挂墳松，萬古知其心。懦夫感達節，壯氣激素衿。鮑生薦夷吾，一舉致齊相。斯人無良朋，豈有青雲望。臨財不苟取，推分固辭讓。後世稱其賢，英風競難尚。論交但若此，有道孰云喪。多君騁逸藻，掩映當時人。舒文振頽波，秉德冠羣倫。卜居乃此地，共井爲比鄰。清琴弄雲月，美酒娛冬春。薄德中見捐，忽之如遺塵。英豪未約變，自古多艱辛。他人縱以疏，君意宜獨親。奈何成離居，相去復幾許。飄風吹

雲霓，蔽目不得語。投珠冀有報，按劍恐相拒。所思案芳蘭，欲贈爾荆渚。沈憂心若醉，積恨淚如雨。願假東璧輝，餘光照貧女。

贈從弟澗

楚人不識鳳，重價求山雞。獻主昔云是，今來方覺迷。自居涖園北，久別咸陽西。風飄落日去，節變流鶯啼。桃李寒未開，幽關豈來蹊。逢君發花萼，若與青雲齊。及此桑葉綠，春蠶起中閭。日出撥穀鳴，田家擁鋤犁。顧余乏尺土，東作誰相攜。傳說降霖雨，公輪造雲梯。羌戎事未息，君子悲塗泥。報國有長策，成功羞執珪。無由謁明主，杖策還蓬藜。他年爾相訪，知我在磻溪。

贈閻邱處士

賢人有素業，乃在沙塘陂。竹影掃秋月，荷衣落古池。閑讀山海經，散帙臥遙帷。且就田家樂，遂曠林中期。野酌勸芳酒，園蔬烹露葵。如能樹桃李，爲我結茅茨。

贈宣州靈源寺沖澹公

敬亭白雲氣，秀色連蒼梧。下映雙溪水，如天落鏡湖。此中積龍象，獨許澹公殊。風韻逸江左，文章動海隅。觀心同水月，解領得明珠。今日逢支遁，高談出有無。

贈僧朝美

水客凌洪波，長鯨湧溟海。百川隨龍舟，嘯噓竟安在。中有不死者，探得明月珠。高價傾宇宙，餘輝照江湖。苞卷金縷褐，蕭然若空無。誰人識此寶，竊笑有狂夫。了心何言說，各勉黃金軀。

贈僧行融

梁日湯惠休，常從鮑照遊。峨眉史懷一，獨映陳公出。卓絕二道人，結交鳳與麟。行融亦俊發，吾知有英骨。海若不隱珠，驪龍吐明月。大海乘虛舟，隨波任安流。賦詩旃檀閣，縱酒鸚鵡洲。待我適東越，相攜上白樓。

贈黃山胡公求白鵬

聞黃山胡公，有雙白鵬。蓋是家雞所伏，自小馴狎，了無驚猜。以其名呼之，皆就掌取食。然此鳥耿介，尤難畜之。余平生酷好，竟莫能致。而胡公輟贈於我，唯求一詩，聞之欣然。適會宿意，因援筆三叫，文不加點，以贈之。

請以雙白壁，買君雙白鵬。白鵬白如錦，白雪恥容顏。照影玉潭裏，刷毛琪樹閒。夜棲寒月靜，朝步落花閑。我願得此鳥，翫之坐碧山。胡公能輟贈，籠寄野人還。

登敬亭山，南望懷古，贈靈主簿

敬亭一週首，目盡天南端。仙者五六人，常聞此遊盤。谿流琴高水，石竦麻姑壇。白龍降陵陽，黃鶴呼子安。羽化騎日月，雲行翼鶩鸞。下視宇宙閒，四溟皆波瀾。決絕目下事，從之復何難。百歲落半途，前期浩漫漫。強食不成味，清晨起長歎。願隨子明去，鍊火燒金丹。

經亂後，將避地剡中，留贈崔宣城

雙鵝飛洛陽，五馬渡江徼。何意上東門，胡雛更長嘯。中原走

豺虎，烈火焚宗廟。太白晝經天，頽陽掩餘照。王城皆蕩覆，世路成奔峭。四海望長安，頰眉瘁西笑。蒼生疑落葉，白骨空相弔。連兵似雪山，破敵誰能料。我垂北溟翼，且學南山豹。崔子賢主人，歡娛每相召。胡牀紫玉笛，卻坐青雲叫。楊花滿州城，置酒同臨眺。忽思剡溪去，水石遠清妙。雪晝天地明，風開湖山貌。悶爲洛生詠，醉發吳越調。赤霞動金光，日足森海嶠。獨散萬古意，閑垂一溪釣。猿近天上嘯，人移月邊棹。無以墨綬苦，來求丹砂要。華髮長折腰，將貽陶公諒。

獻從叔當塗宰陽冰

金鏡羅六國，亡新亂大經。焉知高光起，自有羽翼生。蕭曹安峴峴，耿賈摧櫓楳。吾家有季父，傑出聖代英。雖無三台位，不借四豪名。激昂風雲氣，終協龍虎精。弱冠燕趙來，賢彥多逢迎。魯連擅談笑，季布折公卿。遙知禮數絕，常恐不合并。惕息結宵夢，素心久已冥。願慚青雲器，謬奉玉樽傾。山陽五百年，綠竹忽再榮。高歌振林木，大笑喧雷霆。落筆灑篆文，崩雲使人驚。吐辭文炳煥，五色羅華星。秀句滿江國，高才挾天庭。宰邑艱難時，浮雲空古城。居人若薙草，掃地無纖莖。惠澤及飛走，農夫盡歸耕。廣淡水萬里，長流玉琴聲。雅頌播吳越，還如太階平。小子別金陵，來時白下亭。羣鳳憐客鳥，差池相哀鳴。各拔五色毛，意重太山輕。贈微所費廣，斗水澆長鯨。彈劍歌苦寒，嚴風起前櫺。月銜天門曉，霜落生渚清。長歎即歸路，臨川空屏營。

安陸白兆山桃花巖寄劉侍御綰

雲臥三十年，好閑復愛仙。蓬壺雖冥絕，鸞鶴心悠然。歸來桃花巖，得憩雲牀眠。對嶺人共語，飲潭援相連。時昇翠微上，遶若羅浮巔。兩岑抱空壑，一嶂橫西天。樹雜日易隱，崖傾月難圓。芳草換野色，飛蘿搖春煙。入遠構石室，選幽開山田。獨此林下意，杳無區中緣。永辭霜臺客，千載方來旋。

淮南臥病書懷寄蜀中趙徵君

吳會一浮雲，飄如遠行客。功業莫從就，歲光屢奔迫。良圖俄棄捐，衰疾乃繇劇。古琴藏虛匣，長劍挂空壁。楚懷奏鍾儀，越吟比莊舄。國門遙天外，鄉路遠山隔。朝憶相如臺，夜夢子雲宅。旅情初結緝，秋氣方寂歷。風入松下清，露出草間白。故人不在此，而我誰與適。寄書西飛鴻，贈爾慰離析。

寄弄月溪吳山人

嘗聞龐德公，家住洄湖水。終身栖鹿門，不入襄陽市。夫君弄明月，減景清淮裏。高蹤躓難追，可與古人比。清揚杳莫覩，白雲空望美。待我辭人閒，攜手訪松子。

秋山寄衛尉張卿及王徵君

何以折相贈，白花青桂枝。月華若夜雪，見此令人思。雖然剡溪興，不異山陰時。明發懷二子，空吟招隱詩。

望終南山寄紫閣隱者

出門見南山，引領意無限。秀色難爲名，蒼翠日在眼。有時白

雲起，天際自舒卷。心中與之然，託興每不淺。何當造幽人，滅跡棲絕巖。

夕霽杜陵登樓寄韋繇

浮陽滅霽景，萬物生秋容。登樓送遠目，伏檻觀羣峯。原野曠超緬，關河紛錯重。清輝映竹日，翠色明雲松。蹈海寄遐想，還山迷舊蹤。徒然迫晚暮，未果諧心胸。結柱空佇立，折麻恨莫從。思君達永夜，長樂聞疏鐘。

秋夜宿龍門香山寺奉寄王方城十七丈奉國鑿上人

從弟幼成令問

朝發汝海東，暮棲龍門中。水寒夕波急，木落秋山空。望極九霄迴，賞幽萬壑通。目皓沙上月，心清松下風。玉斗生網戶，銀河耿花宮。興在趣方逸，歡餘情未終。鳳駕憶王子，虎溪懷遠公。桂枝坐蕭瑟，棣華不復同。流恨寄伊水，盈盈焉可窮。

聞丹邱子於城北山營石門幽居中有高鳳遺跡僕離羣遠懷亦有棲遁之志因敘舊以寄之

春華滄江月，秋色碧海雲。離居盈寒暑，對此長思君。思君楚水南，望君淮山北。夢魂雖飛來，會面不可得。疇昔在嵩陽，同衾臥羲皇。綠蘿笑簪紱，丹壑賤巖廊。晚途各分析，乘興任所適。僕在雁門關，君爲峨眉客。心懸萬里外，影滯兩鄉隔。長劍復歸來，相逢洛陽陌。陌上何喧喧，都令心意煩。迷津覺路失，託勢隨風翻。以茲謝朝列，長嘯歸故園。故園恣閑逸，求古散纒帙。久欲入名山，婚嫁殊

未畢。人生信多故，世事豈惟一？念此憂如焚，悵然若有失。聞君臥石門，宿昔契彌敦。方從桂樹隱，不羨桃花源。高鳳起遐曠，幽人跡復存。松風清瑤瑟，溪月湛芳樽。安居偶佳賞，丹心期此論。

淮陰書懷寄王宗成一首

沙墩至梁苑，二十五長亭。大舶夾雙檣，中流鵝鴨鳴。雲天掃空碧，川岳涵餘清。飛鳥從西來，適與佳興并。眷言王喬鳥，婉孌故人情。復此親懿會，而增交道榮。沿洄且不定，飄忽復徂征。暝投淮陰宿，欣得漂母迎。斗酒烹黃雞，一餐感素誠。予為楚壯士，不是魯諸生。有德必報之，千金恥為輕。緬書羈孤意，遠寄棹歌聲。

月夜江行寄崔員外宗之

飄飄江風起，蕭颯海樹秋。登壚美清夜，挂席移輕舟。月隨碧山轉，水合青天流。杳如星河上，但覺雲林幽。歸路方浩浩，徂川去悠悠。徒悲蕙草歇，復聽菱歌愁。岸曲迷後浦，沙明瞰前洲。懷君不可見，望遠增離憂。

宿白鷺洲寄楊江密

朝別朱雀門，暮棲白鷺洲。波光搖海月，星入影城樓。望美金陵宰，如思瓊樹憂。徒令魂作夢，翻覺夜成秋。綠水解人意，為余西北流。因聲玉琴裏，蕩漾寄君愁。

新林浦阻風寄友人

潮水定可信，天風難與期。清晨西北轉，薄暮東南吹。以此難挂席，佳期益相思。海月破圓景，菰蔣生綠池。昨日北湖梅，開花已

滿枝。今朝白門柳，夾道垂青絲。歲物忽如此，我來定幾時？紛紛江上雪，草草客中悲。明發新林浦，空吟謝朓詩。

北山獨酌寄韋六

巢父將許由，未聞買山隱。道存跡自高，何憚去人近？紛吾下茲嶺，地閒諠亦泯。門橫翠岫開，水鑿眾泉引。屏高而在雲，竇深莫能準。川光晝昏凝，林氣夕淒緊。於焉摘朱果，兼得養玄牝。坐月觀寶書，拂霜弄瑤輪。傾壺事幽酌，類影還獨盡。念君風塵遊，傲爾令自晒。

寄東魯二稚子

吳地桑葉綠，吳蠶已三眠。我家寄東魯，誰種龜陰田？春事已不及，江行復茫然。南風吹歸心，飛墮酒樓前。樓東一株桃，枝葉拂青煙。此樹我所種，別來向三年。桃今與樓齊，我行尚未旋。嬌女字平陽，折花倚桃邊。折花不見我，淚下如流泉。小兒名伯禽，與姊亦齊肩。雙行桃樹下，撫背復誰憐。念此失次第，肝腸日變煎。裂素寫遠意，因之汶陽川。

獨酌青溪江石上寄權昭夷

我攜一樽酒，獨上江祖石。自從天地開，更長幾千尺。舉杯向天笑，天迴日西照。永願坐此石，長垂嚴陵釣。寄謝山中人，可與爾同調。

禪房懷友人岑倫南遊羅浮兼泛桂海自春徂秋不返 僕旅江外書情寄之

嬋娟滿浮月，搖盪相水雲。美人意獨往，而我安能羣！一朝語笑隔，萬里懽情分。沈吟綵霞沒，夢寐瓊芳歇。歸鴻度三湘，遊子在百越。邊塵染衣劍，白日凋華髮。春氣變楚關，秋聲落吳山。草木結悲緒，風沙淒苦顏。竭來已永久，頽思如循環。飄飄限江裔，想像空留滯。離憂每醉心，別淚徒盈袂。坐愁青天末，出望黃雲蔽。目極何悠悠，梅花南嶺頭。空長滅征鳥，水關無還舟。寶劍終難託，金囊非易求。歸來儻有問，桂樹山之幽。

下尋陽城，汎彭蠡，寄黃判官。

浪動瀟湘井，尋陽江上風。開帆入天鏡，直向彭湖東。落景轉疏雨，晴雲散遠空。名山發佳眺，清賞亦何窮。石鏡挂遙月，香爐滅彩虹。相思俱對此，舉目與君同。

書情寄從弟，邢州長史昭。

自笑客行久，我行定幾時。綠楊已可折，攀取最長枝。翩翩弄春色，延佇寄相思。誰言貴此物，意願重瓊蕤。昨夢見惠連，朝吟謝公詩。東風引碧草，不覺生華池。臨觴忽云夕，杜鵑夜鳴悲。懷君芳歲歇，庭樹落紅滋。

寄上吳王，三首。

淮王愛八公，攜手綠雲中。小子添枝葉，亦攀丹桂叢。謬以詞賦重，而將枚馬同。何日背淮水，東之觀土風。

坐嘯廬江靜，閒聞進玉觴。去時無一物，東壁挂胡床。

英明廬江守，聲譽廣平籍。掃灑黃金臺，招邀青雲客。客曾與

天通，出入清禁中。襄王憐宋玉，願入蘭臺宮。

流夜郎，永華寺寄尋陽羣官。

朝別凌煙樓，賢豪滿行舟。暝投永華寺，寶散子獨醉。願絕九江流，添成萬行淚。寫意寄廬嶽，何當來此地。天命有所懸，安得苦愁思？

流夜郎，至西塞驛寄裴隱。

揚帆借天風，水驛苦不緩。平明及西塞，已先投沙伴。迴轡引羣峯，橫壁楚山斷。礮衝萬壑曾，震雷百川滿。龍怪潯溟波，候時救炎旱。我望雷雨安，得霑枯散鳥。去天路長，人悲春光短。空將澤畔吟，寄爾江南管。

江夏寄漢陽輔錄事。

誰道此水廣，狹如一匹練。江夏黃鶴樓，青山漢陽縣。大語猶可聞，故人難可見。君草陳琳檄，我書魯連箭。報國有壯心，龍顏不迴谷。西飛精衛鳥，東海何由填。鼓角徒悲鳴，樓船習征戰。抽劍步霜月，夜行空庭徧。長呼結浮雲，埋沒願榮扇。他日觀軍容，投壘接高宴。

江上寄元六林宗。

霜落江始寒，楓葉綠未脫。客行悲清秋，永路苦不達。滄波眇川汜，白日隱天末。停棹依林巒，驚猿相叫聒。夜分河漢轉，起視溟漲闊。涼風何蕭蕭，河水鳴活活。浦沙淨如洗，海月明可掇。蘭交空懷思，瓊樹詎解渴。勗哉滄洲心，歲晚庶不奪。幽賞願自得，興遠與

誰豁？

宣城九日聞崔四侍御與宇文太守遊敬亭，余時登響山，不同此賞。醉後寄崔侍御，二首。

九日茱萸熟，插鬢傷早白。登高望山海，滿目悲古昔。遠訪投沙人，因為逃名客。故交竟誰在？獨有崔亭伯。重陽不相知，載酒任所適。手持一枝菊，調笑二千石。日暮岸帻歸，傳呼隘阡陌。彤襜雙白鹿，賓從何輝赫！夫子在其間，遂成雲霄隔。良辰與美景，兩地方虛擲。晚從南峯歸，蘿月下水壁。卻登郡樓望，松色寒轉碧。咫尺不可親，乘我如遺鳥。

九卿天上落，五馬道旁來。列戟朱門曉，褰帷碧嶂開。登高望遠海，召客得英才。紫絲歡情洽，黃花逸興催。山從圖上見，溪即鏡中迴。遙羨重陽作，應歌戲馬臺。

涇溪南藍山下有落星潭，可以卜筮。余泊舟石上，寄何判官昌浩。

藍岑竦天壁，突兀如鯨額。奔蹙橫澄潭，勢吞落星石。沙帶秋月明，水搖寒山碧。佳境宜緩棹，清輝能留客。恨君阻歡遊，使我自驚惕。所期俱卜筮，結茅鍊金液。

早過漆林渡寄萬巨。

西經大藍山，南來漆林渡。水色倒空青，林煙橫積素。漏流青吞翁，杳浪競奔注。潭落天上星，龍開水中霧。巖巖注公柵，突兀陳焦墓。嶺峭紛于干，川明康迴顧。因思萬夫子，解渴同瓊樹。何日覩

清光？相歡詠佳句。

遊敬亭寄崔侍御。

我家敬亭下，輒繼謝公作。相去數百年，風期宛如昨。登高素秋月，下望青山郭。府中鴻鸞羣，飲啄自鳴躍。夫子雖躋踰，瑤臺雪中鶴。獨立窺浮雲，其心在寥廓。時來一顧我，笑飯葵與藿。世路如秋風，相逢盡蕭索。腰閒玉具劍，意許無遺諾。壯士不可輕，相期在雲閣。

自金陵泝流過白壁山，旣月，達天門，寄句容王主簿。

滄江泝流歸白壁，見秋月。秋月照白壁，皓如山陰雪。幽人停宵征，賈客忘早發。進帆天門山，迴首牛渚沒。川長信風來，日出宿霧歇。故人在咫尺，新賞成胡越。寄君青蘭花，惠好庶不絕。

秋日魯郡堯祠亭上，宴別杜補闕范侍御。

我覺秋興逸，誰云秋興悲？山將落日去，水與晴空宜。魯酒白玉甞，送行駐金羈。歌鞍憩古木，解帶挂橫枝。歌鼓川上亭，曲度神廳吹。雲歸碧海夕，雁沒青天時。相失各萬里，茫然空爾思。

留別魯頌。

誰道太山高？下卻魯連節。誰云秦軍衆？摧卻魯連舌。獨立天地間，青風灑蘭雪。夫子還個儒，攻文繼前烈。錯落石上松，無爲秋霜折。贈言鑿寶刀，千歲庶不滅。

留別曹南羣官之江南。

我昔釣白龍，放龍溪水旁。道成本欲去，揮手凌蒼蒼。時來不

關人談笑遊軒卓。獻納少成事。歸休辭建章。十年罷西笑。覽鏡如秋霜。閉劍琉璃匣。鍊丹紫髮房。身佩豁落圖。腰垂虎鬻囊。仙人借綵鳳。志在窮遐荒。戀子四五人。徘徊未翱翔。東流送白日。驟歌蘭蕙芳。仙宮兩無從。人間久摧藏。范蠡脫句踐。屈平去懷王。飄飄紫霞心。流浪憶江鄉。愁爲萬里別。此一銜觴。淮水帝王州。金陵繞丹陽。樓臺照海色。衣馬搖川光。及此北望君。相思淚成行。朝雲落夢渚。瑤草空高唐。帝子隔洞庭。青楓滿瀟湘。懷歸路懸遠。覽古情淒涼。登岳眺百川。杳然萬恨長。卻戀峨眉去。弄景偶騎羊。

留別王司馬嵩

魯連賣談笑。豈是顧千金。陶朱雖相越。本有五湖心。余亦南陽子。時爲梁甫吟。蒼山容偃蹇。白日惜頽侵。願一佐明主。功成還舊林。西來何所爲。孤劍託知音。鳥愛碧山遠。魚遊滄海深。呼鷹過上蔡。賣畝向嵩岑。他日閑相訪。邱中有素琴。

還山留別金門知己

好古笑流俗。素聞賢達風。方希佐明主。長揖辭成功。白日在青天。迴光闕微躬。恭承鳳凰詔。欽起雲羅中。清切紫霄迴。優遊丹禁通。君王賜顏色。聲價凌煙虹。乘輿擁翠蓋。扈從金城東。寶馬驟絕景。錦衣入新豐。倚巖望松雪。對酒鳴絲桐。方學揚子雲。獻賦甘泉宮。天書美片善。清芳播無窮。歸來入咸陽。譚笑皆王公。一朝去金馬。飄落成飛蓬。賓友日疏散。玉樽亦已空。長才猶可倚。不慚世上雄。閑來東武吟。曲盡情未終。書此謝知己。扁舟尋釣翁。

魏郡別蘇少府。因北游。

魏郡接燕趙。美女誇芙蓉。洪水流碧玉。舟車日奔衝。青樓夾兩岸。萬室喧歌鍾。天下稱豪貴。遊此每相逢。洛陽蘇季子。劍戟森詞鋒。六印雖未佩。軒車若飛龍。黃金數百鎰。白璧有幾雙。散盡空掉臂。高歌賦還合。從又連橫。其意未可封。落拓乃如此。何人不相從。遠別隔兩河。雲山杳千重。何時更杯酒。再得論心胸。

留別西河劉少府。

秋髮已種種。所爲竟無成。閑傾魯壺酒。笑對劉公榮。謂我是方朔。人間落歲星。白衣千萬乘。何事去天庭。君亦不得意。高歌羨鴻冥。世人若醜雞。安可識梅生。雖爲刀筆吏。緬懷在赤城。余亦如流萍。隨波樂休明。自有兩少妾。雙騎駿馬行。東山春酒綠。歸隱謝浮名。

潁陽別元丹邱之正陽。

吾將元夫子。異姓爲天倫。本無軒裳契。素以煙霞親。管恨迫世網。銘意俱未伸。松柏雖寒苦。羞逐桃李春。悠悠世朝因。玉顏日緜緜。所共重山岳。所得輕埃塵。精魄漸蕪穢。衰老相憑因。我有錦囊訣。可以持君身。當餐黃金藥。去爲紫陽賓。萬事難竝立。百年猶崇晨。別爾東南去。悠悠多悲辛。前志庶不易。遠途期所遵。已矣歸去來。白雲飛天津。

留別廣陵諸公。

憶昔作少年。結交趙與燕。金羈絡駿馬。錦帶橫龍泉。守心無

疑事所向非徒然。晚節覺此疏，獵精草太玄。空名束壯士，薄俗乘高賢。中迴聖明顧，揮翰凌雲煙。騎虎不敢下，攀龍忽墮天。還家守清真，孤潔勵秋蟬。鍊丹費火石，採藥窮山川。臥海不關人，租稅遼東田。乘興忽復起，棹我溪中船。臨醉謝葛強，山公欲倒鞭。狂歌自此別，垂釣滄浪前。

感時留別從兄徐王延年從弟延陵

天籟何參差，噫然大塊吹。玄元苞橐籥，紫氣何逶迤。七葉運皇化，千齡光本枝。仙風生指樹，大雅歌蠡斯。諸王若鸞虬，肅穆列藩維。哲兄錫茅土，聖代含榮滋。九卿領徐方，七步繼陳思。伊昔全盛日，雄豪動京師。冠劍朝鳳闕，樓船侍龍池。鼓鐘出朱戟，金翠照丹墀。君王一顧盼，選色獻蛾眉。列戟十八年，未曾輒遷移。大臣小暗鳴，謫竄天南陲。長沙不足舞，貝錦且成詩。佐郡浙江西，病閑絕趨馳。階軒日苔蘚，鳥雀噪檐帷。時乘平肩輿，出入畏人知。北宅聊偃息，歡愉恤惓惓。羞言梁苑地，烜赫耀旌旗。兄弟八九人，吳秦各分離。大賢達機兆，豈獨慮安危。小子謝麟閣，雁行忝肩隨。令弟字延陵，鳳毛出天姿。清英神仙骨，芬馥蔭蘭蕤。夢得春草句，將非惠連誰。深心紫河車，與我特相宜。金膏猶罔象，玉液尚磷緇。伏枕寄賓館，宛同清漳湄。藥物多見饋，珍羞亦兼之。誰道溟渤深，猶言淺恩慈。鳴蟬遊子意，促織念歸期。驕陽何火赫，海水鑠龍龜。百川盡涸枯，舟楫閣中逵。策馬搖涼月，通宵出郊歧。泣別目眷眷，傷心步遲遲。願言保明德，王室佇清夷。慘袂何所道，援毫投此辭。

留別金陵諸公

海水昔飛動，三龍紛戰爭。鍾山危波瀾，傾側駭奔鯨。黃旗一掃蕩，荆壤開吳京。六代更霸王，遺跡見都城。至今秦淮開，禮樂秀羣英。地扇鄒魯學，詩騰顏謝名。五月金陵西，祖余白下亭。欲尋廬峯頂，先繞漢水行。香爐紫煙滅，瀑布落太清。若攀星辰去，揮手綉含情。

金陵白下亭留別

驛亭三楊樹，正當白下門。吳煙暝長條，漢水澗古根。向來送行處，情首阻笑言。別後若見之，爲余一攀翻。

竄夜郎於烏江留別宗十六瓌

君家全盛日，台鼎何陸離。斬菴翼媯皐，鍊石補天維。一迴日月顧，三人鳳凰池。失勢青門傍，種瓜復幾時。猶會舊賓客，三千光路歧。皇恩雪憤懣，松柏含榮滋。我非東床人，令姊忝齊眉。浪迹未出世，空名動京師。適遭雲羅解，翻謫夜郎悲。拙妻莫邪劍，及此二龍隨。慚君滯波苦，千里遠從之。白帝曉猿斷，黃牛過客遲。遙瞻明月峽，西去益相思。

將遊衡岳過漢陽雙松亭留別族弟浮屠談皓

秦欺趙氏璧，卻入邯鄲宮。本是楚家玉，還來荆山中。符彩照滄溟，清輝凌白虹。青蠅一相點，流落此時同。卓絕道門秀，談玄乃支公。延蘿結幽居，翳竹繞芳叢。涼花拂戶牖，天籟鳴虛空。憶我初來時，蒲萄開景風。今茲大火落，秋葉黃梧桐。水色夢沅湘，長沙去

何窮寄書訪衡嶠，但與南飛鴻。

留別賈舍人至二首

大梁白雲起，飄飄來南洲。徘徊蒼梧野，十見羅浮秋。蓋挾山海傾，四溟揚洪流。意欲託孤鳳，從之摩天遊。鳳苦道路難，翔翔還鼻邱。不肯銜我去，哀鳴慚不周。遠客謝主人，明珠難暗投。拂拭倚天劍，西登岳陽樓。長嘯萬里風，掃清胸中憂。誰念劉越石，化為繞指柔。

秋風吹胡霜，凋此櫓下芳。折芳怨歲晚，離別悽以傷。謬攀青瑣賢，延我於此堂。君爲長沙客，我獨之夜郎。勸此一杯酒，豈唯道路長。割珠兩分贈，寸心貴不忘。何必兒女仁，相看淚成行。

聞李太尉大舉秦兵百萬出征東南儒夫請纓冀申一割之用半道病還留別金陵崔侍御十九韻

秦出天下兵，蹴踏燕趙傾。黃河飲馬竭，赤羽連天明。太尉杖旄鉞，雲旗繞彭城。三軍受號令，千里肅雷霆。函谷絕飛鳥，武關擁連營。意在斬巨虜，何論贖長鯨。恨無左車略，多愧魯連生。拂劍照嚴霜，雕戈鬢胡纓。願雪會稽恥，將期報國榮。半道謝病還，無因東南征。亞夫未見顧，劇孟阻先行。天奪壯士心，長吁別吳京。金陵遇太守，倒履欣逢迎。羣公咸祖饒，四座羅朝英。初發臨滄觀，醉栖征虜亭。舊國見秋月，長江流寒聲。帝車信迴轉，河漢縱復橫。孤鳳向西海，飛鴻辭北溟。因之出寥廓，揮手謝公卿。

別韋少府

西出蒼龍門，南登白鹿原。欲尋南山館，猶戀漢皇恩。水國遠行邁，仙經深討論。洗心句溪月，清耳敬亭猿。築室在人境，閉關無世諠。多君枉高駕，贈我以微言。交乃意氣合，道因風雅存。別離有相思，瑤瑟與金樽。

贈別王山人歸布山

王子析道論，微言破秋毫。還歸布山隱，興入大雲高。爾去安可遲，瑤草恐衰歇。我心亦懷歸，屢夢松上月。傲然遂獨往，長嘯閉巖扉。林壑久已蕪，石道生薔薇。願言弄筆鶴，歲晚來相依。

送王屋山人魏萬還王屋

王屋山人魏萬云：『自嵩宋沿吳，相送數千里不遇。乘興遊台越，經永嘉觀謝公石門。』後於廣陵相見，美其愛文好古，浪跡方外，因述其行而贈是詩。

仙人東方生，浩蕩弄雲海。沛然乘天遊，獨往失所在。魏侯繼大名，本家聊攝城。卷舒入元化，跡與古賢并。十三弄文史，揮筆如振綺。辯折田巴生，心齊魯連子。西涉清洛源，頗驚人世諠。探秀臥王屋，因窺洞天門。竭來遊嵩峯，羽容何雙雙。朝攜月光子，暮宿玉女臆。鬼谷上窺窅，龍潭下奔深。東浮汴河水，訪我三千里。逸興滿吳雲，飄飄浙江汜。揮手杭越間，樟亭望潮還。濤卷海門石，雪橫天際山。白馬走素車，雷奔駭心顏。遙聞會稽美，一弄耶谿水。萬壑與千巖，崢嶸鏡湖裏。秀色不可名，清輝滿江城。人遊月邊去，舟在空中行。此中久延佇，入剡尋王許。笑讀曹娥碑，沈吟黃絹語。天台連

四明日入向國清。五峯轉月色，百里行松聲。靈溪恣沿越，華頂殊超忽。石梁橫青天，側足履半月。杳然思永嘉，不憚海路賒。挂席歷海嶼，迴瞻赤城霞。赤城漸微沒，孤嶼前嵒兀。水續萬古流，亭空千霜月。縉雲川谷難，石門最可觀。瀑布挂北斗，莫窮此水端。噴壁灑素雪，空濛生畫寒。卻尋惡溪去，窮懼惡溪惡。咆哮七十灘，水石相噴薄。路創李北海，巖開謝康樂。松風和援聲，搜索連洞壑。徑出梅花橋，雙溪納歸潮。落帆金華岸，赤松若可招。沈約八詠樓，城西孤峯巖。峯巖四荒外，曠野羣川會。雲卷天地開，波連浙西大。亂流新安口，北指嚴光瀨。釣臺碧雲中，巖與蒼梧對。稍稍來吳都，徘徊上姑蘇。煙絲橫九疑，滉蕩見五湖。自極心更遠，悲歌但長吁。迴棹楚江濱，揮策揚子津。身著日本裘，昂藏出風塵。五月造我語，知非佞儂人。相逢樂無限，水石日在眼。徒干五諸侯，不致百金產。吾友揚子雲，絃歌播清芬。雖爲江寧宰，好與山公羣。乘興但一行，且知我愛君。君來幾何時，仙臺應有期。東臆綠玉樹，定長三五枝。至今天壇人，當笑爾歸遲。我苦惜遠別，茫然使心悲。黃河若不斷，白首長相思。

送當塗趙少府赴長蘆

我來揚都市，送客迴輕舠。因誇吳太子，便覩廣陵濤。仙尉趙家玉，英風凌四豪。維舟至長蘆，目送煙雲高。搖扇對酒樓，持袂把蟹螯。前途儻相思，登嶽一長謠。

送友人遊梅湖

送君遊梅湖，應見梅花發。有使寄我來，無令紅芳歇。暫行新林浦，定醉金陵月。莫惜一雁書，音塵坐胡越。

送崔十二遊天竺寺

還聞天竺寺，夢想懷東越。每年海樹霜，桂子落秋月。送君遊此地，已屬流芳歇。待我來歲行，相隨浮溟渤。

送楊山人歸天台

客有思天台，東行路超忽。濤落浙江秋，沙明浦陽月。今遊方厭楚，昨夢先歸越。且盡秉燭歡，無辭凌晨發。我家小阮賢，剖竹赤城邊。詩人多見重，宮燭未曾然。興引登山屐，情催汎海船。石橋如可度，攜手弄雲煙。

送溫處士歸黃山白鵝峯舊居

黃山四千仞，三十二連峯。丹崖夾石柱，菡萏金芙蓉。伊昔昇絕頂，下窺天目松。仙人鍊玉處，羽化留餘蹤。亦聞溫白雪，獨往今相逢。探秀辭五嶽，攀巖歷萬重。歸休白鵝樹，渴飲丹沙井。鳳吹我時來，雲車爾當整。去去陵陽東，行行芳桂叢。迴谿十六度，碧嶂盡晴空。他日還相訪，乘橋蹠綵虹。

送方士趙叟之東平

長桑晚洞視，五藏無全牛。趙叟得祕訣，還從方士遊。西過獲麟臺，爲我弔孔邱。念別復懷古，潸然空淚流。

送韓準裴政孔巢父還山

獵客張兎置，不能挂龍虎。所以青雲人，高歌在巖戶。韓生信

英彥，裴子含清真。孔侯復秀出，俱與雲霞親。峻節凌遠松，同衾臥盤石。斧冰漱寒泉，三子同二屐。時時或乘興，往往雲無心。出山揖牧伯，長嘯輕衣簪。昨宵夢裏還，云弄竹溪月。今晨魯東門，帳飲與君別。雪崖滑去馬，蘿逕迷歸人。相思若煙草，歷亂無冬春。

送楊少府赴選

大國置衡鏡，準平天地心。羣賢無邪人，朗鑒窮清深。吾君詠南風，袞冕彈鳴琴。時泰多美士，京國會纓簪。山苗落澗底，幽松出高岑。夫子有盛才，主司得球琳。流水非鄭曲，前行遇知音。衣工翦綺繡，一誤傷千金。何惜刀尺餘，不裁寒女衾。我非彈冠者，感別但開襟。空谷無白駒，賢人豈悲吟。大道安弃物，時來或招尋。爾見山吏部，當應無陸沈。

魯郡堯祠送吳五之琅琊

堯沒三千歲，青松古廟存。送行奠桂酒，拜舞清心魂。日色促歸人，連歌倒芳樽。馬嘶俱醉起，分手更何言。

金鄉送韋八之西京

客自長安來，還歸長安去。狂風吹我心，西挂咸陽樹。此情不可道，此別何時遇。望望不見君，連山起煙霧。

送薛九被讒去魯

宋人不辨玉，魯賤東家邱。我笑薛夫子，胡爲兩地遊。黃金消衆口，白璧竟難投。梧桐生蒺藜，綠竹乏佳實。鳳皇宿谁家，遂與羣雞匹。田家養老馬，窮士歸其門。蛾眉笑躋者，賓客去平原。卻斬美

人首，三千還駿奔。毛公一挺劍，楚趙兩相存。孟嘗習狡兔，三窟賴馮諼。信陵奪兵符，爲用侯生言。春申一何愚，刻首爲李園。賢哉四公子，撫掌黃泉裏。借問笑何人，笑人不好士。爾去且勿諠，桃花竟何言。沙邱無漂母，誰肯飯王孫。

送族弟凝至晏瑒單父三十里

雪滿原野白，戎裝出盤遊。揮鞭布獵騎，四顧登高邱。兔起馬足間，蒼鷹下平囓。喧呼相馳逐，取樂銷人憂。捨此戒禽荒，微聲列齊謳。鳴雞發晏邨，別雁驚涼瀟。西行有東音，寄與長河流。

魯城北郭曲腰桑下送張子還嵩陽

送別枯桑下，凋葉落半空。我行惜道遠，爾獨知天風。誰念張仲蔚，還依嵩與蓬。何時一杯酒，更與李膺同。

送魯郡劉長史遷宏農長史

魯國一杯水，難容橫海鱗。仲尼且不敬，況乃尋常人。白玉換斗粟，黃金買尺薪。閉門木葉下，始覺秋非春。聞君向西遷，地卽荆湖鄰。寶鏡匣蒼薛，丹經埋素塵。軒后上天時，攀龍遺小臣。及此留惠愛，庶幾風化淳。魯縞如白煙，五緜不成束。臨行贈貧交，一尺重山岳。相國齊晏子，贈行不及言。託陰當樹李，忘憂當樹萱。他日見張祿，綈袍懷舊恩。

送族弟單父主簿凝攝宋城主簿至郭南月橋卻迴棲霞山留飲贈之

吾家青萍劍，操割有餘閑。往來糾二邑，此去何時還。鞍馬月

橋南光輝歧路間。賢豪相追餞，卻到棲霞山。羣花散芳園，斗酒開離顏。樂酣相顧起，征馬無由攀。

魯郡堯祠送張十四遊河北

猛虎伏尺草，雖藏難蔽身。有如張公子，骯髒在風塵。豈無橫腰劍？屈彼淮陰人。擊筑向北燕，燕歌易水濱。歸來太山上，當與爾爲鄰。

送張遷之壽陽幕府

壽陽信天險，天險橫荆關。苻堅百萬衆，遙阻八公山。不假築長城，大賢在其間。戰夫若熊虎，破敵有餘閑。張子勇且英，少輕衛霍屏。投軀紫髯將，千里望風顏。勗爾效才略，功成衣錦還。

送裴十八圖南歸嵩山二首

何處可爲別，長安青綺門。胡姬招素手，延客醉金樽。臨當上马時，我獨與君言。風吹芳蘭折，日沒烏雀喧。舉手指飛鴻，此情難具論。同歸無早晚，潁水有清源。

君思潁水綠，忽復歸嵩岑。歸時莫洗耳，爲我洗其心。洗心得真情，洗耳徒買名。謝公終一起，相與濟蒼生。

送于十八應四子舉落第還嵩山

吾祖吹簫籥，天人信森羅。歸根復太素，羣動熙元和。炎炎四真人，矯辯若濤波。交流無時寂，楊墨日成科。夫子聞洛誦，誇才故多。爲金好踴躍，久客方蹉跎。道可東賣之，五寶溢山河。勸君還嵩邱，開酌酌庭柯。三花如未落，乘興一來過。

送梁公昌從信安王北征

入幕推英選，捐書事遠戎。高談百戰術，鬱作萬夫雄。起舞蓮華劍，行歌明月宮。將飛天地陣，兵出塞垣通。祖席留丹景，征塵拂綵虹。旋應獻凱入，麟閣佇深功。

送張秀才從軍

六駿食猛虎，恥從鶻馬羣。一朝長鳴去，矯若龍行雲。壯士懷遠略，志存解世紛。周粟猶不顧，齊珪安肯分。抱劍辭高堂，將投霍冠軍。長策掃河洛，寧親歸汝墳。當令千古後，麟閣著奇勳。

送崔度還吳，度故人禮部員外國輔之子

幽燕沙雪地，萬里盡黃雲。朝吹歸秋鴈，南飛日幾羣。中有孤鳳雛，哀鳴九天聞。我乃重此鳥，綵章五色分。胡爲雜凡禽，雞鶩輕賤君。舉手捧爾足，疾心若火焚。拂羽淚滿面，遂之吳江濱。去影忽不見，躊躇日將曛。

送侯十一

朱亥已擊晉，侯嬴尙隱身。時無魏公子，豈貴抱關人。余亦不火食，遊梁同在陳。空餘湛盧劍，贈爾託交親。

魯中送二從弟赴舉之西京

魯客向西笑，君門若夢中。霜凋逐臣髮，日憶明光宮。復義二龍去，才華冠世雄。平衢騁高足，逸翰凌長風。舞袖拂秋月，歌筵聞早鴻。送君日千里，良會何由同。

送紀秀才遊越

海水不滿眼，觀濤難稱心。卽知蓬萊石，卻是巨鼈簪。送爾遊華頂，令余發鳥吟。仙人居射的，道士住山陰。禹穴尋深入，雲門隔嶺深。綠蘿秋月夜，相憶在鳴琴。

送楊燕之東魯

關西楊伯起，漢日舊稱賢。四代三公族，清風播人天。夫子華陰居，開門對玉蓮。何事歷衡霍，雲帆今始還。君坐稍解顏，爲我歌此篇。我固侯門士，謬登聖主筵。一辭金華殿，贈贈長江邊。二子魯門東，別來已經年。因君此中去，不覺淚如泉。

送蔡山人

我本不棄世，世人自棄我。一乘無倪舟，八極縱遠柁。燕客期躍馬，唐生安敢譏。採珠勿驚龍，大道可暗歸。故山有松月，遲爾斲清暉。

送殷淑三首

海水不可解，連江夜爲潮。俄然浦嶼闊，岸去酒船遙。惜別耐取醉，鳴根且長謠。天明爾當去，應有便風飄。

白鷺洲前月，天地送客迴。青龍山後日，早出海雲來。流水無情去，征帆逐吹開。相看不忍別，更進手中杯。

送岑徵君歸鳴皋山

岑公相門子，雅望歸安石。弄世皆變龍，中台竟三折。至人達機兆，高揖九州伯。奈何天地閒，而作隱淪客。貴道皆全真，潛輝臥

幽鄰。探元入宵默，觀化遊無垠。光武有天下，嚴陵爲故人。雖登洛陽殿，不屈巢山身。余亦謝明主，今稱偃蹇臣。登高覽萬古，思與廣成鄰。蹈海寧受賞，還山非問津。西來一搖扇，共拂元規塵。

送范山人歸太山

魯客抱白雞，別余往太山。初行若片雪，杳在青崖閒。高高至天門，海日近可攀。雲生望不及，此去何時還。

送張秀才謁高中丞

余時繫尋陽獄中，正讀留侯傳。秀才張孟熊，蘊滅胡之策，將之廣陵，謁高中丞。余喜子房之風，感激於斯人，因作是詩以送之。

秦帝淪玉鏡，留侯降氛氳。感激黃石老，經過滄海君。壯士揮金錘，報讐六合聞。智勇冠終古，蕭陳難與羣。兩龍爭鬪時，天地動風雲。酒酣舞長劍，倉卒解漢紛。宇宙初倒懸，鴻溝勢將分。英謀信奇絕，夫子揚清芬。胡月入紫微，三光亂天文。高公鎮淮海，談笑廓妖氛。採爾幕中畫，鼓難光殊勳。我無燕霜感，玉石俱燒焚。但灑一行淚，臨歧竟何云。

尋陽送弟昌詎鄱陽司馬作

桑落洲渚連，滄江無雲煙。尋陽非剡水，忽見子猷船。了見欲相近，來遲杳若仙。人乘海上月，帆落湖中天。一祝無二諾，朝懽更勝昨。爾則吾惠連，吾非爾康樂。朱緩白銀章，上官佐鄱陽。松門拂中道，石鏡迴清光。搖扇及干越，水亭風氣涼。與爾期此亭，期在秋

月滿時過或未來，兩鄉心已斷。吳山對楚岸，彭蠡當中州。相思定如此，有窮盡年愁。

餞校書叔雲

少年費白日，歌笑矜朱顏。不知忽已老，喜見春風還。惜別且爲懼，徘徊桃李間。看花飲美酒，聽鳥臨晴山。向晚竹林寂，無人空閉關。

洞庭醉後，送絳州呂使君杲流澧州

昔別若夢中，天涯忽相逢。洞庭破秋月，縱酒開愁容。贈劍刻玉字，延平兩蛟龍。送君不盡意，書及鴈迴峯。

送趙判官赴黔府中丞叔幕

廓落青雲心，結交黃金盡。富貴翻相忘，令人忽自哂。蹭蹬鬢毛斑，盛時難再還。巨源咄石生，何事馬蹏閑。綠蘿長不厭，卻欲還東山。君爲魯曾子，拜揖高堂裏。叔繼趙平原，偏承明主恩。風霜推獨坐，旌節鎮雄藩。虎士秉金鉞，蛾眉開玉樽。才高幕下去，義重林中言。水宿五溪月，霜嚇三峽猿。東風春草綠，江上候歸軒。

送祁昂謫巴中

瑤草寒不死，移植滄江濱。東風灑雨霧，會入天地春。予若洞庭葉，隨波送逐臣。思歸未可得，書此謝情人。

送二季之江東

初發強中作，題詩與惠連。多慚一日長，不及二龍賢。西塞當中路，南風欲進船。雲峯出遠海，帆影挂清川。禹穴藏書地，匡山種

杏田。此行俱有適，遲爾早歸旋。

江西送友人入羅浮

桂水分五嶺，衡山朝九疑。鄉關眇安西，流浪將何之。素色愁明湖，秋渚晦寒姿。疇昔紫芳意，已過黃髮期。君王縱疏散，雲壑借巢夷。爾去之羅浮，我還憩峨眉。中關道萬里，霞月遙想思。如尋楚狂子，瓊樹有芳枝。

宣城送劉副使入秦

君即劉越石，雄豪冠當時。淒清橫吹曲，慷慨扶風詞。虎嘯俟騰躍，雞鳴遭亂離。千金市駿馬，萬里逐王師。結交樓煩將，侍從羽林兒。統兵捍吳越，豺虎不敢窺。大勳竟莫敘，已過秋風吹。秉鉞有季公，凜然負英姿。寄深且戎幕，望重必台司。感激一然諾，縱橫兩無疑。伏奏歸北闕，鳴鶴忽西馳。列將咸出祖，英寮惜分離。斗酒滿四筵，歌笑宛溪湄。君攜東山妓，我詠北門詩。貴賤交不易，恐傷園中葵。昔贈紫駟駒，今傾白玉卮。同驩萬斛酒，未足解相思。此別又千里，秦吳渺天涯。月明關山苦，水劇隴頭悲。借問幾時還，春風入黃池。無令長相思，折斷綠楊枝。

涇川送族弟錡

涇川三百里，若邪羞見之。錦石照碧山，兩邊白鷺鷥。佳境千萬曲，客行無歇時。上有琴高水，下有陵陽祠。仙人不見我，明月空相知。問我何事來，盧敖結幽期。蓬山振雄筆，織服押清詞。江湖發秀色，草木含榮滋。置酒送惠連，吾家稱白眉。愧無海嶠作，敢闕河

梁詩。見爾復幾朝，俄然告將離。中流漾綠錦，列岸叢金羈。歎息蒼
相鳳，分棲瓊樹枝。清晨各飛去，飄落天南陲。望極落日盡，詩深嘆
猿悲。寄情與流水，但有長相思。

五松山送殷淑

秀色發江左，風流奈若何！仲文了不還，獨立揚清波。載酒五
松山，頽然白雲歌。中天度落月，萬里遙相過。撫酒惜此月，流光畏
蹉跎。明日別離去，連峯鬱嵯峨。

送崔氏昆季之金陵

放歌倚東樓，行子期曉發。秋風渡江來，吹落山上月。主人出
美酒，滅燭延清光。二崔向金陵，安得不盡觴？水客弄歸棹，雲帆卷
輕霜。舟扁敬亭下，五兩先飄揚。峽石入水花，碧流日更長。思君無
歲月，西笑阻河梁。

登黃山凌歊臺，送族弟溧陽尉濟充汎舟赴華陰

鸞乃鳳之族，翺翔紫雲霓。文章輝五色，雙在瓊樹栖。一朝各
飛去，鳳與鸞俱滅。炎赫五月中，朱曦爍河隄。爾從汎舟役，使我心
魂悽。秦地無草木，南雲喧鼓鼙。君王減玉膳，早起思鳴雞。漕引救
關輔，疲人免塗泥。宰相作霖雨，農夫得耕犁。靜者伏草間，羣才滿
金闈。空手無壯士，窮居使人低。送君登黃山，長歎倚天梯。小舟若
鳧，大舟若鯨鯢。開帆散長風，舒卷與雲齊。日入牛渚晦，蒼然夕
煙迷。相思在何所，杳在洛陽西。

酬談少府

一尉居倏忽，梅生有仙骨。三事或可羞，匈奴晒千秋。壯心屈
黃綬，浪跡寄滄洲。昨觀荆峴作，如從雲漢遊。老夫當暮矣，蹀足懼
驩驅。

五月，東魯行，答汶上翁

五月梅始黃，蠶凋桑柘空。魯人重織作，機杼鳴簾櫳。顧余不
及仕，學劍來山東。舉鞭訪前塗，獲笑汶上翁。下愚忽壯士，未足論
窮通。我以一箭書，能取聊城功。終然不受賞，羞與時人同。西歸去
直道，落日昏陰虹。此去爾勿言，甘心如轉蓬。

寄 答長安崔府叔封，遊終南翠微寺，太宗皇帝金沙泉，見

河伯見海若，傲然誇秋水。小物暗遠圖，寧知通方士。多君紫
霄意，獨往蒼山裏。地古寒雲深，巖高長風起。初登翠微嶺，復憩金
沙泉。踐苔朝霜滑，弄波夕月圓。飲彼石下流，結蘿宿谿煙。鼎湖夢
綠水，駕龍空茫然。早行子午閒，卻登山路遠。拂琴聽猿，滅燭乃
星飯。人煙無明異，鳥道絕往返。攀崖倒青天，下視白日晚。既過石
門隱，還唱石潭歌。涉雪攀紫芳，濯纓想清波。此人不可見，此地君
自過。爲余謝風泉，其如幽意何！

酬崔五郎中

朔雲橫高天，萬里起秋色。壯士心飛揚，落日空歎息。長嘯出
原野，凜然寒風生。幸遭聖明時，功業猶未成。奈何懷良圖，鬱悒獨
愁坐。杖策尋英豪，立談乃知我。崔公生民秀，綉纈青雲姿。制作參

造化託謾含神祇。海嶽尚可傾。吐諾終不移。是時霜飄寒。逸興臨
華池。起舞拂長劍。四座皆揚眉。因得窮歡情。贈我以新詩。又結汗
漫期。九垓遠相待。舉身憩蓬壺。濯足弄滄海。從此渡倒景。一去無
時還。朝遊明光宮。暮入闔闔關。但得長把袂。何必嵩邱山。

以詩代書答元丹邱

青鳥海上來。今朝發何處。口銜雲錦字。與我復飛去。鳥去凌
紫煙。書留綺閣前。開緘方一笑。乃是故人傳。故人深相勸。憶我勞
心曲。離居在咸陽。三見秦草綠。置書雙袂間。引領不覽閑。長望香
離聲。浮雲橫遠山。

金門答蘇秀才

君還石門日。朱火始改木。春草如有情。草中尚含綠。折芳愧
遙憶。永路當自勗。遠見故人心。平生以此足。巨海納百川。麟閣多
才賢。獻書入金闕。酌醴奉瓊筵。屢忝白雲唱。恭聞黃竹篇。恩光照
拙薄。雲漢希騰選。銘鼎儻云遂。扁舟方渺然。我留在金門。不去臥
丹壑。未果三山期。遙欣一邱樂。玄珠寄罔象。赤水非寥廓。願狎東
海鷗。共營西山藥。栖巖君寂滅。處世余龍蠖。良辰不同賞。永日應
閑居。鳥吟檐間樹。花落牕下書。綠谿見綠篠。隔岫窺紅蕖。採薇行
笑歌。眷我情何已。月出石鏡間。松鳴風琴裏。得心自虛妙。外物空
顏靡。身世如兩忘。從君老煙水。

酬坊州王司馬與閣正字對雪見贈

遊子東南來。自宛適京國。飄然無心雲。倏忽復西北。訪戴昔

未偶。羣穢此相得。愁顏發新歡。終宴敘前識。閻公漢庭舊。沈鬱富
才力。價重銅龍樓。聲高重門側。寧期此相遇。華館陪遊息。積雪明
遠峯。寒城泣春色。主人蒼生望。假我青雲翼。風水如兒資。投竿佐
皇極。

酬張卿夜宿南陵見贈

月出魯城東。明如天上雪。魯女驚莎雜。鳴機應秋節。當君相
思夜。火落金風高。河漢挂戶牖。欲濟無輕舫。我昔辭林邱。雲龍忽
相見。客星動太微。朝去洛陽殿。爾得來茂彥。七葉仕漢餘。身爲下
邳客。家有杞橘書。傳說未夢時。終當起巖野。萬古騎辰星光輝照
天下。與君各未遇。長策委蒿萊。寶刀穩玉匣。鏞澁空莓苔。遂令世
上愚。輕我士與灰。一朝攀龍去。薶隕安在哉。故山定有酒。與爾傾
金盃。

酬岑勛見尋就元丹邱對酒相待以詩見招

黃鶴東南來。寄書寫心曲。倚松開其緘。憶我腸斷續。不以千
里遙。命駕來相招。中逢元丹邱。登嶺宴碧霄。對酒忽思我。長歡臨
清巖。邇余未相知。茫茫綠雲垂。俄然素書及。解此長渴飢。策馬望
山月。途窮造堦墀。喜茲一會面。若視瓊樹枝。憶君我遠來。我歡方
速至。開顏酌美酒。樂極忽成醉。我情既不淺。君意方亦深。相知兩
相得。一顧輕千金。且向山客笑。與君論素心。

答從弟幼成過西園見贈

一身自滿瀟灑物。何嘗喧拙薄。謝明時。棲閑歸故園。二季過

舊壑，四鄰馳華軒。衣劍照松宇，賓徒光石門。山童薦珍果，野老開芳罇。上陳樵漁事，下敘農圃言。昨來荷花滿，今見蘭苕繁。一笑復一歌，不知夕景昏。醉罷同所樂，此情難具論。

酬王綸闕惠翼莊廟宋丞泚贈別

學道三十春，自言義皇人。軒蓋宛若夢，雲松長相親。偶將二公合，復與三山鄰。喜結海上契，自爲天外賓。鸞翻我先鏖，龍性君莫馴。朴散不尙古，時譎皆失真。勿踏荒溪波，場來浩然津。薛帶何辭楚，桃源堪避秦。世迫且離別，心在期隱淪。酬贈非炯戒，永言銘佩紳。

酬裴侍御對雨感時見贈

雨色秋來寒，風嚴清江爽。孤高繡衣人，瀟灑青霞賞。平生多感激，忠義非外獎。禍連積怨生，事及徂川往。楚邦有壯士，鄢郢翻掃蕩。申包哭秦庭，泣血將安仰。鞭屍辱已及，堂上羅宿莽。頗似今之人，蠹賊陷忠讜。渺然一水隔，何由稅歸鞅。日夕聽猿愁，懷賢盈夢想。

甌月金陵城西孫楚酒樓達曙歌吹日晚乘醉著紫綺

裘烏紗巾與酒客數人棹歌秦淮往石頭訪崔四侍御

昨甌西城月，青天垂玉鈞。朝沽金陵酒，歌吹孫楚樓。忽憶繡衣人，乘船往石頭。草裏烏紗巾，倒披紫綺裘。兩岸拍手笑，疑是王子猷。酒客十數，公崩騰醉中流。諱浪掉海客，喧呼傲陽侯。半道逢

吳姬，卷簾出擲斂。我憶君到此，不知狂與羞。月下一見君，三盃便迴棹。捨舟共連袂，行上南渡橋。興發歌激水，秦客爲之搖。雞鳴復相招，清宴逸雲霄。贈我數百字，字字凌風飄。繫之衣裘上，相憶每長謫。

江上答崔宣城

太華三芙蓉，明星玉女峯。導仙下西岳，陶令忽相逢。問我將何事，滯波歷幾重。貂裘非季子，鶴氅似王恭。謬忝燕喜召，而陪郭隗蹤。水流知入海，雲去或從龍。樹繞蘆洲月，山鳴鶴鎮鐘。還期如可訪，台嶺蔭長松。

答族姪僧中孚贈玉泉仙人掌茶

余聞荊州玉泉寺，近清溪，諸山。山洞往往有乳窟，窟中多玉泉，交流。中有白蝙蝠，大如鷗，按仙經：「蝙蝠一名仙鼠，千歲之後，體白如雪，棲則倒懸。」蓋飲乳水而長生也。其水邊處處有茗草羅生，枝葉如碧玉。唯玉泉真公常采而飲之，年八十餘歲，顏色如桃花。而此茗清香滑熱，異於他者，所以能還童振枯，壯人壽也。余遊金陵，見宗僧中孚，示余茶數十片，拳然重疊，其狀如手，號爲「仙人掌」。茶蓋新出乎玉泉之山，曠古未覩。因持之見遺，兼贈詩要余答之。遂有此作。後之高僧大隱，知仙人掌茶發乎中孚禪子及青蓮居士李白也。

常聞玉泉山，山多乳窟。仙鼠如白鷗，倒懸深谿月。茗生此

中石玉泉流不歇。根柯灑芳津。採服潤肌骨。楚老卷綠葉。枝枝相接連。曝成仙人掌。似拍洪崖肩。舉世未見之。其名定誰傳。宗英乃禪伯。把贈有佳篇。清鏡燭無靈。顧慚西子妍。朝坐有餘興。長吟播諸天。

酬裴侍御留帥師彈琴見寄

君同鮑明遠。邀彼休上人。鼓琴亂白雪。秋變江上春。露草綠未衰。攀翻寄情親。相思兩不見。流淚空盈巾。

張相公出鎮荊州尋除太子詹事余時流夜郎行至江夏與張公相去千里公因太府丞王昔使車寄羅衣

二事及五月五日贈余詩余答以此詩

張衡殊不樂。應有四愁詩。慚君相繡段。贈我慰相思。鴻鵠復矯翼。鳳皇憶故池。榮樂一如此。商山老紫芝。

答裴侍御先行至石頭驛以書見招期月滿汎洞庭

君至石頭驛。寄書黃鶴樓。開緘識遠意。速此南行舟。風水無定準。滯波或滯留。憶昨新月生。西檐若瓊鉤。今來何所似。破鏡懸清秋。恨不三五明。平湖汎澄流。此歡竟莫遂。狂殺王子猷。巴陵定近遠。持贈何人憂。

答高山人兼呈權顧二侯

虹霓掩天光。哲后起康濟。應運生夔龍。開元掃氛翳。太微廓金鏡。端拱清遐裔。輕塵集嵩岳。虛點盛明意。謬揮紫泥詔。獻納青雲際。讒惑英主心。恩疏佞臣計。務得庭闕下。歎息光陰逝。未作仲

宣詩。先流賈生涕。挂帆秋江上。不為雲羅制。山海向東傾。百川無盡勢。我於鴟夷子。相去千餘歲。運闊英達稀。同風遙執袂。登臚望遠水。忽見滄浪棹。高士何處來。虛舟眇安繫。衣貌本淳古。文章多佳麗。延引故鄉人。風義未淪替。顧侯達語默。權子識通蔽。曾是無心雲。俱為此留滯。雙萍易飄轉。獨鶴思凌厲。明晨去瀟湘。共謁蒼梧帝。

至陵陽山登天柱石酬韓侍御見招隱黃山

韓眾騎白鹿。西住華山中。玉女千餘人。相隨在雲空。見我傳祕訣。精誠與天通。何意到陵陽。遊目送飛鴻。天子昔避狄。與君亦乘驄。擁兵五陵下。長策遏胡戎。時泰解繡衣。脫身若飛蓬。鸞鳳翻翥翼。啄粟坐樊籠。海鶴一笑之。思歸向遼東。黃山過石柱。巖崿上攢叢。因巢翠玉樹。忽見浮邱公。又引王子喬。吹笙舞松風。朗詠紫霞篇。請開藥珠宮。步綱繞碧落。倚樹招青童。何日可攜手。遺形入無窮。

酬崔十五見招

爾有鳥跡書。相招琴溪飲。手跡尺素中。如天落雲錦。讀罷向空笑。疑君在我前。長吟字不滅。懷袖且三年。

遊南陽白水登石激作

朝涉白水源。暫與人俗疏。島嶼佳境色。江天涵清虛。目送去海雲。心閑遊川魚。長歌盡落日。乘月歸田廬。遊南陽清冷泉

惜彼落日暮，愛此寒泉清。西耀逐水流，蕩漾遊子情。空歌望雲月，曲盡長松聲。

尋魯城北范居士，失道落蒼耳中。見范置酒摘蒼耳作。

雁度秋色遠，日靜無雲時。客心不自得，浩漫將何之。忽憶范野人，閉關養幽姿。茫然起逸興，但恐行來遲。城壕失往路，馬首迷荒陂。不惜翠雲裘，遂爲蒼耳欺。入門且一笑，把臂君爲誰。酒客愛秋蔬，山盤薦霜梨。他筵不下筋，此席忘朝飢。酸棗垂北郭，寒瓜蔓東籬。還傾四五酌，自詠猛虎詞。近作十日歡，遠爲千載期。風流自簸蕩，謔浪偏相宜。酣來上馬去，卻笑高陽池。

秋獵孟諸夜歸，置酒單父東樓觀妓。

傾暉速短炬，走海無停川。冀餐圓邱草，欲以還頽年。此事不可得，微生若浮煙。倏發跨名駒，雕弓控鳴絃。鷹豪魯草白，狐兔多肥鮮。邀遮相馳逐，遂出城東田。一掃四野空，喧呼鞍馬前。歸來獻所獲，炮炙宜霜天。出舞兩美人，飄飄若雲仙。留歡不知疲，清曉方來旋。

遊太山六首

四月上太山，石平御道開。六龍過萬壑，澗谷隨縈迴。馬跡遶碧岑，于今滿青苔。飛流灑絕巘，水急松聲哀。北眺嶠嶂奇，傾崖向東摧。洞門閉石扇，地底興雲雷。登高望蓬瀛，想像金籙臺。天門一長嘯，萬里清風來。玉女四五人，飄飄下九垓。含笑引素手，遺我流霞杯。稽首再拜之，自愧非仙才。曠然小宇宙，棄世何悠哉！

十八家詩鈔 卷五

青曉騎白鹿，直上天門山。山際逢羽人，方瞳好容顏。捫蘿欲就語，卻掩青雲關。遺我鳥跡書，飄然落巖間。其字乃上古，讀之了不閑。感此三歎息，從師方未還。

平明登日觀，舉手開雲關。精神四飛揚，如出天地間。黃河從西來，窈窕入遠山。憑崖覽八極，目盡長空閑。偶然值青童，綠髮雙雲鬢。笑我晚學仙，蹉跎凋朱顏。躊躇忽不見，浩蕩難追攀。

清齋三千日，裂素寫道經。吟誦有所得，衆神衛我形。雲行信長風，颯若羽翼生。攀崖上日觀，伏檻窺東溟。海色動遠山，天雞已先鳴。銀臺出倒景，白浪翻長鯨。安得不死藥，高飛向蓬瀛。

日觀東北傾，兩崖夾雙石。海水落眼前，天光搖空碧。千峯爭攢聚，萬壑絕凌歷。緬彼鶴上仙，去無雲中跡。長松入霄漢，遠望不盈尺。山花異人聞，五月雪中白。終當遇安期，於此鍊玉液。

朝飲王母池，暝投天門關。獨抱綠綺琴，夜行青山月。山明月露白，夜靜松風歇。仙人遊碧岑，處處笙歌發。寂聽曉清輝，玉真連翠微。想像鸞鳳舞，飄飄龍虎衣。捫天摘匏瓜，恍惚不憶歸。舉手弄清淺，誤攀織女機。明晨坐相失，但見五雲飛。

與從姪杭州刺史良遊天竺寺

拄席凌蓬邱，觀濤憩樟樓。三山動逸興，五馬同遨遊。天竺森在眼，松門颯秋聲。覽雲測變化，弄水窮清幽。疊嶂隔遙海，當軒寫歸流。詩成傲雲月，佳趣滿吳洲。

卷六

湘鄉曾國藩纂 合肥李鴻章審訂 東湖王定安校

李太白五古下百九十八首

同友人舟行遊台越作

楚臣傷江楓，謝客拾海月。懷沙去瀟湘，挂席汎溟渤。蹇予訪前蹟，獨往造窮髮。古人不可攀，去若浮雲沒。願言弄倒景，從此鍊真骨。華頂窺絕冥，蓬壺望超忽。不知青春度，但怪綠芳歇。空持釣鼈心，從此謝魏闕。

下終南山，過斛斯山人宿置酒

暮從碧山下，山月隨人歸。卻顧所來徑，蒼蒼橫翠微。相攜及田家，童稚開荆扉。綠竹入幽徑，青蘿拂行衣。歡言得所憩，美酒聊共揮。長歌吟松風，曲盡河屋稀。我醉君復樂，陶然共忘機。

朝下過盧郎中敘舊遊

君登金華省，我入銀臺門。幸遇聖明主，俱承雲雨恩。復此休澣時，閑寫疇昔言。卻話山海事，宛然林壑存。明湖思曉月，疊嶂憶清猿。何由返初服，田野醉芳樽。

邯鄲南亭觀妓

歌鼓燕趙兒，魏姝弄鳴絲。粉色豔月彩，舞袖拂花枝。把酒領美人，清歌罷鞞詞。清箏何絲繞，度曲綠雲垂。平原君安在，科斗生古池。座客三千人，于今知有誰。我輩不作樂，但爲後代悲。

春陪商州裴使君遊石娥溪

裴公有仙標，拔俗數千丈。澹蕩滄洲雲，飄飄紫霞想。剖竹商洛開，政成心已閑。蕭條出世表，冥寂閉玄關。我來屬芳節，解榻時相悅。裘帷對雲峯，揚袂指松雪。暫出東城邊，遂遊西巖前。橫天聳翠壁，噴壑鳴紅泉。尋幽殊未歇，愛此春光發。發傍饒名花，石上有好月。命駕歸去來，露華生綠苔。淹留情將晚，復聽清猿哀。清猿斷人腸，遊子思故鄉。明發首東路，此歡焉可忘。

春日陪楊江寧及諸官宴北湖感古作

昔聞顏光祿，攀龍宴京湖。樓船入天鏡，帳殿閉雲衢。君王歌大風，如樂豐沛都。延年獻嘉作，邈與詩人俱。我來不及此，獨立鍾山孤。楊宰穆清飗，芳聲騰海隅。英寮滿四座，粲若瓊林敷。鶴首弄倒景，蛾眉撥明珠。新絃綵黎園，古舞嬌吳歎。曲度繞雲漢，聽者皆歡娛。雞棲何嘈嘈，沿月拂笙竽。古之帝宮苑，今乃人樵蘇。感此勸一觴，願君覆瓢壺。榮盛當作樂，無令後賢吁。

宴鄧參卿山池

爾恐碧草晚，我畏朱顏移。愁看楊花飛，置酒正相宜。歌聲送落日，舞影迴清池。今夕不盡杯，留歡更邀誰。

遊謝氏山亭

淪老臥江海，再歡天地清。病閑久寂寞，歲物徒芬榮。借君西池遊，聊以散我情。掃雪松下去，捫蘿石道行。謝公池塘上，春草颯已生。花枝拂人來，山鳥向我鳴。田家有美酒，落日與之傾。醉罷弄

歸月，遙欣稚子迎。

金陵鳳凰臺置酒

置酒延落景，金陵鳳凰臺。長波寫萬古，心與雲俱開。借問往昔時，鳳凰爲誰來？鳳凰去已久，正當今日迴。明君越羲軒，天老坐三台。豪士無所用，彈絃醉金壘。東風吹山花，安可不盡杯！六帝沒幽草，深宮冥綠苔。置酒勿復道，歌鐘但相催。

秋浦清溪雪夜對酒客有唱鷓鴣者

披君貂襜褕，對君白玉壺。雪花酒上減，頓覺夜寒無。客有桂陽至，能吟山鷓鴣。清風動臆竹，越鳥起相呼。持此足爲樂，何煩笙與箏？

與周剛青溪玉鏡潭宴別

康樂上官去，永嘉遊石門。江亭有孤嶼，千載蹟猶存。我來憩秋浦，三入桃陂源。千峯照積雪，萬壑盡號猿。興與謝公合，文因周子論。掃崖去落葉，席月開金樽。溪當大樓南，溪水正南奔。迴作玉鏡潭，澄明洗心魂。此中得佳境，可以絕羶喧。清夜方歸來，酣歌出平原。別後經此地，爲予謝蘭蓀。

遊秋浦白筇陂二首

何處夜行好？月明白筇陂。山光搖積雪，猿影挂寒枝。但恐佳景晚，小令歸棹移。人來有清興，及此有相思！
白筇夜長嘯，爽然溪谷寒。魚龍動跋水，處處生波瀾。天借一明月，飛來碧雲端。故鄉不可見，腸斷正西看！

汎沔州城南郎官湖

乾元歲秋八月，自遷於夜郎，遇故人尚書郎張謂，出使夏口，沔州牧杜公漢陽王公，觴於江城之南湖。樂天下之再平也。方夜，水月如練，清光可掇。張公殊有勝概，四望超然，乃顧白曰：『此湖古來賢豪遊者非一，而枉踐佳景，寂寥無間，夫子可爲我標之嘉名，以傳不朽。』白因舉酒酌水，號之曰『郎官湖』，亦猶鄭圃之有僕射陂也。席上文士輔翼岑靜，以爲知言。乃命賦詩紀事，刻石湖側，將與大別山共相磨滅焉。

張公多逸興，共汎沔城隅。當時秋月好，不減武昌都。四座醉清光，爲歡古來無。郎官愛此水，因號郎官湖。風流若未減，名與此山俱。

夜汎洞庭尋裴侍御清酌

日晚湘水綠，孤舟無端倪。明湖漲秋月，獨汎巴陵西。遇蓂斐逸人，巖居陵丹梯。抱琴出深竹，爲我彈鷓鴣。曲盡酒亦傾，北臆醉如泥。人生且行樂，何必組與珪！

與南陵常贊府遊五松山

安石汎溟渤，獨嘯長風還。逸韻動海上，高情出人閒。靈異可竝躋，澹然與世閒。我來五松下，置酒窮躋攀。徵古絕遺老，因名五松山。五松何清幽，勝境美沃洲。蕭颯鳴洞壑，終年風雨秋。響入百泉去，聽如三峽流。剪竹掃天花，且從傲吏遊。龍堂若可憩，吾欲歸

精脩。

宣城清溪

清溪勝桐廬，水木有佳色。山貌日高古，石容天傾側。綵鳥昔未名，白猿初相識。不見同懷人，對之空歎息。

遊水西簡鄭明府

天宮水西寺，雲錦照東郭。清鳴鶴迴溪，綠竹繞飛閣。涼風日蕭灑，幽客時憩泊。五月思貂裘，謂言秋霜落。石蘿引古蔓，岸菊開新籜。吟翫空復情，相思爾佳作。鄭公詩人秀，逸韻宏寥廓。何當一來遊，慎我雪山諾。

九日登山

淵明歸去來，不與世相逐。爲無杯中物，遂偶本州牧。因招白衣人，笑酌黃花菊。我來不得意，虛過重陽時。題輿何俊發，遂結城南期。築土接響山，俯臨宛水湄。胡人叫玉笛，越女彈霜絲。自作英王胄，斯樂不可癡。赤鯉湧琴高，白龜道冰夷。靈仙如彷彿，奠酌遙相知。古來登高人，今復幾人在。滄洲違宿諾，明日猶可待。連山似驚波，合沓出溟海。揚袂揮四座，酹酌安所知。齊歌送清觴，起舞亂參差。賓隨落葉散，帽逐秋風吹。別後登此臺，願言長相思。

九日

今日雲景好，水綠秋山明。攜壺酌流霞，舉菊泛寒榮。地遠松石古，風揚筱管清。窺觴照歡顏，獨笑還自傾。落帽醉山月，空歌懷友生。

陪族叔當塗宰遊化城寺升公清風亭

化城若化出，金勝天宮開。疑是海上雲，飛空結樓臺。升公湖上秀，粲然有辯才。濟人不利己，立俗無嫌猜。了見水中月，青蓮出塵埃。閑居清風亭，左右清風來。當暑陰廣殿，太陽爲徘徊。若酌待幽客，珍盤薦彫梅。飛文何灑落，萬象爲之摧。季父擁鳴琴，德聲布雲雷。雖遊道林室，亦舉陶潛杯。清樂動諸天，長松自吟哀。留歡若可盡，劫石乃成灰。

登錦城散花樓

日照錦城頭，朝光散花樓。金牕夾繡戶，珠箔懸瓊鉤。飛梯綠雲中，極目散我憂。暮雨向三峽，春江繞雙流。今來一登望，如上九天遊。

登峨眉山

蜀國多仙山，峨眉竊難匹。周流試登覽，絕怪安可悉。青冥倚天開，彩錯疑畫出。冷然紫霞賞，果得錦囊術。雲間吟瓊簫，石上弄寶瑟。平生有微尚，歡笑自此畢。煙容如在顏，塵累忽相失。儻逢騎羊子，攜手凌白日。

大庭庫

朝登大庭庫，雲物何蒼然。莫辨陳鄭火，空羅鄒魯煙。我來尋梓愼，觀化入寥天。古木翔氣多，松風如五絃。帝圖終冥沒，歎息滿山川。

登單父陶少府半月臺

陶公有逸興，不與常人俱。築臺像半月，迴向高城隅。置酒望白雲，商飈起寒梧。秋山入遠海，桑柘羅平蕪。水色綠且明，令人思鏡湖。終當過江去，愛此暫踟躕。

天台曉望

天台鄰四明，華頂高百越。門標赤城霞，樓棲滄島月。憑高遠登覽，直下見溟渤。雲垂大鵬翻，波動巨鼉沒。風潮爭洶湧，神怪何翕忽。觀奇蹟無倪，好道心不歇。攀條摘朱實，服藥鍊金骨。安得生羽毛，千春臥蓬闕。

早望海霞邊

四明三千里，朝起赤城霞。日出紅光散，分輝照雪崖。一餐噉瓊液，五內發金沙。舉手何所待，青龍白虎車。

焦山杳望松寥山

石壁望松寥，宛然在碧霄。安得五彩虹，架天作長橋。仙人如愛我，舉手來相招。

登太白峯

西上太白峯，夕陽窮登攀。太白與我語，爲我開天關。願乘冷風去，直出浮雲間。舉手可近月，前行若無山。一別武功去，何時復更還？

登鄆郡洪波臺置酒觀發兵

我把兩赤羽，來遊燕趙間。天狼正可射，感激無時閑。觀兵洪波臺，倚劍望玉關。請纓不繫越，且向燕然山。風引龍虎旗，歌鐘昔

追攀。擊筑落高月，投壺破愁顏。遙知百戰勝，定掃鬼方還。

登廣武古戰場懷古

秦鹿奔野草，逐之若飛蓬。項王氣蓋世，紫電明雙瞳。呼吸八千人，橫行起江東。赤精斬白帝，叱咤入關中。兩龍不並躍，五緯與天同。楚滅無英圖，漢興有來功。按劍清八極，歸酣歌大風。伊昔臨廣武，連兵決雌雄。分我一杯羹，太皇乃汝翁。戰爭有古蹟，壁壘頽層穹。猛虎吟洞壑，飢鷹鳴秋空。翔雲列曉陣，殺氣赫長虹。撥亂屬豪聖，俗儒安可通。沈湎呼豎子，狂言非至公。撫掌黃河曲，嘯嗤阮嗣宗。

登金陵冶城西北謝安墩

晉室昔橫潰，永嘉遂南奔。沙塵何茫茫，龍虎鬪朝昏。胡馬風漢草，天驕蹙中原。哲匠感頹運，雲鵬忽飛翻。組練照楚國，旌旗連海門。西秦百萬衆，戈甲加雲屯。投鞭可填江，一掃不足論。皇運有反正，醜虜無遺魂。談笑遏橫流，蒼生望斯存。冶城訪古蹟，猶有謝安墩。憑覽周地險，高標絕人喧。想像東山姿，緬懷右軍言。枳桐識佳樹，蕙草留芳根。白鷺映春洲，青龍見朝墩。地古雲物在，臺傾禾黍繁。我來酌清波，於此樹名園。功成拂衣去，歸入武陵源。

登梅岡望金陵贈族姪高座寺僧中孚

鍾山抱金陵，霸氣昔騰發。天開帝王居，海色照宮闕。羣峯如逐鹿，奔走相馳突。江水九道來，雲端遙明沒。時遷大運去，龍虎蟄休歇。我來屬天清，登覽窮楚越。吾宗挺禪伯，特秀鸞鳳骨。衆星羅

青天朗者獨有月。冥居順生理。草木不翦伐。煙聽引薔薇。石壁老野蕨。吳風謝安履。自足傲履襪。幾宿一下山。蕭然忘干謁。談經演金榻。降鶴舞海雪。時聞天香來。了與世事絕。佳遊不可得。春去惜遠別。賦詩留巖屏。千載庶不滅。

望廬山瀑布

西登香爐峯。南見瀑布水。挂流三百丈。噴擊數十里。歛如飛電來。隱若白虹起。初驚河漢落。半灑雲天裏。仰觀勢轉雄。壯哉造化功。海風吹不斷。江月照還空。空中亂深射。左右洗青壁。飛珠散輕霞。流沫沸穹石。而我遊名山。對之心益閑。無論漱瓊液。且得洗塵顏。且偕宿所好。永願辭人間。

日照香爐生紫煙。遙看瀑布挂長川。飛流直下三千尺。疑是銀河落九天。

江上望皖公山

奇峯出奇雲。秀木含秀氣。清宴皖公山。巉絕稱人意。獨遊滄江上。終日淡無味。但愛茲嶺高。何由討靈異。默然遙相許。欲往心莫遂。待吾還丹成。投躡歸此地。

望黃鶴山

東望黃鶴山。雄雉半空出。四面生白雲。中峯倚紅日。巖槽行穹跨。峯嶂亦冥密。頗聞列仙人。於此學飛術。一朝向蓬海。千載空石室。金甕生煙埃。玉潭祕清醴。地古遺草木。庭寒老芝朮。蹇余羨攀躋。因欲保閑逸。觀奇徧諸嶽。茲嶺不可匹。結心寄青松。永悟客

情畢。

九日登巴陵置酒望洞庭水軍

九日天氣清。登高無秋雲。造化關川嶽。了然楚漢分。長風鼓橫波。合沓登龍文。憶昔傳遊豫。樓船壯橫汾。今茲討鯨鯢。旌旆何續紛。白羽落酒罇。洞庭羅三軍。黃花不撥手。戰鼓遙相聞。劍舞轉贛陽。當時日停曛。酣歌激壯士。可以摧妖氛。躡蹠束籬下。淵明不足羣。

秋登巴陵望洞庭

清晨登巴陵。周覽無不極。明湖映天光。徹底見秋色。秋色何蒼然。際海俱澄鮮。山青滅遠樹。水綠無寒煙。來帆出江中。去鳥向日邊。風清長沙浦。霜空雲夢田。瞻光惜鬢髮。閱水悲徂年。北渚既蕩漾。東流自潺湲。鄙人唱白雪。越女歌採蓮。聽此更腸斷。憑崖淚如泉。

登巴陵開元寺西閣贈衡嶽僧方外

衡嶽有開士。五峯秀真骨。見君萬里心。海水照秋月。大臣南溟去。問道皆請謁。灑以甘露言。清涼潤肌髮。明湖落天鏡。香閣凌銀闕。登眺餐惠風。新花期啓發。

金陵望漢江

漢江迴萬里。派作九龍盤。橫潰豁中國。崖鬼飛迅湍。六帝淪亡後。三吳不足解。我君混區宇。垂拱衆流安。今日任公子。滄浪罷釣竿。

登敬亭北二小山，余時客逢崔侍御，並登此地。

送客謝亭北，逢君縱酒還。屈盤戲白馬，大笑上青山。迴隴指長安，西日落秦關。帝鄉三千里，杳在碧雲間。

安州應城玉女湯作

神女歿幽境，湯池流大川。陰陽結炎炭，造化開靈泉。地底燦朱火，沙傍散素煙。沸珠躍晴月，皎鏡涵空天。氣浮蘭若滿，色漲桃花然。精覽萬殊入，潛行七澤連。愈疾功莫尙，變盈道乃全。濯纓掬清泚，晞髮弄潺湲。散下楚王國，分澆宋玉田。可以奉巡幸，奈何隔窮偏。獨隨朝宗水，赴海輸微涓。

之廣陵，宿常二南郭幽居

綠水接柴門，有如桃花源。忘憂或假草，滿院羅叢萱。暄色湖上來，微雨飛南軒。故人宿茅宇，夕鳥歸楊園。遺惜詩酒別，深爲江海言。明朝廣陵道，獨憶此傾樽。

鄧門秋懷

鄧門一爲客，巴月三成弦。朔風正搖落，行子愁歸旋。杳杳山外日，茫茫江上天。人迷洞庭水，雁度瀟湘煙。清曠偕夙好，緇磷及此年。百齡何蕩漾，萬化相推遷。空謁蒼梧帝，徒尋溟海仙。已聞蓬嶽淺，豈見三桃園。倚劍增浩歎，捫襟還自憐。終當遊五湖，濯足滄浪泉。

荆門浮舟望蜀江

春水月峽來，浮舟望安極。正見桃花流，依然錦江色。江色綠

且明，茫茫與天平。透迤巴山盡，搖曳楚雲行。雪照來沙雁，花飛出谷鶯。芳洲卻已轉，碧樹森森迎。流目浦煙夕，揚帆海月生。江陵識遙火，應到渚宮城。

上三峽

巫山夾青天，巴水流若茲。巴水忽可盡，青天無到時。三朝上黃牛，三暮行太遲。三朝又三暮，不覺髮成絲。

自巴東舟行，經瞿塘峽，登巫山最高峯，晚還題壁

江行幾千里，海月十五圓。始經瞿塘峽，遂步巫山巔。巫山高不窮，巴國盡所歷。日邊攀垂蘿，霞外倚穹石。飛步凌絕頂，極目無纖煙。卻顧失丹壑，仰觀臨青天。青天若可捫，銀漢去安在。望雲知蒼梧，記水辨瀛海。周遊孤光晚，歷覽幽意多。積雪照空谷，悲風鳴森柯。歸途行欲曠，佳趣尙未歇。江寒早噉猿，松暝已吐月。月色何悠悠，清猿響啾啾。辭山不忍聽，揮策還孤舟。

江行寄遠

劍木出吳楚，危樑百餘尺。疾風吹片帆，日暮千里隔。別時酒猶在，已爲異鄉客。思君不可得，愁見江水碧。

下涇縣，陵陽溪至澁灘

澁灘鳴嘈嘈，兩山足猿獠。白波若卷雪，側石不容舫。漁人與舟人，撐折萬張篙。

下陵陽，沿高溪，三門六刺灘

三門橫峻灘，六刺走波瀾。石驚虎伏起，水狀龍縈盤。何慚七

里瀨，使我欲垂竿！

宿鰕湖。

雞鳴發黃山，噴投鰕湖宿。白雨映寒山，森森似銀竹。携攜採
鉛客，結荷水邊沐。半夜四天開，星河爛人目。明晨大樓去，闔隴多
屈伏。當與持斧翁，前溪伐雲木。

西施。

西施越溪女，出自苧蘿山。秀色掩今古，荷花羞玉顏。浣紗弄
碧水，自與清波閑。皓齒信難開，沈吟碧雲間。句踐徵絕豔，揚蛾入
吳關。携攜館娃宮，杳渺詎可攀。一破夫差國，千秋竟不還。

王右軍。

右軍本清真，瀟灑在風塵。山陰遇羽客，要此好鴟賓。掃素寫
道經，筆精妙入神。書罷籠鵝去，何曾別主人？

上元夫人。

上元誰夫人，偏得王母嬌。嵯峨三角髻，餘髮散垂腰。裘披青
毛錦，身著赤霜袍。手提贏女兒，閑與鳳吹簫。眉語兩自笑，忽然隨
風飄。

商山四皓。

白髮四老人，昂藏南山側。偃臥松雪閒，冥翳不可識。雲臆拂
青靄，石壁橫翠色。龍虎方戰爭，於焉自休息。秦人失金鏡，漢祖昇
紫極。陰虹濁太陽，前星遂淪匿。一行佐明兩，歛起生羽翼。功成身
不居，舒卷在胸臆。宵冥合元化，茫昧信難測。飛聲塞天衢，萬古仰

遺蹟。

自廣平乘醉走馬六十里，至邯鄲登城樓，覽古書懷。
醉騎白花駱，西走邯鄲城。揚鞭動柳色，寫轡春風生。入郭登
高樓，山川與雲平。深宮繚綠草，萬事傷人情。相如章華嶺，猛氣折
秦嶽。兩虎不可鬪，公終負荆。携携袴中兒，杵臼及稭嬰。空孤獻
白刃，必死耀丹誠。平原三千客，談笑盡豪英。毛君能穎脫，二國且
同盟。皆為黃泉土，使我涕縱橫。磊磊石子岡，蕭蕭白楊聲。諸賢沒
此地，碑版有殘銘。太古共今時，由來互衰榮。傷哉何足道，感激仰
空名。禮俗愛長劍，文儒少逢迎。閑從博陵遊，帳飲雪朝醒。歌酣易
水動，鼓震叢臺傾。日落把燭歸，凌晨向燕京。方陳五鉞策，一使胡
塵清。

蘇武。

蘇武在匈奴，十年持漢節。白雁上林飛，空傳一書札。牧羊邊
地苦，落日歸心絕。渴飲月窟冰，飢餐天上雪。東還沙塞遠，北愴河
梁別。泣把李陵衣，相看淚成血。

經下邳圯橋懷張子房。

子房未虎嘯，破產不為家。滄海得壯士，椎秦博浪沙。報韓雖
不成，天地皆振動。潛度遊下邳，豈日非智勇。我來圯橋上，懷古欽
英風。唯見碧流水，曾無黃石公。歎息此人去，蕭條徐泗空。

秋夜板橋浦汎月獨酌懷謝朓。

天上何為有，迢迢白玉繩。斜低建章闕，耿耿對金陵。漢水傷

如練，霜江夜清澄。長川瀉落月，洲渚晚寒凝。獨酌板橋浦，古人誰可徵？空離難再得，灑酒氣填膺。

金陵新亭

金陵風景好，豪士集新亭。舉目山河異，偏傷周顛情。四座楚囚悲，不覺社稷傾。王公何慷慨，千載仰雄名。

過彭蠡湖

謝公入彭蠡，因此遊松門。余方窺石鏡，兼得窮江源。前賞蹟可見，後來道空存。而欲繼風雅，豈唯清心魂？雲海方助興，波濤何足論。青嶂憶遙月，綠蘿鳴愁猿。水碧或可採，金膏祕莫言。余將振衣去，羽化出羣煩。

望鸚鵡洲悲禰衡

魏帝營八極，蟻觀一禰衡。黃祖斗筭人，殺之受惡名。吳江賦鸚鵡，落筆超羣英。鏘鏘振金玉，句句欲飛鳴。鸞鳴啄孤鳳，千春傷我情。五嶽起方寸，隲然詎可平？才高竟何施，寡識冒天刑。至今芳洲上，蘭蕙不忍生。

宿巫山下

昨夜巫山下，猿聲夢裏長。桃花飛綠水，三月下瞿塘。雨色風吹去，南行拂楚王。高邱懷宋玉，訪古一霑裳。

金陵白楊十字卷

白楊十字巷，北夾湖溝道。不見吳時人，空生唐年艸。天地有反覆，宮城盡傾倒。六帝餘古邱，樵蘇泣遺老。

經南陔題五松山

聖達有去就，潛光愚其德。魚與龍同池，龍去魚不測。當時版築畫，豈知傳說情？一朝和殷人，光氣爲列星。伊尹生空桑，捐庖佐皇極。桐宮放太甲，攝政無愧色。三年帝道明，委質終輔翼。曠哉至人心，萬古可爲則。時命或大謬，仲尼將奈何？鸞鳳忽覆巢，麒麟不來過。龜山蔽魯國，有斧且無柯。歸去來，歸去來，宵濟越洪波。

姑熟十詠

姑熟谿

愛此溪水閑，乘流興無極。漾楫怕鷗鷺，垂竿待魚食。波翻曉霞影，岸疊春山色。何處浣紗人，紅顏未相識。

丹陽湖

湖與元氣連，風波浩難止。天外買客歸，雲間片帆起。龜遊蓮葉上，鳥宿蘆花裏。少女棹輕舟，歌聲逐流水。

謝公宅

青山日將暝，寂寞謝公宅。竹裏無人聲，池中虛月白。荒庭衰草徧，廢井蒼苔積。唯有清風閑，時時起泉石。

陵歎臺

曠望登古臺，臺高極人目。巖嶂列遠空，雜花開平陸。閒雲入牕牖，野翠生松竹。欲覽碑上文，苔侵豈堪讀？

桓公井

桓公名已古，廢井曾未竭。石甃冷蒼苔，寒泉湛孤月。秋來桐

十八家詩鈔 卷六

覽落春至桃還發。路遠人罕窺。誰能見清激？

慈姥竹

野竹攢石生，含煙映江島。翠色落波深，虛聲帶寒早。龍吟曾未聽，鳳曲吹應好。不學蒲柳凋，貞心常自保。

望夫山

寫望臨碧空，怨情感離別。江草不知愁，巖花但爭發。雲山萬重隔，音信千里絕。春去秋復來，相思幾時歇？

牛渚磯

絕壁臨巨川，連峯勢相向。亂石流沓開，迴波自成浪。但驚羣木秀，莫測精靈狀。更聽猿夜嘯，憂心醉江上。

靈墟山

丁令辭世人，拂衣向仙路。伏鍊九丹成，方隨五雲去。松蘿蔽幽洞，桃杏深隱處。不知曾化鶴，遼海歸幾度？

天門山

迴出江上山，雙峯自相對。岸映松色寒，石分浪花碎。參差遠天際，繚繚晴霞外。落日舟去遙，迴首沈青靄。

與元丹邱方城寺談立作

茫茫大夢中，唯我獨先覺。轉轉風火來，假合作容貌。滅除昏疑盡，領略入精要。澄慮觀此身，因得通寂照。朗悟前後際，始知金仙妙。幸逢禪居人，酌玉坐相召。彼我俱若喪，雲山豈殊調。清風生

虛空，明月見談笑。怡然青蓮宮，永願恣遊眺。

尋高鳳石門山中元丹邱

尋幽無前期，乘興不覺遠。蒼崖渺難涉，白日忽欲晚。未窮三四山，已歷千萬轉。寂寂聞猿愁，行行見雲收。高松上好月，空谷宜清秋。谿深古雪在，石斷寒泉流。峯巒秀中天，登眺不可盡。丹邱遙相呼，顧我忽而哂。遂造窮谷間，始知靜者閑。留歡達永夜，清曉方言還。

安州般若寺水閣納涼，喜遇薛員外又

翛然金闕賞，遠近合晴光。樓臺成海氣，草木皆天香。忽逢青雲士，共解丹霞裳。水退池上熱，風生松下涼。吞討破萬象，窺窺臨衆芳。而我遺有漏，與君用無方。心垢都已滅，永言題禪房。

月下獨酌四首

花間一壺酒，獨酌無相親。舉杯邀明月，對影成三人。月既不解飲，影徒隨我身。暫伴月將影，行樂須及春。我歌月徘徊，我舞影凌亂。醒時同交歡，醉後各分散。永結無情游，相期邈雲漢。

天若不愛酒，酒星不在天。地若不愛酒，地應無酒泉。天地既愛酒，愛酒不愧天。已聞清比聖，復道濁如賢。賢聖既已飲，何必求神仙。三杯通大道，一斗合自然。但得醉中趣，勿為醒者傳。

三月咸陽時，千花畫如錦。誰能春獨愁，對此徑須飲。窮通與修短，造化夙所稟。一樽齊死生，萬事固難審。醉後失天地，兀然就孤枕。不知有吾身，此樂最為甚。

窮愁千萬端，美酒三百杯。愁多酒雖少，酒傾愁不來。所以用

酒聖酒酣自開。辭粟臥首陽，屢空飢顏回。當代不樂飲，虛名安用哉。蟹螯卽金液，糟邱是蓬萊。且須飲美酒，乘月醉高臺。

春歸終南山松龍舊隱

我來南山陽，事事不異昔。卻尋溪中水，還望巖下石。薔薇緣東隄，女蘿遶北壁。別來能幾日，草木長數尺。且復命酒榼，獨酌陶永夕。

冬夜醉宿龍門覺起言志

醉來脫寶劍，旅憩高堂眠。中夜忽驚覺，起立明燈前。開軒聊直望，曉雪河冰壯。哀哀歌苦寒，鬱鬱獨惆悵。傳說版築臣，李斯鷹犬人。颺起匡社稷，寤復長艱辛。而我胡爲者，歎息龍門下。富貴未可期，殷憂向誰寫。去去淚滿襟，舉聲梁甫吟。青雲當自致，何必求知音。

尋山僧不遇作

石徑入丹壑，松門閉青苔。閑階有鳥蹟，禪室無人開。窺牕見白拂，挂壁生塵埃。使我空歎息，欲去仍徘徊。香雲隔山起，花雨從天來。已有空樂好，況聞青猿哀。了然絕世事，此地地方悠哉。

過汪氏別業二首

遊山誰可遊，子明與浮邱。疊嶺礙河漢，連峯橫斗牛。汪生面北阜，池館清且幽。我來感意氣，搥俎列珍羞。掃石待歸月，開池漲寒流。酒酣益爽氣，爲樂不知秋。

疇昔未識君，知君好賢才。隨山起館宇，鑿石營池臺。大火五

月中，景風從南來。數枝石榴發，一丈荷花開。恨不當此時，相過醉金盃。我行值木落，月苦清猿哀。永夜達五更，吳歎送瓊杯。酒酣欲起舞，四座歌相催。日出遠海明，軒車且徘徊。更遊龍潭去，枕石拂莓苔。

待酒不至

玉壺繫青絲，沽酒來何遲。山花向我笑，正好銜杯時。晚酌東隄下，流鶯復在茲。春風與醉客，今日乃相宜。

獨酌

春草如有意，羅生玉堂陰。東風吹愁來，白髮坐相侵。獨酌勸孤影，閑歌面芳林。長松爾何知，蕭瑟爲唯吟。手舞石上月，膝橫花間琴。過此一壺外，悠悠非我心。

友人會宿

滌蕩千古愁，留連百壺飲。良宵宜清談，皓月未能寢。醉來臥空山，天地即衾枕。

春日獨酌二首

東風扇淑氣，水木榮春暉。白日照綠草，落花散且飛。孤雲還空山，衆鳥各已歸。彼物皆有託，吾生獨無依。對此石上月，長歌醉芳菲。

我有紫霞想，緬懷滄洲間。且對一壺酒，澹然萬事閑。橫琴倚高松，把酒望遠山。長空去鳥沒，落日孤雲還。但悲光景晚，宿昔成秋顏。

金陵江上，遇蓬池隱者。

心愛名山遊，身隨名山遠。羅浮麻姑臺，此來或未返。遇君蓬池隱，就我石上飯。空言不成歡，強笑惜日晚。綠水向雁關，黃雲蔽龍山。歎息兩客鳥，徘徊吳越間。一語一執手，留連夜將久。解我紫綺裘，且換金陵酒。酒來笑復歌，興酣樂事多。水影弄月色，清光奈愁何。明晨挂帆席，離恨滿滄波。

日夕山中忽然有懷

久臥名山雲，遂寫名山客。山深雲更好，賞弄終日夕。月銜樓閣峯，泉漱階下石。素心自此得，真趣非外借。颺颺桂方秋，風滅籟歸寂。緬思洪崖術，欲往滄海隔。雲車來何遲，撫己空歎息。

春日醉起言志

處世若大夢，胡為勞其生。所以終日醉，頽然臥前楹。覺來眊庭前，一鳥花間鳴。借問此何時，春風語流鶯。感之欲歎息，對酒還自傾。浩歌待明月，曲盡已忘情。

廬山東林寺夜懷

我尋青蓮宇，獨往謝城關。岳清東林鐘，水白虎溪月。天香生虛空，天樂鳴不歇。宴坐寂不動，大千入毫髮。湛然冥真心，曠劫斷出沒。

對酒

勸君莫拒杯，春風笑人來。桃李如舊識，傾花向我開。流鶯嚙碧樹，明月窺金盞。昨來朱顏子，今日白髮催。棘生石虎殿，鹿走姑蘇臺。

蘇臺自古帝王宅，城闕閉黃埃。君若不飲酒，昔人安在哉？

嘲王歷陽不肯飲酒

地白風色寒，雪花大如手。笑殺陶淵明，不飲杯中酒。浪撫一

張琴，虛裁五株柳。空負頭上巾，吾於爾何有？

憶崔郎中宗之遊南陽，遺吾孔子琴，撫之潸然感舊

昔在南陽城，唯餐獨山蕨。憶與崔宗之，白水弄素月。時過菊潭上，縱酒無休歇。汎此黃金花，頽然清歌發。一朝摧玉樹，生死殊飄忽。留我孔子琴，琴存人已沒。誰傳廣陵散，但哭邛山骨。泉戶何時明，長歸狐兔窟。

望月有懷

清泉映疏松，不知幾千古。寒月搖輕波，流光入牕戶。對此空長吟，思君意何深。無因見安道，興盡愁人心。

春滯沅湘，有懷山中

沅湘春色還，風暖煙草綠。古之傷心人，於此腸斷續。予非懷沙客，但美採菱曲。所願歸東山，寸心於此足。

落日憶山中

雨後煙景綠，晴天散餘霞。東風隨春歸，發我枝上花。花落時欲暮，見此令人嗟。願遊名山去，學道飛丹砂。

憶秋浦桃花舊遊時，竄夜郎

桃花春水生，白石今出沒。搖蕩女蘿枝，半挂青天月。不知舊行徑，初春幾枝蕨。三載夜郎還，於茲鍊金骨。

越中秋懷

越水繞碧山周迴數千里。乃是天鏡中。分明畫相似。愛此從
冥搜。永懷臨淵遊。一爲滄波客。十見紅葉秋。觀濤壯天險。望海令
人愁。路遐迫西照。歲晚悲東流。何必探禹穴。誓將歸蓬邱。不然五
湖上。亦可乘扁舟。

效古二首

朝入天苑中。謁帝蓬萊宮。青山映輦道。碧樹搖煙空。謬題金
闈籍。得與銀臺通。待詔奉明主。抽毫頌清風。歸時落日晚。躑躅浮
雲驪。人馬本無意。飛馳自豪雄。入門紫鴛鴦。金井雙梧桐。清歌弦
古曲。美酒沽新豐。快意且爲樂。列筵坐羣公。光景不可留。生世如
轉蓬。早達勝晚遇。羞比垂釣翁。

自古有秀色。西施與東鄰。娥眉不可妒。況乃效其聊。所以尹
媿好。羞見邢夫人。低頭不出氣。塞默少精神。寄語無鹽子。如君何
足珍。

感遇二首

寶劍雙蛟龍。雪花照芙蓉。精光射天地。電騰不可衝。一去別
金匣。飛沈失相從。風胡歿已久。所以潛其鋒。吳水深萬丈。楚山邈
千重。雌雄終不隔。神物會當逢。

咸陽二三月。百鳥鳴花枝。玉劍誰家子。西秦豪俠兒。日暮醉
酒歸。白馬驕且馳。意氣人所仰。遊冶方及時。子雲不曉事。晚獻長
楊詞。賦達身已老。草玄鬢若絲。投閣良可歎。但爲此輩嗤。

擬古十二首

青天何歷歷。明星白如石。黃姑與織女。相去不盈尺。銀河無
鵲橋。非時將安適。閨人理素素。遊子悲行役。瓶冰知冬寒。霜露欺
遠客。客似秋葉飛。飄飄不言歸。別後羅帶長。愁寬去時衣。乘月託
宵夢。因之寄金微。

高樓入青天。下有白玉堂。明月看欲墮。當懸懸清光。遙夜一
美人。羅衣霑秋霜。含情弄柔瑟。彈作陌上桑。弦聲何激烈。風卷繞
飛梁。行人皆躑躅。棲鳥去回翔。但寫妾意苦。莫辭此曲傷。願逢同
心者。飛作紫鴛鴦。

長傭難繫日。自古共悲辛。黃金高北斗。不惜買陽春。石火無
留光。還如世中人。卽事已如夢。後來我誰身。提壺莫辭貧。取酒會
四鄰。仙人殊恍惚。未若醉中真。

清都綠玉樹。灼爍瑤臺春。藝花弄秀色。遠贈天仙人。香風送
紫蕊。直到扶桑津。恥撥世上豔。所貴心之珍。相思傳一笑。聊欲示
情親。

今日風日好。明日恐不如。春風笑於人。何乃愁自居。吹簫舞
彩鳳。酌醴醢神魚。千金買一醉。取樂不求餘。達士遺天地。東門有
二疏。愚夫同瓦石。有才知卷舒。無事坐悲苦。塊然涸轍魚。

運速天地閉。胡風結飛霜。百艸死冬月。六龍頽西荒。太白出
東方。彗星揚精光。鴛鴦非越鳥。何爲眷南翔。惟昔鷹將犬。今爲侯
與王。得水成蛟龍。爭池奪鳳皇。北斗不酌酒。南箕空簸揚。

世路今太行，迴車竟何託。萬族皆凋枯，遂無少可樂。曠野多白骨，幽魂共銷鑠。榮貴當及時，春華宜照灼。人非崑山玉，安得長璀璨。身沒期不朽，榮名在麟閣。

月色不可掃，客愁不可道。玉露生秋衣，流螢飛百草。日月終銷毀，天地同枯槁。蟪蛄噉青松，安見此樹老。金丹寧誤俗，味者難精討。爾非千歲翁，多恨去世早。飲酒入玉壺，藏身以為寶。

生者為過客，死者為歸人。天地一逆旅，同悲萬古塵。月兔空搗藥，扶桑已成薪。白骨寂無言，青松豈知春。前後更歎息，浮榮何足珍。

仙人騎彩鳳，昨下閬風岑。海水三清淺，桃源一見尋。遺我綠玉杯，兼之紫瓊琴。杯以傾美酒，琴以閑素心。二物非世有何論，珠與金琴彈松裏風。杯勸天上月，風月長相知。世人何倏忽。

涉江弄秋水，愛此荷花鮮。攀荷弄其珠，蕩漾不成圓。佳期綵雲重，欲贈隔遠天。相思無由見，悵望涼風前。

去去復去去，辭君還憶君。漢水既殊流，楚山亦此分。人生難稱意，豈得長為羣。越鷺喜海日，燕鴻思朔雲。別久容華晚，琅玕不能飯。日落知天昏，夢長覺道遠。望夫登高山，化石竟不返。

感興八首

瑤姬天帝女，精彩化朝雲。宛轉入夢宵，無心向楚君。錦衾抱秋月，綺席空蘭芬。茫昧竟誰測，虛傳宋玉文。

濟浦有宓妃，飄飄雪爭飛。輕雲拂素月，了可見清輝。解珮欲

西走，含情詎相違。香塵動羅襪，綠水不沾衣。陳王徒作賦，神女豈同歸。好色傷大雅，多為世所譏。

裂素持作書，將寄萬里懷。眷眷待遠信，竟歲無人來。征鴻務從陽，又不為我棲。委之在深篋，蠹魚壞其題。何如投水中，流落他人開。不惜他人開，但恐生是非。

芙蓉嬌綠波，桃李誇白日。偶蒙春風榮，生此豔陽質。豈無佳人色，但恐花不實。宛轉龍火飛，零落互相失。詎知凌寒松，千載長守一。

十五遊神仙，仙遊未曾歇。吹笙吟松風，汎瑟窺海月。西山玉童子，使我鍊金骨。欲逐黃鶴飛，相呼向蓬閣。西國有美女，結樓青雲端。蛾眉豔曉月，一笑傾城歡。高節奪明主，炯心如凝丹。常恐彩色晚，不為人所觀。安得配君子，共成雙飛鸞。

竭來荆山客，誰為珉玉分。良寶絕見棄，虛持三獻君。直木忌先伐，芬蘭哀自焚。盈滿天所損，沈冥道所羣。東海有碧水，西山多白雲。魯連及夷齊，可以躡清芬。

嘉穀隱豐草，草深苗且稀。農夫既不異，孤穗將安歸。常恐委鳴隴，忽與秋蓬飛。烏得薦宗廟，為君生光輝。

寓言三首

周公負斧戢，成王何夔夔。武王昔不豫，翦爪投河淵。賢聖遇讒慝，不免人君疑。天風拔大木，禾黍成傷萎。管蔡扇蒼蠅，公賦鳴

鴟詩。金鑿若不啓，忠信誰明之？

遙裔雙綵鳳，婉孌三青禽。往還瑤臺裏，鳴舞玉山岑。以歡秦娥意，復得王母心。門闥精衛鳥，銜木空長吟。

長安春色歸，先入青門道。綠楊不自持，從風欲傾倒。海鸞還桑宮，雙飛入麗樞。相思不可見，託夢遼東城。

秋夕旅懷

涼風度秋海，吹我鄉思飛。連山去無際，流水何時歸？日夕浮雲色，心斷明月暉。芳草歇柔艷，白露催寒衣。夢長銀漢落，覺罷天星稀。含歎想舊國，泣下誰能揮？

感遇四首

吾愛王子晉，得道伊洛濱。金骨既不毀，玉顏長自春。可憐浮邱公，猗靡與情親。舉手白日閒，分明謝時人。二仙去已遠，夢想空殷勤。

可歎東籬菊，莖疏葉且微。雖言異蘭蕙，亦自有芳菲。未汎盈樽酒，徒沾清露輝。當榮君不採，飄落欲何依？

昔余聞姽婁，竊藥駐雲髮。不自嬌玉顏，方希鍊金骨。飛去身臭返，含笑坐明月。紫宮誇蛾眉，隨手會凋歇。

宋玉事楚王，立身本高潔。巫山賦綵雲，鄧路歌白雪。舉國莫能和，巴人皆卷舌。一惑登徒言，恩情遂中絕。

翰林讀書言懷呈集賢院內諸學士

晨趨紫禁中，夕待金門詔。觀書散遺帙，探古窮至妙。片言苟

會心，掩卷忽而笑。青蠅易相點，白雪難同調。本是疏散人，曷貽編促誚。雲天屬清朗，林壑憶遊眺。或時清風來，閑倚欄下嘯。巖光桐廬溪，謝客臨海嶠。功成謝人君，從此一投釣。

尋陽紫極宮感秋作

何處聞秋聲，偷備北牕竹。迴薄萬古心，攪之不盈掬。靜坐觀衆妙，浩然媚幽獨。白雲南山來，就我檐下宿。嬾從唐生決，羞訪季主卜。四十九年非，一往不可復。野情轉蕭散，世道有翻覆。陶令歸去來，田家酒應熟。

江上秋懷

餐霞臥舊壑，散髮謝遠遊。山蟬號枯桑，始復知天秋。朔雁別海裔，越鷺辭江樓。颯颯風卷沙，茫茫霧縈洲。黃雲結暮色，白水揚寒流。惻愴心自悲，潏潏淚難收。蘅蘭方蕭瑟，長歎令人愁。

秋夕書懷

北風吹雁雁，南度落寒聲。感此瀟湘客，淒其流浪情。海懷結滄洲，霞想遙赤城。始探蓬壺事，旋覺天地輕。澹然吟高秋，閑臥曠太清。蘿月掩空幕，松霜皓前楹。滅見息羣動，獵微窮至精。桃花有源水，可以保吾生。

避地司空原言懷

南風昔不競，衰聖思經綸。劉琨與祖逖，起舞雞鳴晨。雖有匡濟心，終爲樂禍人。我則異於是，潛光皖水濱。卜築司空原，北將天柱鄰。雪霽萬里月，雲開九江春。俟乎太階平，然後託械身。傾家事

金鼎年貌何長新？所願得此道，終然保清真。弄景奔日馭，攀星戲河津。一隨王喬去，長年玉天賓。

南奔書懷

遙夜何漫漫，空歌白石瀾。竊威未匡齊，陳平終佐漢。機槍掃河洛，直刺鴻溝半。歷數方未遷，雲雷屢多難。天人乘旄鉞，虎竹光簿翰。侍筆黃金臺，傳觴青玉案。不因秋風起，自有思歸歎。主將動譏疑，王師忽離叛。自來白沙上，鼓噪丹陽岸。賓御如浮雲，從風各消散。舟中指可掬，城上骸爭饜。草草出近關，行行昧前算。南奔劇星火，北寇無涯畔。顧乏七寶鞭，留連道邊甃。太白夜食昴，長虹日中貫。秦趙興天兵，茫茫九州亂。感遇明主恩，頗高祖遜言。過江誓流水，志在清中原。拔劍擊前柱，悲歌難重論。

荊州賊亂臨洞庭言懷作

修蛇橫洞庭，吞象臨江島。積骨成巴陵，遺言聞楚老。水窮三苗國，地窄三湘道。歲晏天嶢嶢，時危人枯槁。思歸阻喪亂，去國傷懷抱。鄧路方邱墟，章華亦傾倒。風悲猿嘯苦，木落鵝飛早。日隱西赤沙，月明東城草。關河望已絕，氛霧行當掃。長叫天可聞，吾將問蒼昊。

覽鏡書懷

得道無古今，失道還衰老。自笑鏡中人，白髮如霜草。捫心空欺息，問影何枯槁。李竟何言終，成南山皓。

江南春懷

青春幾何時？黃鳥鳴不歇。天涯失鄉路，江外老華髮。心飛秦塞雲，影滯楚關月。身世殊爛漫，田園久蕪沒。歲晏何所從？長歌謝金闕。

魯東門觀刈蒲

魯國寒事早，初霜刈落蒲。揮鎌若轉月，拂水生連珠。此草最可珍，何必貴龍鬚。織作玉牀席，欣承清夜娛。羅衣能再拂，不畏素塵蕪。

詠鄰女東臆海石榴

魯女東臆下，海榴世所稀。珊瑚映綠水，未足比光輝。清香隨風發，落日好鳥歸。願爲東南枝，低舉拂羅衣。無由一攀折，引領望金扉。

南軒松

南軒有孤松，柯葉自緜綠。清風無閒時，瀟灑終日夕。陰生古苔綠，色染秋煙碧。何當凌雲霄，直上數千尺。

求崔山人百丈崖瀑布圖

百丈素崖裂，四山丹壁開。龍潭中噴射，晝夜生風雷。但見瀑泉落，如澗雲漢來。聞君寫真圖，島嶼備縈迴。石黛刷幽草，曾青澤古苔。幽絨儻相傳，何必向天台。

見野草中有名白頭翁者

醉入田家去，行歌荒野中。如何青草裏，亦有白頭翁？折取對明鏡，宛將衰鬢同。微芳似相諂，流恨向東風。

琴禪師房觀山海圖

真僧閉精宇，滅蹟含遠觀。列嶂圖雲山，攢峯入霄漢。丹崖森在目，清晝疑卷幔。蓬壺來軒轅，瀛海入几案。煙濤爭噴薄，島嶼相凌亂。征帆飄空中，瀑水灑天半。崢嶸若可步，想像徒盈歎。杳與真心冥，遂諧靜者翫。如登赤城裏，揭涉滄洲畔。卽事能娛人，從茲得蕭散。

詠桂二首

園花笑芳年，池草豔春色。猶不如槿花，瘦娟玉階側。芬榮何夭促，零落在瞬息。豈若瓊樹枝，終歲長翕翹。

世人種桃李，多在金張門。攀折爭捷徑，及此春風暄。一朝天霜下，榮耀難久存。安知南山桂，綠葉垂芳根。清陰亦可託，何惜樹君園。

宣城長史弟昭贈余琴溪中雙舞鶴詩以見志

令弟佐宣城，贈余琴溪鶴。謂言天涯雪，忽向隴前落。白玉爲毛衣，黃金不肯博。當風振六翮，對舞臨山閣。顧我如有情，長鳴似相託。何當駕此物，與爾騰寥廓。

題隨州紫陽先生壁

神農好長生，風俗久已成。復聞紫陽客，早著丹臺名。喘息餐妙氣，步虛吟真聲。道與古仙合，心將元化并。樓疑出蓬海，鶴似飛玉京。松雪聽外曉，池水階下明。忽耽笙歌樂，頓失軒冕情。終願惠金液，提携凌太清。

題元丹邱山居

故人栖東山，自愛邱壑美。青春臥空林，白日猶不起。松風清襟袖，石潭洗心耳。羨君無紛喧，高枕碧霞裏。

題元丹邱頴陽山居

丹邱家于頴陽，新卜別業。其地北倚馬嶺，運峯嵩邱，南瞻鹿臺，極目汝海。雲巖映鬱，有佳致焉。白從之遊，故有此作。

仙遊渡瀨水，訪隱同元君。忽遺蒼生望，獨與洪崖羣。卜地初晦蹟，興言且成文。卻顧北山斷，前瞻南嶺分。遙通汝海月，不隔嵩雲邱。之子合逸趣，而我欽清芬。舉蹟倚松石，談笑迷朝曛。終願狎青鳥，拂衣棲江濱。

題瓜洲新河餞族叔舍人賁

齊公鑿新河，萬古流不絕。豐功利生人，天地同朽滅。兩橋對雙閣，芳樹有行列。愛此如甘棠，誰云敢攀折。吳關倚此固，天險自茲設。海水落斗門，潮平見沙沈。我行送季父，弭棹徒流悅。楊花滿江來，疑是龍山雪。惜此林下興，愴爲山陽別。瞻望清路塵，歸來空寂蔑。

洗脚亭

白道向姑熟，洪亭臨道旁。前有吳時井，下有五丈牀。樵女洗素足，行人歇金裝。西望白鷺洲，蘆花似朝霜。送君此時去，回首淚成行。

題金陵王處士水亭

王子耽玄言，賢豪多在門。好鴝尋道士，愛竹嘯名園。樹色老荒苑，池光蕩華軒。此堂見明月，更憶陸平原。掃地青玉簾，爲余置金樽。醉罷欲歸去，花枝宿鳥喧。何時復來此，再得洗羶煩。

題嵩山逸人元丹邱山居

白久在廬霍元公近遊嵩山故交深情出處無間。岳信賴及許爲主人欣然適會本意當冀長往不返欲便舉家就之兼書共遊因有此贈

家本紫雲山，道風未淪落。況懷丹邱志，沖賞歸寂寞。竭來遊閩荒，捫涉窮禹鑿。賡緣汎潮海，偃蹇陟廬霍。憑雷蹶天隄，弄景憩霞閣。且欣登眺美，頗愜隱淪諾。三山曠幽期，四嶽聊所託。故人契嵩穎，高義炳丹臆。滅蹟遺紛囂，終言本峯壑。自矜林湍好，不羨市朝樂。偶與真意并，頓覺世情薄。爾能折芳桂，吾亦采蘭若。拙妻好乘鸞，嬌女愛飛鶴。提起訪神仙，從此鍊金藥。

嘲魯儒

魯叟談五經，白髮死章句。問以經濟策，茫如墜煙霧。足著遠遊履，首戴方頭巾。緩步從直道，未行先起塵。秦家丞相府，不重褒衣人。君非叔孫通，與我本殊倫。時事且未達，歸耕汶水濱。

懼讒

二桃殺三士，詎假劍如霜。衆女妬蛾眉，雙花競春芳。魏妹信鄭袖，掩袂對懷王。一惑巧言子，朱顏成死傷。行將泣團扇，戚戚愁人腸。

平虜將軍妻

平虜將軍婦，入門二十年。君心自不悅，妾寵豈得專。出解牀前帳，行吟道上篇。古人不睡井，莫忘昔繚緜。

嵩山采菖蒲者

神人多古貌，雙耳下垂肩。嵩嶽逢漢武，疑是九疑仙。我來采菖蒲，服食可延年。言終忽不見，滅影入雲煙。喻帝竟莫悟，終歸茂陵田。

金陵聽韓侍御吹笛

韓公吹玉笛，個個流英音。風吹繞鍾山，萬壑皆龍吟。王子停鳳管，師襄掩瑤琴。餘響渡江去，天涯安可尋。

白田馬上聞鶯

黃鸝啄紫棋，五月鳴桑枝。我行不記日，誤作陽春時。蠶老客未歸，白田已繅絲。驅馬又前去，捫心空自悲。

雜詩

白日與明月，晝夜尚不閑。況爾悠悠人，安得入世間。傳聞海水上，乃有蓬萊山。玉樹生綠葉，靈仙每登攀。一食駐玄髮，再食留紅顏。吾欲從此去，去之無時還。

寄遠十二首

三鳥別王母，銜書來見過。腸斷若藕絲，其如愁思何。遙知玉臆裏，纖手弄雲和。奏曲有深意，青松交女蘿。寫水落井中，同泉豈殊波。秦心與楚恨，咬咬爲誰多。

青樓何所在？乃在碧雲中。寶鏡挂秋水，羅衣輕春風。新妝坐落日，悵望金屏空。念此送短書，顧因雙飛鴻。本作一行書，殷勤道相憶。一行復一行，滿紙情何極。瑤臺有黃鸝，爲報青樓人。朱顏凋落盡，白髮一何新。自知未應還，離居經三春。桃李今若爲，當應發光彩。莫使香風飄，留與紅芳待。

玉筋落春鏡，坐愁湖陽水。聞與隴麗華，風煙接鄰里。青春已復過，白日忽相催。但恐荷花晚，令人意已摧。相思不惜夢，日夜向陽臺。

遠憶巫山陽，花明綠江暖。躊躇未得往，淚向南雲滿。春風復無情，吹我夢魂斷。不見眼中人，天長音信短。

陽臺隔楚水，春草生黃河。相思無日夜，浩蕩若流波。流波向海去，欲見終無因。遙將一點淚，遠寄如花人。

昔在春陵東，君居漢江島。百里望花光，往來成白道。一爲雲雨別，此地生秋草。秋草秋蛾飛，相思愁落暉。何由一相見，滅燭解羅衣。

憶昨東園桃李紅，碧枝與君此時初別離。金瓶落井無消息，令人行歎復坐思。坐思行歎成楚越，春風玉顏畏銷歇。碧牕紛紛下落花，青樓寂寂空明月。兩不見，但相思。空留錦字表心素，至今緘愁不忍覓。

長矩春草綠，緣門如有情。卷蘿心獨苦，抽卻死還生。親物知妾意，希君種後庭。閑時當采掇，念其莫相輕。

魯縞如玉霜，筆題月支書。寄書白鸚鵡，西海慰離居。行數雖不多，字字有委曲。天末如見之，開緘淚相續。千里若在眼，萬里若在心。相思千萬里，一書直千金。

美人在時花滿堂，美人去後餘空牀。牀中繡被卷不寢，至今三載聞餘香。香亦竟不滅，人亦竟不來。相思黃葉盡，白露溼青苔。愛君芙蓉嬋娟之豔色，若可餐兮難再得。憐君冰玉清炯之明心，情不極兮意已深。朝共琅玕之綺食，夜同鴛鴦之錦衾。恩情婉變忽爲別，使人莫錯亂愁心。亂愁心，涕如雪，寒燈厭夢魂欲絕。覺來相思生白髮，盈盈漢水若可越。可惜凌波步羅襪，美人美人兮，歸去來莫作朝雲飛陽臺。

代贈遠

妾本洛陽人，狂夫幽燕客。渴飲易水波，由來多感激。胡馬西北馳，香鬢搖綠絲。鳴鞭從此去，逐虜蕩邊陲。昔去有好言，不言久離別。燕支多美女，走馬輕風雪。見此不記人，恩情雲雨絕。噉流玉筋盡，坐恨金闈切。織錦作短書，腸隨回文結。相思欲有寄，恐君不見察。焚之揚其灰，手蹟自此滅。

閨情

流水去絕國，浮雲醉故關。水或戀前浦，雲猶歸舊山。恨君流沙去，棄妾漁陽閒。玉筋夜垂流，雙雙落朱顏。黃鳥坐相悲，綠楊誰更攀。織錦心草草，挑燈淚班班。窺鏡不自識，況乃狂夫還。

代別情人

清水本不動，桃花發岸旁。桃花弄水色，波蕩搖春光。我悅子容豔，子傾我文章。風吹綠琴去，曲度紫鸞鴛。昔作一水魚，今成兩枝鳥。哀哀長雞鳴，夜夜達五曉。起折相思樹，歸贈知寸心。覆水不可收，行雲困重尋。天涯有度鳥，莫絕瑤華音。

代秋情

幾日相別離，門前生穠葵。寒蟬聒梧桐，日夕長鳴悲。白露溼螢火，清霜零更絲。空掩紫羅袂，長啼無盡時。

湖邊采蓮婦

小姑織白紵，未解將人語。大嫂采芙蓉，溪湖千萬重。長兄行不在，莫使外人逢。願學秋胡婦，貞心比古松。

學古思邊

銜悲上隴首，腸斷不見君。流水若有情，幽哀從此分。蒼茫愁邊色，惆悵落日曛。山外接遠天，天際復有雲。白鷹從中來，飛鳴苦難聞。足繫一書札，寄言歎離羣。離羣心斷絕，十見花成雪。胡地無春輝，征人行不歸。相思杳如夢，珠淚溼羅衣。

折荷有贈

涉江翫秋水，愛此紅蕖鮮。攀荷弄其珠，蕩漾不成圓。佳人綵雲裏，欲贈隔遠天。相思無因見，悵望涼風前。

秋浦寄內

我今尋陽去，辭家千餘里。結荷見水宿，卻寄大雷書。雖不同辛苦，愴離各自居。我自入秋浦，三年北信疏。紅顏愁落盡，白髮不

能除。有客自梁苑，手攜五色魚。開魚得錦字，歸問我何如？江山雖道阻，意合不爲殊。

自代內贈

寶刀截流水，無有斷絕時。妾意逐君行，纏絲亦如之。別來門前草，春盡秋轉碧。掃盡還更生，萋萋滿行蹟。鳴鳳始相得，雝雝雌各飛。遊雲落何山，一往不見歸。估客發大樓，知君在秋浦。梁空錦衾，陽臺夢行雨。妾家三作相，失勢去西秦。猶有舊歌管，淒清聞四鄰。曲度入紫雲，囂無眼中人。女弟爭笑弄，悲羞淚盈巾。妾似井底桃，開花向誰笑。君如天上月，不肯一回照。窺鏡不自識，別多憔悴深。安得秦吉了，爲人道寸心？

秋浦感主人歸鵲寄內

霜朽楚關木，始知殺氣嚴。寥寥金天廓，婉婉綠紅濇。胡鷺別主人，雙雙語前檐。三飛四回顧，欲去復相瞻。豈不戀華屋，終然謝珠簾。我不及此鳥，遠行歲已淹。寄書道中歎，淚下不能緘。

送內尋廬山女道士李騰空二首

君尋騰空子，應到碧山家。水春雲母碓，風掃石楠花。若戀幽居好，相邀弄紫霞。

多君相門女，學道愛神仙。素手掬青靄，羅衣曳紫煙。一往屏風疊，乘鸞著玉鞭。

在尋陽非所寄內

聞難知痛哭，行嘯入府中。多君同蔡琰，流淚請曹公。知登吳

章嶺，昔與死無分。崎嶇行石道，外折入青雲。相見若悲歎，哀聲那
可聞。

自溧水道哭王炎三首

白楊變行行，白馬悲路傍。晨興見曉月，更似發雲陽。溧水通
吳關，逝川去未央。故人萬化盡，閉骨茅山岡。天上墜玉棺，泉中掩
龍草。名飛日月上，義與風雲翔。逸氣竟莫展，英圖俄夭傷。楚國一
老人，來嗟鬢勝亡。有言不所道，雪泣惜蘭芳。

王公希代寶，棄世一何早。弔死不及哀，殯宮已秋草。悲來欲
脫劍，挂向何枝好。哭向茅山雖未摧，一生淚盡丹陽道。

王家碧瑤樹，一樹忽先摧。海內故人泣，天涯弔鶴來。未成霖
雨用，先天濟川材。一罷廣陵散，鳴琴更不開。

卷七

湘鄉曾國藩纂 合肥李鴻章審訂 東湖王定安校
杜工部五古上百六

奉贈韋左丞丈二十二韻

紈袴不餓死，儒冠多誤身。丈人試靜聽，賤子請具陳。甫昔少
年日，早充觀國賓。讀書破萬卷，下筆如有神。賦料揚雄敵，詩看子
建親。李邕求識面，王翰願下憐。自謂頗挺出，立登要路津。致君堯
舜上，再使風俗淳。此意竟蕭條，行歌非隴淪。騎驢三十載，旅食京
華春。朝扣富兒門，暮隨肥馬塵。殘杯與冷炙，到處濟悲辛。主上頌

見徵，歛然欲求伸。青冥卻垂翅，蹭蹬無縱鱗。甚愧丈人厚，甚知丈
人真。每於百僚上，猥誦佳句新。竊笑貢公喜，難甘原憲貧。焉能心
快快，祇是走踈踈。今欲東入海，即將西去秦。尚憐終南山，回首清
渭濱。常擬報一飯，況懷辭大臣。白鷗沒浩蕩，萬里誰能馴？

送高三十五書記

崑崙小麥熟，且願休王師。請公問主將，焉用窮荒爲？飢鷹未
飽肉，側翅隨人飛。高生跨鞍馬，有似幽并兒。脫身簿尉中，始與捶
楚辭。借問今何官？觸熱向武威。答云一書記，所媿國士知。人實不
易知，更須慎其儀。十年出幕府，自可持旌麾。此行旣特達，足以慰
所思。男兒功名遂，亦在老大時。常恨結驩淺，各在天一涯。又如參
與商，慘慘中腸悲。驚風吹鴻鵠，不得相追隨。黃塵鬢沙漠，念子何
當歸。邊城有餘力，早寄從軍詩。

贈李白

二年客東都，所歷誠機巧。野人對羶腥，蔬食常不飽。豈無青
精飯？使我顏色好。苦乏大藥資，山林跡如掃。李侯金閨彥，脫身事
幽討。亦有梁宋游，方期拾瑤草。

遊龍門奉先寺

已從招提遊，更宿招提境。陰壑生虛籟，月林散清影。天闕象
緯逼，雲臥衣裳冷。欲覺聞晨鐘，令人發深省。

望嶽

岱宗夫如何？齊魯青未了。造化鍾神秀，陰陽割昏曉。盪胸生

層雲決背入歸鳥。會當凌繡頂，一覽衆山小。

陪李北海宴歷下亭

東藩駐卓蓋，北渚凌青荷。海內此亭古，濟南名士多。雲山已發興，玉瓊仍當譌。修竹不受暑，交流空湧波。纊真愜所遇，落日將如何。賁賤俱物役，從公難重過。

贈衛八處士

人生不相見，動如參與商。今夕復何夕？共此燈燭光。少壯能幾時？鬢髮各已蒼。訪舊半爲鬼，驚呼熱中腸。焉知二十載，重上君子堂。昔別君未婚，兒女忽成行。怡然敬父執，問我來何方。問答乃未已，兒女羅酒漿。夜雨剪春韭，晨炊間黃粱。主稱會面難，一舉累十觴。十觴亦不醉，感子故意長。明日隔山岳，世事兩茫茫。

苦雨奉寄隴西公兼呈王徵士

今秋乃淫雨，仲月去寒風。羣木水光下，萬象雲氣中。所思礙行潦，九里信不通。悄悄素澹路，迢迢天漢東。顧瞻六尺馬，背若孤征鴻。劃見公子面，超然慳笑同。奮飛既胡越，曷促傷樊籠。一飯四五起，憑軒心力窮。嘉蔬沒網濁，時菊碎榛叢。鷹隼亦屈猛，烏焉何所蒙。式瞻北鄰居，取適南巷翁。挂席釣川漲，焉知清興終。

同諸公登慈恩寺塔

高標跨蒼天，烈風無時休。自非曠士懷，登茲翻百憂。方知象教力，足可追冥搜。仰穿龍蛇窟，始出枝撐幽。七星在北戶，河漢聲西流。羲和鞭白日，少昊行清秋。秦山忽破碎，溼渭不可求。俯視但

一氣，焉能辨皇州？迴首叫虞舜，蒼梧雲正愁。惜哉瑤池飲，日晏崑崙邱。黃鵠去不息，哀鳴何所投？君看隨陽雁，各有稻梁謀。

示從孫濟

平明跨驢出，未知適誰門？權門多噂嚙，且復尋諸孫。諸孫貧無事，宅舍如荒村。堂前自生竹，堂後自生萱。萱草秋已死，竹枝霜不蕃。淘米少汲水，汲多井水渾。刈葵莫放手，放手傷葵根。阿翁嬾惰久，覺兒行步奔。所來爲宗族，亦不爲盤飧。小人利口實，薄俗難可論。勿受外嫌猜，同姓古所敦。

九日寄岑參

出門復入門，兩腳但如舊。所向泥活活，思君令人瘦。沈吟坐西軒，飲食錯昏晝。寸步曲江頭，難爲一相就。吁嗟呼蒼生，稼穡不可救。安得誅雲師，疇能補天漏。大明韜日月，曠野號禽獸。君子強透迤，小人困馳驟。維南有崇山，恐與川浸溜。是節東籬菊，紛披爲誰秀。岑生多新詩，性亦醇嗜酎。采采黃金花，何由滿衣袖。

漢陂西南臺

高臺面蒼陂，六月風日冷。兼葭離披去，天水相與永。懷新目似擊，接要心已領。仿像識蛟人，空蒙辨魚艇。錯磨終南翠，顛倒白閣影。嶮崿增光輝，乘陵惜俄頃。勞生媿嚴鄭，外物慕張鄭。世復輕驩囂，吾甘雜龜鼎。知歸俗可忽，取適事莫並。身退豈待官，老來苦便靜。沈實菱芡足，庶結茅茨迥。從此具扁舟，彌年逐清景。

戲簡鄭廣文兼呈蘇司業

廣文到官舍，繫馬堂階下。醉則騎馬歸，願遭官長罵。才名四十年，坐客寒無託。賴有蘇司業，時時與酒錢。

夏日李公見訪

遠林暑氣薄，公子過我游。貧居類村塢，僻近城南樓。旁舍頗淳樸，所願亦易求。隔屋喚西家，借問有酒不。牆頭過濁醪，展席俯長流。清風左右至，客意已驚秋。巢多菜鳥鷗，葉密鳴蟬稠。苦道此物聒，孰謂吾虛幽。水花晚色靜，庶足充淹留。預恐櫛中盡，更起爲君謀。

奉同郭給事湯東靈湫作

東山氣鴻濛，宮殿居上頭。君來必十月，樹羽臨九州。陰火熒玉泉，噴薄漲巖幽。有時浴赤日，光抱空中樓。閭風入轍跡，曠原延冥搜。沸天萬乘動，觀水百丈湫。幽靈斯可佳，王命官屬休。初聞龍用壯，擊石摧林邱。中夜窟宅改，移因風雨秋。倒懸瑤池影，屈注蒼汀流。味如甘露漿，揮弄滑且柔。翠旗淡僊蹇，雲車紛少留。竊鼓蕩四溟，吳香泆滂浮。鮫人獻微綃，曾祝沈豪牛。百祥奔盛明，古先莫能儔。坡陀金蝦蟆，出見蓋有由。至尊顧之笑，王母不肯收。復歸虛無底，化作長黃虬。飄飄青鬢郎，文采珊瑚鈎。浩歌淥水曲，清絕聽者愁。

夜聽許十損誦詩，愛而有作

許生五臺賓，業白出石壁。余亦師粲可，身猶縛禪寂。何階子方便，謬引爲匹敵。離索晚相逢，包蒙欣有擊。誦詩渾遊行，四座皆

辭易。應手看捶鉤，清心聽鳴鏡。精微穿溟滓，飛動擗雷殿。陶謝不枝梧，風騷共推激。紫燕自超詣，翠駭誰翳翳。君意人莫知，人間夜寥園。

自京赴奉先縣詠懷五百字

杜陵有布衣，老大意轉拙。許身一何愚，竊比稷與契。居然成濩落，白首甘契闊。蓋棺事則已，此志常觀豁。窮年憂黎元，歎息腸內熱。取笑同學翁，浩歌彌激烈。非無江海志，蕭灑送日月。生逢堯舜君，不忍使永訣。當今廊廟具，構廈豈云缺。葵藿傾太陽，物性固莫奪。願惟蠶蠅輩，但自求其穴。胡爲慕大鯨，輒擬偃溟渤。以茲悟生理，獨恥事干謁。兀兀遂至今，忍爲塵埃沒。終愧巢與由，未能易其節。沈飲聊自適，放歌頗愁絕。歲暮百草零，疾風高岡裂。天衢陰崢嶸，客子中夜發。霜嚴衣帶斷，指直不得結。凌晨過驪山，御在楊柳澗。蚩尤塞寒空，蹴踏崖谷滑。瑤池氣鬱律，羽林相摩戛。君臣留懽娛，樂動殷穆囑。賜浴皆長纓，與宴非褻服。彤廷所分帛，本自寒女出。鞭撻其夫家，聚飲貢城闕。聖人篋篋恩，實欲邦國活。臣如忽至理，君豈棄此物。多士盈朝廷，仁者宜戰慄。況聞內金盤，盡在衛霍室。中堂舞神仙，煙霧散玉質。煖客貂鼠裘，悲管逐清瑟。勸客駝蹄羹，霜橙壓香橘。朱門酒肉臭，路有凍死骨。榮枯咫尺異，惆悵難再述。北轅就涇渭，官渡又收轍。羣冰從西下，極目高峯兀。疑是崑崙來，恐觸天柱折。河梁幸未坼，枝撐聲窸窣。行旅相攀援，川廣不可越。老妻寄異縣，十口隔風雪。誰能久不顧，庶往共飢渴。入門聞

號咷，幼子飢已卒。吾寧捨一哀，里巷亦嗚咽。所愧爲人父，無食致天折。豈知秋未登，貧窶有倉卒。生常免租稅，名不隸征伐。撫跡猶酸辛，平民固駭屑。默思失業徒，因念遠戍卒。憂端齊終南，溷洞不可撥。

白水縣崔少府十九翁高齋三十韻

客從南縣來，浩蕩無與適。旅食白日長，況當炎朱赫。高齋坐林杪，信宿遊行園。清晨陪躋攀，傲睨俯峭壁。崇高相枕帶，曠野懷咫尺。始知賢主人，贈此遺愁寂。危階根青冥，曾冰生浙瀝。上有無心雲，下有欲落石。泉聲聞復急，動靜隨所擊。鳥呼藏其身，有似懼彈射。吏隱道情性，茲焉其窟宅。白水見舅氏，諸翁乃仙伯。杖藜長松陰，作尉窮谷僻。爲我炊雕胡，逍遙展良覲。坐久風顛愁，晚來山更碧。相對十丈蛟，歛翮盤渦坻。何得空裏雷，殷殷尋地脈。煙氛藹嶺峯，翹翹森慘戚。崑崙崆峒顛，迴首如不隔。前軒頽反照，巖絕華岳赤。兵氣漲林樾，川光雜錄鑄。知是相公軍，鐵馬雲霧積。玉觴淡無味，翔奴豈強敵。長歌激屋梁，淚下流衽席。人生半哀樂，天地有順逆。慨彼高國夫，休明備征狄。猛將紛填委，廟謀蓄長策。東郊何時開，帶甲且來釋。欲告清宴罷，難拒幽明迫。三歎酒食旁，何由似平昔？

三川觀水漲二十韻

我經華原來，不復見平陸。北上唯土山，連天走窮谷。火雲無時出，飛電常在目。自多窮岫雨，行潦相厓蹙。翁甸川氣黃，羣流會

空曲。清晨更高浪，忽謂陰崖踣。恐泥竄蛟龍，登危聚麋鹿。枯查卷拔樹，礪磈共充塞。聲吹鬼神下，勢闖人代速。不有萬穴歸，何以尊四瀆。及觀泉源漲，反懼江海覆。漂沙折岸去，激壑松柏秀。乘陵破山門，迴幹裂地軸。交洛赴洪河，及關豈信宿。宿應沈數州，沒如聽萬室哭。穢濁殊未清，風濤怒猶蓄。何時通舟車，陰氣不黪黷。浮生有蕩汨，吾道正羈束。人寰難容身，石壁滑側足。雲雷此不已，艱險路更躅。普天無川梁，欲濟願水縮。因悲中林士，未脫衆魚腹。舉頭向蒼天，安得騎鴻鶴？

大雲寺贊公居四首

心在水精域，衣霧春雨時。洞門盡徐步，深院果幽期。到扉開復閉，撞鐘齋及茲。醞醑長發性，飲食過扶衰。把臂有多日，開懷無媿辭。黃鸝度結構，紫鴿下崇恩。愚意會所適，花邊行自遲。湯休起我病，微笑索題詩。

細軟青絲履，光明白疊巾。深藏供老宿，取用及吾身。自顧轉無趣，交情何尚新。道林才不世，惠遠德過人。雨瀉暮檐竹，風吹青井芹。天陰對圖畫，最覺潤龍鱗。

燈影照無睡，心清聞妙香。夜深殿突兀，風動金銀鐺。天黑閉春院，地清棲暗芳。玉繩迴斷絕，鐵鳳森翱翔。梵放時出寺，鐘殘仍殷牀。明朝在沃野，苦見塵沙黃。

童兒汲井華，慣捷瓶上手。露灑不濡地，掃除似無帚。明霞爛複閣，霽霧牽高闕。側塞被徑花，飄飄委堦柳。艱難世事迫，隱遁佳

期後。晤語契深心。那能總錯口。奉辭還杖策。暫別終回首。泱泱泥汚人。听所國多狗。既未免羈絆。時來憩奔走。近公如白雪。執熟煩何有？

晦日尋崔戡李封。

朝光入甕牖。宴寢驚散裘。起行視天宇。春氣漸和柔。興來不暇懶。今晨梳我頭。出門無所待。徒步覺自由。杖藜復恣意。免值公與侯。晚定崔李交。會心真罕儔。每過得酒傾。二宅可淹留。喜結仁里權。況因令節求。李生園欲荒。舊竹頗修修。引客看掃除。隨時成獻酬。崔侯初筵色。已畏空尊愁。未知天下士。至性有此不。草牙既青出。蜂聲亦暖遊。思見農器陳。何當甲兵休。上古葛天民。不貽黃屋憂。至今阮籍等。熱醉爲身謀。威鳳高其翔。長鯨吞九州。地軸爲之翻。百川皆亂流。當歌欲一放。淚下恐莫收。濁醪有妙理。庶用慰沈浮。

雨過蘇端。

雞鳴風雨交。久旱雲亦好。杖藜入春泥。無食起我早。諸家憶所歷。一飯跡便掃。蘇侯得數過。歡喜每傾倒。也復可憐人。呼兒具梨棗。濁醪必在眼。盡醉據懷抱。紅稠屋角花。碧委牆隅草。親賓縱談譁。喧鬧畏衰老。况蒙霈澤垂。糧粒或自保。妾孳隔軍壘。撥棄不擬道。

喜晴。

皇天久不雨。既雨晴亦佳。出郭眺西郊。蕭蕭春增華。青葵陵

破麥。窈窕桃李花。春夏各有實。我飢豈無涯。干戈雖橫放。慘澹鬪龍蛇。甘澤不猶愈。且耕今未除。丈夫則帶甲。婦女終在家。力難及黍稷。得種桑與麻。千載商山芝。往者東門瓜。其人骨已朽。此道誰疵瑕。英賢遇轍軻。遠引蟠泥沙。顧慚味所適。迴首白日斜。漢陰有鹿門。滄海有靈查。焉能學衆口。咄咄空咨嗟。

送率府程錄事還鄉。

鄙夫行衰謝。抱病昏妄集。常時往還人。記一不識十。程侯晚相遇。與語才傑立。薰然耳目開。頗覺聰明人。千載得鮑叔。末契有所及。意鍾老柏青。義動修蛇蟄。若人可數見。慰我垂白泣。告別無淹晷。百憂復相襲。內愧突不黔。庶羞以鯛給。素絲挈長魚。碧酒隨玉粒。途窮見交態。世梗悲路溢。東風吹春冰。泱泱后土溼。念君惜羽翮。既飽更思戩。莫作翻雲鶻。聞呼向禽急。

述懷一首。

去年潼關破。妻子隔絕久。今夏草木身。脫長得西走。麻鞋見天子。衣袖露兩肘。朝廷愍生還。親故傷老醜。涕淚授拾遺。流離主恩厚。柴門雖得去。未忍即開口。寄書問三川。不知家在否。比聞同罹禍。殺戮到雞狗。山中漏茅屋。誰復依戶牖。摧頹蒼松根。地冷骨未朽。幾人全性命。盡室豈相偶。嶽峯猛虎場。鬱結迴我首。自寄一封書。今已十月後。反畏消息來。寸心亦何有。漢運初中興。生平老耽酒。沈思懷會處。恐作窮獨叟。

送長孫九侍御赴武威判官。

驄馬新繫蹄，銀鞍被來好。繡衣黃白郎，騎向交河道。問君適萬里，取別何草草。天子憂涼州，嚴程到須早。去秋羣胡反，不得無電掃。此行收遺甿，風俗方再造。族父領元戎，名聲國中老。奪我同官良，飄飄按城堡。使我不能餐，令我惡懷抱。若人才思闊，溟漲浸絕島。尊前失詩流，塞上得國寶。皇天悲送遠，雲雨白浩浩。東郊尚烽火，朝野色枯槁。西極柱亦傾，如何正穹昊？

送樊二十三侍御赴漢中判官

威弧不能弦，自爾無寧歲。川谷血橫流，豺狼沸相噬。天子從北來，長驅振凋敝。頓兵岐梁下，卻跨沙漠裔。二京陷未收，四極我得制。蕭索漢水清，緬通淮湖稅。使者紛星散，王綱尚旒纒。南伯從事賢，君行立談際。生知七曜歷，手畫三軍勢。冰雪淨聰明，雷霆走精銳。幕府輟諫官，朝廷無此例。至尊方旰食，仗爾布嘉惠。補闕暮徵入，柱史晨征慙。正當艱難時，實藉長久計。迴風吹獨樹，白日照執袂。慟哭蒼煙根，山門萬重閉。居人莽牢落，遊子方迢遞。徘徊悲生離，局促老一世。陶唐歌遺民，後漢更列帝。恨無匡復姿，聊欲從此逝。

送從弟亞赴西安判官

南風作秋聲，殺氣薄炎熾。盛夏鷹隼擊，時危異人至。令弟草中來，蒼然請論事。詔書引上殿，奮舌動天意。兵法五十家，爾腹為箴箴。應對如轉丸，疏通略文字。經綸皆新語，足以正神器。宗廟回爲灰，君臣俱下淚。崑崙地無軸，青海天軒輊。西極最瘡痍，連山暗

烽燧。帝曰大布衣，藉卿佐元帥。坐看清流沙，所以子奉使。歸當再前席，適遠非歷試。須存武威郡，爲畫長久計。孤峯石戴驛，快馬金纏轡。黃羊飢不羶，蘆酒多還醉。踴躍常人情，慘淡苦士志。安邊敵何有，反正計始遂。吾聞駕鼓車，不合用騏驥。龍吟迴其頭，夾輔待所致。

送韋十六評事充同谷郡防禦判官

昔沒賊中時，潛與子同遊。今歸行在所，王事有去留。偏側兵馬閒，主憂急良籌。子雖驅幹小，老氣橫九州。挺身艱難際，張目視寇讎。朝廷壯其節，奉詔令參謀。變興駐鳳翔，同谷爲咽喉。西扼蜀水道，南鎮抱罕陬。此邦承平日，剽劫吏所羞。況乃胡未滅，控帶莽悠悠。府中韋使君，道足示懷柔。令姪才俊茂，二美又何求。受詞太白脚，走馬仇池頭。古色沙土裂，積陰雪雲稠。羌父豪猪靴，羌兒青兜裘。吹角向月窟，蒼山旌旆愁。鳥驚出死樹，龍怒拔老湫。古來無人境，今代橫戈矛。傷哉文儒士，憤激馳林邱。中原正格鬪，後會何緣由。百年賦定命，豈料沈與浮。且復戀良友，握手步道周。論兵遠擊淨，亦可縱官搜。題詞得秀句，札翰時相投。

塞蘆子

五城何迢迢，迢迢隔河水。邊兵盡東征，城內空荆杞。思明割懷衛，秀巖西未已。迴略大荒來，嶮嶮蓋虛爾。延州秦北戶，關防猶可倚。焉得一萬人，疾驅塞蘆子。岐有薛大夫，旁制山賊起。近聞昆戎徒爲寇，三百里蘆關扼兩寇。深意實在此，誰能叫帝關。胡行速

如鬼

彭衙行

憶昔避賊初，北走經險艱。夜深彭衙道，月照白水山。盡室久
 徒步，逢人多厚顏。參差谷鳥吟，不見遊子還。癡女飢咬我，啼畏虎
 狼聞。懷中掩其口，反側聲愈曠。小兒強解事，故索苦李餐。一句半
 雷雨，泥滑相牽攀。既無禦雨備，徑滑衣又寒。有時經契闊，竟日數
 里閒。野果充餼糧，卑枝成屋椽。早行石上水，暮宿天邊煙。少留周
 家窪，欲出蘆子關。故人有孫幸，高義薄曾雲。延客已噤黑，張燈啓
 重門。煖湯濯我足，翦紙招我魂。從此出妻妾，相視涕闌干。衆雛爛
 漫睡，喚起沾盤殮。誓將與夫子，永結爲弟昆。遂空所坐堂，安居奉
 我懽。誰肯艱難際，豁達露心肝。別來歲月周，羯胡仍構患。何當有
 翅翎，飛去墮爾前。

北征

皇帝二載秋，閏八月初吉。杜子將北征，蒼茫問家室。維時遭
 艱虞，朝野少暇日。顧慚恩私被，詔許歸蓬華。拜辭詣闕下，忱惕久
 未出。雖乏諫諍姿，恐君有遺失。君誠中興主，經緯固密勿。東胡反
 未已，臣甫憤所切。揮涕戀行在，道途猶恍惚。乾坤含瘡痍，憂慮何
 時畢。騷靡踰阡陌，人煙渺蕭瑟。所遇多被傷，呻吟更流血。迴首鳳
 翔縣，旌旗晚明滅。前登寒山重，屢得飲馬窟。邪邪入地底，涇水中
 蕩潏。猛虎立我前，蒼崖吼時裂。菊垂今秋花，石戴古車轍。青雲動
 高興，幽事亦可悅。山果多瑣細，羅生雜橡栗。或紅如丹砂，或黑如

點漆。雨露之所濡，甘苦齊結實。緇思桃源內，益歎身世拙。坡陀望
 鄜時，巖谷互出沒。我行已水濱，我僕猶木末。鷓鴣鳴黃桑，野鼠拱
 亂穴。夜深經戰場，寒月照白骨。潼關百萬師，往者散何卒。遂令半
 秦民，殘害爲異物。況我墮胡塵，及歸盡華髮。經年至朔屋，妻子衣
 百結。慟哭松聲迴，悲泉共幽咽。平生所嬌兒，顏色白勝雪。見耶背
 面啼，垢膩腥不襪。床前兩小女，補綻才過膝。海國披波濤，舊繡移
 曲折。天吳及紫鳳，顛倒在襁褓。老夫情懷惡，嘔泄臥數日。那無囊
 中帛，救汝寒凍慄。粉黛亦解包，衾褥稍羅列。瘦妻面復光，癡女頭
 自櫛。學母無不爲，曉妝隨手抹。移時施朱鉛，狼籍書眉闕。生還對
 童隳，似欲忘飢渴。問事競挽鬢，誰能卽曠喝。翻思在賊愁，甘受雜
 亂聒。新歸且慰意，生理焉得說。至尊尙蒙隄，幾日休練卒。仰觀天
 色改，坐覺妖氛豁。陰風西北來，慘淡隨回鶻。其王願助順，其俗喜
 馳突。送兵五千人，驅馬一萬匹。此輩少爲貴，四方服勇決。所用皆
 鷹騰，破敵過箭疾。聖心頗虛佇，時議氣欲奪。伊洛指掌收，西京不
 足拔。官軍請深入，善銳何俱發。此舉開青徐，旋瞻略恆碣。昊天積
 霜露，正氣有肅殺。禍轉亡胡歲，勢成擒胡月。胡命其能久，皇綱未
 宣絕。憶昨狼狽姐，周漢獲再興。宣光果明哲，桓桓陳將軍。仗鉞奮
 忠烈，微爾人盡非。于今國猶活，淒涼大同殿。寂寞白獸園，都人望
 翠華。佳氣向金闕，園陵固有神。掃灑數不缺，煌煌太宗業。樹立甚
 宏達。

得舍弟消息

風吹紫荆樹，色與春庭暮。花落辭故枝，風迴返無處。骨肉恩
書重，漂泊難相遇。猶有淚成河，經天復東注。

玉華宮

溪迴松風長，蒼鼠竄古瓦。不知何王殿，遺構絕壁下。陰房鬼
火青，壞道哀湍瀉。萬籟真笙竽，秋色正瀟灑。美人爲黃土，況乃粉
黛假。當時待金輿，故物獨石馬。憂來藉草坐，浩歌淚盈把。冉冉征
途間，誰是長年者？

九成宮

蒼山入百里，崖斷如杵臼。曾宮憑風迴，岌藥土囊口。立神扶
棟梁，鑿翠開戶牖。其陽產靈芝，其陰宿牛斗。紛披長松倒，揭巖怪
石走。哀猿啼一聲，客淚迸林叟。荒哉隋家帝，製此今頽朽。向使國
不亡，焉爲巨唐有。雖無新增修，尙置官居守。巡非瑤水遠，跡是雕
牆後。我行屬時危，仰望嗟歎久。天王狩太白，駐馬更搔首。

羌村三首

惝恍赤雲西，日脚下平地。柴門鳥雀噪，歸客千里至。妻孥怪
我在，驚定還拭淚。世亂遭飄蕩，生還偶然遂。鄰人滿牆頭，感歎亦
歎歎。夜闌更秉燭，相對如夢寐。

晚歲迫偷生，還家少歡趣。嬌兒不離膝，畏我復卻去。憶昔好
追涼，故繞池邊樹。蕭蕭北風勁，撫事煎百慮。賴知禾黍收，已覺糟
牀注。如今足斟酌，且用慰遲暮。

羣雞正亂叫，客至雞鬪爭。鬪雞上樹木，始聞扣柴荆。父老四
五人，問我久遠行。手中各有攜，傾榼濁復清。苦辭酒味薄，黍地無
人耕。兵革既未息，兒童盡東征。請爲父老歌，艱難媿深情。歌罷仰
天歎，四座淚縱橫。

送李校書二十六韻

代北有豪鷹，生子毛盡赤。渥洼驥驥兒，尤異是龍脊。李舟名
父子，清峻流輩伯。人聞好少年，不必須白哲。十五富文史，十八足
賓客。十九授校書，二十聲輝赫。衆中每一見，使我潛動魄。自恐二
男兒，辛勤養無益。乾元元年春，萬姓始安宅。舟也衣綵衣，告我欲
遠適。倚門固有望，飲衽就行役。南登吟白華，已見楚山碧。萬壽咸
陽都，冠蓋日雲積。何時太夫人，堂上會親戚。汝翁草明光，天子正
前席。歸期豈爛漫，別意終感激。願我蓬屋姿，謬通金閨籍。小來習
性懶，晚節慵轉劇。每愁悔各作，如覺天地窄。羨君齒髮新，行已能
夕惕。臨歧意頗切，對酒不能喫。迴身視綠野，慘淡如荒澤。老鴈春
忍飢，哀號待枯麥。時哉高飛鷹，絢練新羽翮。長雲溼，裊斜漢水饒。
巨石無令軒車遲，衰疾悲風昔！

留花門

北門天驕子，飽肉氣勇決。高秋馬肥健，挾矢射漢月。自古以
爲患，詩人厭薄伐。修德使其來，羈縻固不絕。胡爲傾國至，出入暗
金闕。中原有驅除，隱忍用此物。公主歌黃鸝，君王指白日。連雲屯
左輔，百里見積雪。長戟烏休飛，哀笳曙幽咽。田家最恐懼，麥倒桑

枝折沙苑臨清渭，泉香草豐潔，渡河不用船。千騎常撒烈，胡塵踰太行，糴種抵京室，花門既須留，原野轉蕭瑟。

義鷓

陰崖有蒼鷹，養子黑柏顛，白蛇登其巢，吞噬恣朝餐。雄飛遠求食，雌者鳴辛酸，力強不可制，黃口無半存。其父從西歸，翻身入長煙，斯須領健鷓，痛憤寄所宣。斗上振孤影，嗷唳來九天。條鱗脫遠枝，巨穎折老拳，高空得踰蹬，短草辭蜿蜒。折尾能一掉，飽腸皆已穿。生雖滅眾雛，死亦垂千年。物情有報復，快意貴目前。茲實鷓鳥最，急難心炯然。功成失所往，用舍何其賢。近經瀟水湄，此事樵夫傳。飄蕭覺素髮，凜欲衝儒冠。人生許與分，祇在願盼閒。聊爲義鷓行，用激壯士肝。

畫鶴行

高堂見生鬣，颯爽動秋骨。初驚無拘攣，何得立突兀。兀乃知畫師妙，功功造化窟。寫作神俊姿，充君眼中物。烏鵲滿樛枝，軒然恐其出。側腦看青霄，寧爲衆禽沒。長翻如刀劍，人寰可超越。乾坤空靜曠，粉墨且蕭瑟。緬思雲沙際，自有煙霧質。吾今意何傷，顧步獨紆鬱。

新安吏

客行新安道，喧呼聞點兵。借問新安吏，縣小更無丁。府帖昨夜下，次選中男行。中男絕短小，何以守王城。肥男有母送，瘦男獨伶俜。白水暮東流，青山猶哭聲。莫自使眼枯，收汝淚縱橫。眼枯即

見骨，天地終無情。我軍取相州，日夕望其平。豈意賊難料，歸軍星散營。就糧近故壘，練卒依舊京。掘壕不到水，收馬役亦輕。況乃王師順，撫養甚分明。送行勿泣血，僕射如父兄。

潼關吏

士卒何草草，築城潼關道。大城鐵不如，小城萬丈餘。借問潼關吏，修關還備胡。要我下馬行，爲我指山隅。連雲列戰格，飛鳥不能踰。胡來但自守，豈復憂西都。丈人視要處，窄狹容單車。艱難奮長戟，萬古用一夫。哀哉桃林戰，百萬化爲魚。請囑防關將，慎勿學哥舒。

石壕吏

暮投石壕村，有吏夜捉人。老翁踰牆走，老婦出門看。吏呼一何怒，婦啼一何苦。聽婦前致詞，三男鄴城戍。一男附書至，二男新戰死。存者且偷生，死者長已矣。室中更無人，惟有乳下孫。孫有母未去，出入無完裙。老嫗力雖衰，請從吏夜歸。急應河陽役，猶得備晨炊。夜久語聲絕，如聞泣幽咽。天明登前途，獨與老翁別。

新婚別

兔絲附蓬麻，引蔓故不長。嫁女與征夫，不如乘路旁。結髮爲妻子，席不暖君牀。暮婚晨告別，無乃太恩忙。君行雖不遠，守邊赴河陽。妾身未分明，何以拜姑嫜。父母養我時，日夜令我藏。生女有所歸，雞狗亦得將。君今往死地，沈痛迫中腸。誓欲隨君去，形勢反蒼黃。勿爲新婚心，努力事戎行。婦人在軍中，兵氣恐不揚。自嗟貧

家女久致羅襦裳。羅襦不復施。對君洗紅妝。仰視百鳥飛。大小必雙翔。人事多錯迕。與君永相望。

垂老別

四郊未寧靜。垂老不得安。子孫陣亡盡。焉用身獨完。投杖出門去。同行爲辛酸。幸有牙齒存。所悲骨髓乾。男兒既介冑。長揖別上官。老妻臥路啼。歲暮衣裳單。孰知是死別。且復傷其寒。此去必不歸。還聞勸加餐。十門壁甚堅。杏園度亦難。勢異鄴城下。縱死時猶寬。人生有離合。豈擇衰老端。憶昔少壯日。遲迴竟長歎。萬國盡征戍。烽火被岡巒。積屍草木腥。流血川原丹。何鄉爲樂土。安敢尙盤桓。棄絕蓬室居。塌然摧肺肝。

無家別

寂寞天寶後。園廬但蒿藜。我里百餘家。世亂各東西。存者無消息。死者爲塵泥。賤子因陣敗。歸來尋舊蹊。久行見空巷。日瘦氣慘悽。但對狐與狸。豎毛怒我啼。四鄰何所有一二老寡妻。宿鳥戀本枝。安辭且窮棲。方春獨荷鋤。日暮還灌畦。縣吏知我至。召令習鼓鞀。雖從本州役。內顧無所攜。斤行止一身。遠去終轉迷。家鄉既盡。盡遠近理亦齊。永痛長病母。五年委溝谿。生我不得力。終身兩酸嘶。人生無家別。何以爲烝黎。

夏日歎

夏日出東北。陵天經中街。朱光徹厚地。鬱蒸何由開。上蒼久無雷。無乃號令乖。雨降不濡物。良田起黃埃。飛鳥苦熱死。池魚涸

其泥。萬人尙流穴。舉目唯蒿萊。至今大河北。化作虎與豺。浩蕩想幽薊。王師安在哉。對食不能餐。我心殊未諧。眈然貞觀初。難與數子偕。

夏夜歎

永日不可暮。炎蒸毒我腸。安得萬里風。飄飄吹我裳。昊天出華月。茂林延疏光。仲夏苦夜短。開軒納微涼。虛明見纖毫。羽蟲亦飛揚。物情無巨細。自適固其常。念彼荷戈士。窮年守邊疆。何由一洗濯。執熱互相望。竟夕擊刁斗。喧聲連萬方。青紫雖被體。不如早還鄉。北城悲笳發。鸛鶴號且翔。況復煩促倦。激烈思時康。

立秋後題

日月不相饒。節序昨夜隔。元蟬無停號。秋燕已如客。平生獨往願。惆悵年半百。罷官亦由人。何事拘形役。

貽阮隱居

陳留風俗衰。人物世不數。塞上得阮生。迥繼先父祖。貧知靜者性。自益毛髮古。車馬入鄰家。蓬蒿翳環堵。清詩近道要。識子用心苦。尋我草廛微。袞裳踏寒雨。更議居遠村。避喧甘猛虎。足明箕穎客。榮貴如糞土。

遣興三首

下馬古戰場。四顧但茫然。風悲浮雲去。黃葉墜我前。朽骨穴螻蟻。又爲蔓草纏。故老行歎息。今人尙開邊。漢虜互勝負。封疆不常全。安得廉恥將。三軍同晏眠。

高秋登塞山，南望馬邑州。降虜東擊胡，壯健盡不留。穹廬莽
牢落，上有行雲愁。老弱哭道路，願聞甲兵休。鄴中事反覆，死人積
如邱。諸將已奉十載驅，誰與謀？

豐年孰云遲，甘澤不在早。耕田秋雨足，禾黍已映道。春苗九
月交，顏色同日老。勸汝衡門士，勿悲尙枯槁。時來展材力，先後無
醜好。但訝鹿皮翁，忘機對芳草。

昔遊

昔謁華蓋君，深求洞宮脚。玉棺已上天，白日亦寂寞。暮昇良
岑頂，巾几猶未卻。弟子四五人，入來淚俱落。余時游名山，發軔在
遠壑。良覲違夙願，含淒向寥廓。林昏罷幽磬，竟夜伏石閣。王喬下
天壇，微月映皓鶴。晨溪嚮虛駛，歸徑行已昨。豈辭青鞵胝，悵望金
匕藥。東蒙赴舊隱，尙憶同志樂。休事董先生，于今獨蕭索。胡爲客
關塞，道意久衰薄。妻子亦何人，丹砂負前諾。雖悲鬢髮變，未憂筋
力弱。扶藜望清秋，有興入廬霍。

幽人

孤雲亦羣遊，神物有所歸。麟鳳在赤霄，何當一來儀！往與惠
荀輩，中年滄洲期。天高無消息，棄我勿若遺。內懼非道流，幽人見
瑕疵。洪濤隱語笑，鼓枻蓬萊池。崔嵬扶桑日，照耀珊瑚枝。風帆倚
翠蓋，暮把東皇衣。嘯嗽元和津，所思煙霞微。知名未足稱，局促商
山芝。五湖復浩蕩，歲暮有餘悲。

佳人

十八家詩鈔 卷七

絕代有佳人，幽居在空谷。自云良家子，零落依草木。關中昔
喪敗，兄弟遭殺戮。官高何足論，不得收骨肉。世情惡衰歇，事隨萬
轉燭。夫婿輕薄兒，新人已如玉。合昏尚知時，鴛鴦不獨宿。但見新
人笑，那聞舊人哭。在山泉水清，出山泉水濁。侍婢賣珠迴，牽蘿補
茅屋。摘花不插髮，采柏動盈掬。天寒翠袖薄，日暮倚修竹。

赤谷西崦人家

躋險不見噴，出郊已清目。溪迴日氣暖，逕轉山田熟。鳥雀依
茅茨，藩籬帶松菊。如行武陵暮，欲問桃源宿。

西枝村尋置草堂地夜宿贊公土室二首

出郭眇細岑，披榛得微路。溪行一流水，曲折方屢渡。贊公渴
休徒，好靜心迹素。昨枉霞上作，盛論巖中趣。怡然共攜手，恣意同
遠步。捫蘿澀先登，陟巘眩反顧。要求陽岡暖，苦陟陰嶺互。惆悵老
大藤，沈吟屈蟠樹。卜居意未展，杖策迴且暮。層巒餘落日，草蔓已
多露。

天寒鳥已歸，月出人更靜。土室延白光，松門耿疏影。躋攀倦
日短，語樂寄夜永。明然林中薪，暗汲石底井。大師京國舊，得業天
機秉。從來支許游，興趣江湖迴。數奇謫關塞，道廣存箕穎。何知戎
馬閒，復接塵事屏。幽尋豈一路，遠色有諸嶺。晨光稍曛臚，更越西
南頂。

寄贊上人

一昨陪錫杖，卜鄰南山幽。年侵腰腳衰，未便陰崖秋。重岡北

面起，竟日陽光留。茅屋買兼土，斯焉心所求。近聞西枝西，有谷杉
黍稠。亭午頗和暖，石田又足收。當期塞雨乾，宿昔齒疾瘳。徘徊虎
穴上，面勢龍泓頭。柴荆具茶茗，逕路通林邱。與子成二老，來往亦
風流。

太平寺泉眼

招提憑高岡，疏散連草莽。出泉枯柳根，汲引歲月古。石間見
海眼，天畔紫水府。廣深丈尺間，宴息敢輕侮。青白二小蛇，幽姿可
時覩。如絲氣或上，爛漫爲雲雨。山頭到山下，鑿井不盡土。取供十
方僧，香美勝牛乳。北風起寒文，弱藻舒翠縷。明涵客衣淨，細蕩林
影趣。何當宅下流，餘潤通藥圃。三春溼黃精，一食生毛羽。

夢李白二首

死別已吞聲，生別常惻惻。江南瘴癘地，逐客無消息。故人入
我夢，明我長相憶。恐非平生魂，路遠不可測。魂來楓葉青，魂返關
塞黑。君今在羅網，何以有羽翼。落月滿屋梁，猶疑照顏色。水深波
浪闊，無使蛟龍得。

浮雲終日行，遊子久不至。三夜頻夢君，情親見君意。告歸常
局促，苦道來不易。江湖多風波，舟楫恐失墜。出門搔白首，若負平
生志。冠蓋滿京華，斯人獨顛顛。孰云網恢恢，將老身反累。千秋萬
歲名，寂寞身後事。

有懷台州鄭十八司戶

天台隔三江，風浪無晨暮。鄭公縱得歸，老病不識路。昔如水

上鷗，今如置中兔。性命由他人，悲辛但狂顧。山鬼獨一脚，蝮蛇長
如樹。呼號傍孤城，歲月誰與度。從來饜臚魅，多爲才名誤。夫子穉
阮流，更被時俗惡。海隅微小吏，眼暗髮垂素。黃帽映青袍，非供折
腰具。平生一杯酒，見我故人遇。相望無所成，乾坤莽迴互。

遣興五首

蟄龍三冬臥，老鶴萬里心。昔時賢俊人，未遇猶視今。嵇康不
得死，孔明有知音。又如墮底松，用捨在所尋。大哉霜雪幹，歲久爲
枯林。

昔者龐德公，未曾入州府。襄陽耆舊闕，處士節獨苦。豈無濟
時策，終竟畏羅罟。林茂鳥有歸，水深魚知聚。舉家依鹿門，劉表焉
得取？

我今日夜憂，諸弟各異方。不知死與生，何況道路長。避寇一
分散，飢寒永相望。豈無柴門歸，欲出畏虎狼。仰看雲中雁，禽鳥亦
有行。

蓬生非無根，漂蕩隨高風。天寒落萬里，不復歸本叢。客子念
故宅，三年門巷空。悵望但烽火，戎車滿關東。生涯能幾何，常在羈
旅中。

昔在洛陽時，親友相追攀。送客東郊道，邀遊宿南山。煙塵阻
長河，樹羽成皋閒。迴首戰酒地，豈無一日還。丈夫貴壯健，慘戚非
朱顏。

遣興五首

朔風飄胡雁，慘澹帶沙磧。長林何蕭蕭，秋草萋更碧。北里富

薰天，高樓夜吹笛。焉知南鄰客，九月猶縮絡。長陵銳頭兒，出獵待明發。辟弓金爪鏑，白馬蹴微雪。未知所

馳逐，但見暮光滅。歸來懸兩狼，門戶有旌節。漆有用而割，膏以明自煎。蘭摧白露下，桂折秋風前。府中羅

舊尹，沙道尚依然。赫赫蕭京兆，今爲時所憐。猛虎憑其威，往往遭急縛。雷吼徒咆哮，枝撐已在腳。忽看皮

寢處，無復睛閃爍。人有甚于斯，足以勸元惡。朝逢富家葬，前後皆輝光。共指親戚大，總麻百夫行。送者各

有死，不須羨其強。君看束練去，亦得歸山岡。

遣興五首：天用莫如龍，有時繫扶桑。頓轡海徒涌，神人身更長。性命苟

不存，英雄徒自強。吞聲勿復道，真宰意茫茫。地用莫如馬，無良復誰記。此日千里鳴，追風可君意。君看渥

隄種，慙與鶩駘異。不雜蹄齧間，逍遙有能事。陶潛避俗翁，未必能達道。觀其著詩集，頗亦憊枯槁。達生豈

是足？默識蓋不早。有子賢與愚，何其掛懷抱。賀公雅吳語，在位常清狂。上疏乞骸骨，黃冠歸故鄉。爽氣不

可致，斯人今則亡。山陰一茅宇，江海日淒涼。吾憐孟浩然，荷褐卽長夜。賦詩何必多，往往凌鮑謝。清江空

前出塞九首：

戚戚去故里，悠悠赴交河。公家有程期，亡命嬰禍羅。君已富

土境，開邊一何多。棄絕父母恩，吞聲行負戈。出門日已遠，不受徒旅欺。骨肉恩豈斷，男兒死無時。走馬脫

轡頭，手中挑青絲。捷下萬仞岡，俯身試拳旗。磨刀鳴咽水，水赤刃傷手。欲輕腸斷聲，心緒亂已久。丈夫誓

許國，憤惋復何有。功名圖麒麟，戰骨當速朽。送徒既有長，遠戍亦有身。生死向前去，不勞吏怒嗔。路逢相

識人，附書與六親。哀哉兩決絕，不復同苦辛。迢迢萬餘里，領我赴三軍。軍中異苦樂，主將寄盡聞。隔河見

胡騎，倏忽數百羣。我始爲奴僕，幾時樹功勳。挽弓當挽強，用箭當用長。射人先射馬，擒賊先擒王。殺人亦

有限，列國自有疆。苟能制侵陵，豈在多殺傷。驅馬天雨雪，軍行入高山。逕危抱寒石，指落曾冰間。已去漢

月遠，何時築城還。浮雲暮南征，可望不可攀。單于寇我壘，百里風塵昏。雄劍四五動，彼軍爲我奔。虜其名

王歸，繫頸授轡門。潛身備行列，一勝何足論。從軍十年餘，能無分寸功。衆人貴苟得，欲語羞雷同。中原有

鬪爭，況在狄與戎。丈夫四方志，安可辭固窮。

後出塞五首：男兒生世間，及壯當封侯。戰伐有功業，焉能守舊邱。召募赴

剗門軍動不可留。千金買馬鞭。百金裝刀頭。閭里送我行。親戚擁
道周。斑白居上列。酒酣進庶羞。少年別有贈。含笑看吳鉤。朝進東
門營。暮上河陽橋。落日照大旗。馬鳴風蕭蕭。平沙列萬幕。部伍各
見招。中天懸明月。令嚴夜寂寥。悲歎數聲動。壯士慘不驕。借問大
將誰。恐是霍嫖姚。

古人重守邊。今人重高勳。豈知英雄主。出師互長雲。六合已
一家。四夸且孤軍。遂使貔虎士。奮身勇所聞。拔劍擊大荒。日收胡
馬羣。誓開元冥北。持以奉吾君。

獻凱日繼踵。兩蕃靜無虞。漁陽豪俠地。擊鼓吹笙竽。雲帆轉
遼海。粳稻來東吳。越羅與楚練。照耀與嘉軀。主將位益崇。氣驕凌
上都。邊人不敢議。議者死路衢。

我本良家子。出師亦多門。將驕益愁思。身貴不足論。躍馬二
十年。恐辜明主恩。坐見幽州騎。長驅河洛昏。中夜聞道歸。故里但
空村。惡名幸脫免。窮老無兒孫。

別贊上人

百川日東流。客去亦不息。我生苦漂蕩。何時有終極。贊公釋
門老。放逐來上國。還爲世塵嬰。頗帶顛顛色。楊枝晨在手。豆子雨
已熟。是身如浮雲。安可限南北。異縣逢舊友。初忻寫胸臆。天長關
塞寒。歲暮飢凍逼。野風吹征衣。欲別向嚙黑。馬嘶思故櫪。歸鳥盡
飲翼。古來聚散地。宿昔長荆棘。相看俱衰年。出處各努力。

萬丈潭

青溪合冥漠。神物有顯晦。龍依積水蟠。窟壓萬丈內。躡步凌
垠愕。側身下烟靄。前臨洪濤寬。卻立蒼石大山危。一徑盡崖絕兩
壁對。削成根虛無。倒影垂澹瀾。黑如灣潭底。清見光炯碎。孤雲倒
來深。飛鳥不在外。高羅成帷幄。寒木累旌旆。遠川曲通流。嵌竇潄
洩瀨。造幽無人境。發興自我輩。告歸遺恨多。將老斯遊最。閉藏修
鱗。盤出入巨石礙。何事暑天過。怪意風雨會。

兩當縣吳十侍御江上宅

寒城朝煙澹。山谷落葉赤。陰風千里來。吹汝江上宅。鷓鴣號
杆渚。日色傍陌陌。借問持斧翁。幾年長沙客。哀哀失木狢。矯矯避
弓翻。亦知故鄉樂。未敢思宿昔。昔在鳳翔都。共通金閨籍。天子猶
蒙塵。東郊暗長戟。兵家忌閑謀。此輩常接跡。臺中領舉劾。君必慎
剖析。不忍殺無辜。所以分白黑。上官權許與。失意見遷斥。仲尼甘
旅人。向子識損益。朝廷非不知。閉口休歎息。余時忝諍臣。丹陛實
咫尺。相看受狼狽。至死難塞責。行邁心多違。出門無與適。於公負
明義。惆悵頭更白。

發秦州

我衰更嬾拙。生事不自謀。無食問樂土。無衣思南州。漢源十
月交。天氣涼如秋。草木未黃落。況聞山水幽。栗亭名更佳。下有良
田疇。充腸多薯蕷。崖蜜亦易求。密竹復多筍。清池可方舟。雖傷旅
寓遠。庶遂平生遊。此邦俯要衝。實恐人事稠。應接非本性。登臨未
銷憂。谿谷無異石。塞田始微收。豈復慰老夫。惘然難久留。日色隱

孤戍烏啼滿城頭。中宵驅車去，飲馬寒塘流。磊落星月高，蒼茫雲霧浮。大哉乾坤內，吾道長悠悠。

赤谷

天寒霜雪繁，遊子有所之。豈但歲月暮？重來未有期。晨發赤谷亭，險艱方自茲。亂石無改轍，我車已載脂。山深苦多風，落日童隤飢。悄然村墟迴，煙火何由追。貧病轉零落，故鄉不可思。常恐死道路，永爲高人嗤。

鐵堂峽

山風吹遊子，縹渺乘險絕。硤形藏堂隍，壁色立積鐵。徑摩穹蒼蟠，石與厚地裂。修纖無根竹，嵌空太始雪。威遲哀壑底，徒旅慘不悅。水寒長冰橫，我馬骨正折。生涯抵弧矢，盜賊殊未滅。飄蓬踰三年，迴首肝肺熱。

鹽井

鹵中草木白，青者官鹽煙。官作既有程，糞鹽煙在川。汲井歲槽槽，出車日連連。自公斗三百，轉致斛六千。君子慎止足，小人苦噴闌。我何良歎嗟，嗟物理固自然。

寒碇

行邁日悄悄，山谷勢多端。雲門轉絕岸，積附霾天寒。寒碇不可度，我實衣裳單。況當仲冬交，沍沿增波瀾。野人尋煙語，行子傍水餐。此生免荷戈，未敢辭路難。

法鏡寺

身危適他州，勉強終勞苦。神傷山行深，愁破崖寺古。嬋娟碧鮮淨，蕭瑟寒籟聚。回回山根水，冉冉松上雨。洩雲蒙清晨，初日翳復吐。朱甍半光炯，戶牖粲可數。挂策忘前期，出蘿已亭午。冥冥子規叫，微徑不復取。

青陽峽

塞外苦厭山，南行道彌惡。岡壘相經互，雲水氣參錯。林迴峽角來，天窄壁面削。磎西五里石，奮怒向我落。仰看日車側，俯恐坤軸弱。魘魅嘯有風，霜霰浩漠漠。昨憶踰隴坂，高秋視吳岳。東笑蓮華卑，北知崆峒薄。超然作壯觀，已謂殷寥廓。突兀猶趁人，及茲歎冥寞。

龍門鎮

細泉及輕冰，沮洳棧道溼。不辭辛苦行，迫此短景急。石門雪雲隘，古鎮峯槽集。旌竿暮慘澹，風水白刃澀。胡馬屯成皋，防虜此何及？嗟爾遠戍人，山寒夜中泣。

石龕

熊驚咆我東，虎豹號我西。我後鬼長嘯，我前猊又啼。天寒昏無日，山遠道路迷。驅車石龕下，仲冬見虹蜺。伐竹者誰子？悲歌上雲梯。爲官採美箭，五歲供梁齊。苦云直鉅盡，無以充提攜。奈何漁陽騎，颯颯蒸烝黎。

積草嶺

連峯積長陰，白日遞隱見。颺颺林響交，慘慘石狀變。山分積

草嶺路異明水縣。旅泊吾道窮。衰年歲時倦。卜居尚百里。休駕投諸彥。邑有佳主人。情如已會面。來書語絕妙。遠客驚深眷。食蕨不願餘。茅茨眼中見。

泥功山

朝行青泥上。暮在青泥中。泥濘非一時。版築勞人功。不畏道途永。乃將汨沒同。白馬爲鐵驪。小兒成老翁。哀猿透卻墜。死鹿力所窮。寄語北來人。後來莫恩。

鳳凰臺

亭亭鳳皇臺。北對西康州。西伯今寂寞。鳳聲亦悠悠。山峻路絕蹤。石林氣高浮。安得萬丈梯。爲君上上頭。恐有無母雛。飢寒日啾啾。我能剖心出。飲喙慰孤愁。心以當竹實。炯然無外求。血以當醴泉。豈徒比清流。所重王者瑞。敢辭微命休。坐看綵翻長。舉意八極周。自天銜瑞圖。飛下十二樓。圖以奉至尊。鳳以垂鴻猷。再光中興業。一洗蒼生憂。深衷正爲此。羣盜何淹留。

發同谷縣

賢有不黔突。聖有不暖席。況我飢愚人。焉能尙安宅。始來茲山中。休駕喜地僻。奈何迫物累。一歲四行役。忡忡去絕境。杳杳更遠適。停驂膠澗雲。迴首白崖石。臨歧別數子。握手淚再滴。交情無舊深。窮老多慘感。平生嬾拙意。偶值棲遁跡。去住與願違。仰慚林間翮。

木皮嶺

首路栗亭西。尙想鳳皇村。季冬攜童羸。辛苦赴蜀門。南登木皮嶺。艱險不易論。汗流被我體。祈寒爲之暄。遠岫爭輔佐。千巖自崩奔。始知五嶽外。別有他山尊。仰千塞大明。俯入裂厚坤。再聞虎豹鬪。屢踞風水昏。高有廢閣道。摧折如短轆。下有冬青林。石上走長根。西崖特秀發。煥若靈芝繁。潤聚金碧氣。清無沙土痕。憶觀峴峩圖。目擊元圃存。對此欲何適。默傷垂老魂。

白沙渡

畏途隨長江。渡口欲絕岸。差池上舟楫。杳窅入雲漢。天寒荒野外。日暮中流半。我馬向北嘶。山猿飲相喚。水清石礚礚。沙白灘漫漫。迴然洗愁辛。多病一疏散。高壁抵嶽峯。洪濤越凌亂。臨風獨迴首。攬轡復三歎。

水會渡

山行有常程。中夜尙未安。微月沒已久。崖傾路何難。大江動我前。洶若溟渤寬。篙師暗理楫。歌笑輕波瀾。霜濃木石滑。風急手足寒。入舟已千憂。陟巘仍萬盤。迴眺積水外。始知衆星乾。遠遊令人瘦。衰疾慚加餐。

飛仙閣

土門山行窄。微徑緣秋毫。棧雲闌干峻。梯石結構牢。萬壑欵疏林。積陰帶奔瀉。寒日外淡泊。長風中怒號。歇鞍在地底。始覺所歷高。往來雜坐臥。人馬同疲勞。浮生有定分。飢飽豈可逃。歎息謂妻子。我何隨汝曹。

五盤

五盤雖云險，山色佳有餘。仰凌棧道細，俯映江木疏。地僻無網罟，水清反多魚。好鳥不妄飛，野人半巢居。喜見淳樸俗，坦然心神舒。東郊尚格鬪，巨猾何時除。故鄉有弟妹，流落隨邱墟。成都萬事好，豈若歸吾廬。

龍門閣

清江下龍門，絕壁無尺土。長風駕高浪，浩浩自太古。危途中繁盤，仰望垂綫縷。滑石欹誰鑿，浮梁梟相拄。目眩阻難花，頭風吹過雨。百年不敢料，一墜那得取。飽聞經瞿塘，足見度大庾。終身歷艱險，恐懼從此數。

石櫃閣

季冬日已長，山晚半天赤。蜀道多早花，江開饒奇石。石櫃曾波上，臨墟蕩高壁。清暉迴羣鷗，暝色帶遠客。羈棲負幽意，感歎向絕跡。信甘孱儒嬰，不獨凍餒迫。優遊謝康樂，放浪陶彭澤。吾衰未自安，謝爾性所適。

桔柏渡

青冥寒江渡，駕竹爲長橋。竿溼煙漠漠，江永風蕭蕭。連竿動嫋嫋，征衣颯飄飄。急流搗鷁散，絕岸鼉鼉驕。西轅自茲異，東逝不可要。高通荆門路，關會滄海潮。孤光隱顧眄，遊子悵寂寥。無以洗心胸，前登但山椒。

劍門

惟天有設險，劍門天下壯。連山抱西南，石角皆北向。兩崖崇墉倚，刻畫城郭狀。一夫怒臨關，百萬未可傍。珠玉走中原，岷峨氣淒愴。三皇五帝前，雞犬各相放。後王尚柔遠，職貢道已喪。至今英雄人，高視見霸王。并吞與割據，極力不相讓。吾將罪真宰，意欲鏹疊嶂。恐此復偶然，臨風默惆悵。

鹿頭山

鹿頭何亭亭，是日慰飢渴。連山西南斷，俯見千里豁。遊子出京華，劍門不可越。及茲險阻盡，始喜原野闊。殊方昔三分，霸氣曾閒發。天下今一家，雲端失雙闕。悠然想揚馬，繼起名碑兀。有文令人傷，何處埋爾骨。紆餘脂膏地，慘澹豪俠窟。伏劍非老臣，宣風豈專達。冀公柱石姿，論道邦國活。斯人亦何幸，公鎮踰歲月。

成都府

翳翳桑榆日，照我征衣裳。我行山川異，忽在天一方。但逢新人民，未卜見故鄉。大江東流去，游子去日長。曾城填華屋，季冬樹木蒼。喧然名都會，吹簫聞笙簧。信美無與適，側身望川梁。烏雀夜各歸，中原杳茫茫。初月出不高，衆星尙爭光。自古有羈旅，我何苦哀傷。

贈蜀僧闍邱師兄

大師銅梁秀，籍籍名家孫。嗚呼先博士，炳靈精氣奔。惟昔武皇后，臨軒御乾坤。多士盡儒冠，墨客藹雲屯。當時上紫殿，不獨卿相尊。世傳聞邱筆，峻極逾崑崙。鳳藏丹霄暮，龍去白水渾。青燄寒

嶺東，碑碣舊製存。斯文散都邑，高價越瓊璠。晚看作者意，妙絕與誰論。吾祖詩冠古，同年蒙主恩。豫章來日月，歲久空深根。小子思疏闊，豈能達詞門。窮愁一揮淚，相遇即諸昆。我住錦官城，兄居祇樹園。地近慰旅愁，往來當邱樊。天涯歇滯雨，粳稻臥不翻。漂然薄遊倦，始與道侶敦。景晏步脩廊，而無車馬喧。夜闌接軟語，落月如金盆。漠漠世界黑，驅驅爭奪繁。惟有摩尼珠，可照濁水源。

泛溪

落景下高堂，進舟泛迴灘。誰謂築居小，未盡喬木西。遠郊信荒僻，秋色有餘淒。練練峯上雪，纖纖雲表霓。童戲左右岸，罟弋畢提攜。翻倒荷菱亂，指揮逕路迷。得魚已割鱗，採藕不洗泥。人情逐鮮美，物賤事已睽。吾村靄暝姿，異舍雞亦棲。蕭條欲何適，出處庶可齊。衣上見新月，霜中登故畦。濁醪初自熟，東城多鼓鼙。

病柏

有柏生崇岡，童童狀車蓋。偃蹇龍虎姿，主當風雲會。神明依正直，故老多再拜。豈知千年根，中路顏色壞。出非不得地，蟠據亦高大。歲寒忽無憑，日夜柯葉改。丹鳳領九雛，哀鳴翔其外。鴟鴞志意滿，養子穿穴內。客從何鄉來，佇立久吁怪。靜求元精理，浩蕩難倚賴。

病橘

羸橘少生意，雖多亦奚爲！惜哉結實小，酸澀如棠梨。剖之盡蠹蟲，采掇爽其宜。紛然不適口，豈祇存其皮。蕭蕭半死葉，未忍別

故枝。元冬霜雪積，况乃迴風吹。嘗聞蓬萊殿，羅列瀟湘姿。此物歲不稔，玉食失光輝。寇盜尙憑陵，當君減膳時。汝病是天意，吾諗罪有司。憶昔南海使，奔騰獻荔枝。百馬死山谷，到今者傷悲。

枯棧

蜀門多棧欄，高者十八九。其皮割剝甚，雖衆亦易朽。徒布如雲葉，青黃歲寒後。交橫集斧斤，凋喪先蒲柳。傷時苦軍乏，一物官盡取。嗟爾江漢人，生成復何有。有同枯棧木，使我沈歎久。死者即已休，生者何自守。嗷嗷黃雀啼，側見寒蓬走。念爾形影乾，摧殘沒藜莠。

枯柟

柟柟枯崢嶸，鄉黨皆莫記。不知幾百歲，慘慘無生意。上枝摩皇天，下根蟠厚地。巨圍雷霆拆，萬孔蟲蟻萃。凍雨落流膠，衝風奪佳氣。白鵝遂不來，天雞爲愁思。猶含棟梁具，無復霄漢志。良工古昔少，識者出涕淚。種榆水中央，長成何容易。截承金露盤，裊裊不自畏。

大雨

西蜀冬不雪，春農尙嗷嗷。上天回哀眷，朱夏雲鬱陶。執熱乃沸鼎，纖絛成繩袍。風雷颯萬里，滌澤施蓬蒿。敢辭茅葦漏，已喜黍豆高。三日無行人，二江聲怒號。流惡邑里清，矧茲遠江皋。荒庭步鶴鶴，隱几望波濤。沈疴聚藥餌，頓忘所進勞。則知潤物功，可以貸不毛。陰色靜壙畝，勸耕自官曹。四鄰未耜出，何必吾家操。

溪漲

當時浣花橋，溪水纔尺餘。白石明可把，水中有行車。秋夏忽
泛溢，豈惟入吾廬。蛟龍亦狼狽，況是鼉與魚。茲晨已半落，歸路跬
步疏。馬嘶未敢動，前有深填淤。青青屋東麻，散亂床上書。不意遠
山雨，夜來復何如。我遊都市間，晚憩必村墟。乃知久行客，終日思
其居。

戲贈友二首

元年建巳月，郎有焦校書。自誇足膂力，能騎生馬駒。一朝被
馬踏，脣裂板齒無。壯心不肯已，欲得東擒胡。

元年建巳月，官有王司直。馬驚折左臂，骨折面如墨。鴛鴦漫
深泥，何不避雨色。勸君休歎憾，未必不爲福。

遭田父泥飲，美嚴中丞

步履隨春風，村村自花柳。田翁逼社日，邀我嘗春酒。酒酣誇
新尹，耆眼未見有。迴頭指大男，渠是弓弩手。名在飛騎籍，長番歲
時久。前日放營農，辛苦救衰朽。差科死則已，誓不舉家走。今年大
作社，拾遺能住否。叫婦開大瓶，盆中爲吾取。感此氣揚揚，須知風
化首。語多雖雜亂，說尹終在口。朝來偶然出，自卯將及酉。久客惜
人情，如何拒鄰叟。高聲索果栗，欲起時被肘。指揮過無禮，未覺村
野醜。月出遮我留，仍暝問升斗。

喜雨

春旱天地昏，日色赤如血。農事都已休，兵戈況騷屑。巴人困

軍須，慟哭厚土熱。滄江夜來雨，真宰罪一雪。穀根小蘇息，沴氣終
不滅。何由見窳歲，解我憂思結。崢嶸羣山雲，交會未斷絕。安得輟
雷公，滂沱洗吳越。

述古三首

赤驥頓長纓，非無萬里姿。悲鳴淚至地，爲問駁者誰。鳳凰從
東來，何意復高飛。竹花不結實，念子忽朝飢。古時君臣合，可以物
理推。賢人識定分，進退固其宜。

市人日中集，於利競錐刀。置膏烈火上，哀哀自煎熬。農人望
歲稔，相率除蓬蒿。所務穀爲本，邪贏無乃勞。舜舉十六相，身尊道
何高。秦時任商鞅，法令如牛毛。

漢光得天下，祚永固有開。豈惟高祖聖，功自蕭曹來。經綸中
興業，何代無長才。吾慕寇鄧勳，濟時信良哉。耿賈亦宗臣，羽翼共
徘徊。休運終四百，圖畫在雲臺。

冬到金華山觀，因得故拾遺陳公學堂遺跡

昔石梁山內，金華紫崔嵬。上有蔚藍天，垂光抱瓊臺。繫舟接
絕壁，策杖窮縈回。四顧俯層巔，淡然川谷開。雪嶺日色死，霜鴻有
餘哀。焚香玉女跪，霧裏仙人來。陳公讀書堂，石柱仄青苔。悲風爲
我起，激烈傷雄才。

陳拾遺故宅

拾遺平昔居，大屋尙修椽。悠揚荒山日，慘淡故園煙。位下蜀
足傷，所貴者聖賢。有才繼騷雅，暫匠不比肩。公生揚馬後，名與日

月懸同遊英俊人，多乘輔佐權。彥昭超玉價，郭振起通泉。到今素壁滑，灑翰銀鈎連。盛事會一時，此堂豈千年。終古立忠義，感遇有遺編。

謁文公上方

野寺隱喬木，山僧高下居。石門日色異，絳氣橫扶疏。窈窕入風磴，長蘿紛卷舒。庭前猛虎臥，逸得文公廬。俯視萬家邑，煙塵對階除。吾師雨花外，不下十年餘。長者自布金，禪龜祇晏如。大珠脫玷翳，白月當空虛。甫也南北人，蕪蔓少耘鋤。久遭詩酒污，何事忝簪裾。王侯與螻蟻，同盡隨邱墟。願聞第一義，迴向心地初。金篦刮眼膜，價重百車渠。無生有汲引，茲理儻吹嘘。

奉贈射洪李四文明甫

丈人屋上烏，人好烏亦好。人生意氣豁，不在相逢早。南京亂初定，所向邑枯槁。遊子無根株，茅齋付秋草。東征下月峽，挂席窮海島。萬里須十金，妻孥未相保。蒼茫風塵際，蹭蹬騏驎老。言士懷感傷，心胸已傾倒。

早發射洪縣南途中作

將老憂貧窶，筋力豈能及。征途乃侵星，得使諸病人。鄙人寡道氣，在困無獨立。假裝逐徒旅，達曙凌險澁。寒日出霧遲，清江轉山急。僕夫行不進，驚馬若維繫。汀洲稍疏散，風景開快悒。空慰所尚懷，終非曩遊集。衰顏偶一破，勝事難屢挹。茫然阮籍途，更灑楊朱泣。

通泉驛南去通泉縣十五里，山水作

溪行衣自溼，亭午氣始散。冬溫蚊蚋在，人遠鳧鴨亂。登頓生會陰，欽傾出高岸。驛樓衰柳側，縣郭輕煙畔。一川何綺麗，盡日窮壯觀。山色遠寂寞，江光夕滋漫。傷時愧孔父，去國同王粲。我生苦飄零，所歷有嗟歎。

過郭代公故宅

豪俊初未遇，其跡或脫略。代公尉通泉，放意何自若。及夫登袞冕，真氣森噴薄。磊落見異人，豈伊常情度。定策神龍後，宮中翕清廓。俄頃辨尊親，指揮存顧託。羣公有慚色，王室無削弱。迺出名臣上，丹青照臺閣。我行得遺跡，池館皆疏鑿。壯公臨事斷，顧步涕橫落。高咏寶劍篇，神交付冥漠。

觀薛稷少保書畫壁

少保有古風，得之陝郊篇。惜哉功名忤，但見書畫傳。我遊梓州東，遺跡涪江邊。畫藏青蓮界，書入金勝懸。仰看垂露姿，不崩亦不燾。鬱鬱三大字，蛟龍岌相纏。又揮西方變，發地扶屋椽。慘澹壁飛動，到今色未填。此行疊壯觀，郭薛俱才賢。不知百載後，誰復來通泉。

通泉縣署屋壁後薛少保書鶴

薛公十一鶴，皆寫青田真。畫色久欲盡，蒼然猶出塵。低昂各有意，磊落如長人。佳此言氣遠，豈惟粉墨新。萬里不以力，羣遊森會神。威遲白鳳態，非是倉鷗鄰。高堂未傾覆，常得慰嘉賓。曝露牆

壁外終嗟風雨頻。赤霄有真骨，恥飲滂池津。冥冥任所往，脫略誰能馴？

陪章留後惠義寺餞嘉州崔都督赴州

中軍待上官，令肅事有恆。前驅入寶地，祖帳飄金繩。南陌既留歡，茲山亦深登。清聞樹杪聲，遠謁雲端僧。迴策匪新岸，所攀仍舊藤。耳激洞門颯，目存寒谷冰。出塵闕軌躅，畢景遺炎蒸。永願坐長夏，將衰棲大乘。驛旅惜宴會，艱難懷友朋。勞生共幾何，離憾兼相仍。

將適吳楚留別章使君留後兼幕府諸公得「柳」字

我來入蜀門，歲月亦已久。豈唯長兒童，自覺成老醜。常恐性坦率，失身為杯酒。近辭痛飲徒，折節萬夫後。昔如縱擊魚，今如喪家狗。既無遊方戀，行止復何有？相逢半新故，取別隨薄厚。不意青羣湖，扁舟落吾手。眷眷章梓州，開筵俯高柳。樓前出騎馬，帳下羅賓友。健兒簸紅旗，此樂或難朽。日車隱崑崙，鳥雀噪戶牖。波濤未足畏，三峽徒雷吼。所憂盜賊多，重見衣冠走。中原消息斷，黃屋今安否？終作適荆蠻，安排用莊叟。隨雲拜東皇，挂席上南斗。有使即寄書，無使長迴首。

山寺

野寺根石壁，諸龕遍崔嵬。前佛不復辨，百身一莓苔。雖有古殿存，世尊亦塵埃。如聞龍象泣，足令信者哀。使君騎紫馬，捧擁從西來。樹羽靜千里，臨江久徘徊。山僧衣藍縷，告訴棟梁摧。公爲顧

賓徒，咄嗟檀施開。吾知多羅樹，卻倚蓮華臺。諸天必歡喜，鬼神無嫌猜。以茲撫士卒，孰曰非周才。窮子失淨處，高人發禍胎。歲晏風破肉，荒林寒可迴。思量入道苦，自哂同嬰孩。

櫻拂子

櫻拂且薄陋，豈知身效能？不堪代白羽，有足除蒼蠅。熒熒金錯刀，攢攢朱絲繩。非獨顏色好，亦用顧盼稱。吾老抱疾病，家貧臥炎蒸。暈膚倦撲滅，賴爾甘服膺。物微世蕪棄，義在誰肯徵。三歲清秋至，未敢闕緘滕。

寄題江外草堂

我生性放誕，難欲逃自然。嗜酒愛風竹，卜居必林泉。遭亂到蜀江，臥疴遣所便。誅茅初一畝，廣地方連延。經營上元始，斷手賣應年。敢謀土木麗，自覺面勢堅。臺亭隨高下，敞豁當清川。雖有會心侶，數能同釣船。干戈未偃息，安得酣歌眠。蛟龍無定窟，黃鵠摩蒼天。古來達士志，寧受外物牽。顧惟魯鈍姿，豈識悔吝先。偶攜老妻去，慘澹凌風煙。事跡無固必，幽貞媿雙全。尚念四小松，蔓草易拘纏。霜骨不甚長，永爲鄰里憐。

送韋諷上閬州錄事參軍

國步猶艱難，兵革未衰息。萬方哀嗷嗷，十載供軍食。庶官務割剝，不暇愛反側。誅求何多門，賢者貴爲德。韋生富春秋，洞澈有清識。操持綱紀地，喜見朱絲直。當令豪奪吏，自此無顏色。必若救瘡痍，先應去蝥賊。揮淚臨大江，高天意悽惻。行行樹佳政，慰我深

相憶!

蘭州東樓筵奉送十一舅往青城縣得「昏」字

會城有高樓制古丹雘存迢迢百餘尺豁達開四門雖有車馬客而無人世喧遊目俯大江列筵慰別魂是時秋冬交節往顏色昏天寒鳥獸休霜露在草根今我送舅氏萬感集清樽豈伊山川間迴首盜賊繁高賢意不暇王命久崩奔臨風欲慟哭聲出已復吞

南池

崢嶸巴閬間所向盡山谷安知有蒼池萬頃浸坤軸呀然闔城南枕帶巴江腹菱荷入異縣稗稻共比屋皇天不無意美利戒止足高田失西成此物頗豐熟清源多衆魚遠岸富喬木獨歎楓香林春時好顏色南有漢王祠終朝走巫祝歌舞散靈衣荒哉舊風俗高堂亦明王魂魄猶正直不應空陂上縹緲親酒食淫祀自古昔非唯一川瀆干戈浩茫茫地僻傷極目平生江海興遭亂身局促駐馬問漁舟躊躇慰羈束

贈別賀蘭鈺

黃雀飽野粟羣飛動荆榛今君抱何憾寂寞向時人老驥倦驪首蒼鷹愁易馴高賢世未識固合嬰饑貧國步初返正乾坤尚風塵悲歌鬢髮白遠赴湘吳春我戀岷下芋君思千里蓴生離與死別自古鼻酸辛

別唐十五誠因寄禮部賈侍郎

九載一相逢百年能幾何復爲萬里別送子山之河白鶴久同林濟魯本同河未知棲集期衰老強高歌歌罷兩樓欄六龍忽蹉跎相視髮皓白況難駐羲和胡星墜燕地漢將仍橫戈蕭條四海內人少豺虎多少人慎莫投多虎信所過飢有易子食獸猶畏虞羅子負經濟才天門鬱嵯峨飄飄適東周來往若崩波南宮吾故人白馬金盤陀雄筆映千古見賢心靡他念子善師事歲寒守舊柯爲吾謝賈公病肺臥江沱

草堂

昔我去草堂蠻夸塞成都今我歸草堂成都適無虞請陳初亂時反覆乃須臾大將赴朝廷羣小起異圖中宵斬白馬盟敵氣已麤西取邛南兵北斷劍閣隅布衣數十人亦擁專城居其勢不兩大始聞蕃漢殊西卒卻倒戈賊臣互相誅焉知肘腋禍自及梟獍徒義士皆病憤紀綱亂相踰一國實三公萬人欲爲魚唱和作威福孰肯辨無辜眼前列桎械背後吹笙竽談笑行殺戮濺血滿長衢到今用鉞地風雨聞號呼鬼妾與鬼馬色悲充爾娛國家法令在此又足驚吁賤子且奔走三年望東吳弧矢暗江海難爲遊五湖不忍竟舍此復來蘿榛蕪入門四松在步履萬竹疏舊大喜我歸低徊入衣裾鄰舍喜我歸沽酒攜胡蘆大官喜我來遣騎問所須城郭喜我來賓客隘村墟天下尙未寧健兒勝腐儒飄飄風塵際何地置老夫於時見疢贅骨髓幸未枯欲咏媿殘生食薇不敢餘

四松

四松初移時，大祇三尺強。別來忽三載，離立如人長。會看根不拔，莫計枝凋傷。幽色幸秀發，疏柯亦昂藏。所插小藩籬，本亦有隄防。終然振撥損，得悵千葉黃。敢爲故林主，黎庶猶未康。避賊今始歸，春草滿空堂。覽物歎衰謝，及茲慰淒涼。清風爲我起，灑面若微霜。足以送老姿，聊待偃蓋張。我生無根帶，配爾亦茫茫。有情且賦詩，事跡可兩忘。勿矜千載後，慘澹蟠穹蒼。

水檻

蒼江多風颭，雲雨晝夜飛。茅軒駕巨浪，焉得不低垂？遊子久在外，門戶無人持。高岸尚如谷，何傷浮柱欹！扶願有勸誡，恐貽識者嗤。既殊大廈傾，可以一木支。臨川視萬里，何必欄檻爲！人生感故物，慷慨有餘悲。

破船

平生江海心，宿昔具扁舟。豈惟清溪上，日傍柴門遊。蒼皇避亂兵，緬邈懷舊邱。鄰人亦已非，野竹獨脩脩。船艤不重扣，埋沒已經秋。仰看西飛翼，下愧東逝流。故者或可掘，新者亦易求。所悲數奔竄，白屋難久留。

營屋

我有陰江竹，能令朱夏寒。陰通積水內，高入浮雲端。甚疑鬼物憑，不願翳伐殘。東偏若面勢，戶隔永可安。愛惜已六載，茲晨去千竿。蕭蕭見白日，洶洶聞奔湍。度堂匪華麗，養拙異考槃。草茅雖

難貨，衰疾方少寬。洗然順所適，此足代加餐。寂無斤斧響，庶遂憩息歎。

除草

草有害於人，曾何生阻修。其毒甚蜂蠆，其多彌道周。清晨步前林，江色未散憂。芒刺在我眼，焉能待高秋。霜露一霑凝，蕙葉亦難留。荷鋤先童稚，日入仍討求。轉致水中央，豈無雙釣舟。頑根易滋蔓，敢使依舊邱。自茲藩籬曠，更覺松竹幽。芟不可闕，疾惡信如讎。

揚旗

江雨颯長夏，府中有餘清。我公會賓客，肅肅有異聲。初筵閱軍裝，羅列照廣庭。庭空六馬入，駢駢揚旗旌。迴迴偃飛蓋，熠熠迸流星。來纏風颭急，去擘山岳傾。材歸俯身盡，妙取略地平。虹霓就掌握，舒卷隨人輕。三州陷大戎，但見西嶺青。公來練猛士，欲奪天邊城。此堂不易升，庸蜀日已寤。吾徒且加餐，休食蠻與荆。

太子張舍人遺織成褥段

客從西北來，遺我翠織成。開緘風濤湧，中有掉尾輕。透迥羅水族，瑣細不足名。客云充君壽，承君終宴榮。空堂魑魅走，高枕形神清。領客珍重意，顧我非公卿。留之懼不祥，施之混柴荆。服飾定尊卑，大哉萬古程。今我一賤老，褊褐更無營。煌煌珠宮物，寢處禍所嬰。歎息當路子，干戈尚縱橫。掌握有權柄，衣馬自肥輕。李鼎死岐陽，實以驕貴盈。來瑱賜自盡，氣豪直阻兵。皆聞黃金多，坐見悔

各生。奈何田舍翁，受此厚賜情！錦鯨卷還客，始覺心和平。振我羸席塵，媿客茹藜羹。

別蔡十四著作

賈生慟哭後，寥落無其人。安知蔡夫子，高義邁等倫？獻書謁皇帝，志已清風塵。流涕灑丹極，萬乘為酸辛。天地則創痍，朝廷當正臣。異才復開出，周道日惟新。使蜀見知己，別顏始一伸。主人薨城府，扶輿歸咸秦。巴道此相逢，會我病江濱。憶念鳳翔都，聚散俄十春。我衰不足道，但願子意陳。稍令社稷安，自契魚水親。我雖消渴甚，敢忘帝力勤。尚思未朽骨，復覩耕桑民。積水駕三峽，浮龍倚長津。揚舲洪濤間，仗子濟物身。鞍馬下秦塞，王城通北辰。元甲聚不散，兵久食恐貧。窮谷無粟帛，使者來相因。若憑南懷吏，書札到天垠。

卷八

湘鄉曾國藩纂 合肥李鴻章審訂 東湖王定安校

杜工部五古下九十五首

杜鵑

西川有杜鵑，東川無杜鵑。浩萬無杜鵑，雲安有杜鵑。我昔遊錦城，結廬錦水邊。有竹一頃餘，喬木上參天。杜鵑暮春至，哀哀叫其間。我見常再拜，重是古帝魂。生子百鳥巢，百鳥不敢曠。仍為餓其子，禮若奉至尊。鴻雁及羔羊，有禮太古前。行飛與跪乳，識序如

知恩。聖賢古法則，付與後世傳。君看禽鳥情，猶解事杜鵑。今忽暮春間，值我病經年。身病不能拜，淚下如遊泉。

客居

客居所居堂，前江後山根。下壘萬尋弄，蒼濤鬱飛翻。蔥青衆木梢，邪豎雜石痕。子規晝夜啼，壯士斂精魂。峽開四千里，水合數百源。入虎和半居，相傷終兩存。蜀麻久不來，吳鹽擁荆門。西南失大將，商旅自星奔。今又降元戎，已聞動行軒。舟子候利涉，亦憑節制尊。我在路中央，生理不得論。臥愁病腳廢，徐步視小園。短畦帶碧草，悵望思王孫。鳳隨其皇去，離雀暮喧繁。覽物想故國，十年別荒村。日暮歸幾翼，北林空自昏。安得覆八溟，爲君洗乾坤。稷契易爲力，犬戎何足吞。儒生老無成，臣子憂四番。篋中有舊筆，情至時復援。

客堂

憶昨離少城，而今異楚蜀。舍舟復深山，窅窕一林麓。棲泊雲安縣，消中內相毒。舊疾甘載來，衰年得無足。死爲殊方鬼，頭白免短促。老馬終望雲，南雁意在北。別家長兒女，欲起慚筋力。客堂欽節改，具物對纜束。石噴蘆芽紫，渚秀蘆筍綠。巴鷲紛未稀，微麥早向熟。悠悠日動江，漠漠春辭木。暮郎選才俊，自顧亦已極。前輩聲名人，埋沒何所得？居然緒章級，受性本幽獨。平生憩息地，必種數竿竹。事業祇濁醪，營葺俱草屋。上有記者累，奏資薄祿。主憂豈濟時，身遠彌曠職。循文廟算主，獻可天衢直。尚想趨朝廷，毫髮裨

稷。形骸今若是，進退委行色。

石硯詩

平公今詩伯，秀發吾所美。奉使三峽中，長嘯得石硯。巨璞禹鑿餘，異狀君獨見。其滑乃波濤，其光或雷電。聯坳各盡墨，多水遞隱見。揮灑容數人，十手可對面。比公頭上冠，貞實未爲賤。當公賦佳句，況得終清宴。公含起草姿，不遠明光殿。致于丹青地，知汝隨顧盼。

水閣朝霽，奉簡嚴雲安

東城抱春岑，江閣鄰石面。崔嵬晨雲白，朝旭射芳甸。雨檻臥花叢，風牀展書卷。鉤簾宿鷺起，丸藥流鸚嚙。呼婢取酒壺，續兒誦文選。晚交嚴明府，矧此數相見。

贈鄭十八賁

溫溫士君子，令人懷抱盡。靈芝冠衆芳，安得闕親近？遭亂意不歸，竄身迹非隱。細人尚姑息，吾子色愈謹。高懷見物理，識者安肯哂？卓飛欲何待，捷徑應未忍。示我百篇文，詩家一標準。羈離交屈宋，牢落值顏閔。水陸迷畏途，藥餌駐修軫。古人日已遠，青史字不泯。步趾咏唐虞，追隨飯葵葷。數杯資好事，異味煩縣尹。心雖在朝講，力與願矛盾。抱病排金門，衰容豈爲傲。

三韻三篇

高馬勿唾面，長魚無損鱗。辱馬馬毛焦，困魚魚有神。君看磊落士，不肯易其身。

十八家詩鈔 卷八

蕩蕩萬斛船，影若揚白虹。起櫓必椎牛，挂席集衆功。自非風動天，莫置大水中。烈士惡多門，小人自同調。名利苟可取，殺身傍權要。何當官曹清！爾輩堪一笑。

鄭典設自施州歸

吾憐榮陽秀，冒暑初有適。名賢慎所出，不肯妄行役。旅茲殊俗遠，竟以屢空迫。南謁裴施州，氣合無險僻。攀援懸根木，登頓入天石。青山自一川，城郭洗變惑。聽子話此邦，令我心悅懌。其俗則純樸，不知有主客。溫溫諸侯門，禮亦如古昔。救腐倍常羞，杯盤頗狼籍。時雖屬喪亂，事貴賞匹敵。中宵懷良會，裴鄭非遠戚。羣書一萬卷，博涉供務隙。他日辱銀鉤，森疏見矛戟。倒屣喜旋歸，畫地求所歷。乃聞風土質，又重田疇闢。刺史似寇恂，列郡宜競惜。北風吹瘴癘，羸老思散策。渚拂蕪葭塞，嶠穿蘿葛幕。此身仗兒僕，高興潛有激。孟冬方首路，強飯取崖壁。歎爾疲鴛駘，汗溝血不赤。終然備外飾，駕馭何所益。我有平肩輿，前途猶準的。翩翩入鳥道，庶脫蹻跌厄。

柴門

孤舟登瀛西，迴首望兩崖。東城乾旱天，其氣如焚柴。長影沒窈窕，餘光散吟呀。大江蟠嵌根，歸海成一家。下衝割坤軸，壁壁攢鑿鑿。蕭颯灑秋色，氛昏霾日車。峽門自此始，最窄容浮查。禹功翊造化，疏鑿就欹斜。巨渠決太古，衆水爲長蛇。風煙渺吳蜀，舟楫通

鹽麻。我今遠遊子，飄轉混泥沙。萬物附本性，約身不願奢。茅棟蓋一牀，清池有餘花。濁醪與脫粟，在眼無咨嗟。山荒人民少，地僻日夕佳。貧病固其常，富貴任生涯。老于干戈際，宅幸蓬蒿遮。石亂上雲氣，杉清延月華。賞妍又分外，理愜夫何誇。足了垂百年，敢居高士差。書此貽平昔，迴首猶暮霞。

貽華陽柳少府

繫馬喬木間，問人野寺門。柳侯披衣笑，見我顏色溫。竝坐石下堂，俛視大江奔。火雲洗月露，絕壁上朝暾。自非晚相訪，觸熱生病根。南方六七月，出入異中原。老少多嗒死，汗踰水漿翻。俊才得之子，筋力不辭煩。指揮當世事，語及戎馬存。涕淚灑我裳，悲氣排帝關。鬱陶抱長策，義仗知者論。吾衰臥江漢，但媿識璵璠。文章一小技，於道未為尊。起予幸斑白，因是託子孫。俱客古信州，結廬依毀垣。相去四五里，徑微山葉繁。時危挹佳士，況免軍旅喧。醉從趙女舞，歌鼓秦人盆。子壯顧我傷，我驪兼淚痕。餘生如過鳥，故里今空村。

雷

大旱山岳焦，密雲復無雨。南方瘴癘地，罹此農事苦。封內必舞雩，峽中喧擊鼓。真龍竟寂寞，土梗空俯俛。吁嗟公私病，稅斂缺不補。故老仰面啼，瘡痍向誰數。暴尪或前聞，鞭笞非稽古。請先偃甲兵，處分聽人主。萬邦但各業，一物休盡取。水旱其數然，堯湯免親親。上天鍊金石，羣盜亂豺虎。二者存一端，愆陽不猶愈。昨宵鼓

其雷，風過齊萬弩。復吹靈翳散，虛覺神靈聚。氣膈腸胃融，汗滋衣裳污。吾衰尤拙計，失望築場圃。

火

楚山經月火，大旱則斯舉。舊俗燒蛟龍，驚惶致雷雨。爆椒糶魅泣，崩凍嵐陰暝。羅落泐百泓，根源皆萬古。青林一灰燼，雲氣無處所。入夜殊赫然，新秋照牛女。風吹巨燄作，河棹騰煙柱。勢欲焚崑崙，光彌焮洲渚。腥至焦長蛇，聲吼纏猛虎。神物已高飛，不見石與土。爾寤要謗讒，憑此近焚侮。薄關長吏憂，甚昧至精主。遠遷誰撲滅，將恐及環堵。流汗臥江亭，更深氣如縷。

七月三日亭午，已後較熱，退晚加小涼，穩睡有詩，因論壯

年樂事，戲呈元二十一曹長

今茲商用事，餘熱亦已末。衰年旅炎方，生意從此活。亭午減汗流，北鄰耐人聒。晚風爽烏匳，筋力蘇播折。閉目踰十旬，大江不止渴。退藏憾雨師，健步聞旱魃。圓蔬抱金玉，無以供採掇。密雲雖聚散，徂暑終衰歇。前聖齋焚巫，武王親救暍。陰陽相主客，時序遞迴斡。灑落唯清秋，昏霾一空闊。蕭蕭塞雁鴈，南向欲行列。歛思紅顏日，霜露凍階闥。胡馬挾彫弓，鳴弦不虛發。長鉞逐狡兔，突羽當滿月。惆悵白頭吟，蕭路游俠窟。臨軒望山閣，縹緲安可越。高人煉丹砂，未念將朽骨。少壯迹頗疏，歡娛會倏忽。杖藜風塵際，老醜難翦拂。吾子得神仙，本是池中物。賤夫美一睡，煩促嬰詞筆。

牽牛織女

牽牛出河西，織女處其東。萬古永相望，七夕誰見同？神光意難候，此事終蒙籠。飄然精靈合，何必秋遂通。亭亭新妝立，龍駕具曾空。世人亦爲爾，祈請走兒童。稱家隨豐儉，白屋達公宮。膳夫翊堂殿，鳴玉淒房櫺。曝衣徧天下，曳月揚微風。蛛絲小人態，曲綴瓜果中。初筵瀆重露，日出甘所終。嗟汝未嫁女，秉心鬱忡忡。防身動如律，竭力機杼中。雖無姑舅事，敢昧織作功。明明君臣契，咫尺或未容。義無棄禮法，恩始夫婦恭。小大有佳期，戒之在至公。方圓苟齟齬，丈夫多英雄。

毒熱寄簡崔評事十六弟

大暑運金氣，荆揚不知秋。林下有塌翼，水中無行舟。千室但掃地，閉關人事休。老夫轉不樂，旅次兼百憂。蝮蛇暮偃蹇，空牀難暗投。炎宵惡明燭，況乃懷舊邱。開襟仰內弟，執熱露白頭。束帶負芒刺，接居成阻修。何當清霜飛，會子臨江樓。載聞大易義，諷興詩家流。蘊藉異時輩，檢身非苟求。皇皇使臣體，信是德業優。楚材擇杞梓，漢苑歸驂驅。短章達我心，理爲識者籌。

殿中楊監見示張旭草書圖

斯人已云亡！草聖祕難得。乃茲煩見示，滿目一淒惻。悲風生微絹，萬里起古色。鏘鏘鳴玉動，落落羣松直。連山蟠其間，溟泮興筆力。有練實先書，臨池真盡墨。俊拔爲之主，暮年思轉極。未知張王後，誰竝百代則。嗚呼東吳精，逸氣感清識。楊公拂篋笥，舒卷忘寢食。念昔揮毫端，不獨觀酒德。

楊監又出畫鷹十二扇

近時馮紹正，能畫鷲鳥樣。明公用此圖，無乃傳其狀。殊姿各獨立，清絕心右向。疾禁千里馬，氣敵萬人將。憶昔驪山宮，冬移含元仗。天寒大羽獵，此物神俱王。當時無凡材，百中皆用壯。粉墨形似聞，識者一惆悵。干戈少暇日，眞骨老峯嶂。爲君除狡兇，會是翻韉上。

送殿中楊監赴蜀見相公

去水絕還波，曳雲無定姿。人生在世間，聚散亦暫時。離別重相逢，偶然豈定期。送子清秋暮，風物長年悲。豪俊貴勳業，邦家頻出師。相公鎮梁益，軍事無子遺。解榻再見今，用才復擇誰。況子已高位，爲郡得固辭。難拒供給費，慎哀漁奪私。干戈未甚息，紀綱正所持。汎舟巨石橫，登陸草露滋。山門日易久，當念居者思。

贈李十五丈別

峽人鳥獸居，其室附巖巔。下臨不測江，中有萬里船。多病紛倚薄，少留改歲年。絕域誰慰懷，開顏喜名賢。孤陋忝末親，等級敢比肩。人生意頗合，相與襟袂連。一日兩遣僕，三日一共筵。揚論展寸心，壯筆過飛泉。玄成美價存，子山舊業傳。不聞八尺軀，常受衆目憐。且爲辛苦行，蓋被生事牽。北迴白帝棹，南入黔陽天。汧公制方隅，迴出諸侯先。封內如太古，時危獨蕭然。清高金莖露，正直朱絲絃。昔在堯四岳，今之黃頰川。于邁恨不同，所思無由宣。山深水增波，解榻秋露縣。客游雖云久，主要月再圓。晨集風渚亭，醉操雲

嬌篇。丈夫貴知已，歡罷念歸旋。

西閣曝日

凜冽倦元冬，負暄嗜飛閣。羲和流德澤，顛項愧倚薄。毛髮具自和，肌膚潛沃若。太陽信深仁，衰氣歛有託。歛煩煩注眼，容易收病腳。流離木杪猿，翩躚山巔鶴。用知苦聚散，哀樂日已作。卽事會賦詩，人生忽如昨。古來遭喪亂，賢聖盡蕭索。胡爲將盡年，憂世心力弱！

課伐木

課隸人伯夷，幸秀信行等入谷，斬陰木。人日四根止。維條伊枚，正直挺然。晨征暮返，委積庭內。我有蕭籬，是缺是補。載伐篠簜，伊仗支持。則旅次於小安山，有虎知禁。若恃爪牙之利，必昏黑橙，突變人屋壁，列樹白菊，鏝爲牆，實以竹。示式，適爲與虎近，混淪乎無良賓客憂，害馬之徒苟活爲幸，可嘆息！已作詩示宗武誦。

長夏無所爲，客居課奴僕。清晨飯其腹，持斧入白谷。青冥曾巔後，十里斬陰木。人肩四根已，亭午下山籠。尙聞丁丁聲，功課日各足。蒼皮成委積，素節相照爛。藉汝跨小籬，當仗苦虛竹。空荒咆熊羆，乳獸待人肉。不示知禁情，豈惟干戈哭。城中賢府主，處貴如白屋。蕭蕭理體淨，蜂蠹不敢毒。虎穴連里閭，隄防舊風俗。泊舟滄江岸，久客慎所觸。舍西崖嶠壯，雷雨蔚含蓋。牆宇資屢修，衰年怯幽獨。爾曹輕執熱，爲我忍煩促。秋光近青岑，季月當泛菊。報之以

微寒，共給酒一斟。

國人送瓜

江間雖炎瘴，瓜熟亦不早。柏公鎮夔國，滯務茲一掃。食新先戰士，共少及溪老。傾筐蒲鶴青，滿眼顏色好。竹竿接嵌竇，引注來鳥道。沈浮亂水玉，愛惜如芝草。落刃嚼冰霜，開懷慰枯槁。許以秋蒂除，仍看小童抱。東陵迹蕪絕，楚漢休征討。國人非故侯，種此何草草。

信行遠修水筒

汝性不茹葷，清靜僕夫內。秉心識本源，於事少滯礙。雲端水筒坼，林表山石碎。觸熱藉子修，通流與廚會。往來四十里，荒險崖谷大。日嚙齋未餐，貌赤媿相對。浮瓜供老病，裂餅營所愛。於斯筭恭謹，足以殊殿最。詎要方士符，何假將軍蓋。行諸直如筆，用意崎嶇外。

槐葉冷淘

青青高槐葉，采掇付中廚。新麪來近市，汁滓宛相俱。入鼎資過熟，加餐愁欲無。碧鮮俱照筋，香飯兼苞蘆。經齒冷於雪，勸人投此珠。願隨金駿躡，走置錦屠蘇。路遠思恐泥，興深終不渝。獻芹則小小，薦藻明區區。萬里露寒殿，開冰清玉壺。君王納涼晚，此味亦時須。

行宮張望補稻畦水歸

東屯大江北，百頃平若按。六月青稻多，千畦碧泉亂。插秧適

云已引溜加溉灌。更僕往方塘。決渠當斷岸。公私各地著。浸潤無
天旱。主守問家臣。分明見溪伴。芊芊炯翠羽。剡剡生銀漢。鷓鴣鏡
裏來。關山雪邊看。秋菰成黑米。精鑿傳白粲。玉粒足晨炊。紅鮮任
霞散。終然添旅食。作苦期壯觀。遺穗及衆多。我倉戒滋蔓。

催宗文樹雞欄

吾衰怯行邁。旅次展崩迫。愈風傳鳥雞。秋卯方漫喫。自春生
成者。隨母向百翻。驅趁制不禁。喧呼山腰宅。課奴殺青竹。終日憎
赤墮。踏藉盤按翻。寒蹊使之隔。牆東有隙地。可以樹高欄。避熱時
來歸。問兒所爲。迹織籠曹其內。令人不得擲。稀閒可突過。芻爪還
汚席。我寬螻蟻遭。彼免狐貉厄。應宜各長幼。自此均劾敵。籠欄念
有修。近身見損益。明明領處分。一一當剖析。不味風雨晨。亂離減
憂感。其流則凡鳥。其氣心匪石。倚賴窮歲晏。撥煩去冰釋。未似尸
鄉翁。拘留蓋阡陌。

園官送菜

園官送菜。把本數日闕。矧苦芭。馬齒掩乎嘉蔬。傷小人。妬
害君子。菜不足道也。比而作詩。

清晨蒙菜把。常荷地主恩。守者愆實數。略有其名存。苦荳刺
如鍼。馬齒葉亦繁。青青嘉蔬色。埋沒在中國。園吏未足怪。世事固
堪論。嗚呼戰伐久。荆棘暗長原。乃知苦荳輩。傾奪蕙草根。小人塞
道路。爲慙何喧喧。又如馬齒盛。氣擁葵荂昏。點染不易處。絲麻雜
羅紈。一經器物內。永掛麤刺痕。志士採紫芝。放歌避戍軒。畦丁負

籠至。感動百慮端。

上後園山脚

朱夏熱所嬰。清旭步北林。小園背高岡。挽葛上崎崕。曠望延
駐目。飄飄散疏襟。潯鱗恨水壯。去翼依雲深。勿謂地無疆。劣於山
有陰。石椽偏天下。水陸兼浮沈。自我登隴首。十年經碧岑。劍門來
巫峽。溥倚浩至今。故園暗戎馬。骨肉失追尋。時危無消息。老去多
歸心。志士惜白日。久客藉黃金。敢爲蘇門嘯。庶作梁父吟。

驅豎子摘蒼耳

江上秋已分。林中瘴猶劇。畦丁告勞苦。無以供日夕。蓬莠獨
不焦。野蔬暗泉石。卷耳況療風。童兒且時摘。侵星驅之去。爛漫任
遠適。放篋亭午際。洗剝相蒙羈。登牀半生熟。下筯還小益。加點瓜
蕓間。依稀橘奴迹。亂世誅求急。黎民糠粃窄。飽食復何心。荒哉膏
梁客。富家廚肉臭。戰地骸骨白。寄語惡少年。黃金且休擲。

秋行官張望督促東渚耗稻向畢清晨遣女奴阿稽暨
子阿段往問

東渚雨今足。佇聞粳稻香。上天無偏頗。蒲稗各自長。人情見
非類。田家戒其荒。功夫競櫛櫛。除草置岸旁。穀者命之本。客居安
可忘。青春具所務。勤墾免亂常。吳牛力容易。竝驅動莫當。豐苗亦
已穰。雲水照方塘。有生固蔓延。靜一資隄防。督領不無人。提攜頗
在綱。荆揚風土暖。肅肅候微霜。尙恐主守疏。用心未甚臧。清朝遣
婢僕。寄語踰崇岡。西成聚必散。不獨陵我倉。豈要仁里舉。感此亂

世忙北風吹葉散，蟋蟀近中堂。荏苒百工休，鬱紆遲暮傷。

阻雨不得歸濃西甘林

三伏適已過，驕陽化爲霖。欲歸濃西宅，阻此江浦深。壞舟百板垢，峻岸復萬尋。篙工初一棄，恐泥勞寸心。佇立東城隅，悵望高飛禽。草堂亂玄剛，不隔崑崙岑。昏渾衣裳外，曠絕同層陰。園甘長成時，三寸如黃金。諸侯舊上計，厥貢傾千林。邦人不足重，所迫豪吏侵。客居暫封殖，日夜偶瑤琴。虛徐五林態，側塞煩胸襟。焉得輟兩足，杖藜出岷嶽。條流數翠實，偃息歸碧潯。拂拭烏皮几，喜聞樵牧音。令兒快搔背，脫我頭上簪。

雨

峽雲行清曉，煙霧相徘徊。風吹蒼江樹，雨灑石壁來。淒淒生餘寒，殷殷兼出雷。白谷變氣候，朱炎安在哉。高鳥溼不下，居人門未開。楚宮久已滅，凶珮爲誰哀。侍臣書王夢，賦有冠古才。冥冥翠龍駕，多自巫山臺。

雨二首

青山澹無姿，白露誰能數。片片水上雲，蕭蕭沙中雨。俗殊狀巢居，曾臺俯風渚。佳客適萬里，沈思情延佇。掛帆遠色外，驚浪滿吳楚。久陰蛟螭出，寇盜復幾許。

空山中宵陰，微冷先枕席。迴風起清曙，萬象萎已碧。落落出岫雲，渾渾倚天石。日假何道行，雨含長江白。連櫓荆州船，有士荷矛戟。南防草鎮慘，霑溼赴遠役。羣盜下辟山，總戎備強敵。水深雲

光廓，鳴榔各有適。漁艇息悠悠，夸歌負樵客。留滯一老翁，書時記朝夕。

晚登灑上堂

故灑灑岸高，頗免崖石擁。開襟野堂豁，繫馬林花動。雉堞粉如雲，山田麥無壟。春氣晚更生，江流靜猶湧。四序嬰我懷，羣盜久相踵。黎民困逆節，天子渴垂拱。所思注東北，深峽轉修聳。衰老自成病，郎官未爲冗。淒其望呂葛，不復夢周孔。濟世數暫時，斯人各枯家。楚星南天黑，蜀月西霧重。安得隨鳥翎，迫此懼將恐。

又上後園山脚

昔我游山東，憶戲東嶽陽。窮秋立日觀，矯首望八荒。朱崖著毫髮，碧海吹衣裳。孽收困用事，元冥蔚強梁。遊水自朝宗，鎮名各其方。平原獨顛顛，農力廢耕桑。非關風露凋，曾是戍役傷。於時國用富，足以守邊疆。朝廷任猛將，遠奪戎馬場。到今事反覆，故老淚萬行。龜蒙不復見，況乃懷舊鄉。肺萎屬久戰，骨出熱中腸。髮來林匣劍，更上林北岡。瘴毒猿鳥落，峽乾南日黃。秋風亦已起，江漢始如湯。登高欲有往，蕩析川無梁。哀彼遠征人，去家死路旁。不及祖父塋，曩曩家相當。

雨

山雨不作泥，江雲薄爲霧。晴飛半嶺鶴，風亂平沙樹。明滅洲景微，隱見巖姿露。拘悶出門游，曠絕經目趣。消中日伏枕，臥久塵及履。豈無平肩輿，莫辨望鄉路。兵戈浩未息，虵虺反相顧。悠悠邊

月破，鬱鬱流年度。鍼灸朋曹，糠粃對童孺。一命須屈色，新知漸成故。窮荒益自卑，飄泊欲誰訴。危羸愁應接，俄頃恐違迕。浮俗何萬端，幽人有獨步。龐公竟獨往，尚子終罕遇。宿留洞庭秋，天寒瀟湘素。杖策可入舟，送此齒髮暮。

甘林

捨舟越西岡，入林解我衣。青芻適馬性，好鳥知人歸。晨光映遠岫，夕露見日晞。遲暮少寢食，清曠喜荆扉。經過倦俗態，在野無所違。試問甘藜藿，未肯羨輕肥。喧靜不同科，出處各天機。勿矜朱門是，陋此白屋非。明朝步鄰里，長老可以依。時危賦歛數，脫粟爲爾揮。相攜行葦田，秋花靄菲菲。子實不得喫，貨市途王畿。盡添軍旅用，迫此公家威。主人長跪問，戎馬何時稀。我衰易悲傷，屈指數賊圍。勸其死，王命慎莫違。奮飛。

雨

行雲遞崇高，飛雨霽而至。滂滂石間溜，汨汨松上駛。亢陽乘秋熱，百穀皆已棄。皇天德澤降，焦卷有生意。前雨傷卒暴，今雨喜容易。不可無雷霆，開作鼓增氣。佳聲達中宵，所望時一致。清霜九月天，髮鬢見滯穗。郊扉及我私，我圃日蒼翠。恨無抱甕力，庶減臨江費。

種萬菑

既雨已秋堂，下理小畦。隔種一兩席，許萬菑，向二旬矣。而菑不甲，拆伊人竟青，傷時君子，或晚得微祿，轍軻不進。

因作此詩

陰陽一錯亂，驕蹇不復理。枯旱於其中，炎方慘如燬。植物半蹉跎，嘉生將已矣。雲雷歛奔命，師伯集所使。指麾赤白日，瀕洞青光起。雨聲先已風，散足盡西靡。山泉落滄江，霹靂猶在耳。終朝紆颯沓，信宿罷瀟灑。堂下可以畦，呼童對經始。芑兮蔬之常，隨事藝其子。破塊數席間，荷鋤功易止。兩旬不甲拆，空惜埋泥滓。野菑迷汝來，宗生實於此。此輩豈無秋，亦蒙寒露委。翻然出地連，滋蔓戶庭毀。因知邪干正，掩抑至沒齒。賢良雖得祿，守道不封己。擁塞敗芝蘭，衆多盛荆杞。中國陷蕭艾，老圃永爲恥。登於白玉盤，藉以如霞綺。竟也無所施，胡顏入筐篚。

暇日小園散病，將種秋菜，督勸耕牛，兼書觸目

不愛入州府，畏人嫌我真。及乎歸茅宇，旁舍未曾曠。老病忌拘束，應接喪精神。江村意自放，林木心所欣。秋耕屬地溼，山雨近甚勻。冬菁飯之半，牛力晚來新。深耕種數畝，未甚後四鄰。嘉蔬既不一名數，頗具陳。荆巫非苦寒，採擷接青春。飛來兩白鶴，暮啄泥中芹。雄者左翻垂，損傷已露筋。一步再流血，尚經續繳勤。三步六號叫，志屈悲哀頻。鸞鳳不相待，側頭訴高旻。杖藜俯沙渚，爲汝鼻酸辛。

八哀詩

傷時盜賊未息，興起王公李公，歎舊懷賢，終於張相國八公前後存沒，遂不詮次焉。

贈司空王公思禮

司空出東夷，童穉刷勁鬣。追隨燕薊兒，穎銳物不隔。服事哥舒翰，意無流沙積。未甚拔行間，犬戎天充斥。短小精悍姿，屹然強寇敵。貫穿百萬衆，出入由咫尺。馬鞍懸將首，甲外控鳴鏑。洗劍青海水，刻銘天山石。九曲非外蕃，其王轉深壁。飛兔不近駕，鷲鳥資遠擊。曉達兵家流，飽聞春秋辯。胸襟日沈靜，肅肅自有適。潼關初潰散，萬乘猶辟易。偏裨無所施，元帥見手格。太子入朔方，至尊狩梁益。胡馬躡伊洛，中原氣甚逆。肅宗登寶位，塞望勢敦迫。公時徒步至，請罪將厚責。際會清河公，問道傳玉册。天王拜跪畢，讜議果冰釋。翠華卷飛雪，熊虎互阡陌。屯兵鳳凰山，帳殿涇渭關。金城賊咽喉，詔鎮雄所搃。禁暴清無雙，爽氣春淅瀝。蒼有從公歌，野多青麥。及夫哭廟後，復領太原役。恐懼祿位高，悵望王土窄。不得見清時，嗚呼就窆窆。永繫五明舟，悲甚田橫客。千秋汾晉間，事與雲水白。昔觀文苑傳，豈遠廉蘭績。嗟嗟鄒大夫，士卒終倒戟。

故司徒李公光弼

司徒天寶末，北收晉陽甲。胡騎攻吾城，愁寂意不慤。人安若泰山，薊北斷右脅。朔方氣乃蘇，黎首見帝業。二宮泣西郊，九廟起頽壓。未散河陽卒，思明偽臣妾。復自礪石來，火焚乾坤蠱。高視笑祿山，公又大獻捷。異王册崇勳，小敵信所怯。擁兵鎮河汴，千里初妥帖。青蠅紛營營，風雨秋一葉。內省未入朝，死淚終映睫。大屋去高棟，長城掃遺堞。平生白羽扇，零落蛟龍匣。雅望與英姿，惻愴愧

東峽。里接三軍晦光彩，烈士痛彌疊。直筆在史冊，將來洗箱篋。吾思哭孤冢，南紀歸歸楫。扶顛永蕭條，未濟失利涉。疲茶竟何人，灑涕巴

贈左僕射鄭國公嚴公武

鄭公瑚璉器，華岳金大晶。昔在童子日，已聞老成名。嶷然大賢後，復見秀骨清。開口取將相，小心事友生。閱書百紙盡，落筆四座驚。歷職匪父任，嫉邪常力爭。漢儀尙整肅，胡騎忽縱橫。飛傳自河隴，逢人問公卿。不知萬乘出，雪涕風悲鳴。受詞劍閣道，謁帝蕭關城。寂寞雲臺仗，飄飄沙塞旌。江山少使者，笳鼓凝秦情。壯士血相視，忠臣氣不平。密論貞觀體，揮發岐陽征。感激動四極，聯翩收二京。西郊牛酒再，原廟丹青明。匡汲俄寵辱，衛霍竟哀榮。四登會府地，三掌華陽兵。京兆空柳色，尚書無履聲。羣鳥自朝夕，自馬休橫行。諸葛蜀人愛，文翁儒化成。公來雪山重，公去雪山輕。記室得何遜，韜鈴延子荆。四郊失壁壘，虛館開逢迎。堂上指圖畫，軍中吹玉笙。豈無成都酒，憂國祇細傾。時觀錦水釣，問俗終并意。待犬戎滅，人藏紅粟盈。以茲報主願，庶或裨世程。炯炯一心在，沈沈二豎嬰。顏回竟短折，賈誼徒忠貞。飛旆出江漢，孤荆轉荆衡。虛無馬融笛，悵望龍驤營。空餘老賓客，身上愧簪纓。

贈太子太師汝陽郡王璵

汝陽讓帝子，眉宇真天人。虬鬚似太宗，色映塞外春。往者開元中，主恩視遇頻。出入獨非時，禮畢見羣臣。愛其謙潔極，倍此骨

肉親。從容聽朝後，或在風雪晨。忽思格猛獸，苑囿騰清塵。羽旗動若一，萬馬肅駢駢。詔王來射雁，拜命已挺身。箭出飛鞞內，上又回翠麟。翻然紫塞翻，下拂明月輪。胡人雖獲多，天笑不爲新。王每中一物，手自與金銀。袖中諫獵書，扣馬久上陳。竟無銜鑿處，聖聰矧多仁。官免供給費，水有在藻鱗。匪唯帝老大，皆是王忠勤。晚年務置禮，門引申白賓。道大容無能，永懷侍芳茵。好學尙貞烈，義形必需巾。揮翰綺繡揚，篇什若有神。川廣不可泝，蔡久狐兔鄰。宛彼漢中郡，文雅見天倫。何以開我悲，泛舟俱遠津。溫溫昔風味，少壯已書紳。舊遊易磨滅，衰謝增酸辛。

贈秘書監江夏李公邕

長嘯宇宙閒，高才日陵替。古人不可見，前輩復誰繼？憶昔李公存，詞林有根柢。聲華當健筆，灑落富清製。風流散金石，追琢山岳銳。情窮造化理，學貫天人際。干謁走其門，碑版照四裔。各滿深望還，森然起凡例。蕭蕭白楊路，洞徹寶珠惠。龍宮塔廟湧，浩劫浮雲衛。宗儒俎豆事，故吏去思計。哂哂已皆虛，跣涉曾不泥。向來映當時，豈獨勸後世？豐屋珊瑚鉤，麒麟織成蜀。紫駟隨劍兒，義取無虛歲。分宅脫驂閒，感激懷未濟。衆歸闕給美，擺脫多藏穢。獨步四十年，風聽九皋唳。嗚呼江夏姿，竟掩宣尼袂。往者武后朝，引用多寵嬖。否臧太常議，面折二張勢。衰俗凜生風，拂蕩秋旻霽。忠貞負冤恨，官闕深旒綴。放逐早聯翩，低垂困炎厲。日斜烏鵲入，魂斷蒼梧帝。榮枯走不暇，星駕無安稅。幾分漢廷竹，夙擁文侯箠。終悲洛

陽獄事近小臣，蔽禍階初負謗。易力何深噴？伊昔臨淄亭，酒酣托未契。重敍東都別，朝陰改軒砌。論文到崔蘇，指畫流水逝。近伏盈川雄，未甘特進麗。是非張相國，相扼一危脆。爭名古豈然，鍵捷款不閉。例及吾家詩，曠懷掃氛翳。慷慨嗣真作，咨嗟玉山柱。鍾律儼高懸，鯢鱗噴迢遞。坡陀青州血，蕪沒汝陽瘁。哀贈竟蕭條，恩波延揭厲。子孫存如綫，舊客舟凝滯。君臣尚論兵，將帥接燕薊。朗咏六公篇，憂來豁蒙蔽。

故秘書少監武功蘇公源明

武功少也孤，徒步客徐兗。讀書東岳中，十載考墳典。時下萊蕪郭，忍飢浮雲蠶。負米晚爲身，每食臉必泫。夜字照燕薪，垢衣生碧蘚。庶以勤苦志，報茲劬勞顯。學蔚醇儒姿，文包舊史善。灑落辭幽人，歸來濟京輦。射君東堂策，宗匠集精選。制可題未乾，乙科已大闢。文章日自負，吏祿亦畧踐。晨趨闔闔內，足踏宿昔筵。一麾出守還，黃屋朔風卷。不暇陪八駿，虜庭悲所遣。平生滿樽酒，斷此朋知展。憂憤病二秋，有恨石可轉。肅宗復社稷，得無逆順辨。范曄顧其兒，李斯憶黃犬。祕書茂松意，溟漲本末淺。青瑩芙蓉劍，犀兕豈獨刺？反爲後輩嬰，予實苦懷緇。煌煌齋房芝，事絕萬手攀。垂之俟來者，正始徵勸勉。不要懸黃金，胡爲投乳贖。結交三十載，吾與誰遊行？滎陽復冥寞，罪罟已橫罟。嗚呼子逝日，始泰則終瘞。長安米萬錢，凋喪盡餘喘。戰伐何當解，歸帆阻清沔。尙繚漳水疾，永負蒿里餞。

故著作郎貶台州司戶蔡陽鄭公虔

鸛鷗至魯門，不識鐘鼓響。孔翠望赤霄，愁思雕籠養。紫陽冠
衆儒，早聞名公賞。地崇士大夫，況乃氣精爽。天然生知姿，學立游
夏上。神農極圖漏，黃石愧師長。藥纂西極名，兵流指諸掌。貫穿無
遺恨，蒼蠶何技癢。圭臬星經奧，蟲豸丹青廣。子雲窺未編，方朔諧
太枉。神翰顧不一，體變鍾兼兩。文傳天下口，大字猶在榜。昔獻書
畫圖，新詩亦俱往。滄洲動玉陛，宣鶴誤一響。三絕自御題，四方尤
所仰。嗜酒益疏放，彈琴視天壤。形骸實土木，親近唯几杖。未曾寄
官曹，突兀倚青幌。晚就芸香閣，胡塵昏坱莽。反覆歸聖朝，點染無
滌盪。老蒙台州掾，泛泛瀾江漿。履穿四明雪，飢拾檣溪橡。空聞紫
芝歌，不見杏壇丈。天長眺東南，秋色餘魍魎。別離慘至今，斑白徒
懷曩。春深秦山秀，葉墜清渭朗。劇談王侯門，野稅林下鞅。操紙終
夕酣，時物集遐想。詞場竟疏闊，平昔濫吹獎。百年見存沒，牢落吾
安放。蕭條阮咸在，出處同世網。他日訪江樓，含懷述飄蕩。

故右僕射相國張公九齡

相國生南紀，金璞無留礦。仙鶴下人間，獨立霜毛整。矯然江
海思，復與雲路永。寂寞想上階，未遑等箕穎。上君白玉堂，倚君金
華省。碣石歲靜燦，天地日蛙退。食吟大庭何，心記棨梗骨。驚畏
曩哲，鬢變負人境。雖蒙換蟬冠，右地愿多幸。敢忘二疏歸，痛迫蘇
耽井。紫綬映暮年，荆州謝所領。庾公興不淺，黃霸鎮每靜。賓客引
調同，諷詠在務屏。詩罷地有餘，篇終語清省。一陽發陰管，淑氣含

公鼎。乃知君子心，用才文章境。散快起翠螭，倚薄來盧竝。綺麗元
暉擁，賤誅任助騁。自我一家則，未缺隻字警。千秋滄海南，名繫朱
鳥影。歸老守故林，戀闕怕延頸。波濤良史筆，蕪絕大庾嶺。向時禮
數隔，制作難上請。再讀徐孺碑，猶思理檉艇。

寫懷二首

勞生共乾坤，何處異風俗。冉冉自趨競，行行見羈束。無貴賤
不悲，無富貧亦足。萬古一骸骨，鄰家遞歌哭。鄙夫到巫峽，三歲如
轉燭。全命甘留滯，忘情任榮辱。朝班及暮齒，日給還脫粟。編蓬石
城東，採藥山北谷。用心霜雪間，不必條蔓綠。非關故安排，曾是順
幽獨。達士如弦直，小人似鉤曲。曲直我不知，負喧候樵牧。

夜深坐南軒，明月照我鄰。驚風翻河漢，梁棟已出日。羣生各
一宿，飛動自儔匹。吾亦驅其兒，營營爲私實。天寒行旅稀，歲暮日
月疾。榮名忽中人，世亂如蟣蝨。古者三皇前，滿腹志願畢。胡爲有
結繩，陷此膠漆。禍首燧人氏，厲階董狐筆。君我燈燭張，轉使飛
蛾密。放神八極外，俯仰俱蕭瑟。終契如往還，得匪合仙術。

往在

往在西京日，胡來滿彤宮。中宵焚九廟，雲漢爲之紅。解瓦飛
十里，繡帷紛會空。疚心惜木主，一一灰悲風。合昏排鐵騎，清旭散
錦驪。賊臣表逆節，相賀以成功。是時妃嬪戮，連爲糞土叢。當宁陷
玉座，白閒割畫蟲。不知二聖處，私泣百歲翁。車駕既云還，櫛栴欵
穹崇。故老復涕洟，祠堂樹椅桐。宏壯不如初，已見帝力雄。前春禮

郊廟祀事親聖躬。微軀忝近臣。景從陪葬公。登階捧主冊。峨冕耿金鐘。侍祠應先露。掖垣邇濯龍。天子惟孝孫。五雲起九重。鏡奩換粉黛。翠羽猶蔥朧。前者厭羯胡。後來遭犬戎。俎豆腐臄肉。罌罍行角弓。安得自西極。申命空山東。盡驅詣闕下。士庶塞關中。主將曉逆順。元元歸始終。一朝自罪已。萬里車書通。錄鐘供鋤犁。征戍聽所從。宥官各復業。士著還力農。君臣節儉足。朝野歡呼同。中興似國初。繼體如太宗。端拱納諫諍。和風日沖融。赤墀櫻桃枝。隱映銀絲籠。千春薦陵寢。永永垂無窮。京都不再火。涇渭開愁容。歸號故松柏。老去苦飄蓬。

昔遊

昔者與高李。晚登單父臺。寒蕪際碣石。萬里風雲來。桑柘葉如雨。飛蓬去徘徊。清霜大澤凍。禽獸有餘哀。是時倉廩實。洞達寶區開。猛士思滅胡。將帥望三台。君王無所惜。駕馭英雄材。幽燕盛用武。供給亦勞哉。吳門轉粟帛。泛海陵蓬萊。肉食三十萬。獵射起黃埃。隔河憶長眺。青歲已摧頽。不及少年日。無復故人杯。賦詩獨流涕。亂世想賢才。有能市駿骨。莫恨少龍媒。商山議得失。蜀主脫嫌疑。呂尚封國邑。傳說已鹽梅。景晏楚山深。水鶴去低回。龐公任本性。攜子臥蒼苔。

壯遊

往昔十四五。出遊翰墨場。斯文崔魏徒。以我似班揚。七齡思卽壯。開口詠鳳凰。九齡書大字。有作成一囊。性豪業嗜酒。嫉惡懷

剛腸。脫略小時輩。結交皆老蒼。飲酣視八極。俗物都茫茫。東去姑蘇臺。已具浮海航。到今有遺恨。不得窮扶桑。王謝風流遠。闔廬邱墓荒。劍池石壁仄。長洲荷菱香。嵯峨閩門北。清廟映迴塘。每趨吳太伯。撫事淚浪浪。枕戈憶句踐。渡浙想秦皇。蒸魚聞七首。除道晒要章。越女天下白。鑑湖五月涼。剡溪蘊秀異。欲罷不能忘。歸帆拂天姥。中歲貢舊鄉。氣劇屈賈壘。目短曹劉牆。忤下考功第。獨辭京尹堂。放蕩齊趙間。裘馬頗清狂。春歌叢臺上。冬獵青邱旁。呼鷹早檇林。逐獸雲雪岡。射飛曾縱鞚。引臂落鵝鶩。蘇侯據鞍喜。忽如攜葛強。快意八九年。西歸到咸陽。許與必詞伯。賞遊實賢王。曳裾置醴地。奏賦入明光。天子廢食召。羣公會軒裳。脫身無所愛。痛飲信行藏。黑貂不免敝。斑鬢兀稱觴。杜曲晚耆舊。四郊多白楊。坐深鄉黨敬。日覺死生忙。朱門任傾奪。赤族迭罹殃。國馬竭粟豆。官雞輸稻粱。舉隅見煩費。引古惜興亡。河朔風塵起。岷山行幸長。兩宮各警蹕。萬里遙相望。崆峒殺氣黑。少海旌旗黃。禹功亦命子。涿鹿親戎行。翠華擁英岳。螭虎噉豺狼。一牙一不中。胡兵更陸梁。大軍載草草。凋瘵滿膏肓。備員竊補養。憂憤心飛揚。上感九廟焚。下憫萬民瘡。斯時伏青蒲。廷爭守御牀。君辱敢愛死。赫怒幸無傷。聖哲體仁恕。字縣復小康。哭廟灰燼中。鼻酸朝未央。小臣議論絕。老病客殊方。鬱鬱苦不展。羽翮困低昂。秋風動哀壑。碧惠捐微芳。之推避賞從。漁父濯滄浪。榮華敵勳業。歲暮有嚴霜。吾觀鳴夷子。才格出尋常。羣凶逆未定。側佇英俊翔。

遺懷：

昔我遊宋中，惟梁孝王都。名今陳留亞，劇則貝魏俱。邑中九
萬家，高棟照通衢。舟車半天下，主客多歡娛。白刃讎不義，黃金傾
有無。殺人紅塵裏，報答在斯須。憶與高李輩，論交入酒壚。兩公壯
漢思，得我色敷腴。氣酣登吹臺，懷古視平蕪。芒碭雲一去，雁鷺空
相呼。先帝正好武，寰海未凋枯。猛將收西域，長戟破林胡。百萬攻
一城，獻捷不云輸。組練棄如泥，尺土負百夫。拓境功未已，元和辭
大爐。亂離朋友盡，合沓歲月徂。吾衰將焉託，存沒再鳴呼。蕭條益
堪愧，獨在天一隅。乘黃已去矣，凡馬徒區區。不從見顏鮑，繫舟臥
荆巫。臨殮吐更食，常恐違撫孤。

同元使君春陵行

覽道州元使君結春陵行，兼賊退後示官吏作二首志之
曰：「當天子分憂之地，效漢官良吏之目。今盜賊未息，

知民疾苦，得結輩十數，公落落然，參錯天下，為邦伯萬物
吐氣。天下少安可得矣。不意復見比興體制，微婉頓挫之
詞感而有詩，增諸卷軸，簡知我者，不必寄元。」

遭亂髮盡白，轉衰病相嬰。沈綿盜賊際，狼狽江漢行。歎時藥
力薄，為客羸瘵成。吾人詩家秀，博采世上名。繁繁元道州，前聖畏
後生。觀乎春陵作，歛見俊哲情。復覽賊退篇，結也實國楨。賈誼昔
疏櫛，匡衡常引經。道州憂黎庶，詞氣浩縱橫。兩章對秋月，一字借
華星。致君唐虞際，純樸憶大庭。何時降蠶書，用爾為丹青。獄訟永

衰息，豈唯偃甲兵？悽惻念誅求，薄斂近休明。乃知正人意，不苟飛
長纓。涼颺振南岳，之子寵若驚。色阻金印大，輿含滄浪清。我多長
卿病，日夕思朝廷。肺枯渴太甚，漂泊公孫城。呼兒具紙筆，隱几臨
軒櫺。作詩呻吟內，墨淡字欲傾。感彼危苦詞，庶幾知者聽。

載歌絲綸

紛然喪亂際，見此忠孝門。蜀中寇亦甚，柏氏功彌存。深誠補
王室，戮力自元昆。三止錦江沸，獨清玉壘昏。高名入竹帛，新渥照
乾坤。子弟先卒伍，芝蘭疊璵璠。同心注師律，灑血在戎軒。絲綸實
具載，絛冕已殊恩。奉公舉骨肉，誅叛經寒溫。金甲雪猶凍，朱旗塵
不翻。每聞戰場說，歎激懦氣奔。聖主國多盜，賢臣官則尊。方當節
鉞用，必絕殺淫根。吾病日迴首，雲臺誰再論。作歌搗盛事，推轂期
孤鶩。

聽楊氏歌

佳人絕代歌，獨立發皓齒。滿堂慘不樂，嚮下清虛裏。江城帶
數月，況乃清夜起。老夫悲暮年，壯士淚如水。玉杯久寂寞，金管迷
宮徵。勿云聽者疲，愚智心盡死。古來傑出士，豈待一知己。吾聞昔
秦青，傾側天下耳。

奉酬薛十二丈判官見贈

忽忽峽中睡，悲風方一颺。西來有好鳥，為我下青冥。羽毛淨
白雪，慘澹飛雲汀。既蒙主人顧，舉扇暖孤亭。持以比佳士，及此慰

揚翰清文動哀玉，見道發新礪。欲學鴈夷子，待勒燕山銘。誰重斷
蛇劍，致君君未靈。志在麒麟閣，無事雲母屏。卓氏近新寡，豪家朱
門扃。相如才調逸，銀漢會雙星。客來洗粉黛，日暮拾流螢。不是無
膏火，勸郎勤六經。老夫自汲澗，野水日泠泠。我歎黑頭白，君看銀
印青。臥病識山鬼，爲農知地形。誰矜坐錦帳，苦厭食魚腥。東西兩
岸拆，橫水注滄溟。碧色忽惆悵，風雷搜百靈。空中右白虎，赤節引
鸚婷。自云帝里女，噴雨鳳凰翎。襄王薄行迹，莫學冷如丁。千秋一
拭淚，夢覺有微馨。人生相感動，金石兩青瑩。丈人但安坐，休辨滑
與涇。龍蛇尚格鬪，灑血暗郊坰。吾聞聰明主，治國用輕刑。銷兵鑄
農器，今古歲方寧。文王日儉德，俊乂始盈庭。榮華貴少壯，豈食楚
山萍。

別李義

神堯十八子，十七王其門。道國洎舒國，督唯親弟昆。中外貴
賤殊，余亦忝諸孫。丈人嗣三葉，之子白玉溫。道國繼德業，請從丈
人論。丈人領宗卿，肅穆古制敦。先朝納諫諍，直氣橫乾坤。子建文
筆壯，河間經術存。爾克富詩禮，骨清慮不喧。洗然遇知己，談論淮
湖奔。憶昔初見時，小襦繡芳蓀。長成忽會面，慰我久疾魂。三峽春
冬交，江山雲霧昏。正宜且聚集，恨此當離樽。莫怪執杯遲，我衰涕
唾煩。重問子何之，西上岷江源。願子少干謁，蜀都足戎軒。誤失將
帥意，不如親故恩。少年早歸來，梅花已飛翻。努力慎風水，豈惟數
盤飧。猛虎臥在岸，蛟鱗出無痕。王子自愛惜，老夫困石根。生別古

所嗟，發聲爲爾吞。

送高司直尋封閬州

丹雀銜書來，暮棲何鄉樹。驂驅事天子，辛苦在道路。司直非
冗官，荒山甚無趣。借問泛舟人，胡爲入雲霧。與子姻婭間，既親亦
有故。萬里長江邊，邂逅一相遇。長卿消渴再，公幹沈綿屢。清談慰
老夫，開卷得佳句。時見文章士，欣然淡情素。伏枕聞別離，嚙能忍
漂寓。良會苦短促，溪行水奔注。熊羆咆空林，游子慎馳驚。西謁巴
中侯，艱險如跬步。主人不世才，先帝常特顧。拔爲天軍佐，崇大王
法度。淮海生清風，南翁尚思慕。公宮造廣廈，木石乃無數。初聞伐
松柏，猶臥天一柱。我瘦書不成，成字讀亦誤。爲我問故人，勞心練
征戍。

贈蘇四徭

異縣昔同遊，各云賦轉蓬。別離已五年，尙在行李中。戎馬日
衰息，乘輿安九重。有才棲棲將，老委所窮。爲郎未爲賤，其奈疾
病攻。子何方薰黑，不得豁心胸。巴蜀倦剽掠，下愚成土風。幽薊已
削平，荒徼尙彎弓。斯人脫身來，豈非吾道東。乾坤雖寬大，所適裝
囊空。肉食晒菜色，少壯欺老翁。況乃主客間，古來偏側同。君今下
荆揚，獨帆如飛鴻。二州豪俠場，人馬皆自雄。一請甘飢寒，再請甘
養蒙。

寄薛三郎中

人生無賢愚，飄飄若埃塵。自非得神仙，誰免危其身。與子俱

白頭役役常苦辛。雖爲尚書郎，不及村野人。憶昔村野人，其樂難具陳。鵝鵝桑麻交，公侯爲等倫。天未厭戎馬，我輩本常貧。子尚客荊州，我亦滯江濱。峽中一臥病，癘癘終冬春。春復加肺氣，此病蓋有因。早歲與蘇鄭，稍飲情相親。二公化爲土，嗜酒不失真。余今委修短，豈得恨命屯。聞子心甚壯，所過信席珍。上馬不用扶，每扶必怒曠。賦詩賓客閒，揮灑動八垠。乃知蓋代手，才力老益神。青草洞庭湖，東浮滄海濱。君山可避暑，況足采白蘋。子豈無扁舟，往復江漢津。我未下翟塘，空念禹功勤。聽說松門峽，吐藥攬衣巾。高秋卻東帶，鼓柁視青旻。鳳池日澄碧，濟濟多士新。余病不能起，健者勿遽巡。上有明哲君，下有行化臣。

宿青溪驛奉懷張員外十五兄之緒

漾舟千山內，日入泊枉渚。我生本飄飄，今復在何許。石根青楓林，猿鳥聚儔侶。月明游子靜，畏虎不得語。中夜懷友朋，乾坤此深阻。浩蕩前後閒，佳期付荆楚。

敬寄族弟唐十八使君

與君陶唐後，盛族多其人。聖賢冠史籍，枝派羅源津。在今氣磊落，巧僞莫敢親。介立實吾弟，濟時肯殺身。物自諱受玷，行高無污真。得罪永泰末，放之五溪濱。鸞鳳有鍛翻，先儒曾抱麟。雷霆劈長松，骨大卻生筋。一失不足傷，念子孰自珍。泊舟楚宮岸，戀闕浩酸辛。除名配清江，厥土巫峽鄰。登陸將首途，筆札枉所申。歸朝謁病肺，敝舊思重陳。春風洪濤壯，谷轉頗彌旬。我能泛中流，撞突巖

嶺曠。長年已省柁，慰此貞良臣。

北風

北風破南極，朱鳳日威垂。洞庭秋欲雪，鴻雁將安歸。十年殺氣盛，六合人煙稀。吾慕漢初老，時清猶茹芝。

客從

客後南溟來，遣我泉客珠。珠中有隱字，欲辨不成書。緘之篋笥久，以俟公家須。開視化爲血，哀今徵斂無。

白馬

白馬東北來，空鞍貫雙箭。可憐馬上郎，意氣今誰見。近時主將戮，中夜商於戰。喪亂死多門，嗚呼淚如霰。

別董穎

窮冬急風水，逸浪開帆難。士子甘旨闕，不知道里寒。有求彼樂土，南適小長安。到我舟楫去，覺君衣裳單。素聞趙公節，兼盡賓主歡。已結門廬望，無令霜雪殘。老夫攬亦解，脫粟朝未餐。飄蕩兵甲際，幾時懷抱寬。漢陽頗寧靜，峴首試考槃。當念著白帽，采薇青雲端。

送重表姪王砮評事使南海

我之曾祖姑，爾之高祖母。爾祖未顯時，歸爲尙書婦。隋朝大業末，房杜俱交友。長者來在門，荒年自餬口。家貧無供給，客位但箕帚。俄頃羞顏珍，寂寥人散後。入怪鬢髮空，吁嗟爲之久。自陳翳髻鬢，市充杯酒。上云天下亂，宜與英俊厚。向竊窺數公，經綸亦

俱有。次間最少年，虬髯十八九。子等成大名，皆因此人手。下云風雲合，龍虎一吟吼。願展丈夫雄，得辭兒女醜。秦王時在坐，真氣驚戶牖。及乎貞觀初，尚書踐台斗。夫人常肩輿，上殿稱萬壽。六宮師柔順，法則化妃后。至尊均嫂叔，盛事垂不朽。鳳雛無凡毛，五色非爾曹。往者胡作逆，乾坤沸嗷嗷。吾客左馮翊，爾家同遁逃。爭奪至徒步，塊獨委蓬蒿。逗留熱爾腸，十里卻呼號。自下所騎馬，右持腰閒刀。左牽紫遊韉，飛走使我高。苟活到今日，寸心銘佩牢。亂離又聚散，宿昔恨滔滔。水花笑白首，春草隨青袍。廷評近要津，節制收英髦。北驅漢陽傳，南泛上瀧初。家聲肯墜地，利器當秋毫。番禺親賢領，籌運神功操。大夫出盧宋，寶貝休脂膏。洞主降接武，海胡舶千艘。我欲就丹砂，跋涉覺身勞。安能陷糞土，有志乘鯨鼇。或謬驚騰天，聊作鶴鳴皋。

詠懷二首

人生貴是男，丈夫重天機。未達善一身，得志行所爲。嗟余竟臆軻，將老逢艱危。胡雛逼神器，逆節同所歸。河維化爲血，公侯草閒啼。西京復陷沒，翠蓋蒙塵飛。萬姓悲赤子，兩宮棄紫微。倏忽向二紀，奸雄多是非。本朝再樹立，未及貞觀時。日給在軍儲，上官督有司。高賢迫形勢，豈暇相扶持。疲茶苟懷策，棲屑無所施。先王實罪已，愁痛正爲茲。歲月不我與，蹊跲病于斯。夜看鄴城氣，回首蛟龍池。齒髮已自料，意深陳苦詞。邦危壞法則，聖遠益愁慕。飄飄柱水遊，悵望蒼梧暮。潛魚不銜鉤，走鹿無反顧。敵幽幽曠心，拳拳異

平素。衣食相拘闔，明知限流寓。風濤上春沙，千里侵江樹。逆行少吉日，時節空復度。非罍任塵埃，舟航煩數具。牽縲加老病，瑣細隘俗務。萬古一死生，胡爲足名數。多憂汚桃園，拙計泥銅柱。未辭炎瘴毒，擺落跋涉懼。虎狼窺中原，焉得所歷住。葛洪及許靖，避世常此路。賢愚誠等差，自愛各馳驚。竊指且如何，魄奪針灸屢。擁滯僮僕備，稽留篙師怒。終當挂帆席，天意難告訴。南爲祝融客，勉強親杖履。結託老人星，羅浮展衰步。

送顧八分文學適洪吉州

中郎石經後，八分蓋憔悴。顧侯運鏹錘，筆力破餘地。昔在開元中，韓蔡同最厲。元宗妙其書，是以數子至。御札早流傳，揄揚非造次。三人竝入直，恩澤各不二。顧於韓蔡內，辨眼工小字。分示諸王，鉤深法更祕。文學與我遊，蕭疏外聲利。追隨二十載，浩蕩長安醉。高歌卿相宅，文翰飛省寺。視我揚馬閒，白首不相棄。驂驅入窮巷，必脫黃金轡。一論朋友難，遲暮敢失墜。古來事反覆，相見橫涕泗。嚮者玉珂人，誰是青雲器。才盡傷形體，病渴汚官位。故舊獨依然，時危話顛躓。我甘多病老，子負憂世志。胡爲困衣食，顏色少稱遂。遠作辛苦行，順從衆多意。舟楫無根帶，蛟鼉好爲祟。況兼水賊繁，特戒風颶駛。崩騰戎馬際，往往殺長吏。子干東諸侯，勸勉防縱姿。邦以民爲本，魚飢費香餌。請哀瘡痍深，告訴皇華使。使臣精所擇，進德知歷試。惻隱誅求情，固應賢愚異。列士惡苟得，俊傑思自致。贈子猛虎行，出郊載酸鼻。

上水遺懷

我衰太平時，身病戎馬後。踰躅多拙爲，安得不皓首？驅馳四海內，童穉日餬口。但遇新少年，少逢舊親友。低顏下色地，故人知善誘。後生血氣豪，舉動見老醜。窮迫挫囊懷，常如中風走。一紀出西蜀，于今向南斗。孤舟亂春華，暮齒依蒲柳。冥冥九疑葬，聖者骨亦朽。蹉跎陶唐人，輾轉日月久。中間屈賈輩，讒毀竟自取。鬱沒二悲魂，蕭條猶在否。峇峽清湘石，逆行雜林藪。篙工密逞巧，氣若酣杯酒。歌謳互激遠，回聲明授受。善知應觸類，各藉穎脫手。古來經濟才，何事獨罕有。蒼蒼紫色晚，熊挂元虵吼。黃鰲在樹顛，正爲羣虎守。羸骸將何適，履險顏益厚。庶與達者論，吞聲混瓊垢。

遺遇

警折辭主人，開帆駕洪濤。春水滿南國，朱崖雲日高。舟子廢寢食，飄風爭所操。我行匪利涉，謝爾從者勞。石開采藏女，鬻菜輸官曹。丈夫死百役，暮返空村號。聞見事略同，刻剝及錐刀。貴人豈不仁，視汝如莠蒿。索錢多門戶，喪亂紛咳嗽。奈何黠吏徒，漁奪成逋逃。自喜逢生理，花時甘繡袍。

解憂

減米散同舟，路難思共濟。向來雲濤盤，衆力亦不細。呀坑瞥眼過，飛檣本無帶。得失瞬息間，致遠宜忍泥。百慮視安危，分明曩賢計。茲理庶可廣，奉期勿替。

宿鑿石浦

早宿賓從勞，仲春江山麗。飄風過無時，舟楫敢不繫。回塘澹暮色，日沒衆星曙。缺月殊未生，青燈死分翳。窮途多俊異，亂世少恩惠。鄙夫亦放蕩，草草頗卒歲。斯文憂患餘，聖哲垂象繫。

早行

歌哭俱在曉，行邁有期程。孤舟似昨日，聞見同一聲。飛鳥數求食，潛魚亦獨驚。前王作網罟，設法害生成。碧藻非不茂，高帆終日征。干戈未揖讓，崩迫開其情。

過津口

南岳自茲近，湘流東逝深。和風引桂樹，春日漲雲岑。回首過津口，而多楓樹林。白魚困密網，黃鳥喧嘉音。物微限通塞，惻隱仁者心。瓮餘不盡酒，膝有無聲琴。聖賢兩寂寞，眇眇獨開襟。

次空靈岸

江沅逆素浪，洛洛展清眺。幸有舟楫避，得盡所歷妙。空靈巖石峻，楓栝隱奔峭。青春猶無私，白日亦偏照。可使營吾居，終焉託長嘯。毒瘴未足憂，兵戈滿邊徼。嚮者留遺恨，恥爲達人誚。迴帆觀賞延，佳處領其要。

宿花石戍

午辭空靈岑，夕得花石戍。岸疏開關水，木雜今古樹。地蒸南風盛，春熱西日暮。四序本平分，氣候何迴互。茫茫天造間，理亂豈恆數。繫舟盤藤輪，策杖古樵路。罷人不在村，野圃泉自注。柴扉雖蕪沒，農器尚牢固。山東殘逆氣，吳楚守王度。誰能扣君門，下令減

征賦

早發

有求常百慮，斯文亦吾病。以茲萌故多，窮老驅馳併。早行驚師意，席挂風不正。昔人戒垂堂，今則奚奔命。濤翻黑蛟躍，日出黃霧映。煩促瘴豈侵，頽倚睡未醒。僕夫問鹽樞，暮顏覩青鏡。隨意簪葛巾，仰慚林花盛。側聞夜來意，幸喜囊中淨。艱危作遠客，干請傷直性。薇蕨餓首陽，粟馬資歷聘。賤子欲適從，疑悞此二柄。

次晚洲

參錯雲石稠，坡陀風濤壯。晚洲適知名，秀色固異狀。棹經垂猿把，身在度鳥上。擺浪散帙妨，危沙折花當。羈離暫悅，巖老反惆悵。中原未解兵，吾得終疏放。

望嶽

南嶽配朱鳥，秩禮自百王。歛吸領地靈，鴻洞半炎方。邦家用祀典，在德非馨香。巡守何寂寞，有虞今則亡。泊吾隘世網，行邁越瀟湘。渴日絕壁出，漾舟清光旁。祝融五峯尊，峯峯次低昂。紫蓋獨不朝，爭長幾相望。恭聞魏夫人，羣仙夾翔翔。有時五峯氣，散風如飛霜。牽迫限修途，未暇杖崇岡。歸來覲命駕，沐浴休玉堂。三歎問府主，曷以贊我皇。性髣忽衰俗，神其思降祥。

湘江宴餞裴二端公赴道州

白日照舟師，朱旗散廣川。羣公餞南伯，肅肅秩初筵。鄙人奉末眷，佩服白早年。義均骨肉地，懷抱罄所宣。盛名富事業，無取愧

高賢不以喪亂嬰，保愛金石堅。計拙百寮下，氣蘇君子前。會合苦不久，哀樂本相纏。交遊颯向盡，宿昔浩茫然。促觴激百慮，掩抑淚潺湲。熱雲集噍黑，缺月未生天。白團爲我破，華燭蟠長煙。鴟鵂催明星，解袂從此旋。上請減兵甲，下請安井田。永念病渴老，附書遠山巖。

奉送魏六丈(佑)少府之交廣

賢豪贊經綸，功成空名垂。子孫不振耀，歷代皆有之。鄭公四葉孫，長大常苦飢。衆中見毛骨，猶是麒麟兒。磊落貞觀事，致君樸直詞。家聲蓋六合，行色何其微。遇我蒼梧陰，忽驚會面稀。議論有餘地，公侯來未遲。虛思黃金貴，自笑青雲期。長卿久病渴，武帝元同時。季子黑貂敝，得無妻嫂欺。尙爲諸侯客，獨屈州縣卑。南游炎海甸，浩蕩從此辭。窮途仗神道，世亂輕土宜。解帆蘆云暮，可與春風歸。出入朱門家，華屋刻蛟螭。玉食亞王者，樂張游子悲。侍婢豔傾城，綉綺輕霧霏。掌中琥珀鐘，行酒雙逶迤。新歡繼明燭，梁棟星辰飛。兩情願盼合，珠碧贈於斯。上貴見肝膽，下貴不相疑。心事披寫開，氣酣達所爲。錯揮鐵如意，莫避珊瑚枝。始兼逆邁興，終慎寶主鐵。戎馬聞天宇，嗚呼人生別離。

別張十三(建封)

嘗讀唐實錄，國家草昧初。劉裴建首義，龍見尙躊躇。秦王撥亂姿，一劍總兵符。汾晉爲豐沛，暴隋竟滌除。宗臣則廟食，後祀何疏蕪。彭城英雄種，宜膺將相圖。爾惟外會孫，僞汗血駒。眼中高

少年用意盡巖崎。相逢長沙亭。乍聞緒業餘。乃吾故人子。童卯聯居諸。揮手灑衰淚。仰看八尺軀。內外名家流。風神蕩江湖。范雲堪晚友。嵇紹自不孤。擇材征南幕。湖落回鯨魚。載感賈生勸。復聞樂毅書。主憂急盜賊。師老荒京都。舊邱豈稅駕。大廈傾宜扶。君臣各有分管。勦本時須。雖當霰雪嚴。未覺栝柏枯。高義在雲臺。嘶鳴望天衢。羽人掃碧海。功業竟何如。

奉贈李八丈判官(嘯)

我丈時英特。宗枝神堯後。珊瑚市則無。驟驥人得有。早年見標格。秀氣衝星斗。事業富清機。官曹正獨守。頃來樹嘉政。皆已傳衆口。艱難體貴安。冗長吾敢取。區區猶歷試。炯炯更持久。討論實解頤。操割紛應手。篋舊積諷諫。宮闕限奔走。入幕未展材。秉鈞孰爲偶。所親問淹泊。泛愛惜衰朽。垂白亂南翁。委身希北叟。真成窮轍鮒。或似喪家狗。秋枯洞庭石。風颯長沙柳。高興激荆衡。知音爲適首。

蘇大侍御訪江浦賦八韻紀異

蘇大侍御渙靜者也。旅於江側。凡是不交州府之客。人事都絕久矣。肩輿江浦。忽訪老夫。舟楫而已。茶酒內。余請誦近詩。肯吟數首。才力素壯。詞句動人。接對明日。憶其湧思。雷出舊篋。几杖之外。殷殷留金石聲。賦八韻記異。亦見老夫傾倒於蘇至矣。

龐公不浪出。蘇氏今有之。再聞誦新作。突過黃初詩。乾坤變

反覆揚馬宜同時。今晨清鏡中。勝食齋房芝。余髮喜卻變。白閒生黑絲。昨夜舟火滅。湘娥簾外悲。百靈未敢散。風破寒江遲。

題衡山縣文宣王廟新學堂呈陸宰

旄頭拜紫微。無復俎豆事。金甲相排蕩。青衿一憔悴。嗚呼已十年。儒服弊於地。征夫不遑息。學者淪素志。我行洞庭野。歛得文翁肆。侏侏胃子行。若風舞雲至。周室宣中興。孔門未應棄。是以資雅才。渙然立新意。衡山雖小邑。首唱恢大義。因見縣尹心。根源舊官闕。講堂非囊構。大屋加塗墍。下可容百人。牆隅亦深邃。何必三千徒。始壓戎馬氣。林木在庭戶。密幹疊蒼翠。有非朱夏時。轆轤陳階所。耳聞讀書聲。殺伐災髣髴。故國延歸望。衰顏減愁思。南紀改波瀾。西河共風味。采詩倦跋涉。載筆尙可記。高歌激宇宙。凡百慎失墜。

入衡州

兵革自久遠。興衰看帝王。漢儀甚照耀。胡馬何猖狂。老將一失律。清邊生戰場。君臣忍瑕垢。河岳空金湯。重鎮如割據。輕權絕紀綱。軍州體不一。寬猛性所將。嗟彼苦節士。素於圓鑿方。寡妻從爲郡。兀者安堵。羈凋敝。惜邦本。哀矜存事常。旌麾非其任。府庫實過防。恕已獨在此。多憂增內傷。偏裨限酒肉。卒伍單衣裳。元惡迷是似。聚謀洩康莊。竟流帳下血。大降湖南殃。烈火發中夜。高煙焦上蒼。至今分粟帛。殺氣吹元湘。福善理顛倒。明徵天莽茫。銷魂避飛鷁。累足穿豺狼。隱忍枳棘刺。遷延胝躄疔。遠歸兒侍側。猶乳女

在旁。久客幸脫免，暮年慚激昂。蕭條向水陸，汨沒隨魚商。報主身已老，入朝病見妨。悠悠委薄俗，鬱鬱迴剛腸。參錯走洲渚，春容轉篋林。片帆左柳岸，通郭前衡陽。華表雲鳥鳴，名園花草香。旗亭壯邑屋，烽燧蟻城隍。中有古刺史，盛才冠巖廊。扶顛待柱石，獨坐飛風霜。昨者聞瓊樹，高談隨羽觴。無論再繾綣，已是安蒼黃。劇孟七國畏，馬卿四賦良。門闌蘇生在，勇銳白起強。問罪富形勢，凱歌懸否臧。氛埃期必掃，蚊蚋焉能當。橘井舊地宅，仙山引舟航。此行厭暑雨，厥土聞清涼。諸舅剖符近，開緘書札光。頻繁命屢及，磊落字百行。江總外家養，謝安乘興長。下流匪珠玉，擇木羞鸞鳳。我師穉叔夜，世賢張子房。柴荆寄樂土，鵬路觀翔翔。

舟中苦熱遣懷奉呈楊中丞通簡臺省諸公

媿寫湖外客，看此戎馬亂。中夜混黎屯，脫身亦奔竄。平生方寸心，反掌帳下難。嗚呼殺賢良，不吐白刃散。吾非丈夫特，沒齒理冰炭。恥以風病辭，胡然泊湘岸。入舟雖苦熱，垢膩可漑濯。痛彼道邊人，形骸改昏旦。中丞連帥職，封內權得按。身當問罪先，縣實諸侯半。士卒既輯睦，啓行促精悍。似聞上游兵，稍遁長沙館。鄰好彼克修，天機自明斷。南園卷雲水，北拱戴霄漢。美名光史臣，長策何觀壯。驅馳數公子，咸願同伐叛。聲節哀有餘，夫何激衰懦。偏裨表三上，鹵莽同一貫。始謀誰其聞，迴首增憤惋。宗英李公端，守職甚昭煥。變通迫脅地，謀畫焉得算。王室不肯微，凶徒略無憚。此流須卒斬，神器資強幹。扣寂豁煩襟，皇天照嗟歎。

聶耒陽以僕阻水，書致酒肉療飢。荒江詩得，代懷興盡。本韻，至縣呈聶令。陸路去方田驛四十里，舟行一日。時屬江漲，泊於方田。

耒陽馳尺素，見訪荒江渺。義士烈女家，風流吾賢紹。昨見狄相孫，許公人倫表。前期翰林後，屈迹縣邑小。知我癡滯濤，半旬獲浩蕩。麾下殺元戎，湖邊有飛旄。孤舟增鬱鬱，僻路殊悄悄。側驚猿揉捷，仰羨鸚鵡矯。禮過宰肥羊，愁當置清醪。人非西喻蜀，興在北坑趙。方行柳岸靜，未話長沙擾。崔師乞已至，澧卒用矜少。問罪消息真，開顏顏亭沼。

卷九

湘鄉曾國藩纂 合肥李鴻章審訂 東湖王定安校

韓昌黎五古百四十二首

南山詩

吾聞京城南，茲維羣山固。東西兩際海，巨細難悉究。山經及地志，茫昧非受授。團辭試提挈，挂一念萬漏。欲休諒不能，巖紋所經覲。嘗昇邱望戢，戢見相凌。晴明出稜角，縷脈碎分繡。蒸嵐相瀉洞，表裏忽通透。無風自飄簸，融液煦柔茂。橫雲時平凝，點點露數岫。天空浮修眉，濃綠畫新就。孤撐有峻絕，海浴褰鵬噉。春陽潛沮洳，濯濯吐深秀。巖巒雖嶺峯，輒弱類含酎。夏炎百木盛，陰鬱增理覆。神靈日歛歛，雲氣爭結構。秋霜嘉刻鏤，磔卓立癯瘦。參差相

覺重剛耿陵宇宙。多行雖幽壘。冰雪工琢鑿。新曦照危峨。億丈恒
 高表。明昏無停態。頃刻異狀候。西南雄太白。突起莫間簷。藩都配
 德運。分宅占丁戊。逍遙越坤位。詆訐陷乾寶。空虛寒號號。風氣較
 搜激。朱維方燒日。陰霰縱騰膝。昆明大池北。去覲偶晴晝。縣驛窮
 俯視。倒側困清漚。微瀾動水面。踊躍躁孫狖。驚呼惜破碎。仰喜呀
 不仆。前尋徑杜壑。空敞畢原陋。崎嶇上軒昂。始得觀覽富。行行將
 遂窮。嶺陸互走勃。然思坼裂擁掩難。想宥巨靈與夸蛾。遠賈期
 必售。還疑造物意。固護蓄精祐。力雖能排幹。雷電法呵詬。攀緣脫
 手足。躑躅墮積甃。茫如試矯首。瑄塞生恂恂。威容喪蕭爽。近新迷
 遠舊。拘官計日月。欲進不可又。因緣窺其湫。凝湛閻陰罟。魚蝦可
 俯撥。神物安敢寇。林柯有脫葉。欲墮鳥驚救。爭銜穉環飛。投棄急
 哺噉。旋歸道迥脫。旣達枿壯復。奏吁嗟信奇怪。峙質能化質。前年遭
 譴謫。探歷得邂逅。初從藍田入。顧盼勞顛履。時天晦大雪。淚目苦
 矐矐。峻塗拖長冰。直上若懸溜。褰衣步推馬。顛蹶返且復。蒼黃忘
 遐瞻。所闕纔左右。杉篁咤蒲蘇。吳耀攢介冑。專心憶平道。脫險逾
 避臭。昨來逢清霽。宿願忻始副。靜嶸躋冢頂。倏閃雜颯脚。前低劃
 開闢。爛漫堆衆皴。或連若相從。或蹙若相鬪。或妥若弭伏。或竦若
 驚雉。或散若瓦解。或赴若輻輳。或翻若船遊。或決若馬驟。或背若
 相惡。或向若相佑。或亂若抽筭。或蟻若注灸。或錯若繪畫。或繚若
 篆籀。或羅若星離。或翁若雲返。或浮若波濤。或碎若鋤耨。或如賁
 育。倫賭勝勇前購。先彊勢已出。後鈍嗔誼譎。或如帝王尊。叢集朝

賤幼。雖親不愛狎。雖遠不悖謬。或如臨食案。肴核紛釘飯。又如遊
 九原。墳墓包柳楸。或曩若盆墨。或揭若甌豆。或覆若曝鱉。或頽若
 寢獸。或蜿若藏龍。或翼若搏鶩。或齊若友朋。或隨若先後。或迸若
 流落。或顧若宿留。或戾若仇讎。或密若婚媾。或儼若峨冠。或翻若
 舞袖。或乾若戰陣。或圍若蒐狩。或靡然東注。或偃然北首。或如火
 烹剽。或若氣饋鏞。或行而不輟。或遺而不收。或斜而不倚。或弛而
 不轂。或赤若禿鬣。或燻若柴樵。或如龜坼兆。或若卦分絲。或前橫
 若剝。或後斷若妬。延延離又屬。夫夫叛還遘。嗚嗚魚國萍。落落月
 經宿。閭閻樹牆垣。蠹蠹架庫廩。參參削劍戟。煥煥銜瑋瑋。數數花
 披萼。闔闔屋摧雷。悠悠舒而安。兀兀狂以狃。超超出猶奔。蠢蠢駭
 不懋。大哉立天地。經紀肖營賡。厥初孰開張。僣俛誰勸侑。創茲樸
 而巧。斲力忍勞瘁。得非施斧斤。無乃假誼咒。鴻荒竟無傳。功大莫
 酬儼。嘗聞於祠官。芬苾降歆嗅。斐然作歌詩。惟用贊報貽。

謝自然詩

果州南充縣。寒女謝自然。童騷無所識。但聞有神仙。輕生學
 其術。乃在金泉山。繁華榮慕絕。父母慈愛捐。凝心感魘魅。恍惚難
 具言。一朝坐空室。雲霧生其間。如聆笙竽韻。來自冥冥天。白日變
 幽晦。蕭蕭風景寒。檣櫺覽明滅。五色光屬聯。觀者徒傾駭。躑躅詎
 敢前。須臾自輕舉。飄若風中煙。茫茫八紘大。影響無山緣。里胥上
 其事。郡守竊且歎。驅車領官吏。叱俗爭相見。入門無所見。冠履同
 蛻蟬。皆云神仙事。灼灼信可傳。余聞古夏后。象物如神靈。山林民

可入，魍魎莫逢旂。逶迤不復振，後世恣欺謾。幽明紛雜亂，人鬼更相殘。秦皇雖篤好，漢武洪其源。自從二主來，此禍竟連連。木石生怪變，狐狸騁妖患。莫能盡性命，安得更長延。人生處萬類，知識最爲賢。奈何不自信，反欲從物遷。往者不可悔，孤魂抱深冤。來者猶可誠，余言豈空文。人生有常理，男女各有倫。寒衣及飢食，在紡績耕耘下，以保子孫。上以奉君親，苟異於此道，皆爲棄其身。噫乎彼寒女，永託異物羣。感傷遂成詩，味者宜書紳。

秋懷詩十一首

宵前兩好樹，聚葉光蕤蕤。秋風一披拂，策策鳴不已。微燈照空牀，夜半偏入耳。愁憂無端來，感歎成坐起。天明視顏色，與故不相似。羲和驅日月，疾急不可恃。浮生雖多塗，趨死惟一軌。胡爲浪自苦，得酒且歡喜。

白露下百草，蕭蘭共雕悴。青青四牆下，已復生滿地。寒蟬暫寂寞，蟋蟀鳴自恣。運行無窮期，稟受氣苦異。適時各得所，松柏不必貴。

彼時何卒卒？我志何曼曼？岸首空好飲，廉頗尙能飯。學堂日無事，驅馬適所願。茫茫出門路，欲去聊自勸。歸還閱書史，文字浩千萬。陳迹竟誰尋？賤嗜非貴獻。丈夫意有在，女子乃多怨。

秋氣日惻惻，秋空日淒淒。上無枝上蠟，下無盤中蠅。豈不感時節？臣目去所憎。清曉卷書坐，南山見高稜。其下澄湫水，有蛟寒可矜。惜哉不得往，豈謂吾無能？

離離掛空悲，感感抱虛警。露泣秋樹高，蟲弔寒夜永。飲退就新儒，趨營悼前猛。歸愚識夷塗，汲古得修綆。名浮猶有恥，味薄真自幸。庶幾遺悔尤，卽此是幽屏。

朝請

今晨不成起，端坐盡日景。蟲鳴室幽幽，月吐牕閑閑。喪懷若迷方，浮念劇含梗。塵埃慵伺候，文字浪馳騁。尚須勉其頑，王事有朝請。

秋夜不可晨，秋日苦易暗。我無汲汲志，何以有此憾？寒雞空在棲，缺月煩屢瞰。有琴具徽絃，再鼓聽愈淡。古聲久埋滅，無由見真澁。低心逐時趨，苦勉祇能暫。有如乘風船，一縱不可纜。不如觀文字，丹鉛事點勘。豈必求贏餘，所要石與飯。

窮年

卷卷落地葉，隨風走前軒。鳴聲若有意，顛倒相追奔。空堂黃昏暮，我坐默不言。童子自外至，吹燈當我前。問我我不應，饋我我不餐。退坐西壁下，讀詩盡數編。作者非今士，相去時已千。其言有感觸，使我復悽酸。顧謂汝童子，置書且安眠。丈夫屬有念，事業無窮年。

霜風侵梧桐，衆葉著樹乾。空階一片下，碎若摧琅玕。謂是夜氣滅，望舒震其團。青冥無依倚，飛轍危難安。驚起出戶視，倚檻久洑瀾。憂愁費晷景，日月如跳丸。迷復不計遠，爲君駐塵鞍。

暮暗來客去，羣鷺各收聲。悠悠傷宵寂，齏齏抱秋明。世累忽進慮，外憂遂侵誠。強懷張不滿，弱念缺已盈。詰屈遊語窄，冥茫觸心兵。敗處千金棄，得比寸草榮。知恥足爲勇，晏然誰汝令？

鮮霜中菊既晚何用好揚揚弄芳蝶爾生還不早運窮兩
值遇婉變死相保西風蟄龍蛇柴木日凋槁由來命分爾泯滅豈
足道

赴江陵途中寄贈王二十補闕李十一拾遺李二十六
員外翰林三學士

孤臣昔放逐血泣追愆尤汗漫不省識况如乘桴浮或自疑
上疏上疏豈其由是年京師旱田畝少所收上憐民無食征賦半
已休有司惜經費未免煩徵求富者既云急貧者固已流傳聞閭
里間赤子棄渠溝持男易斗粟掉臂莫肯酬我時出衢路餓者何
其稠親逢道邊死竝立久咿嚶歸舍不能食有如魚中鈎適會除
御史誠當得言秋拜疏移閣門為忠奪自謀上陳人疾苦無令絕
其喉下陳畿甸內根本理宜優積雪驗豐熟幸寬待蠶婦天子惻
然感司空歎綢繆謂言即施設乃反遷炎州同官盡才俊偏善柳
與劉或慮語言洩傳之落窻幃二子不宜爾將疑斷還不中使臨
門遣頃刻不得留病妹臥牀褥分知隔明幽悲啼乞就別百請不
領頭弱妻抱殢子出拜忘慚羞備俛不迴顧行行詣連州朝為青
雲上暮作白首囚商山季冬月冰凍絕行軌春風洞庭浪出沒驚
孤舟逾嶺到所任低顏奉君侯酸寒何足道隨事生瘡疥遠地觸
途異吏民似猿猴生瘳多忿恨辭舌紛嘲嘲白日屋檐下雙鳴鬪
鶴鷗有蛇類兩首有蟲羣飛游窮冬或搖扇盛夏或重裘颺起最
可畏旬哮簸陵邱雷霆助光怪氣象難比伴癘疫忽潛遭十家無

一瘴猜嫌動置毒對案輒懷愁前日遇恩赦私心喜還憂果然又
羈繫不得歸鋤耨此府雄且大騰凌盡戈矛棲棲法曹掾何處事
卑陬生平企仁義所學皆孔周早知大理官不列三后儔何況親
狂獄敲榜發姦偷懸知失事勢恐自罹置罟湘水清且急涼風日
修修胡為首歸路旅泊尚夷猶昨者京使至嗣皇傳冕旒赫然下
明詔首罪誅共咬復聞顛天輩峨冠進鴻臚班行再肅穆瓊珮鳴
琅璆佇繼貞觀烈邊封脫兜鍪三賢推侍從卓犖傾枚鄒高議參
造化清文煥皇猷協心輔齊聖政理同毛輅小雅詠鳴鹿食萃貴
呦呦遺風邈不嗣豈憶嘗同獨失志早喪換前期擬蟬自從齒
牙缺始慕舌為柔因疾鼻又塞漸能等薰蕕深思罷官去畢命依
松楸空懷焉能果但見歲已道殷湯閔禽獸解網祝蛛蝥雷煥掘
寶劍冤氛銷斗牛茲道誠可尚誰能借前籌殷勤謝吾友明月非
暗投

暮行河隄上

暮行河隄上四顧不見人衰草際黃雲感歎愁我神夜歸孤
舟臥展轉空及晨謀計竟何就嗟嗟世與身

夜歌

靜夜有清光閑堂仍獨息念身幸無恨志氣方自得樂哉何
所憂所憂非我力

重雲一首李觀疾贈之

天行失其度陰氣來干陽重雲閉白日炎煥成寒涼小人但

咨怨，君子惟憂傷。飲食爲減少，身體豈寧康。此志誠足貴，憐非職所當。藜羹尚如此，肉食安可嘗。窮冬百草死，幽桂乃芬芳。且況天地間，大運自有常。勸君善飲食，鸞鳳本高翔。

江漢一首答孟郊

江漢雖云廣，乘舟渡無艱。流沙信難行，馬足常往還。淒風結衝波，狐裘能禦寒。終宵處幽室，華燭光爛爛。苟能行忠信，可以居夷蠻。嗟余與夫子，此義每所敦。何爲復見贈，繾綣在不諼。

長安交遊者一首贈孟郊

長安交遊者，貧富各有徒。親朋相過時，亦各有以娛。陋室有文史，高門有笙竽。何能辨榮悴，且欲分賢愚。

岐山下二首

誰謂我有耳，不聞鳳凰鳴。竭來岐山下，日暮邊鴻驚。丹穴五色羽，其名爲鳳皇。昔周有盛德，此鳥鳴高岡。和聲隨祥風，宵窅相飄揚。聞者亦何事，但知時俗康。自從公旦死，千載闕其光。吾君亦勤理，遲爾一來翔。

北極一首贈李觀

北極有鸞羽，南溟有沈麟。川原浩浩隔，影響兩無因。風雲一朝會，變化成一身。誰言道里遠，感激疾如神。我年二十五，求友昧其人。哀歌西京市，乃與夫子親。爲尙苟同趨，賢愚豈異倫。方爲金右姿，萬世無緇磷。無爲兒女態，憔悴悲賤貧。

此日足可惜一首贈張籍

此日足可惜，此酒不足嘗。捨酒去相語，共分一日光。念昔未知子，孟君自南方。自矜有所得，言子有文章。我名屬相府，欲往不得行。思之不可見，百端在中腸。維時月魄死，冬日朝在房。驅馳公事退，聞子適及城。命車載之至，引坐於中堂。開懷聽其說，往往副所望。孔邱歿已遠，仁義路久荒。紛紛百家起，詭怪相披猖。長老守所聞，後生習爲常。少知誠難得，純粹古已亡。譬彼植園木，有根易爲長。留之不遣去，館置城西旁。歲時未云幾，浩浩觀湖江。衆夫指之笑，謂我知不明。兒童畏雷電，魚鱉驚夜光。州家舉進士，選試繆所當。馳辭對我策，章句何煌煌。相公朝服立，工席歌鹿鳴。禮終樂亦闋，相拜送於庭。之子去須臾，赫赫留盛名。竊喜復竊歎，諒知有所成人。事安可極，奄忽令我傷。聞子高第日，正從相公喪。哀情逢古語，愉悅難爲雙。暮宿僊師西，徒展轉在牀。夜聞汴州亂，遠壁行傍徨。我時留妻子，倉卒不及將。相見不復期，零落甘所丁。驕女未絕乳，念之不能忘。忽如在我所，耳若聞嘒聲。中途安得返，一日不可更。俄有東來說，我家免罹殃。乘船下汴水，東去趨彭城。從喪朝至洛，還走不及停。假道經盟津，出入行澗岡。日西入軍門，羸馬顛且僵。主人願少留，延入陳壺觴。卑賤不敢辭，忽忽心如狂。飲食豈知味，絲竹徒轟轟。平明脫身去，決若鷺鷥翔。黃昏次汜水，欲過無舟航。號呼久乃至，夜濟十里黃。中流上灘潭，沙水不可詳。驚波暗合沓，星宿爭翻芒。轅馬躡躑躅，左右泣僕童。甲午憩時門，臨泉窺鬪龍。東西出陳許，陂澤平茫茫。道邊草木花，紅紫相低昂。百里不

逢人角角雄雉鳴。行行二月暮。乃及徐南疆。下馬步隄岸。上船拜
吾兄。誰云經艱難。百口無夭殤。僕射南陽公。宅我睢水陽。篋中有
餘衣。盎中有餘糧。閉門讀書史。牕戶忽已涼。日念子來遊。子豈知
我情。別離未爲久。辛苦多所經。對食每不飽。共言無倦聽。連延三
十日。晨坐達五更。我友二三子。宦遊在西京。東野窺禹穴。李翱觀
濤江。蕭條千萬里。會合安可逢。淮之水舒舒。楚山直叢叢。子又捨
我去。我懷焉所窮。男兒不再壯。百歲如風狂。高爵尙可求。無爲守
一鄉。

幽懷

幽懷不能寫。行此春江濤。適與佳節會。士女競光陰。澹妝耀
洲渚。繁吹蕩人心。閒關林中鳥。亦知和爲音。豈無一樽酒。自酌還
目吟。但悲時易失。四序迭相侵。我歌君子行。視古猶視今。

君子法天運

君子法天運。四時可前知。小人惟所遇。寒暑不可期。利害有
常勢。取捨無定姿。焉能使我心。皎皎遠憂疑。

落葉送陳羽

落葉不更息。斷蓬無復歸。飄飄終自異。邂逅暫相依。悄悄深
夜語。悠悠寒月輝。誰云少年別。流淚各霑衣。

歸彭城

天下兵又動。太平竟何時。評謨者誰子。無乃失所宜。前年關
中旱。閭井多死飢。去歲東郡水。生民爲流屍。上天不虛應。禍福各

有隨。我欲進短策。無由至彤墀。剝肝以爲紙。瀝血以書辭。上言陳
堯舜。下言引龍夔。言詞多感激。文字少葳蕤。一讀已自怪。再尋良
自疑。食芹雖云美。獻御固已癡。緘封在骨髓。耿耿空自奇。昨者到
京師。屢陪高車馳。周行多俊異。議論無瑕疵。見待頗異禮。未能去
毛皮。到口不敢吐。徐徐俟其噉。歸來戎馬閒。驚顧似絳離。連日或
不語。終朝見相欺。乘閒輒騎馬。茫茫詣空廐。遇酒卽酩酊。君知我
爲誰。

醉後

煌煌東方星。奈此衆客醉。初噴或忿爭。中靜難嘲戲。淋漓身
上衣。顛倒筆下字。人生如此少。酒賤且勤置。

醉贈張祕書

人皆勸我酒。我若耳不聞。今日到君家。呼酒持勸君。爲此座
上客。及余各能文。君詩多態度。藹藹春空雲。東野動驚俗。天葩吐
奇芬。張籍學古淡。軒鶴避難羣。阿買不識字。頗知書八分。詩成使
之寫。亦足張吾軍。所以欲得酒。爲文俟其醺。酒味既冷冽。酒氣又
氛氳。性情漸浩浩。諧笑方云云。此誠得酒意。餘外徒繽紛。長安衆
富兒。盤饌羅羶羶。不解文字飲。惟能醉紅裙。雖得一餉。有如衆
飛蚊。今我及數子。固無猶與薰。險語破鬼膽。高詞媿皇墳。至寶不
雕琢。神功謝鋤耘。方今向太平。元凱承華勳。吾徒幸無事。庶以窮
朝暉。

同冠峽

南方二月半，春物亦已少。維舟山水間，晨坐聽百鳥。宿雲尚含姿，朝日忽升曉。羈旅感和鳴，因拘念輕矯。潺湲淚久迸，詰曲思增繞。行矣且無然，蓋棺事乃了。

送惠師

惠師浮屠者，乃是不羈人。十五愛山水，超然謝朋親。脫冠翦頭髮，飛步遺蹤塵。發迹入四明，梯空上秋旻。遂登天台望，衆壑皆嶙峋。夜宿最高頂，舉頭看星辰。光芒相照燭，南北爭羅陳。茲地絕翔走，自然嚴且神。微風吹木石，澎湃聞韶鈞。夜半起下視，溟波銜日輪。魚龍驚踊躍，叫嘯成悲辛。怪氣或紫赤，敲磨共輪囷。金鷄既騰翥，六合俄清新。常聞禹穴奇，東去窺甌閩。越俗不好古，流傳失其真。幽蹤覓難得，聖路嗟長堙。迴臨湖江濤，屹起高岷岷。壯志死不息，千年如隔晨。是非竟何有，棄去非吾倫。淩江詣廬嶽，浩蕩極遊巡。崔嵬沒雲表，陂陀浸湖淪。是時雨初霽，懸瀑垂天紳。前年往羅浮，步受南海漣。大哉陽德盛，榮茂恆留春。鷗鷺墮長翮，鯨戲側修鱗。自來連州寺，曾夫造城闔。日攜青雲客，探勝窮崖濱。太守邀不去，羣官請徒頰。囊無一金資，翻謂富者貧。昨日忽不見，我令訪其鄰。奔波自追及，把手問所因。顧我卻興歎，君寧異於民。離合自古然，辭別安足珍。吾聞九疑好，夙志今欲伸。斑竹嚇舜婦，清湘沈楚臣。衡山與洞庭，此固道所循。尋嶺方抵洛，歷華途之秦。浮游靡定處，偶往卽通津。吾言子當去，子道非吾遵。江魚不池活，野鳥難籠馴。吾非西方教，憐子狂且醇。吾嫉惰遊者，憐子愚且諄。去矣各

異趣，何爲浪當巾？

送靈師

佛法入中國，爾來六百年。齊民逃賊役，高士著幽禪。官吏不之制，紛紛聽其然。耕桑日失隸，朝署時遺賢。靈師皇甫姓，肩胛本蟬聯。少小涉書史，早能綴文篇。中間不得意，失迹成延遷。逸志不拘教，軒騰斷牽攀。圍棋鬪白黑，生死隨機權。六博在一擲，梟盧叱迴旋。戰詩誰與敵，浩汗橫戈鋌。飲酒盡百觥，嘲諧思逾鮮。有時醉花月，高唱清且緜。四座咸寂默，杳如秦湘絃。尋勝不憚險，黔江屢洞沿。翟塘五六月，驚電讓歸船。怒水忽中裂，千尋墮幽泉。環迴勢益急，仰見團團天。投身豈得計，性命甘徒捐。浪沫盪翻涌，漂浮再生全。同行二十人，魂骨俱坑塹。靈師不掛懷，冒涉道轉延。開忠二州牧，詩賦時多傳。失職不把筆，珠璣爲君編。強留費日月，密席羅嬋娟。昨者至林邑，使君數開筵。逐客三四公，盈懷贈蘭荃。湖游泛滂沱，溪宴駐潺湲。別語不許出，行裾動遭牽。鄰州競招請，書札何翩翩。十月下桂嶺，乘寒恣窺緣。落落王員外，爭迎獲其先。自從入賓館，占怪久能專。吾徒頗攜被，接宿窮歡妍。聽說兩京事，分明皆眼前。縱橫雜謠俗，瑣屑咸羅穿。材調實可惜，朱丹在磨研。方將飲之道，且欲冠其顛。韶陽李太守，高步凌雲煙。得客輒忘食，開囊乞繒錢。手持南曹敕，字重青瑤鵠。古氣參參繫，高標摧太玄。維舟事干謁，披讀頭風痊。還如舊相識，傾壺暢幽悃。以此復留滯，歸謖幾時輟？

縣齋有懷

少小尙奇偉，平生足悲咤。猶嫌子夏儒，肯學樊遲稼。事業窺
 皋稷，文章蔑曹謝。濯纓起江湖，綴珮雜蘭麝。悠悠指長道，去去策
 高駕。誰爲傾國媒，白許連城價。初隨計吏貢，屢入澤宮射。雖免十
 上勞，何能一戰霸？人情忌殊異，世路多權詐。蹉跎顏遂低，摧折氣
 愈下。治長信非罪，侯生或遭罵。懷書出皇都，銜淚渡清瀾。身將老
 寂寞，志欲死閑暇。朝食不盈腸，冬衣纔掩骼。軍書既頻召，戎馬乃
 連跨。大梁從相公，彭城赴僕射。弓箭圍狐兔，絲竹羅酒爵。兩府變
 荒涼，三年就休假。求官去東洛，犯雪過西華。塵埃紫陌春，風雨靈
 臺夜。名聲荷朋友，援引乏姻婭。雖陪彤庭臣，詎縱青冥靶。寒空聳
 危闕，曉色曜修架。捐軀辰在丁，鐵騎時方禡。投荒誠職分，領邑幸
 寬赦。湖波翻日車，嶺石坼天罅。毒霧恆熏晝，炎風每燒夏。雷威固
 已加，颯勢仍相借。氣象香難測，聲音吁可怕。夷言聽未慣，越俗循
 猶乍。指摘兩憎嫌，睚眦互猜訝。祇緣恩未報，豈謂生足藉。嗣皇新
 繼明，率土日流化。惟思滌瑕垢，長去事桑柘。劇嵩開雲扃，壓頰抗
 風榭。禾黍種滿地，粲粲栽繞舍。兒童稍長成，雀鼠得驅嚇。官租日
 輸納，村酒時邀迓。閑愛老農愚，歸弄小女姪。如今便可爾，何用畢
 婚嫁？

合江亭

紅亭枕湘江，蒸水會其左。瞰臨眇空闊，綠淨不可唾。維昔經
 營初，邦君實王佐。翦林遷神祠，買地費家貨。梁棟宏可愛，結構麗

匪過。伊人去軒騰，茲宇遂頽挫。老郎來何暮？高唱久乃和。樹蘭盈
 九畹，栽竹逾万个。長綆汲滄浪，幽匿下坎坳。波濤夜俯聽，雲樹朝
 對臥。初如遣宦情，終乃最郡課。人生誠無幾，事往悲登奈。蕭條縣
 歲時，契闊繼庸儒。勝事誰復論，醜聲日已播。中丞黜凶邪，天子閱
 窮餓。君侯至之初，闈里自相賀。滯滯樂閑曠，勤苦勸慵惰。爲余掃
 塵階，命樂醉衆座。窮秋感平分，新月憐半破。願書巖上石，勿使泥
 塵漉。

陪杜侍御遊湘西兩寺，獨宿，有題一首，因獻揚常侍。

長沙千里平，勝地猶在險。況當江闊處，斗起勢匪漸。深林高
 玲瓏，青山上琬琰。路窮臺殿闕，佛事煥且儼。剖竹走泉源，開廊架
 崖廣。是時秋之殘，暑氣尙未斂。羣行忘後先，朋息棄拘檢。客堂喜
 空涼，華榻有深簟。澗蔬煮蒿芹，水果剝菱芡。伊余夙所慕，陪賞亦
 云忝。幸逢車馬歸，獨宿門不掩。山樓黑無月，漁火燦星點。夜風一
 何喧，杉檜屢磨颯。猶疑有波濤，恍恍夢成魘。靜思屈原沈，遠憶賈
 誼貶。椒蘭奪妬忌，絳灌共讒詔。誰令悲生腸，坐使淚盈臉。翻飛乏
 羽翼，指摘因瑕玷。珥貂藩維重，政化類分陔。禮賢道何優，奉已事
 苦儉。大廈棟方隆，巨川楫行刻。經營誠少暇，遊宴固已厭。旅程愧
 淹留，徂歲嗟荏苒。平生每多感，柔翰遇頽染。展轉嶺猿鳴，曙燈青
 曉暎。

岳陽樓別竇司直

洞庭九州間，厥大誰與讓？南匯羣崖水，北注何奔放？瀟爲七

百里吞納各殊狀。自古澄不清。環混無歸向。炎風日搜攬。幽怪多
冗長。軒然大波起。宇宙隘而妨。巍峨拔嵩華。隱蹕較健壯。聲音一
何宏。轟轆車萬兩。猶疑帝軒轅。張樂就空曠。蛟螭露筍篴。縞練吹
組帳。鬼神非人世。節奏顛跌踴。陽施見誇麗。陰閉感悽愴。朝過宜
春口。極北缺隄障。夜纜巴凌洲。叢蒿纔可傍。星河盡涵泳。俯仰迷
下上。餘瀾怒不已。喧聒鳴囊盎。明登岳陽樓。輝煥朝日亮。飛廉戢
其威。清晏息纖纒。泓澄湛凝綠。物影巧相況。江豚時出戲。驚波忽
蕩盪。時當冬之孟。隙窳縮寒漲。前臨指近岸。側坐眇難望。滌濯神
魂醒。幽懷舒以暢。主人孩童舊。握手乍忻悵。憐我竄逐歸。相見得
無恙。開筵交履舄。爛漫倒家釀。杯行無留停。高柱送清唱。中盤進
橙栗。投擲傾脯醬。歡窮悲心生。婉變不能忘。念昔始讀書。志欲干
霸王。屠龍破千金。爲藝亦云亢。愛才不擇行。觸事得譏謗。前年出
官由。此禍最無妄。公卿探虛名。擢拜譏天仗。姦猜畏彈射。斥逐恣
欺誑。新恩移府庭。逼側廁諸將。于嗟苦騫緩。但懼失宜當。追思南
渡時。魚腹甘所葬。嚴程迫風帆。劈箭入高浪。顛沈在須臾。忠鯁誰
復諒。生還真可喜。剋已自懲創。庶從今日後。蠱讖得與喪。事多改
前好。趣有獲新尚。誓耕十畝田。不取萬乘相。細君知蠶織。稚子已
能餉。行當掛其冠。生死君一訪。

送文暢師北遊

昔在四門館。晨有僧來謁。自言本吳人。少小學城闕。已窮佛
根源。蠱讖事輒覲。攀拘屈吾真。戒轄思遠發。薦紳秉筆徒。聲譽耀

前閥。從求送行詩。屢造忍顯顯。今成十餘卷。浩汗羅斧鉞。先生闕
窮巷。未得窺剞劂。又聞識大道。何路補剗削。出其囊中文。滿聽實
清越。謂曾當少安。草序頗排計。上論古之初。所以施賞罰。下開迷
惑胸。寧斷斷株檠。僧時不聽警。若飲水救渴。風塵一出門。時日多
如髮。三年竄荒嶺。守縣坐深樾。徵租聚異物。詭製巾襪。幽窮共
誰語。思想甚含曠。昨來得京官。照壁喜見蝎。況逢舊親識。無不比
鶻鷹。長安多門戶。弔慶少休歇。而能勤來過。重惠安可揭。當今聖
政初。恩澤完獫狁。胡爲不自暇。飄戾逐鷓鴣。僕射領北門。威德壓
胡羯。相公鎮幽都。竹帛爛勳伐。酒場舞閨姝。獵騎圍邊月。開張篋
中寶。自可得津筏。從茲富裘馬。寧復茹藜蕨。余期報恩後。謝病老
耕墾。庇身指蓬茅。遲志縱檢搦。僧還相訪來。山藥煮可掘。

答張徹

辱贈不知報。我歌爾其聆。首敘始識面。次言後分形。道途縣
萬里。日月垂十齡。浚郊避兵亂。隄岸連門停。肝膽一古劍。波濤兩
浮萍。漬墨竄舊史。磨丹注前經。義苑手祕寶。文堂耳驚霆。喧晨躡
露鳥。暑夕眠風檣。結友子讓抗。請師我慚丁。初味猶噉蔗。遂通斯
建瓴。搜奇日有富。嗜善心無寧。石梁平挺挺。沙水光泠泠。乘枯摘
野豔。沈細抽澗腥。遊寺去陟巖。尋徑返穿汀。綠雲竹竦竦。失路麻
冥冥。淫泆忽翻野。平蕪眇開溟。防泄墮衣塞。懼衝城畫局。及去事
戎轡。相逢宴軍伶。航秋縱兀兀。獵旦馳駟駟。從賦始分手。朝京忽
同舸。急時促暗棹。戀月留虛亭。畢事驅傳馬。安居守臆螢。梅花瀾

水別宮燭驪山醒。省選遽投足。鄉賓尚摧翎。塵祛又一摻。淚皆還
 雙榮。洛邑得休告。華山窮絕脛。倚巖睨海浪。引袖拂天星。日駕此
 迴轡。金神所司刑。泉紳拖修白石劍。攢高青磴。鮮遶拳。踞梯颯颯
 伶俚。悔狂已昨指。垂誠仍鑄銘。峨豸忝備列。伏蒲愧分涇。微誠慕
 橫草。瓊力摧撞筵。疊雪走商嶺。飛波航洞庭。下險疑墮井。守官類
 拘囹。荒餐茹瘵蟲。幽夢感湘靈。刺史肅著蔡。吏人沸蝗螟。點綴簿
 上字。趨踰閣前鈴。賴其飽山水。得以娛瞻聽。紫樹雕斐齋。碧流滴
 瓊玲。映波鋪遠錦。插地列長屏。愁狄酸骨死。怪花醉魂馨。潛苞絳
 實坼。幽乳翠毛零。赦行五百里。月變三十蕒。漸階羣振鷺。入學誨
 螟蛉。奉甘謝鳴鹿。疊滿慚磬餅。罔罔抱珊瑚。飛飛聯鶴鷁。魚蠶欲
 脫背。虬光先照硯。豈獨出醜類。方當動朝廷。勤來得晤語。勿憚宿
 寒廳。

薦士：

周詩三百篇，雅麗理訓誥。曾經聖人手，議論安敢到？五言出
 漢時，蘇李首更號。東都漸漸漫，派別百川導。建安能者七，卓犖變
 風操。逶迤抵晉宋，氣象日凋耗。中間數鮑謝，比近最清奧。齊梁及
 陳隋，衆作等蠅噪。搜春摘花卉，沿襲傷剽盜。國朝盛文章，子昂始
 高蹈。勃興得李杜，萬類因陵暴。後來相繼生，亦各臻閭奧。有窮者
 孟郊，受材實雄鷲。冥觀洞古今，象外逐幽好。橫空盤硬語，妥帖力
 排纂。敷柔肆紆餘，奮猛卷海潦。榮華肖天秀，捷疾逾響報。行身踐
 規矩，甘辱恥媚竈。孟軻分邪正，眸子看瞭眊。杳然粹而清，可以鎮

浮躁。酸寒溼陽尉，五十幾何薨？孜孜營甘旨，辛苦人所冒。俗流知
 者誰？指注競嘲傲。聖皇索遺逸，髦士日登造。廟堂有賢相，愛遇均
 覆燾。况承歸興張，二公迭嗟悼。青冥送吹噓，強箭射魯縞。胡爲久
 無成？使以歸期告。霜風破佳菊，嘉節迫吹帽。念將決焉來，感物增
 戀繆。彼微水中若，尚煩左右芼。魯侯國至小，廟猶鼎納都。幸當擇
 珉玉，寧有棄珪瓊。悠悠我之思，擾擾風中蠹。上言愧無路，日夜惟
 心禱。鶴翎不天生，變化在啄菹。通波非難圖，尺地易可漚。善善不
 汲汲，後時徒悔懊。救死具八珍，不如一啜糲。微詩公勿諠，愷悌神
 所勞。

喜侯喜至，贈張籍張徹。

昔我在南時，數君長在念。搖搖不可止，諷詠日喁喁。如以膏
 濯衣，每漬垢逾染。又如心中疾，巖石非所疢。常思得遊處，至死無
 倦厭。地遐物奇怪，水鏡涵石劍。荒花窮漫亂，幽獸工騰閃。礙目不
 忍窺，忽忽坐昏墊。逢神多所祝，豈忘靈即驗？依依夢歸路，歷歷想
 行店。今者誠自幸，所懷無一欠。孟生去雖索，侯氏來還歎。欵眠聽
 新詩，屋角月豔豔。雜作承間聘，交鶩舌互噉。續紛指瑕疵，拒捍阻
 城塹。以余經摧挫，固請發鉛槧。居然妄推讓，見謂燕天讎。比疏語
 徒妍，悚息不敢占。呼奴具盤饌，餉餛魚菜贍。人生但如此，朱紫安
 足僭？

驚驥：

驚駘誠齷齪，市者何其稠？力小苦易制，價微良易酸。渴飲一

斗水。飢食一束錢。嘶鳴當大路。志氣若有餘。麒麟生絕域。自矜無匹儔。牽驅入市門。行者不爲留。借問價幾何。黃金比嵩邱。借問行幾何。咫尺視九州。飢食玉山禾。渴飲醴泉流。問誰能爲御。曠世不可求。惟昔穆天子。乘之極遐遊。王良執其轡。造父挾其轡。因言天外事。茫惚使人愁。騫駘謂麒麟。餓死余爾羞。有能必見用。有德必見收。孰云時與命。通塞皆自由。麒麟不敢言。低徊但垂頭。人皆劣騏驎。共以駑駘優。嗚余獨與歎。才命不同謀。寄詩同心子。爲我商聲誦。

出門

長安百萬家。出門無所之。豈敢尚幽獨。與世實參差。古人雖已死。書上有其辭。開卷讀且想。千載若相期。出門各有道。我道方未夷。且於此中息。天命不吾欺。

烽火

登高望烽火。誰謂塞塵飛。王城富且樂。曷不事光輝。勿言日已暮。相見恐行稀。願君熟念此。秉燭夜中歸。我歌寧自感。乃獨淚霑衣。

覲覲

覲覲當世士。所憂在飢寒。但見賤者悲。不聞貴者歎。大賢事業異。遠抱非俗觀。報國心皎潔。念時涕汎瀾。妖姬坐左右。柔指發哀彈。酒肴雖日陳。感激寧爲歡。秋陰欺白日。泥潦不少乾。河隄決東郡。老弱隨驚湍。天意固有屬。誰能詰其端。願辱太守薦。得充諫

諍官。排雲叫閭闔。披腹呈琅玕。致君豈無術。自進誠獨難。洞庭湖。阻風贈張十一(署)十月陰氣盛。北風無時休。蒼茫洞庭岸。與子維雙舟。霧雨晦爭泄。波濤怒相投。犬雞斷四聽。糧絕誰與謀。相去不容步。險如礙山邱。清談可以飽。夢想接無由。男女喧左右。飢啼但啾啾。非懷北歸興。何用勝羈愁。雲外有白日。寒光自悠悠。能令暫開霽。過是吾無求。

青青水中蒲三首

青青水中蒲。下有一雙魚。君今上隴去。我在與誰居。青青水中蒲。長在水中居。寄語浮萍草。相隨我不如。青青水中蒲。葉短不出水。婦人不下堂。行子在萬里。

孟東野失子

東野連產三子。不數日輒失之。幾老念無後以悲。其友人昌黎韓愈懼其傷也。推天假其命以喻之。

失子將何尤。吾將上尤天。女實主下人。與奪一何偏。彼於女何有。乃令蕃且延。此獨何罪辜。生死旬日間。上呼無時聞。滴地淚到泉。地祇爲之悲。瑟縮久不安。乃呼大靈龜。騎雲款天門。問天主下人。薄厚胡不均。天曰天地人。由來不相關。吾懸日與月。吾繫星與辰。日月相噬齧。星辰踏而顛。吾不女之罪。知非女由因。且物各有分。孰能使之然。有子與無子。禍福未可原。魚子滿母腹。一一欲誰憐。細腰不自乳。舉旅長孤嫠。鴟梟啄母腦。母死子始翻。蝮蛇生

子時，拆裂腸與肝。好子雖云好，未還恩與勤。惡子不可說，鴟梟蝮蛇然。有子且勿喜，無子固勿歎。上聖不待教，賢聞語而遷。下愚聞語惑，雖教無由俊。大靈頓頭受，卽日以命還。地祇謂大靈，女往告其人。東野夜得夢，有夫玄衣巾。闐然入其戶，三稱天之言。再拜謝玄夫，收悲以歡忻。

縣齋讀書

出宰山水縣，讀書松桂林。蕭條捐末事，邂逅得初心。哀狺醒俗耳，清泉潔塵襟。詩成有共賦，酒熟無孤斟。青竹時默釣，白雲日幽尋。南方本多毒，北客恆懼侵。謫諛甘自守，滯留愧難任。投章類編帶，佇答逾兼金。

新竹

筍添南階竹，日日成清閼。縹節已儲霜，黃苞猶揜絮。出欄抽五六，當戶羅三四。高標陵秋嚴，貞色奪春媚。稀生差補林，竝出疑爭地。縱橫乍依行，爛漫忽無次。風枝未飄吹，露粉先涵淚。何人可攜甌，清景空瞻視。

晚菊

少年飲酒時，踊躍見菊花。今來不復飲，每見恆咨嗟。佇立摘滿手，行行把歸家。此時無與語，棄置奈悲何！

落齒

來年落一牙，今年落一齒。俄然落六七，落勢殊未已。餘存皆動搖，盡落應始止。憶初落一時，但念豁可恥。及至落二三，始憂衰

卽死。每一將落時，懷懷恆在己。父牙妨食物，顛倒怯漱水。終焉捨我落，意與崩山比。今來落既熟，見落空相似。餘存二十餘，次第知落矣。儻常歲落一，自足支兩紀。如其落竝空，與漸亦同指。人言齒之落，壽命理難恃。我言生有涯，長短俱死爾。人言齒之豁，左右驚諦視。我言莊周公，木厲各有喜。語詭默固好，嚼廢輒還美。因歌遂成詩，時用託妻子。

哭楊兵部（凝）陸欽州（參）

人皆期七十，纔半豈蹉跎。併出知已淚，自然白髮多。晨興爲誰憫，還坐久滯沲。論文與晤語，已矣可如何。

苦寒

四時各平分，一氣不可兼。隆寒奪春序，顛頊固不廉。太昊弛維綱，畏避但守謙。遂令黃泉下，萌芽天旬尖。草木不復抽，百味失苦甜。凶鷲攬宇宙，銜刃甚割砭。日月雖云尊，不能活鳥鱗。羲和送日出，惟怯頻窺覘。炎帝持祝融，呵噓不相炎。而我當此時，恩光何由沾。肌膚生鱗甲，衣被如刀鑱。氣寒鼻莫駛，血動指不拈。濁醪沸入喉，口角如銜箱。將持匕箸食，觸指如排籤。侵鏹不覺暖，熾炭屢已添。探湯無所益，何況續與縑。虎豹僵穴中，蛟鱗死幽潛。葵惑喪躔次，六龍冰脫髻。芒碭大包內，生類恐盡殲。啾啾聽聞雀，不知已微纖。舉頭仰天鳴，自願暑刻淹。不如彈射死，卻得親魚鱗。鸞皇苟不存，爾固不在占。其餘蠢動儻，俱死誰恩嫌。伊我稱最靈，不能女覆舌。悲哀激憤歎，五藏難安恬。中宵倚牆立，淫淚何漸漸。天王哀

無辜。惠我下顧。瞻。袞。旒。去。耳。纏。調。和。進。梅。鹽。賢。能。日。登。御。黜。彼。傲。與。檢。生。風。吹。死。氣。豁。達。如。褰。簾。懸。乳。零。落。墮。晨。光。入。前。櫺。雪。霜。頓。銷。釋。土。脈。膏。且。黏。豈。徒。蘭。蕙。榮。施。及。艾。與。兼。日。萼。行。鑠。鑠。風。條。坐。檐。檐。天。乎。苟。其。能。吾。死。意。亦。厭。

崔十六少府攝伊陽以詩及書見投因酬三十韻

崔君初來時，相識頗未慣。但聞赤縣尉，不比博士慢。賃屋得連牆，往來忻莫閒。我時亦新居，觸事苦難辦。蔬飧要同喫，破襖誰來綻。謂言安堵後，貸借更何患。不知孤遺多，舉族仰薄宦。有時來朝餐，得米日已晏。隔牆聞讙呼，衆口極鵝鴈。前計頓乖張，居然見真質。嬌兒好眉眼，袴腳凍兩脣。捧書隨諸兄，累累兩角巾。冬惟茹寒齏，秋始識瓜瓣。問之不言飢，餓若厭芻豢。才名三十年，久合居給諫。白頭趨走裏，閉口絕謗訕。府公舊同袍，拔擢宰山澗。寄詩雜該俳，有類說鸚鵡。上言酒味酸，冬衣竟未撰。下言人吏稀，惟足彪與麤。又言致豬鹿，此語乃善幻。三年國子師，腸肚習藜藿。况住洛之涯，魴鱸可罩汕。肯效屠門嚼，久嫌弋者篡。謀拙日焦拳，活計似鋤剗。男寒溢詩書，妻瘦剩腰襖。爲官不事職，厥罪在欺謾。行當自効去，漁釣老蘆蕪。歲窮寒氣驕，冰雪滑磴棧。音問難雁通，何由覩清盼。

送侯參謀赴河中幕

憶昔初及第，各以少年稱。君頤始生鬚，我齒清如冰。爾時心氣壯，百事謂已能。一別詎幾何，忽如隔晨興。我齒豁可鄙，君顏老

可憎。相逢風塵中，相親迭嗟矜。幸同學省官，末路再得朋。東司絕教授，遊宴以爲恆。秋漁蔭密樹，夜博然明燈。雪逕抵樵叟，風廊折談僧。陸渾桃花間，有湯沸如蒸。三月崑少步，躑躅紅千層。洲沙厭晚坐，嶺壁窮晨昇。沈冥不計日，爲樂不可勝。邊滿一已異，乖離坐難憑。行行事結束，人馬何躊躇。感激生膽勇，從軍豈嘗曾。沈沈司徒公，天子爪與臄。提師十萬餘，四海欽風稜。河北兵未進，蔡州帥新薨。曷不請掃除，活彼黎與烝。鄙夫誠怯弱，受恩愧徒宏。猶思脫儒冠，棄死取先登。又欲面言事，上書求詔徵。侵官固非是，妄作譴可懲。惟當待責免，耕耨歸溝塍。今君得所附，勢若脫羶鷹。檄筆無與讓，幕謀職其膺。收績聞史牒，翰飛逐溟鵬。男兒貴立事，流景不可乘。歲老陰沍作，雲頽雪翻崩。別祛拂洛水，征車轉嶢陵。勤勤酒不進，勉勉恨已仍。送君出門歸，愁腸若牽蠅。默坐念語笑，癡如遇寒蠅。策馬誰可適，晤言誰爲應。席塵惜不掃，殘鱗對空凝。信知後會時，日月屢環絢。生期理行役，歡緒絕難承。寄書惟在頰，無悵簡與繪。

東都遇春

少年氣真狂，有意與春競。行逢二三月，九州花相映。川原曉服鮮，桃李晨粧靚。荒乘不知疲，醉死豈辭病。飲噉惟所便，文章倚豪橫。爾來會幾時，白髮忽滿鏡。舊遊喜乖張，新輩足嘲評。心腸一變化，羞見時節盛。得閒無所作，貴欲辭親聽。深居疑避仇，默臥如當暝。朝曦入牖來，鳥喚昏不醒。爲生鄙計算，鹽米告屢罄。坐疲都

忘起，冠側懶復正。幸蒙東都官，獲離機與窳。乖備遭僻，漸染生
弊性。既來焉能追？有來猶莫聘。有船魏王池，往往縱孤泳。水容與
天色，此處皆綠淨。岸樹共紛披，渚牙相緯經。懷歸苦不果，即事取
幽迸。貪求匪名利，所得亦已併。悠悠度朝昏，落落捐季孟。羣公一
何賢？上戴天子聖。謀謨收禹績，四面出雄勁。轉輸非不勤，稽連有
軍令。在庭百執事，奉職各祇敬。我獨胡爲哉，坐與億兆慶。譬如籠
中鳥，仰給活性命。爲詩告友生，負愧終究竟。

酬裴十六功曹巡府西驛塗中見寄

相公罷論道，聿至活東人。御史坐言事，作吏府中塵。遂令河
南治，今古無儔倫。四海日富庶，道途隘蹄輪。府西三百里，候館同
魚鱗。相公謂御史，勞子去自巡。是時山水秋，光景何鮮新。哀鴻鳴
清耳，宿霧褰高旻。遺我行旅詩，軒軒有風神。譬如黃金盤，照耀荆
璞真。我來亦已辛，事賢友其仁。持竿洛水側，孤坐屢窮辰。多才自
勞苦，無用祇因循。辭免期匪遠，行行及山春。

燕河南府秀才

吾皇紹祖烈，天下再太平。詔下諸郡國，歲貢鄉曲英。元和五

年冬，房公尹東京。功曹上言公，是月當登名。乃選二十縣，試官得
鴻生。羣儒負己材，相賀簡擇精。怒起箴羽翮，引吭吐鏗轟。此都自
周公，文章繼名聲。自非絕殊尤，難使耳目驚。今者遭震薄，不能出
聲鳴。鄙夫忝縣尹，愧慄難爲情。惟求文章寫，不敢妬與爭。還家敕
嬰兒，具此煎魚烹。柿紅蒲萄紫，有果相扶擎。芳茶出蜀門，好酒濃

且清。何能充歡燕？庶以露厥誠。昨聞詔書下，權公作邦楨。文人得
其職，文道當大行。陰風攬短日，冷雨澁不晴。勉哉戒徒駭，家國遲
子榮。

送李翱

廣州萬里途，山重江逶迤。行行何時到？誰能定歸期？揖我出
門去，顏色異恆時。雖云有追遂，足迹絕自茲。人生一世閒，不自張
與弛。譬如浮江木，縱橫豈自知？寧懷別時苦，勿作別後思。

送石處士赴河陽幕

長把種樹書，人云避世士。忽騎將軍馬，自號報恩子。風雲入
壯懷，泉石別幽耳。鉅鹿師欲老，常山險猶恃。豈惟彼柏憂，固是吾
徒恥。去去事方急，酒行可以起。

送湖南李正字歸

長沙入楚深，洞庭植秋晚。人隨鴻鴈少，江共蒹葭遠。歷歷余
所經，悠悠子當返。孤游懷耿介，旅宿夢婉婉。風土稍殊音，魚蝦日
異飯。親交俱在此，誰與同息偃。

辛卯年雪

元和六年春，寒氣不肯歸。河南二月末，雪花一尺圍。崩騰相
排拶，龍鳳交橫飛。波濤何颯揚，天風吹旛旗。白帝盛羽衛，鬚髻振
裳衣。白霓先啓途，從以萬玉妃。翕翕陵厚載，譁譁弄陰機。生平未
曾見，何暇議是非？或云豐年祥，飽食可庶幾。善禱吾所慕，謹言寸
誠微。

招揚之眾

柏生兩石間，萬歲終不大。野馬不識人，難以駕車蓋。柏移就平地，馬羈入厩中。馬思自由悲，柏有傷根容。傷根柏不死，千丈日以至。馮悲罷還樂，振迅矜鞍轡。之眾南山來，文字得我驚。館置使讀書，日有求歸聲。我令之眾歸，失得與柏馬。之眾別我去，計出柏馬下。我自之眾歸，入門思而悲。之眾別我去，能不思我為。灑掃縣中居，引水經竹間。豈諱所不及，何異山中閔。前陳百家書，食有肉與魚。先王遺文章，綴緝實在余。禮稱獨學陋，易貴不遠復。作詩招之眾，晨夕抱飢渴。

送無本師歸范陽

無本於為文，身大不及膽。吾嘗示之難，勇往無不敢。蛟龍弄角牙，造次欲手攬。眾鬼囚大幽，下覷襲玄宮。天陽熙四海，注視首不領。鯨鵬相摩宰，兩舉快一噉。夫豈能必然，固已謝黠黠。狂詞肆滂葩，低昂見舒慘。姦窮怪變得，往往造平澹。蜂蟬碎錦繡，綠池披蕩著。芝英擢荒蕪，孤翻起連莢。家住幽都遠，未識氣先感。來尋吾何能，無殊嗜昌歎。始見洛陽春，桃枝綴紅糝。遂來長安里，時卦轉習坎。老懶無關心，久不事鉛槧。欲以金帛酬，舉室常顛顛。念當委我去，霜雪刻以憎。寧聽攪空衢，天地與頓撼。勉率吐歌詩，慰女別後覽。

雙鳥詩

雙鳥海外來，飛飛到中州。一鳥憺城市，一鳥集巖幽。不得相

伴鳴，爾來三千秋。兩鳥各閉口，萬象銜口頭。春風捲地起，百鳥皆飄浮。兩鳥忽相逢，百日鳴不休。有耳聒皆聾，有口反自羞。百舌舊饒聲，從此恆低頭。得病不呻喚，泯默至死休。雷公告天公，百物須膏油。自從兩鳥鳴，聒亂雷聲收。鬼神怕嘲詠，造化皆停留。草木有微情，挑抉示九州。蟲鼠誠微物，不堪苦誅求。不停兩鳥鳴，百物皆生愁。不停兩鳥鳴，自此無春秋。不停兩鳥鳴，日月難旋轉。不停兩鳥鳴，大法失九疇。周公不為公，孔邱不為邱。天公怪兩鳥，各捉一處囚。百蟲與百鳥，然後鳴啾啾。兩鳥既別處，閉聲省愆尤。朝食千頭龍，暮食千頭牛。朝飲河生塵，暮飲海絕流。還當三千秋，更起鳴相酬。

題炭谷湫祠堂

萬物都陽明，幽暗鬼所竄。嗟龍獨何智，出入人鬼間。不知誰為助，若執造化關。厭處平地水，巢居插天山。列峯若攢指，石盂仰環環。巨靈高其捧，保此一掬擘。森沈固含蓄，木以儲陰好。魚鼈蒙擁護，羣嬉傲天頑。翱翔棲託禽，飛飛一何閑。祠堂像侔真，擢玉紆擘鬢。羣怪儼伺候，恩威在其顏。我來自日正中，悚惕思先還。寄立尺寸地，敢言來途艱。吁無吹毛刃，血此牛颺殷。至令乘水旱，鼓舞寡與嫫。林叢鎮冥冥，窮年無由刪。妍英雜豔實，星瑋黃朱斑。石級皆險滑，頭躋莫牽牽。龍區雜眾碎，付與宿已頒。棄去可奈何，吾其死茅管。

送陸暢歸江南

舉舉江南子，名以能詩聞。一來取高第，官佐東宮軍。迎婦丞相府，誇映秀士羣。鸞鳴桂樹間，觀者何繽紛。人事喜顛倒，旦夕異所云。蕭蕭青雲幹，遂逐荆棘焚。歲晚鴻鴈過，鄉思見新文。踐此秦關雪，家彼吳洲雲。悲嗚上車女，骨肉不可分。感槩都門別，丈夫酒方醺。我實門下士，力薄蚋與蚊。受恩不即報，永負湘中墳。

送進士劉師服東歸

猛虎落檻穽，坐食如孤狔。丈夫在富貴，豈必守一門。公心有勇氣，公口有直言。奈何任埋沒，不自求騰軒。僕本亦進士，頗嘗究根源。由來骨鯁材，喜被輭弱吞。低頭受侮笑，隱忍肆兀窳。泥雨城東路，夏槐作雲屯。還家雖闕短，指日親晨飧。攜持令名歸，自足贖家尊。時節不可飭，親交可攀援。勉來取金紫，勿久休中園。

嘲魯連子

魯連細而黠，有似黃鶴子。田巴兀老蒼，憐汝矜爪髻。開端要驚人，雄誇吾厭矣。高拱禪鴻聲，若輟一杯水。獨稱唐虞賢，顧未知之耳。

贈張籍

吾老著讀書，餘事不掛眼。有兒雖甚憐，教示不免簡。君來好呼出，踉蹌越門限。懼其無所知，見則先愧赧。昨因有緣事，上馬插手版。留君住廳食，使立侍盤饌。薄暮歸見君，迎我笑而莞。指渠相賀言，此是萬金產。吾愛其風骨，粹美無可揀。試將詩義授，如以肉貫鼎。閉袂露毫末，自得高寒筵。我身蹈邱軻，爵位不早縮。固宜長

有人，文章紹編劉。感荷君子德，悅若乘朽樁。召令吐所記，解摘了瑟調。顧視廳壁間，親戚競覘矚。喜氣排寒冬，聒耳鳴晚曉。如今更誰恨，便可耕瀟灑。

調張籍

李杜文章在，光燄萬丈長。不知羣兒愚，那用故諍傷。蚍蜉撼大樹，可笑不自量。伊我生其後，舉頭遙相望。夜夢多見之，晝思反微茫。徒觀斧鑿痕，不關治水航。想當施手時，巨刃磨天揚。根崖剝崩豁，乾坤擺雷電。惟此兩夫子，家居率荒涼。帝欲長吟哦，故遣起且僵。翳翎送籠中，使看百鳥翔。平生千萬篇，金錘垂琳琅。仙官敕六丁，雷電下取將。流落人間者，太山一豪芒。我願生兩翅，捕逐出八荒。精誠忽交通，百怪入我腸。刺手拔鯨身，舉瓢酌天漿。騰身跨汗漫，不著織女襄。顧語地上友，經營無太忙。乞君飛霞佩，與我高顏頤。

寄皇甫湜

敲門驚晝睡，問報睦州吏。手把一封書，上有皇甫字。拆書放牀頭，涕與淚垂四。昏昏還就枕，惘惘夢相值。悲哉無奇術，安得生兩翅。

病中贈張十八

中虛得暴下，避冷臥北牕。不踰曉鼓朝，安眠聽逢逢。籛也處閨里，抱能未施邦。文章自娛戲，金石日擊撞。龍文百斛鼎，筆力可獨扛。談舌久不掉，非君亮誰雙。扶几導之言，曲節初縱橫。半塗喜

開鑿派別失大江。吾欲盈其氣，不令見磨礪。牛羊滿田野，解席束空杠。傾樽與斟酌，四壁堆甕缸。玄帷隔雪風，照鑪釘明缸。夜闌縱肆，腹將歸乃徐謂子言得無晚。迴軍與角逐，所樹收窮靡。雌聲吐款要，酒壺綴羊腔。君乃嶺峯，籍乃嶺頭瀧。譬如蟻垤微，詎可陵嶢峴。幸願終賜之，斬拔枿與椿。從此讖歸處，東流水淙淙。

雜詩

古史散左右，詩書置後前。豈殊蠹書蟲？生死文字間。古道自愚蠢，古言自包纏。當今固殊古，誰與爲欣歡。獨攜無言子，共昇崑崙顛。長風飄襟裾，遂起飛高圓。下視禹九州，一塵集豪端。遊嬉未云幾，下已億萬年。向者夸奪子，萬墳賦其巔。惜哉抱所見，白黑未及分。慷慨爲悲吟，淚如九河翻。指摘相告語，雖還今誰親。翻然大荒，被髮騎麒麟。

寄崔二十六（立之）

西城員外承，心迹兩屈奇。往歲戰詞賦，不將勢力隨。下驢入省門，左右驚紛披。傲兀坐試席，深叢見孤鶖。文如翻水成，初不用意爲。四座各低面，不敢振眼窺。升階揖侍郎，歸舍日未歛。佳句喧衆口，考官敢瑕疵。連年收科第，若摘領底髭。迴首卿相位，通途無他歧。豈論校書郎，袍笏光參差。童孺見稱說，祝身得如斯。儕輩妬且熱，喘如竹筒吹。老婦願嫁女，約不論財貲。老翁不量分，累月答其兒。攪攪爭附託，無人角雄雌。由來人間事，翻覆不可知。安有巢

中，撥插翅飛天降。駒躡羆爪牙，猛虎借與皮。汝頭有纏繫，汝腳有索縈。陷身泥溝間，誰復稟指撝。不脫吏部選，可見偶與奇。又作朝士，貶得非命所施。客居京城中，十日營一炊。逼迫走巴蠻，恩愛座上離。昨來漢水頭，始得完孤羈。桁掛新衣裳，益棄食殘糜。苟無飢寒苦，那用分高卑。憐我還好古，宦途同險巇。每句遺我書，竟歲無差池。新篇奚其思，風幡肆透迤。又論諸毛功，劈水省蛟螭。雷電生睽勝，角鬣相撐披。屬我感窮暴，抱華不能攜。但來和相報，愧歎俾我疵。又寄百尺綵，緋紅相盛衰。巧能喻其誠，深淺抽肝脾。開展放我側，方餐涕垂匙。朋交日凋謝，存者逐利移。子寧獨迷誤，綴綴意益彌。舉頭庭樹豁，狂飈卷寒曠。迢遞山水隔，何由應燠篲。別來就十年，君馬記騶驪。長女當及事，誰助出輓轎。諸男皆秀朗，幾能守家規。文字銳氣在，輝輝見旌麾。摧腸與感容，能復持酒卮。我雖未耄老，髮秃骨力羸。所餘十九齒，黴盡浮危。玄花著兩眼，視物隔縱襪。燕席謝不詣，浴鞍懸莫騎。敦敦凭書案，警彼烏黏鷄。且吾聞之師，不以物自贖。孤豚眠寒壤，不慕太廟犧。君看一時人，鬻輩先騰馳。過半黑頭死，陰蟲食枯髀。歡華不滿眼，咎責塞兩儀。觀名計之利，詎足相陪裨。仁者恥貪冒，受祿量所宜。無能食國惠，豈異哀癯罷。久欲辭謝去，休令衆睚睚。況又嬰疹疾，寧保軀不貲。不能前死罷，內實慚神祇。舊籍在東都，茅屋枳棘籬。還歸非無指，灞澗揚春漸。生今耕吾疆，死也埋吾廐。文書自傳道，不仗史筆垂。夫子固吾黨，新恩釋銜羈。去來伊洛上，相待安罝罝。我有雙飲餞，其銀得

朱提黃金塗物象，雕鏤妙工倂。乃令千里鯨，么麼微蠡斯。猶能爭明月，擺掉出涉瀾。野草花葉細，不辨菴菴蔬。綿綿相糾結，狀似環城陣。四隅芙蓉樹，攢豔皆猗猗。鯨以興君身，失所逢百罹。月以喻夫道，僥倖勵莫斲。草木明覆載，妍醜齊榮萎。願君恆御之行，止雜燧鱗。異日期對舉，當如合分支。

孟生詩

孟生江海士，古貌又古心。嘗讀古人書，請言古猶今。作詩三百首，實默咸池音。騎驢到京國，欲和薰風琴。豈識天子居，九重鬱沈沈。一門百夫守，無籍不可尋。晶光蕩相射，旗鼓以森邊。延午卻走，驚怪靡自任。舉頭看白日，泣涕下露襟。竭來遊公卿，莫肯低華簪。諒非軒冕族，應對多差參。萍蓬風波急，桑榆日月侵。奈何從進士，此路轉巖嶽。異質忌處羣，孤芳難寄林。誰憐松桂性，競愛桃李陰。朝悲辭樹葉，夕感歸巢禽。顧我多慷慨，窮檐時見臨。清宵靜相對，髮白聆苦吟。採蘭起幽念，眇然望東南。奏吳修且阻，兩地無數金。我論徐方牧，好古天下欽。竹實鳳所食，德馨神所歆。求觀衆邱小，必上泰山岑。求觀衆流細，必泛滄溟深。子其聽我言，可以當所箴。既獲則思返，無爲久滯淫。卞和試三獻，期子在秋礎。

將歸贈孟東野房劉客

君門不可入，勢利互相推。借問讀書客，胡爲在京師。舉頭未能對，閉眼聊自思。倏忽十六年，終朝苦寒飢。宦途竟寥落，鬢髮坐差池。潁水清且寂，箕山坦而夷。如今便當去，咄咄無自疑。

答孟郊

規模背時利，文字觀天巧。人皆食酒肉，子獨不得飽。纔吞思已亂，始秋悲又攪。朝餐動及午夜，諷恆至卯。名聲暫羶腥，腸肚鎮煎爛。古心雖自鞭，世路終難拗。弱巨喜張臂，猛拏閑縮爪。見倒誰肯扶，從曠我須餒。

從仕

居閑食不足，從仕力難任。兩事皆害性，一生恆苦心。黃昏歸私室，惆悵起歎音。棄置人間世，古來非獨今。

送劉師服

夏半陰氣始，淅然雲景秋。蟬聲入客耳，驚起不可留。草草具盤饌，不待酒獻酬。士生爲名累，有似魚中鉤。齋財入市賣，貴者恆難售。豈不畏顛顛，爲功忌中休。勉哉耘其業，以待歲晚收。

符讀書城南

木之就規矩，在梓匠輪輿。人之能爲人，由腹有詩書。詩書勤乃有，不勤腹空虛。欲知學之力，賢愚同一初。由其不能學，所入遂異閭。兩家各生子，提孩巧相如。少長聚嬉戲，不殊同隊魚。年至十二三，頭角稍相疏。二十漸乖張，清溝映汗渠。三十骨節成，乃一龍一豬。飛黃騰踏去，不能顧蟾蜍。一爲馬前卒，鞭背生蟲蛆。一爲公與相，潭潭府中居。問之何因爾，學與不學歟。金璧雖重寶，費用難貯儲。學問藏之身，身在則有餘。君子與小人，不繫父母且。不見公與相，起身自取鉏。不見三公後，寒飢出無贖。文章豈不貴，經訓乃

奮舊潢滋無根源，朝滿夕已除。人不通古今，馬牛而襟裾。行身陷不義，況望多名譽。時秋積雨霽，新涼人郊墟。燈火稍可觀，簡編可卷舒。豈不旦夕念，爲爾借居諸。恩義有相奪，作詩勸躊躇。

示爽

宣城去京國，里數逾三千。念汝欲別我，解裝具盤筵。日昏不能散，起坐相引牽。冬夜豈不長，達旦燈燭然。座中悉親故，誰肯捨汝眠。念汝將一身，西來曾幾年。名科掄衆俊，州考居吏前。今從府公召，府公又時賢。時輩千百人，孰不謂汝妍。汝來江南近，里間故依然。昔日同戲兒，看汝立路邊。人生但如此，其實亦可憐。吾老世味薄，因循致留連。強顏班行內，何實非罪愆。才短難自力，懼終莫洗滌。臨分不汝誑，有路卽歸田。

人日城南登高

初正候纔兆，涉七氣已弄。靄靄野浮陽，暉暉水披凍。聖朝身不廢，佳節古所用。親交既許來，子姪亦可從。盤蔬冬春雜，鱸酒清濁共。令徵前事爲，觴詠新詩送。扶杖凌屺陟，刺船犯枯葑。戀池羣鴨迴，釋橋孤雲縱。人生本坦蕩，誰使妄怙德。直指桃李園，幽尋寧止重。

病鴨

屋東惡水溝，有鴨墮鳴悲。青泥揜兩翅，拍拍不得離。羣童叫相召，瓦礫爭先之。計校生平事，殺卻理亦宜。奪攘不愧恥，飽滿盤天嬉。晴日占光景，高風送追隨。遂凌紫鳳羣，肯顧鴻鵠卑。今者運

命窮，遭逢巧丸兒。中汝要害處，汝能不得施。於吾乃何有，不忍乘其危。丐汝將死命，浴以清水池。朝餐輟魚肉，暝宿防狐狸。自知無以致，蒙德久猶疑。飽入深竹叢，飢來傍階基。亮無責報心，固以聽所爲。昨日有氣力，飛跳弄藩籬。今晨忽徑去，曾不報我知。僥倖非汝福，天衢汝休窺。京城事彈射，豎子豈易欺。勿諱泥坑辱，泥坑乃良規。

讀皇甫湜公安園池詩書其後

晉人目二子，其猶吹一呷。區區自其下，顧官掛身舌。春秋書王法，不誅其人身。爾雅注蟲魚，定非磊落人。湜也困公安，不自閑窮年。枉智思掇摭，糞壤污穢豈有憾。誠不如兩忘，但以一慨量。我有一池水，蒲葦生其間。蟲魚沸相嚼，日夜不得閑。我初往觀之，其後益不觀。觀之亂我意，不如不觀完。用將濟諸人，捨得棄孔顏。百年詎幾時，君子不可閑。

路傍堠

堆堆路傍堠，一雙復一隻。迎我出秦關，送我入楚澤。千以高山遮，萬以遠水隔。吾君勤聽治，照與日月敵。臣愚幸可哀，臣罪庶可釋。何當迎送歸，緣路高歷歷。

食曲河驛

晨及曲河驛，悽然自傷情。羣鳥巢庭樹，乳雀飛檐楹。而我抱重罪，子子萬里程。親戚頓乖角，圖史棄縱橫。下負明義重，上孤朝命榮。殺身諒無補，何用答生成。

過南陽

南陽郭門外，桑下麥青青。行子去未已，春鳩鳴不停。秦商趨既遠，湖海浩將經。孰忍生以感，吾其寄餘齡。

瀧吏

南行逾六旬，始下昌樂瀧。險惡不可狀，船石相春撞。往聞瀧頭吏，潮州尚幾里。行當何時到，土風復何似。瀧吏垂手笑，官何問之愚。警官居京邑，何由知東吳。東吳遊宦鄉，官知自有由。潮州底處所，有罪乃竄流。儂幸無負犯，何由到而知。官今行自到，那邊妄問爲不虞。卒見困汗出愧且駭，吏曰聊戲官，儂嘗使往龍嶺南。大抵同官去道苦遼，下此三千里。有州始名潮，惡溪瘴毒聚。雷電常洶洶，鱷魚大如船。牙眼怖殺儂，州南數十里，有海無天地。颶風有時作，掀簸真差事。聖人於天下，於物無不容。比聞此州囚，亦有生還儂。官無嫌此州，固罪人所徙。官當明時來，事不待說委。官不自謹慎，宜即引分往。胡爲此水邊，神色久懷慌。愆大餅，斃小所任自有宜。官何不自量，滿溢以取斯。工農雖小人，事業各有守。不知官在朝，有益國家不得無。益其閒不武，亦不文。仁義飾其躬，巧姦取羣倫。叩頭謝吏言，始慚今更羞。歷官二十餘，國恩竝未酬。凡吏之所訶，嗟實頗有之。不即金木誅，敢不識恩私。潮州雖云遠，雖惡不可過於身。實已多，敢不持自賀。

贈別元十八協律六首

知識久去眼，吾行其既遠。蒼蒼莫嘗省，默默但寢飯。子兮何

爲者？冠珮立憲憲。何氏之從學，爾慈已滿晚。於何翫其光，以至歲向晚。治惟尚和同，無俟於譽譽。或師絕學賢，不以謗自愧。子兮獨如何，能自媚婉婉。金石出聲音，宮室發闢鍵。何人識章甫，而知隄蹢躅。惜乎吾無居，不得留息偃。臨當背面時，裁詩示繼綫。

英英桂林伯，實維文武特。遠勞從事賢，來用逐臣色。南裔多山海，道里廣紆直。風波無程期，所憂動不測。子行誠艱難，我去未窮極。臨別且何言，有淚不可拭。吾友柳子厚，其人藝且賢。吾未識子時，已覽贈子篇。寤寐想風采，於今已三年。不意流竄路，旬日同食眠。所聞昔已多，所得今過前。如何又須別，使我抱捐捐。

勢要情所重，排斥則埃塵。骨肉未免然，又況四海人。巖巖桂林伯，矯矯義勇身。生平所未識，待我逾交親。遺我數幅書，繼以藥物珍。藥物防瘴癘，書勸養形神。不知四罪地，豈有再起辰。窮途致感激，肝膽還輪困。

讀書患不多，思義患不明。患足已不學，既學患不行。子今四美具，實大華亦榮。王官不可闕，未宜後諸生。嗟我擯南海，無由助飛鳴。

寄書龍城守，君驥何時秣。峽山逢颶風，雷電助撞碎。乘潮簸扶胥，近岸指一髮。兩巖雖云牢，木石互飛發。屯門雖云高，亦映波浪沒。余罪不足惜，子生未宜忽。胡爲不忍別，感謝情至骨。

初南食貽元十八協律

蠻貊如惡文，骨眼相負負。螻相黏爲山，百十各自生。蒲魚尾

如蛇口眼不相營。蛤卽是蝦蟇，同實浪異名。章舉馬甲柱，鬪以怪
自呈。其餘數十種，莫不可歎驚。我來禦魑魅，自宜味南烹。調以鹹
與酸，筆以椒與橙。腥臊始發越，叫吞面汗靡。惟蛇舊所識，實憚口
眼溼。開籠聽其去，鬱屈尚不平。賈爾非我罪，不屠豈非情。不斬靈
珠報，幸無嫌怨并。聊歌以記之，又以告同行。

宿曾江口，示姪孫湘，二首。

雲昏水奔流，天水滂相圍。三江滅無口，其誰識涯圻？暮宿投
民邨，高處水半扉。犬雞俱上屋，不復走與飛。篙舟入其家，暝聞屋
中啼。問知歲當然，哀此爲生微。海風吹寒晴，波揚衆星輝。仰視北
斗高，不知路所歸。

舟行亡故道，屈曲高林間。林閒無所有，奔流但潺潺。嗟我亦
拙謀，致身落南蠻。茫然失所詣，無路何能還？

答柳柳州食蝦蟇

蝦蟇雖水居，水特變形貌。強號爲蛙蛤，於實無所校。雖然兩
股長，其奈脊縱弛。跳躑雖云高，意不離滂淖。鳴聲相呼和，無理祇
取鬧。周公所不堪，灑灰垂典教。我棄愁海濱，恆願眠不覺。叵堪朋
類多，沸耳作鶯鷓。能敗笙磬，仍工亂學校。雖蒙勺踐禮，竟不聞
報效。大戰元鼎年，孰彊孰敗機。居然當鼎味，豈不辱釣罩。余初不
卜喉，近亦能稍稍。常懼染穢夷，失平生好樂。而君復何爲？甘食比
豢豹。獮較務同俗，全身斯爲孝。哀哉思慮深，未見許迴權。

別趙子

我遷於揭陽，君先揭陽居。揭陽去京華，其里萬有餘。不謂小
郭中，有子可與娛。心平而行高，兩通詩與書。婆娑海水南，簸弄明
月珠。及我遷宜春，意欲攜以俱。擺頭笑且言，我豈不足歎？又奚爲
於北？往來以紛如。海中諸山中，幽子頗不無。相期風濤觀，已久不
可渝。又嘗疑龍蝦，果誰雄牙鬚。蚌贏魚蠶蟲，瞿瞿以狙狙。識一已
忘十，大同自細殊。欲一窮究之，時歲屢謝除。今子南且北，豈非亦
有圖。人心未嘗同，不可一理區。宜各從所務，未用相賢愚。

除官赴闕至江州寄鄂岳李大夫

益城去鄂渚，風便一日耳。不枉故人書，無因帆江水。故人辭
禮闈，旌節鎮江圻。而我竄逐者，龍鍾初得歸。別來已三歲，望望長
迢遞。咫尺不相聞，平生那可計。我齒落日盡，君鬢白幾何。年皆過
半百，來自苦無多。少年樂新知，衰暮思故友。譬如親骨肉，寧免相
可。我昔實愚蠢，不能降色辭。子犯亦有言，臣猶自知之。公其務
賞過，我亦請改事。柔榆蠶可收，願寄相思字。

南山有高樹行贈李宗閔

南山有高樹，花葉何衰衰。上有鳳皇巢，鳳皇乳且棲。四旁多
長枝，羣鳥所託依。黃鸝據其高，衆鳥爲接其卑。不知何山鳥，羽毛有
光輝。飛飛擇所處，正得衆所希。上承鳳皇恩，自期永不衰。中與黃
鸝羣，不自隱其私。下視衆鳥羣，汝徒竟何爲？不知挾丸子，心默有
所規。彈汝枝葉間，汝翅不覺摧。或言由黃鸝，黃鸝豈有之。慎勿猜
衆鳥，衆鳥不足猜。無人語鳳皇，汝屈安得知。黃鸝得汝去，婆娑弄

毛衣前汝下視鳥各議汝瑕疵汝豈無朋匹有口莫肯開汝落蒿艾閒幾時復能飛哀哀故山友中夜思汝悲路遠翅翎短不得持汝歸

猛虎行

猛虎雖云惡亦各有匹儕羣行深谷間百獸望風低身食黃熊父子食赤豹擇肉於熊豹官視兎與狸正晝當谷眠眼有百步威自矜無當對氣性縱以乖朝怒殺其子暮還食其妃匹儕四散走猛虎還孤棲狐鳴門兩旁鳥鵲從噪之出逐猴入居虎不知所歸誰云猛虎惡中路正悲嗚豹來銜其尾熊來攫其頤猛虎死不辭但慙前所爲虎坐無助死況如汝細微故當結以信親當結以私親故且不保人誰信汝爲

山南鄭相公樊員外酬答爲詩其末咸有見及語樊封以示愈依賦十四韻以獻

梁維西南屏山厲水刻屈稟生肖勳剛誰諧在民物榮公鼎軸老烹斡力健侃帝咨汝予往牙齦前堊拂威風挾惠氣蓋壤兩劇拂茫漫華黑閒指畫變悅欵誠既富而美章棄霍炳蔚日延講大訓龜判錯袞蔽樊子坐賓署演孔刮老佛金春撼玉應厥臬劇蕙鬱遺我一言重聽受惕齋慄辭慳義卓闊呀豁疾拮据如新去叮嚀雷霆逼颺颺綴此豈爲訓俚言紹莊屈

奉和武相公鎮蜀時詠使宅韋太尉所養孔雀

穆穆鸞鳳友何年來止茲飄零失故態隔絕抱長思翠角高

獨聳金華煥相差坐蒙恩顧重畢命守階墀

感春三首

偶坐藤樹下暮春下旬閒藤陰已可庇落葉還漫漫蠶蠶新葉大瓊瓏晚花乾青天高寥寥兩蝶飛翩翩時節適當爾懷悲自無端

黃黃蕪菁花桃李事已退狂風簸枯榆狼籍九衢內春序一如此汝顏安足賴誰能駕飛車相從觀海外

晨遊百花林朱朱兼白白柳枝弱而細懸樹垂百尺左右同來人金紫貴顯劇嬌童爲我歌哀響跨箏笛豔姬蹋筵舞清眸刺劍戟心懷平生友莫一在燕席死者長眇芒生者困乖隔少年真可喜老大百無益

早赴街西行香贈盧李二中舍人

天街東西異祇命遂成游月明御溝曉蟬吟隄樹秋老僧情不薄僻寺境還幽寂寥二三子歸騎得相收

晚寄張十八助教周郎博士

日薄風景曠出歸偃前檐晴雲如擘絮新月似磨鎌田野興偶動衣冠情久厭吾生可攜手歎息歲將淹

題張十八所居

君居泥溝上溝濁萍青青蛙誰橋未掃蟬噤門長寫名秩後千品詩文齊六經端來問奇字爲我講聲形

奉和錢七兄曹長盆池所植

翻翻江浦荷，而今生在此。攢攢菰葉長，芳根復誰徙？露滿兩
鮮梨，風蕩相磨倚。但取主人知，誰言益益是？

南內朝賀歸呈同官

薄雲蔽秋曦，清雨不成泥。罷賀南內衙，歸涼曉淒淒。綠槐十
二街，渙散馳輪蹶。余惟戀書生，孤身無所贖。三黜竟不去，致官九
列齊。豈惟一身榮，珮玉冠簪犀。混蕩天門高，著籍朝厥妻。文才不
如人行，又無町畦。問之朝廷事，略不知東西。況於經籍深，豈究端
與倪？君恩太山重，不見酬稗稊。所職事無多，又不自提撕。明庭集
孔鸞，曷取於鳧鷖？樹以松與柏，不宜閒蒿蕪。婉嬖自媚好，幾時不
見擠？貪食以忘軀，鈔不調鹽醢。法吏多少年，磨澤出角圭。將舉汝
愆尤，以爲己階梯。收身歸關東，期不到死迷。

朝歸

峨峨進賢冠，耿耿水蒼珮。服章豈不好？不與德相對。顧影聽
其聲，頰頰汗漸背。進乏大雞效，又不勇自退。坐食取其肥，無堪等
鸞膾。長風吹天墟，秋日萬里曠。抵暮但昏眠，不成歌慷慨。

雜詩四首

朝蠅不須驅，暮蚊不可拍。蠅蚊滿八區，可盡與相格。得時能
幾時，與汝恣啖昨。涼風九月到，掃不見蹤迹。

鵲鳴聲檜檜，烏噪聲攫攫。爭鬪庭宇間，持身博彈射。黃鵠能
忍飢，兩翅久不擊。蒼蒼雲海路，歲晚將無獲。

截撥爲樽檯，斲檯以爲椽。束蒿以代之，小大不相權。雖無風

雨災，得不覆且顛。解轡棄騏驎，囊鹽鞭使前。峴崙高萬里，歲盡道
苦邇。停車臥輪下，絕意於神仙。

讀東方朔雜事

雀鳴朝營食，鳩鳴暮覓羣。獨有知時鶴，雖鳴不緣身。暗蟬終
不鳴，有抱不列陳。蛙黽鳴無謂，閑閑祇亂人。

嚴殿王母宮，下維萬仙家。噫欠爲飄風，濯手大雨沱。方朔乃
豎子，驕不加禁訶。偷入雷電室，鞦韆掉狂車。王母聞以笑，衛官助
呀呀。不知萬萬人，生身埋泥沙。簸頓五山踣，流漂八維蹉。曰吾兒
可憎，奈此狡獪何。方朔聞不喜，褫身絡蛟蛇。瞻相北斗柄，兩手自
相按。羣仙急乃言，百犯庸不科。向觀睥睨處，事在不可救。欲不布
露言，外口實諠譁。王母不得已，顏頰口齟齬。頰頰可其奏，送以紫
玉珂。方朔不懲創，挾恩更矜誇。詆欺劉天子，正晝溺殿衙。一旦不
辭訣，臆身凌蒼霞。

譴瘡鬼

屑屑水帝魂，謝謝無餘輝。如何不肖子，尙奮瘡鬼威？乘秋作
寒熱，翁媪所罵譏。求食歐泄間，不知臭穢非。醫師加百毒，熏濯無
停機。灸師施艾炷，酷若獵火圍。詛師毒口牙，舌作霹靂飛。符師弄
刀筆，丹墨交橫揮。咨汝之胄出，門戶何巍巍。祖軒而父頊，未沫於
前徽。不修其操行，賤薄似汝稀。豈不忝厥祖，覩然不知歸。湛湛江
水清，歸居安汝妃。清波爲裳衣，白石爲門畿。呼吸明月光，手掉芙
蓉旂。降集隨九歌，飲芳而食菲。贈汝以好辭，出汝去莫違。

示兒

始我來京師，止攜一束書。辛勤三十年，以有此屋廬。此屋豈爲華？於我自有餘。中堂高且新，四時登牢蔬。前榮饌賓親，冠婚之所於。庭內無所有，高樹八九株。有藤蓂絡之，春夏復陰敷。東堂坐見山，雲風相吹嘘。松果連南亭，外有瓜芋區。西偏屋不多，槐榆翳空虛。山鳥旦夕鳴，有類瀾谷居。主婦治北堂，膳服適戚疏。恩封高平君，子孫從朝裾。開門問誰來，無非卿大夫。不知官高卑，玉帶懸金魚。問客之所爲，幾冠講唐虞。酒食罷無爲，棊槩以相娛。凡此座中人，十九持鈞樞。又問誰與頻，莫與張樊如。來過亦無事，考評道精蘊。蹀躞媚學子，牆屏日有徒。以能問不能，其蔽豈可祛。嗟我不修飾，事與庸人俱。安能坐如此，比肩於朝儒。詩以示兒曹，其無迷厥初。

庭楸

庭楸止五株，共生十步間。各有藤繞之，上各相鉤聯。下葉各垂地，樹類各雲連。朝日出其東，我常坐西偏。夕日在其西，我常坐東邊。當晝日在上，我在中央閒。仰視何青青，上不見纖穿。朝暮無日時，我且八九旋。濯濯晨露香，明珠何聯聯。夜月來照之，舊荷自生煙。我已自頽鈍，重遭五楸牽。客來尙不見，官到權門前。權門衆所趨，有客動百千。九牛亡一毛，未在多少閒。往既無可顧，不往自可憐。

翫月喜張十八員外以王六祕書至

前夕雖十五，月長未滿規。君來陪我時，風露渺無涯。浮雲散白石，天宇開青池。孤質不自憚，中天爲君施。旣旣夜遂久，亭亭曙將披。況當今夕圓，又以嘉客隨。惜無酒食樂，但用歌嘲爲。

和李相公攝事南郊覽物興懷呈一二知舊

燦燦辰角曉，亭亭寒露朝。川原共澄映，雲日還浮飄。上宰嚴祀事，清途振華鑣。圓邱峻且坦，前對南山標。村樹黃復綠，中田稼何饒。顧瞻想巖谷，興歎倦塵囂。惟彼顛覆者，去公豈不遑。爲仁朝自治，用靜兵以銷。勿憚吐握勤，可歌風雨調。聖賢相遇少，功總令宣昭。

和裴僕射相公假山十一韻

公乎眞愛山，看山且連夕。猶嫌山在眼，不得著腳歷。杜語山中人，句我澗側石。有來應公須，歸必載金帛。當軒乍駢羅，隨勢忽開坼。有洞若神剌，有巖類天劃。終朝巖洞閒，歌鼓燕賓戚。孰謂衡霍期，近在王侯宅。傅氏築已卑，磻溪釣何激。逍遙功德下，不與事相摭。樂我盛明新，於焉傲今昔。

與張十八同效阮步兵一日復一夕

一日復一日，一朝復一朝。祇見有不如，不見有所超。食作前日味，事作前日調。不知久不死，憫憫尙誰要。富貴自繫拘，貧賤亦煎焦。俯仰未得所，一世已解鑿。譬如籠中鶴，六翮無所搖。譬如兔得蹏，安用東西跳。還看古人書，復舉前人瓢。未知所究竟，且作新詩謠。

送諸葛覺往隨州讀書

鄴侯家多書，插架三萬軸。一一懸牙籤，新若手未蠶。爲人強
記覽，過眼不再讀。偉哉羣聖文，磊落載其腹。行年餘五十，出守數
已六。京邑有舊廬，不容久食宿。臺閣多官員，無地寄一足。我雖官
在朝，氣勢日局縮。屢爲承相言，雖懇不見錄。送行過滄水，東望不
轉目。今子從之游，學問得所欲。入海觀龍魚，矯翮逐黃鵠。勉爲新
詩章，月寄三四幅。

南溪始泛，三首

榜舟南山下，上上不得返。幽事隨去多，孰能量近遠？陰沈過
連樹，藏昂抵橫坂。石竈肆磨礪，波惡厭牽挽。或倚偏岸漁，竟就平
洲飯。點點暮雨，靈梢梢新月。餘年懷無幾，休日愴已晚。自是病
使然，非由取高蹇。

南溪亦清駛，而無櫂與舟。山農驚見之，隨我觀不休。不惟兒
童輩，或有杖白頭。饋我籠中瓜，勸我此淹留。我云以病歸，此已頗
自由。幸有用餘俸，置居在西疇。困食米穀滿，未有日夕憂。上去無
得得，下來亦悠悠。但恐煩里閭，時有緩急投。願爲同社人，雞豚燕
春秋。

足弱不能步，自宜收朝躡。羸形可與致，佳觀安可擲？卽此南
坂下，久聞有水石。扞舟入其間，溪流正清激。隨波吾未能，峻瀨乍
可刺。鸞起若導吾，前飛數十尺。亭亭柳帶沙，團團松冠壁。歸時還
盡夜，誰謂非事役？

聯句

城南聯句

竹影金瓊碎，泉音玉淙淙。瑠璃翳木葉，翡翠開園英。流滑隨
仄步，搜尋得深行。遙岑出寸碧，遠日增雙明。乾綵紛挂地，化蟲枯
揭莖。木腐或垂耳，草珠競駢睛。浮虛有新劇，摧抗饒孤撐。囚飛黏
網動，盜啗接彈驚。脫實白開坼，牽柔誰繞縈。禮風拱而立，駭牛躅
且鳴。蔬甲喜臨社，田毛樂寬征。露螢不自暖，凍蝶尚思輕。宿羽有
先曉，食鱗時半橫。菱翻紫角利，荷折碧圓傾。楚膩鱗鮪亂，撥羞螺
蟹并。桑蠶見虛指，穴徑聞鬪瘴。逗翳翅相築，擺幽尾交撈。蔓涎角
出縮，樹隊頭敲鏗。修箭覆金甌，羣鮮沛池羹。岸殼拆立光，野蕪漸
豐萌。密煙暮疏島，沙篆印迴平。痒肌遭蚝刺，嗽耳聞雞生。奇慮恣
迴轉，遐睎縱逢迎。嶺林戢遠睫，縹氣夷空情。歸迹歸不得，捨心捨
還爭。靈麻撮狗彘，村腥噉禽猩。紅蠶曬滂瓦，黃團繫門衡。得雋蠅
虎健，相殘雀豹趨。束枯樵指禿，刈熟擔肩頰。澀旋皮卷鬻，苦開腹
彭亨。機春滌浚力，吹簸飄飄精。賽饌木盤饌，叛妖藤索耕。荒學五
六卷，古藏四三瑩。里儒拳足拜，士怪閃眸偵。蹶道補復破，絲窠掃
還成。暮堂蝙蝠沸，破甕伊威盈。追此訊前主，答云皆家卿。敗壁剝
寒月，折筭嘯遺笙。桂熏霏霏在，慕迹微微早。劍石猶鏗檻，獸材尙
拏檣。寶唾拾木盡，玉噉墮猶鎗。臆綃疑悶豔，妝燭已銷繁。綠髮抽
珉甃，青膚聳瑤楨。白蛾飛舞地，幽蓋落書棚。惟昔集嘉詠，吐芳頰
鳴嚶。窺奇摘海異，恣韻激天鯨。腸胃繞萬象，精神驅五兵。蜀雄李

杜拔，獄力雷車轟。大句幹玄造，高言軋霄擘。芒端轉寒煥，神助溢
 杯觥。巨細各乘運，湍滄亦騰聲。浪花咀粉藥，削縷穿珠櫻。綺語洗
 晴雪，嬌辭弄雛鸞。酣歡雜弁珥，繁價流金瓊。齒茗寫紅調，萎蕤綴
 藍瑛。庖霜膾玄鯽，浙玉炊香梗。朝饌已百態，春醪又千名。哀匏蹙
 駛景，冽唱凝餘品。解魄不自主，痺肌坐空暝。扳援賤蹊絕，炫曜仙
 選更。慧巧競採笑，駢解互探嬰。桑變忽蕪蔓，樟裁浪登丁。價鬪詎
 能極，風知誰復賡。皋區扶帝壤，瓊蘊郁天京。祥色被文彥，良才插
 杉櫟。隱伏饒氣象，興潛示堆坑。擊華露神物，擁終儲地祲。許謨壯
 締始，輔弼登階清。空秀恣填塞，呀靈滂淨澄。益大聯漢魏，肇初邁
 周歲。積照涵德鏡，傳經儷金籙。食家行鼎節，寵族飭弓旌。弃制盡
 從賜，殊私得逾程。飛橋上架漢，綠岸俯規瀛。瀟碧遠輪委，湖廣費
 攜擊。荀苜從大漠，楓櫺至南荆。嘉植流危朽，膏理易滋榮。懸長巧
 紐翠，象曲善攢珩。魚口星浮沒，馬毛錦斑駁。五方亂風上，百種分
 鉏耕。葩蕖相妒出，菲茸共舒晴。類招臻瓊個，流翼萃伏衿。纓。危岸跨
 飛動，冥升躡登閣。春游轆轤靡，彩伴颯嫵娘。遺燦飄的礫，淑顏洞
 精誠。嬌應如在寤，頰意若含醒。鵝羸翔衣帶，鵝肪截佩璜。文昇相
 照灼，武勝屠攬槍。副錦不酬價，構雲有高營。通波切鱗介，疏曠富
 蕭蕪。買養剛孔翠，遠苞樹蕉栴。鴻頭排刺茨，鵝鶩攢瓊橙。鶯廣雜
 良牧，蒙休賴先盟。罷旄奉環衛，守封踐忠貞。戰服脫明介，朝冠飄
 彩紉。符動逮儻隸，簪笏白懷綳。乳下秀疑嶸，椒蕃泣嗶嗶。貌猶清
 溢，匣眸光寒發。酬館儒養經史，綴威觴孫理。考鍾饋肴核，曼鼓侑

牢牲。飛騰自北下，南珍極東烹。如瓜煮大卵，比線茹芳菁。海嶽錯
 口腹，趙燕錫媼姪。一笑釋仇恨，百金交弟兄。貨至貊戎市，呼傳豔
 鴿令。順屠無鬼瞰，抑橫免官評。殺候肆凌弱，籠原市置紉。羽空顛
 雉鷩，血路迸狐麋。折足去蹠蹕，蹙蹙怒鬚鬣。踞大疾鴛鳥，呀鷹甚
 飢虵。算蹏計功賞，裂腦擒挫搦。猛弊牛馬樂，妖殘身鴛鴦。窟窮尚
 噴視，箭出方驚抨。連箱載已實，虞轍棄仍贏。喘端鋒刃點，困銜株
 柢首。掃淨豁曠曠，騁遙略卒卒。饑投飽活鬻，惡嗜嘔腥鯖。歲律及
 郊至，古音命韶箴。旗旆流日月，帳廬扶棟壺。磊落奠鴻璧，參差席
 香夏。玄祇祉兆姓，黑秬饌豐盛。慶流錫瘡癘，咸暢捐贖。靈燔望
 高罔，龍駕聞鼓颺。是惟禮之盛，永用表其宏。德孕厚生植，恩熙完
 別剝。宅土盡華族，運田閒疆毗。蔭庾森嶺檜，隊場翻祥鵬。哇肥翳
 菲蕤，陶固收盆嬰。利養積餘健，孝思事嚴勅。掘雲破帶噪，採月漉
 坳泓。寺砌上明鏡，僧盃敲晚鉦。泥像對騁怪，鐵鏡孤春鋒。瘦頸闊
 鳩鵠，蛇巨亂蛛螻。榼黑老蠶蠟，麥黃韻驪駒。韶曙遲勝賞，賢朋戒
 先庚。馳門填僮仄，競壘輾砢碎。碎纈紅滿杏，稠凝碧浮錫。燧繩覲
 娥婺，鬪草擷瓊瑤。紛汗澤廣額，金星墮連環。鼻倫困淑郁，眼刺彊
 盯矚。是節飽顏色，茲疆稱都城。書饒罄魚繭，紀盛播琴箏。奚必事
 遠覲，無端逐羈僮。將身親鸚魅，浮迹侶鷓鴣。腥味空冥屈，天年徒
 羨彭。驚魂見蛇蚓，觸嗅噴蝮蟻。幸得履中氣，忝從拂天根。歸私暫
 休暇，驅明出庠疊。鮮意輕輭暢，連輝照瓊瑤。陶喧逐風乙，躍視舞
 晴蜻。足勝自多詣，心貪敵無勅。始知樂名教，何用苦拘傳。畢景任

詩趣，焉能守齋？

會合聯句

離別言無期，會合意彌重。病添兒女戀，老喪丈夫勇。劍心知未死，詩思猶孤聳。愁去劇箭飛，讓來若泉涌。析言多新貫，據抱無昔壘。念難須動追，悔易勿輕踵。吟巴山，牽臂說楚波。堆顰馬辭虎，豹怒舟出蛟。蠶恐狂鯨時，孤軒幽狹雜。百種瘵衣常，腥膩變器多。疏冗刺苔弔斑林，角飯餌沈塚。忽爾銜遠命，歸歟舞新寵。鬼窟脫幽妖，天居覲清拱。京遊步方振，謫夢意猶恂。詩書誇舊知，酒食接新奉。嘉言寫清越，瘵病失耽腫。夏陰偶高庇，宵魄接虛擁。雪絃寂寂聽，若盤纖纖捧。馳輝燭浮螢，幽響泄潛葢。詩老獨何心，江疾有餘蘆。我家本薄殼，有地介皋舉。休迹憶沈冥，峩冠慙蘭燭。升朝高轡逸，振物羣聽悚。徒言濯幽泌，誰與薙荒茸。朝紳鬱青綠，馬飾曜珪珙。國讎未銷鏢，我志蕩邛隴。君才誠倜儻，時論方洵格。言多彪蔚，懸苦無枯拳。張生得淵源，寒色拔山家。堅如撞羣金，眇若抽獨蛹。伊余何所擬，跋鼈詎能踴。塊然墮岳石，飄爾冒巢醜。龍旆垂天衛，雲韶凝禁雨。君胡眠安然，朝鼓聲洶洶。

鷓鴣聯句

大鷄昂然來，小雞竦而待。崢嶸顛盛氣，洗刷凝鮮彩。高行若矜豪，側睨如何殆。精光目相射，劍戟心獨在。既取冠爲貴，復以距爲鏃。天時得清寒，地利挽爽垲。磔毛各噉瘁，怒鬣爭碾磊。俄膺忽爾低，植立暫而改。膺膊戰聲喧，續翻落羽墮。中休事未決，小挫勢

益倍。娟腸務生敵，賊性專相醜。裂血失鳴聲，啄殷甚飢餓。對起何急驚？隨旋誠巧給。毒手飽李陽，神槌困朱亥。側心我以仁，碎首爾何罪？獨勝事有然，旁驚汗流浹。知雄心動，顏怯負愁看。貽爭觀雲填道，助叫波翻海。事刃深難解，曠晴時未忘。一噴一醒然，再接再礪乃。頭垂碎丹砂，翼揚拖錦綵。連軒尙賈餘，清厲比歸凱。選俊感收毛，受恩甄始隗。英心甘鬪死，義肉恥庖宰。君看鬪雞篇，短韻有可採。

納涼聯句

暹曠取遙風，微微近秋期。金柔氣尚低，火老候愈濁。熙熙炎光流，竦竦高雲攏。閃紅驚蚋虻，凝赤聳山嶽。目林恐焚燒，耳井憶滂澗。仰懼失交泰，非時結冰雹。化鄧渴且多，奔河誠已懣。曠道者誰子，叩商者何樂。浩矣得滂沱，感然鳴驚鷲。嘉願苟未從，前心空緬邈。清砌千迴坐，冷環再三握。煩懷卻醒醒，高意還卓卓。龍沈劇羨鱗，牛喘甚焚角。蟬煩鳴轉喝，鳥噪飢不啄。畫蠅食案繁，宵蚋肌血濕。單絺厭已膩，長箠倦還提。幸茲得佳朋，於此蔭華桺。青葵文簾施，淡澁瓜瓜濯。大壁曠凝淨，古畫奇駭罕。淒如狐寒門，皓若攢玉璞。掃寬延鮮鱗，汲冷積香穉。篋寶摘林珍，盤肴饋禽獸。空堂喜淹留，貧饑羞齷齪。殷勤相勸免，左右加勸斷。賈勇發霜刃，爭前曬冰槩。微然草根響，先被詩情覺。感衰悲舊改，工異逞新貌。誰言攜朋老，猶自將心學。危檐不敢憑，朽機懼傾撲。青雲路難近，黃鶴足仍銜。未能飲淵泉，立滯叫芳藥。與子昔睽離，嗟余苦屯剝。直道敗

邪徑，相謀傷巧詠。炎湖度氛氣，熱石行牽碣。瘠飢夏尤甚，瘡渴秋更數。君顏不可覲，君手無由搦。今來沐新恩，庶見返鴻朴。儒庠恣游息，聖籙飽商推。危行無低徊，正言免咍嚙。車馬獲同驅，酒醪欣共飲。惟憂棄管削，敢望待帷幄。此志且何如，希君爲追琢。

秋雨聯句

萬木聲號呼，百川氣交會。庭翻樹離合，牖變景明蕪。深漲蕩未終，飛浮亦云泰。牽懷到空山，屬聽邇驚瀨。檐垂白練直，渠漲清湘大。甘津澤祥禾，伏潤肥荒艾。主人吟有歡，客子歌無索。侵陽日沈立，剝節風搜兌。塊圪遊峽喧，颼颼臥江汰。微飄來枕前，高灑自天外。蒼穴何迫迤，蟬枝掃鳴噓。援菊茂新芳，逕蘭銷晚鵠。地鏡時昏曉，池星競漂浦。譟嗽尋一聲，灌注咽羣籟。儒宮煙火溼，市舍煎熬伙。臥冷空避門，衣寒屢循帶。水怒已倒流，陰繁恐礙害。憂魚思舟織，感禹勤吠滄。懷襄信可畏，疏決須有賴。箴命或馮著，卜時將問蔡。庭商忽驚舞，墟藥亦親酌。氛醲稍疏映，擘亂還擁育。陰旌時膠流，帝鼓鎮旬磁。棗園落青瓊，瓜畦爛文具。貧薪不燭窳，富粟空填廕。秦俗動言利，魯儒欲何巧。深路倒羸躄，弱途擁行軼。毛羽皆遭凍，離徙不能翻。翻浪洗虛空，傾濤敗藏蓋。吾人猶在陳，僮僕誠自鄙。因思征蜀士，未免逐戎旆。安得發商瀕，廓然吹宿霧。白日懸大野，幽泥化輕盞。戰場暫一乾，賊肉行可膾。搜心思有效，抽策期稱最。豈惟慮收獲，亦以救顛沛。禽情初嘯嘯，礎色微收霏。庶幾諧我願，遂止無已太。

征蜀聯句

日王忿違傲，有命事誅拔。蜀險豁關防，秦政縱橫猾。風旗而地揚，雷鼓轟天殺。竹兵彼披脆，鐵刃我鎗鏃。刑神咤承旄，陰礙貼岸札。翻電粉紛偃，塞野涌塊扎。生瘳競掣跌，癡突爭填軋。渴鬪信脛吸，敵恡何嗅嗜。更呼相簸蕩，交所雙缺齧。火發激鋸腥，血漂騰足消。飛柔無整陣，翻鷗有邪憂。江倒沸鯨鯨，山搖潰獼獼。中離分三外，變迷七八逆。顛盡微索仇，頭恣髡髻。怒鬚猶拳鬚，斷臂仍瓢顛。石潏設奇伏，穴醜聘精察。中矢類妖疹，跳鋒狀鷲狗。踴翻衆林嶺，斗起成埃坵。崩亡多空扛，軸折鮮聯轄。虜膚決瘡痍，敗面碎剗割。渾奔肆狂勦，捷竄脫趨點。巖鉤踔狙猿，水漉雜鱸蜎。投奮闢竊，墮填隄儼。強晴死不閉，擴眼困愈眩。蕪堞熯歛熹，抉門呀拗闔。天刀封未坼，曾膽慄前擺。陸梁排郁縮，闔竄揆窟窳。迫脅聞雞驅，咿呦叫冤跼。窮區指清夷，兇部坐雕鏤。邛文裁麥壘，巴豎收媼媼。推肥牛呼牟，載實駝鳴圖。聖靈閱頑醫，養均草藜。下書遏雄號，解罪弔擊瞎。戰血時銷洗，劍霜夜清刮。漢棧罷置闕，瘴江息澎湃。戎寒絕鞬乘，刀暗歇管督。始去杏飛蜂，及歸柳嘶蜚。廟獻繁馘級，樂聲洞控榻。臺圖煥丹玄，郊告儼匏藉。念齒慰微薰，視傷悼癡疵。休輪任訛寢，報力厚黏粘。公歡鐘晨撞，室宴絲曉拈。盃盃酒醪箱，篋饋巾帙。小臣味戎經，維用贊勳勅。

同宿聯句

自從別君來，遠出遭巧譖。班班落春淚，浩浩浮秋浸。毛奇觀

象犀，羽怪見鷓鴣。朝行多危棧，夜臥饒驚枕。生榮今分險，死棄昔情任。鷓行參綺陌，雞唱聞清禁。山晴指高標，槐密驚長蔭。直辭一以薦，巧舌千皆矜。匡鼎惟說詩，桓譚不讀讖。逸韻何嘈噉，高名俟沾質。粉葩歡屢填，曠朗憂早慘。爲君開酒腸，顛倒舞相飲。曦光霽曙物，景曜鏖宵禱。儒門雖大啓，姦首不敢闕。義泉雖至近，盜案不敢沁。清琴試一揮，白鶴叫相暗。欲知心同樂，雙鸞抽作紙。

雨中寄孟刑部幾道聯句

秋潦淹轍迹，高居限參拜。耿耿蓄良思，遙遙仰嘉話。一晨長隔歲，百步遠殊界。商聽饒清聲，悶懷空抑噉。美君知道腴，逸步謝天械。吟鑿鑿紛雜，抱照瑩疑怪。撞宏聲不掉，輪瀾漏逾殺。櫛蕩碎江噴，街流淺溪邁。念初相遭逢，幸免因媒介。祛煩類決壘，愜興劇爬疥。研文較幽玄，呼博騁雄快。今君輟方馳，伊我羽已鍛。溫存感惠深，塚切表明誠。迨茲更凝情，暫阻若嬰瘵。欲知相從盡，靈珀拾纖芥。欲知相益多，神藥銷宿瘵。德符仙山岸，永立難欹壞。氣滿秋天河，有朗無驚湃。祥鳳遺蒿鴟，雲韶掩夷鞅。爭名求鵠徒，騰口甚蟬鳴。未來聞已赫，始鼓敵前敗。鬪場再鳴先，遐路一飛屆。東野繼奇躅，修懸懸衆牒。穿空細邱垤，照日陋管削。小生何足道，積憤如觸蠶。情惜抱所諾，翼翼自申戒。聖書空勸讀，盜食敢求噉。惟當騎款段，豈望覲珪玕。弱操愧筠杉，微芳比蕭薺。何以驗高明，柔中有剛夫。

遠遊聯句

別腸車輪轉，一日一萬周。離思春冰泮，瀾漫不可收。馳光忽以迫，飛轡誰能留。取之詎灼灼，此去信悠悠。楚客宿江上，夜魂棲浪頭。曉日生遠岸，水芳綴孤舟。村飲泊好木，野蔬拾新柔。敢含悽悽別，中結鬱鬱愁。人憶舊行樂，鳥吟新得儔。靈瑟時宵會，露猿夜啾啾。憤懣氣尚盛，恨竹淚空幽。長懷絕無已，多感良自尤。卽路涉獻歲，歸期渺涼秋。兩歡日牢落，孤悲坐綢繆。觀怪忽蕩漾，叩奇獨冥搜。海鯨吞明月，浪島沒大瀛。我有一寸鉤，欲釣千丈流。良知忽然遠，壯志鬱無抽。魍魅暫出沒，蛟螭互蟠縲。呂言拜彈禹，舉颯凌斗牛。懷精魄賢屈，乘桴追聖邱。飄然天外步，豈肯區中囚。楚些待誰弔，賈辭緘恨投。翳明弗可曉，秘魂安所求。氣毒放逐域，孽羅芳菲疇。當春忽淒涼，不枯亦颯颯。貂裘衆狼歎，巴語相咿嚙。默誓去外俗，嘉願還中州。江生行既樂，躬輦自相勸。飲醇趣明代，味腥謝荒陬。馳深鼓利機，趨險驚蜚輶。繫石沈斬尙，開弓射鵝毚。路暗執屏翳，波驚戮陽侯。廣泛信縹緲，高行恣浮游。外患蕭蕭去，中悒稍稍瘳。振衣造雲闕，跪坐陳清猷。德風變讒巧，仁氣銷戈矛。名聲照四海，淑問無時休。歸哉孟夫子，歸去無夷猶。

晚秋郾城夜會聯句

從軍古云樂，談笑青油幕。燈明夜觀棊，月暗秋城柝。羈客方寂歷，驚鳥時落泊。語闌壯氣衰，酒醒寒砧作。遇主貴陳力，夷凶匪兼弱。百牛犢輿師，千戶購首惡。平生耽論兵，未暮不輕諾。徒然感恩義，誰復論勳爵。多士被沾污，小夷施毒蠱。何當鑄劍戟，相與歸

臺閣室婦歎鳴鶴，家人祝喜鵲。終朝考著龜，何日親烝酌？聞使斷津梁，濟軍索林薄。紅塵羽書靖，大水沙囊涸。銘山子所工，插羽余何忤？未足煩刀俎，祇應輸管籥。雨矢逐天狼，電矛驅海若。靈誅固無縱，力戰誰敢卻？峨峨雲梯翔，赫赫火箭著。連空隳雉堞，照夜焚城郭。軍門宣一令，廟算建三略。雷鼓揚千槍，浮橋交萬笮。蹂野馬雲騰，映原旗火燦。疲氓墜將拯，殘虜狂可縛。摧鋒若龜兕，超乘如猛獍。逢掖服翻慚，漫胡纓可愕。星殞聞雉雉，師興隨唳鶴。虎豹貪犬牛，鷹鷂憎鳥雀。燒陂除積聚，灌壘失依託。憑軾諭昏迷，執戈征暴虐。倉空戰卒飢，月黑探兵錯。兇徒更蹈藉，逆族相啗嚼。軸轡互淮泗，旆旌連夏鄂。大野縱氏荒，長河浴駟駱。東西競角逐，遠近施繒繳。人怨董聚謠，天殃鬼行瘴。漢刑支郡黜，周制閑田削。侯社退無功，鬼薪懲不恪。余雖司斧鑕，情本尙邱壑。且待獻俘囚，終當返耕穫。藁街陳鉄鉞，桃塞興錢鏞。地理畫封疆，天文掃寥廓。天子憫瘡痍，將軍禁鹵掠。策勳封龍額，歸獸獲麟腳。詰誅敬王怒，給復哀民瘼。澤髮解兜牟，醜顏傾鑿落。安存惟恐晚，洗雪不論昨。暮鳥已安巢，春蠶看滿箔。聲明動朝關，光寵耀京洛。旁午降絺綌，中堅擁鼓鐸。密坐列珠翠，高門塗粉臞。跋朝賀書飛，塞路歸鞍躍。魏闕橫雲漢，秦關束巖嶂。拜迎羅藥綬，問遺結囊囊。江淮永清晏，宇宙重開拓。是日號昇平，此年名作醴。洪赦方下究，武慶亦旁魄。南據定

蠻陬，北攬空朔漠。儒生慨教化，武士猛剝斫。吾相兩優游，他人雙落莫。印從負鼎佩，門爲登壇鑿。再入更顯嚴，九遷彌寥謬。賓筵盡狐趙，導騎多衛霍。國史擅芬芳，宮娃分綽約。丹掖列鸞鷲，洪鑪衣狐貉。摘文揮月毫，講劍淬霜鏢。命衣備藻火，賜樂兼摛搏。兩廡鋪氈氍，五鼎調勺藥。帶垂蒼玉佩，轡蹙黃金絡。誘接謂登龍，馳趨狀傾葦。青娥翳長袖，紅頰吹鳴篳。儻不忍辛勤，何山恣歡謔。惟當早貴富，豈得覓寂寞。但擲屣笑金，仍祈卻老藥。歿廟配籙皐，生堂合馨鑄。安行庇松篁，高臥枕莞蕩。洗沐恣蘭芷，割烹厭脾臄。喜顏非忸怩，達志無隕渡。談諧酒席展，慷慨戎裝著。斬馬祭旄纛，魚羔禮芒屨。山多離隱豹，野有求伸蟻。推選閱羣材，薦延搜一鶚。左右供詔譽，親交獻諛嘯。名聲戰揄揚，權勢實熏灼。道舊生感激，當歌發酬酢。羣孫輕綺紈，下客豐醴酪。窮天貢賅異，市海賜醢醢。作樂鼓還槌，從禽弓何彘。取歡移日飲，求勝通宵博。五白氣爭呼，六奇心運度。恩澤誠布濩，醫頑已籥勺。告成上云亭，考古垂矩矱。前堂清夜吹，東第良晨酌。池蓮折秋房，院竹翻夏籜。五狩朝恆岱，三畋宿楊柞。農書乍討論，馬法長懸格。雪下收新息，陽生過京索。兩牛時寢訛，我僕或歌喏。帝載彌天地，臣辭劣螢燭。爲詩安能詳，庶用存糟粕。

